



2 vol.

A xvii a

17182/A/2²
70











LVGDVNIBATAVORVM
Apud JOH : ARN : LANGERAK.
1730

A U R. C O R N.

C E L S I

D E

M E D I C I N A

L I B R I O C T O

Brevioribus **ROB. CONSTANTINI,**
IS. CASAUBONI ALIORUMQUE
 Scholiis ac locis parallelis illustrati

*Cura & Studio***TH. J. AB ALMELOVEEN,**

M. D. ET PROFESSORIS.

*Accedunt Joh. Rhodii vita C. Celsi, item contenta Caputum &
 Index Auctorum Veterum qui passim in hoc opere citantur,
 præterea collatio trium Vet. Edition. & MSS. Ital. &c.*

Editio ultima prioribus multo auctior & emendatior.



LUGDUNI BATAVORUM,

Apud **JOH. ARN. LANGERAK,**

M DCC XXX.

GUILLIELMO ROËL,

ANATOMIÆ ET CHIRURGICES

A P U D AMSTELODAMENSES

PROFESSORI CELEBERRIMO.



ELSUM tibi offero
Medicæ apud Ro-
manos artis facile ut
& Chirurgicæ Prin-
cipem. Offero tibi, quo &
publice tester gratum animum
propter communicationem E-
ditionis Vulpianæ, quæ apud
Italos cum doctissimi Morga-
gnii Epistolis prodiit. Nec tan-
tum huic meæ Editioni in qua
* 3 quam

D E D I C A T I O.

quam accuratissime Celsi verba dare conatus fui, Patronus ut sis, sed Celsus ipse te sibi Patronum atque integritatis vindicem accipere possit. Scio enim te a multis annis conquirere undique ex manuscriptis & aliunde, quæ Celso uberius illustrando faciant, quem ipsum quoniam ampliori forma, atque exornatum indice copiosissimo omnium verborum in Lexici seu Pandectarum morem exornato edere gestit animus, quæso nec hanc meam spernas oblationem, nec Celso ut per te celsiore & ampliore forma conspiciendus præbeatur, deneges. In hac Editione Vulpianam & Almeloveenianam ad verbum sumus

DEDICATIO.

sumus secuti, menda typographica sustulimus, quæ ad prolegomena pertinent, auximus; Almelveenii notas ex Manuscriptis ejus auctiores exhibuimus, & ex iisdem illis quoque Casauboni excerpta uberiora dedimus, ex epistolis Morgagnii, excerpta suis locis inseruimus, collationem quoque trium vetustissimarum editionum manu Almelveenii conscriptam diligenter expressimus, & hoc a nobis exiguæ huic & portatili editioni est præstitum, a te vero magna majoraque aliquando, & genere tuo, fama, eruditione digna exspectamus, oramus. Precati interim Deum ut te diu servet in-

D E D I C A T I O.

columem , neque minori per
orbem vehat laude , quam nunc
ubique decantatur fama senis
optimi nunquam intermoritu-
ra Frederici Ruyfchii.

*Lugduni Batavorum Id.
Novemb. MDCCXXIX.*

JO. ARNOLDUS LANGERAK.

VIRIS

VIRIS CELEBERRIMIS,
PETRO PETITO
ET
MATTH. SLADO
ILLI GALLORUM, HUIC
BATAVORUM MEDICORUM
PRINCIPIBUS,
THEOD. JANS. AB ALMELOVEEN
S. D.



*Antiquioris Medicinæ parentes nobilissimos licet, atque ob eleganter fidelissimeque tradita præcepta summo-
pere necessarios, à plurimis
nostri seculi hominibus non modo negli-
gi & contemni, verum etiam acerrimis
proscindi dictæis, usque adeo per-
crebruit, Viri Præstantissimi, ut hospes
in*

D E D I C A T I O.

in literis, in Arte quoque nostra plane peregrinus sit oporteat, qui tam nota atque vulgaria se nescire fateatur. Nec tantum illi, verum etiam (en quo tandem pigrities desidiaque homines perduxit?) illorum cultores vel maximo odio, imo ludibrio habentur. Quod cum animadvertissem, quorum nominibus scriptorem hunc, quem ob innumera translata loca, non immerito quidam Latinum appellare solent Hippocratem, de novo nostra cura prodeuntem, inscribi gratum esset, non ita diu quærere debui, siquidem non alios nisi Vos, Viri eruditionis fama, multisque ac magnis in universam literarum rempublicam meritis celeberrimi, operis hujus patronos certissimos antiquissimosque potui eligere, quos ne Celsus ipse quidem, si in vitam ei daretur reditus, scriptorum suorum censores recusaret. Nunc itaque nihil mihi restat, quam ut obnixè Vos rogem, ut me in amicitiam Vestram recipere, hanc-

DEDICATIO.

hancque inscriptionem, tamquam benevolentiae observantiaeque erga Vos meae, qualecunque documentum admittere dignemini. Valete. Dabam Trajecti ad Rhenum a. d. Kal. xv. Febr. clō lō cxxcvii.

THEOD.

THEOD. J. AB ALMELOVEEN

LECTORI

BENEVOLO

S. D.

Multos non modo proximi, verum etiam hujus seculi eruditione atque fama præstantissimos viros operam in emendandis atque illustrandis A. C. CELSI de Medicina libris, non vulgarem posuisse, qui ignorat, ne scriptorem illum ignoret necesse est. Quis enim est, qui vel primis labris Medicinam gustasse præ se ferat, quem Cæsarii, Pantini, Constantini nomen fugiat? quis Jeremiam Threverium, quis Balduinum Ronsscum de fama non noverit? quis de Jodoco Lommio, Petro Pavio nil audivisse se ausit profiteri? quis denique, quid Joannes Antonid. van der Linden præstiterit non observarit? quorum Virorum exemplis, quibus duci solemus, incitatus incredibile quanto legendi, relegendique flagraverim desiderio? quod repetita aliquoties lectio-

P R Æ F A T I O.

lectione non leviter accrevit, adeo ut notare quædam ab aliis prætermiffa, & hunc Auctorem cum aliis conferre fcriptoribus fubinde cœperim, quod cum vidiffent Celfi noftri cultores diligentiffimi, operæ pretium me facturum exiftimarunt, fi cum orbe literato hunc noftrum communicarem laborem, promiffisque abhinc fere anno datis fatisfacerem. Quod cum altius in animum descendiffet meum, protinus iftis expoliendis memet applicui. Veruntamen quum variarum lectionum numerum in majorem molem excurrere viderem, editionem vero formæ commodioris, & fi ita loqui liceat, portatilis defiderari, confilium mutavi, fatis habens loca duntaxat five noftri auctoris, five alterius medici, parallela indicare, fcriptoris noftri fententiam quæ aut illuftrarent aut confirmarent. Editioni autem huic rerum atque verborum indicem, quem in omnibus aliis defiderari fciebam editionibus adjicemus, de induftria, ne nimiam in molem affurgeret nunquam è manibus deponendum hoc Medicinæ ἑγχεῖδιον, aliquanto contractiorem; quod præ manibus nobis fit, ejufmodi lexicon, quale una cum notis eruditiffimis in Celfum à viro fama fuper æthera

AD LECTOREM.

libera noto, Joanne Rhodio confectum, incendio tristissimo absumptum summopere dolemus, alii editioni subnectendum. Subjunximus, quæ loca difficiliora explicant R. Constantini annotationes selectas ex exemplari, alias rarissimo, è Cl. Grævii Bibliotheca deprompto. Scholia eruditorum facile principis Isaci Casauboni, margini codicis quo fuerat usus, festinantissime illita, quæ ex Ἰσαίου Isaaci Vossii Gazophylacio secum attulit Gothofredus Thomasius, ὁ χάρις αὐτοῦ, pro amicitia atque necessitudine, quæ inter nos intercedit non vulgaris, quam benignissime mecum communicavit; quæ licet breviora, numero pauciora, minimeque publicæ luci ab Autore adaptata, ob religionem tamen, qua summa eum colo, suppressere non potui aut minus grata fore putavi. Quid vero ipsi præstiterimus lectione ipsa consequetur H. Lector, quem duo monitum velimus, numerum margini impressum loci paralleli paginam versusque indicare, alterum in notulis, ubi citati libri sæpe numero auctoris reticetur nomen, Hippocratis debere intelligi.

CLARISSIMO VIRO,
DOMINO
GUIDONI PATINO

BELLOVACO,

DOCTORI MEDICO PARISIENSI,
ET PROFESSORI REGIO,
AMICO SUO MAGNO
SALUTEM.

CLARISSIME VIR,



ICERONIS ista gloriatio est: *Latinos omnia invenisse melius, quam Græcos; aut ab illis accepta fecisse meliora.*

Augusta profecto, & magno viro magnarumque rerum fiduciam habente digna! Quam & veram minimeque vanam deprehendit, quisquis à Romanis posteritati tradita comparat cum Græcis. Ne longum abeam, Oratorum quidem laus ita ducta fuit ab humili ad summum: fuere & Philosophiæ studia sic ad Latinos traducta, ut ne bibliothecis quidem Græcis eguerint. Neque vulgare est, quod de nostra arte Celsus promeruit. Quam enim ab Hippocrate, ab Asclepiade, ab aliis Græcorum plurimis accepit scribendi de Medicina materiam, hoc ipso fecit meliorem, quod primus eam sic conceperit, ut esset ad discendum aptior, ad faciendum promptior. Græcorum antea nemini, quod sciam, id laudis datum, quod artem redegerit in systema, & corpus methodo consti-

tu-

D E D I C A T I O N E S

tutum. Celsus præstitit, & res faciendæ medicinæ utiles ac solum necessarias ita ingeniose ac diligenter ex antiquis elegit, ita per partes digest, hasque ipsas innexuit inter se, ut vel Recentiores inter non noverim, quem ipsi jure possis antepone. Neque ad eam laudem refert, sermone tantum, an etiam opere fuerit medicus. Si enim coire ista semper necesse est, quotusquisque hodie medicus est? Cathedrarios quippe videas medicinæ scientiam plerumque subtilius, quam ex usu, excolere, atque hoc per ambitionem, quam vocant veri scrutationem, agere, ut ingenio & facundia vincant. Contra, qui quæstui serviunt, benignari, morbos non eloquentia, sed remediis curari, ut populo placeant, ex quo ille major est, sufficere credunt secreta jactare & his curatorum longas ostentare tabellas. Hippocrates certe pro Medicis habet, qui veram artis sibi cognitionem compararunt: sed transferre ad usum suadet, & fructum eorum, quorum gratia est inventa. Saperene putandus est, qui lucernam accendit, & subter modium ponit? Sapit, & bene de se ac proximo meretur, qui accensam imponit candelabro, ut alluceat omnibus qui sunt in domo. Cæterum hoc dubitare de Celso docti solent, fueritne in operibus Artis exercitatus. Quo de quia meam aliquando sententiam rogasti dicam paucis. Magnum quid medendi scientia est: majus, prudentia atque sapientia. illa quippe scientiæ oculus; hæc manus est. Absque prudentia si est, neque tempora lustrare Medicus rei bene gerendæ, neque præcípites captare occasiones potest. Absque sapientia si est, tractare homines ignorat, & suo quemque calopodi calceare. Uti vero scientia nisi discendo, hoc est

ET PRÆFATIONES.

est, legendo, audiendo, cogitando; ita prudentia & sapientia, nisi faciendo & rebus se gerendis accommodando, non comparantur. Ex artis scientia Celsus si venit æstimandus, vix persuaderi potest, ut is non habeatur pro Medico, & quidem usu longo atque exercitatione perfectio, qui suis scriptis Medicinæ intima penetralia subiisse, abdita quæque enucleasse, penitus abstrusa rimatum esse, suam ubique de iis sententiam interponendo se prodit. Quod esse iudicium novisti ejus, qui præfatus olim ad Rubrum fuit. Probum mihi, & ex toto probatum. Si, quæ in nullius non morbi curatione elucet, prudentiam atque sapientiam spectemus, ubi, te quæso, unum Hippocratem si excipias, utriusque aut salubriora præcepta, aut fideliora monita reperisti? Quæ, si numquam noster venit in rem, quemadmodum fuit assecutus? Putasne secreta atque arcana artis, hoc est intimas & occultas ad salutem cujusque pertinentes rationes scire posse eum, qui in conclave numquam penetravit? Quæ sola felicitis ingenii magnitudine complexum, & ob id alieni operis interpretem atque Hippocratis ejusque sectatorum discipulum, & exscriptorem habendum esse potius, quam medicinæ aliquem auctorem, iudicium est viri egregie eruditi. Cui per me subscribere, quibus libet, licet, nam à me non impetro. Si rectum tamen, heu! quantos auctores amissimus! Ex toto quippe Galeni oceano, si dicere per invidiam fas est, non tot interiora medendi consilia quis hauserit, quam ex ubere hoc Cornelii rivo. Fateor, plus est in Galeno florum, ut & foliorum: sed fructuum plus in Celso est. Taceo multis locis sic illum loqui, ut, se fecisse medicinam, liquido satis demonstret: nullo sic, ut

D E D I C A T I O N E S

contrarium inde queat liquere. Solum obitare videtur, quod Plinius sua ætate, hoc est centum & viginti præter propter annis post, solam hanc artium Græcarum nondum exercuisse scribit Romanam gravitatem, & in tanto fructu paucissimos Quiritium attigisse, eosque ipsos statim ad Græcos transfugisse; imo vero auctoritatem aliter quam Græce eam tractantibus, etiam apud imperitos expertelque linguæ, non fuisse. Si ex vero ista; sicuti causam non credendi non habemus oculato testi, quei credimus Celsum, ex gente Cornelia, omnium Romæ nobilissima, oriundum, factitasse artem, populus quam expertus damnavit? Non hoc ulli volo persuasum, fuisse *ἐκ τῶν ἰατρῶν*, quos vocat Modestinus l. 6. §. 1. ff. de Excusationibus; atque adeo solitum *ἀνὰ τὸ πᾶν ποιεῖν*, & ægros visitatum circumire mercedis causa. M. Catonem meminit idem Secundus professum, esse commentarium sibi, quo mederetur filio, servis, familiaribus. Nec alia ratione medicinam exercuisse Cornelium puto; nec apud alios, nisi forte quod nonnemi video placere, in gravioribus casibus sit passus se adiri, & eam rogari operam, quæ virum nobilem non dedeceret. Verbo: talem opinor fuisse Medicum, qualis Cato fuit, aut quales sunt hodieque Regum archiatri. Qui, etsi non omnibus vigilant, miserabilibus tamen personis & ad se, ceu Æsculapium aliquem, confugientibus suam negare opem non sustinent; scientes, nulla re hominem magis accedere ad Deum, quam salutem hominibus dando. Præter hæc quæ aut dici in eandem sententiam, aut objici possunt, jam sunt ab aliis vel occupata vel refutata: ut necesse non sit illis repetendis vel tempus prodigere, vel doctas tuas aures & gravioribus intentas

curis

ET PRÆFATIONES.

curis obtundere. Hoc unum dicam, qualis qualis noster fuerit, dignissimus est, vel doctrinæ cultu, vel elegantix nitore, non solum qui legatur, sed qui numquam de manibus deponatur. Me, fateor, nullius post Hippocratem lectione vel affici magis, vel erudiri. Quo factum, ut & sæpius relegerim, & numquam sine voto, existeret aliquis, qui aut daret eum nobis quam emendatissimum, aut emendandi materiam suppeditaret. Quam tuo tandem beneficio consecutus nobilem & locupletem, statim operi admovi manum; quo & meæ satisfacerem cupiditati, & expectationi eorum, apud quos nulla non occasione & laudare Cornelium nostrum, & serio commendare sum solitus. Quam autem feliciter mihi res sub manu successerit, te velim vel in primis judicare. Nam hæc inter plurimas mihi causa est, quod Celsum istum, quem meum imagine quadam adoptionis feci, celeberrimo tuo nomini, & multis mihi nominibus suscipiendo colendoque consecrarim. In seculi quippe hujus & tam antiquitatis fastidiosi, quam novitatis omnis cupidi, conspectum proditurientem, nec sine patrono ausum, cujus in clientelam potius, quam tuam debui dare? Absque illis certe subsidiis, quæ mihi numquam sine summa laude loquendum studium tuum juvandi publicum tulit, si fuisset, vel animum non applicuissem ad recognitionem Auctoris ut eruditissimi, ita & corruptissimi. Quis credat, post Egnatii, Cæsarii, Constantini, Stephani, Pantini, Ronssiei, Rubei, tot illustrium virorum diligentissimas curas, fuisse mihi plusquam bis mille locis corrigendum? Quo ipso quia fecisse me opus putabam non pœnitendum, aut tuo nomine & seculo indignum, etiam hoc ausus sum illi inscribere. quamvis non ignorem multo plura majoraque

DEDICATIONES ET PRÆFATIONES.


que me debere amoris & beneficiis in me tuis. Itaque te rogo; Vir Clarissime, hanc cautionem accipere crediti, & animi ad omnem se gratitudinis memoriam obligantis. Certe hunc, quem eo vultu, quo omnes literatos soles amplecti, suscipiendum tibi offero, si non industriæ, saltem laboris mei foetum, testem esse volo, quanti & sim & in perpetuum tibi sim futurus debitor. Deus autem immortalis diu te fospitem atque incolumem Rei medicæ, literariæ, publicæ, imo mihi & omnibus bonis conservet. Dabam Lugduni-Batav. Mense Augusto, anni MDCLVII.

*Tui nominis atque dignitatis
cultor propensissimus*

JOH. ANTONIDES
VAN DER LINDEN.

LECTO.

LECTORI S.



ISTO tibi , amice Lector , A.
CORN. CELSUM , auctorem
latinissimum , medicum sapien-
tissimum , prudentissimumque.
Cujus ego amorem tibi si velim
commendare, idem fecero, quod hederam qui su-
spendit vino veteri & bono. Quemadmodum
namque virtutem non potest non amare ac sequi
quisquis ejus pulchritudinem atque pre-
tium novit : ita Celsum nemo non aestimat,
nemo non diurna versare manu , versare no-
cturna studet , quin in succum & sanguinem ,
quod aiunt, convertere; nisi qui ignorat, quan-
to nitore atque cultu , quanta industria atque
solertia istos de Re medica libros octo (solos no-
bis ex pluribus eisque eruditissimis ingenii ac
vigiliarum egregie elaboratarum monumentis
reliquos) scripserit , atque ex Hippocrate cum
primis, medicinae parente, contraxerit, adhibi-
tis in omni graviore negotio etiam in consilium
aliis , & semper quidem optimis auctoribus.
Quales omnino necesse est fuisse , si sola confisus
ingenii magnitudine , nulla artis exercitatione
comparata notitia, tam admirandum nobis o-
pus concinnare est aggressus. Quod me non crede-
re , jam supra dixi. Scepticos in scribendo se-

DEDICATIONES

quantum, auctor est Quintilianus. Quod si de sermonis ornatu intellexit, concedi potest: non facile, si de modo doctrinae. Ita enim scripsit, ut qui neutiquam dubitavit, non suam modo sententiam aperte profiteri, sed & summorum quoque virorum ad incudem cum rationis tum experientiae revocare; quia & necessaria ac laudanda in artibus libertate mutare praecepta eorum, qui medendo scribendoque se ostendebant aberrare, non tam à placitis & à doctrina majorum, quam ab officio medici. quod Asclepiades esse dicebat, referente nostro, ut tuto, ut celeriter, ut jucunde curet. Ubique autem ea usus est modestia Celsus, ut, etsi numquam tantiputaret auctorem, quanti hominum salutem, neminem sua tamen laude fraudaret. Quamquam vero jam ipsius aetate medicina esset in tres sectas, easque plurimum inter se dissentientes, diducta; ita tamen Dogmaticae (quae minime omnium deflecebat ab Hippocratica) se applicuit adhæsitque, ut nihilominus etiam ab Empiricae atque Methodicae principibus acceperit, quae rationalis conjectura atque fidelis usus comprobassent: dignus vel ipso proposito, ut eum penetrasse cujusvis sectae omnia, atque delectu habito, in hanc velut multorum operum epitomen conguessisse meliora quaeque, credamus. Forma operis,

supra

ET PRÆFATIONES.

supra quam nostrum putat vulgus, ornata est, & ordinata. Sermo toto in opere plenus, purus, venustus, castus, &, quod præcipuum est, accommodus rei tradendæ; adeo ut in medicina quidem nemo uti meliore scribendi magistro queat. Ordo, quam in toto dilucidus, in partibus articulatus, tam est in utrisque appositus ad usum. Quem ut solum Celsus spectavit, ita nihil eo non pertinens, non necessarium attulit: quin, resectis omnibus, non dicam superfluis, sed quæ aliunde & possunt & revera debent accipi, eam solummodo Medicinæ partem persecutus est, in qua proprie & principaliter ars consistit. Quo de dicerem plura, nisi te discere hoc ex ipso auctore malletm. Ego certe, propter quæ dixi, illud mihi semper habui familiarem, & dignum, in quo non solum versando studii, sed & emendando operæ plurimum, atque laboris ponerem. Itaque conquisitis in eam rem necessariis, quæ quidem potui, hoc in præsentia egi, ut textum exhiberem quam maxime emendatum. Feci id adjutus iis subsidiis, quorum mox catalogum exhibebo. Quantum fecerim, non aliunde rectius cognoscēs, quam si conferre editionem hanc cum omnibus velis, quæ prodierunt hætenus. Præter quæ dixi, sæpe mihi fuit Hippocrates adeundus.

DEDICATIONES

Quem quanti noster fecerit, non tam ex ore ipsius, quam opere disces. quod, quia omnibus paginis quamplura exinde transsumpta continet, auctori meruit nomen Hippocratis Latini. Quæ causa mihi curatius utrumque conferendi, & colligendi quoque, quæ Foësius in doctissimis suis ad Hippocratem notationibus pridem observavit. Quædam, sed admodum pauca, ex ingenio tentavi, & nisi cum res aperte postularet. In cæteris, ubi mei mihi libri & ingeniosæ summorum virorum conjecturæ non prælucebant, malui errorem retinere, aut locum in suspitione saltem relinquere. Quod & eo securius mihi licere putavi, quia Cl. D. Johannem Rhodium, virum inter seculi & nostræ artis primos, à multis annis ex multo plurimis cum membranistum libris emaculatissimum & , quem ab Auctore habuit, nitori haut dubie restitutum ac lucupletissimis commentariis illustratum, penes se servare scio. Quem & rogo (si quid veteris se amicitiae memoria patitur rogari) ut ne diutius protollat expectationem atque desiderium eorum, qui & Celsum & Rhodium in pretio & amore magno suo merito habent. Glossæmata offendi plura: nullum tamen, præter forte unum, quod nimio erat ἀπεσθιδίουσιν ausus sum de medio tollere, quia nul-

lum

ET PRÆFATIONES.

lum huc præeuntem habebam librum. Librorum in capita distinctiones uti ab ipso auctore esse certum est ex VI. 12. & VIII. 9. in fine: ita lemmata illis adscripta esse à librariis, & è margine in titulos transsumpta, ne locus quidem dubitandi est. unde & aliquid licere mihi in istis putavi. quin, si forma operis siviisset, redire eo, unde venerant auctoris injussu, jussissem. Præter hæc animus erat, notas addere, & quasdam nostras in auctorem observationes: sed, præter quam modo retuli, causa alia fuit libri forma. Quam & ego & typographus Δημετακόμις in præsens malebamus: ille, lucri gratia; ego, auctoris. Quem mihi spes est reperturum tanto plures emtores lectoresque, quanto est editio ista cæteris emendatior, & elegantior atque aptior ad circumferendum. Vale & tuus mihi favor sit stimulo ad tuum in commodum majora melioraque conandum.

JOANNES BAPTISTA VULPIUS

M. D.

Medico, & Erudito Lectori

S. P. D.



ON solum suscepta a Fratribus
meis Antiquos Latinos Auctores
edendi provincia, verum etiam
quotidianæ Amicorum postulatio-
nes, duos, inter illos, eruditissi-
mos Medicinæ Scriptores a me
potissimum deposcentium, in cau-
sa fuerunt, ut Aur. Corn. Celsi, & Q. Ser. Sae-
monici libri Cominianis typis, eadem prorsus
diligentia, qua ceteri hactenus prodierunt, recu-
derentur. Qua in re præstanda, quod ad Cel-
sum attinet, Th. J. Almeloveenii Viri Doctissi-
mi, & de hoc Auctore optime meriti, Editione
ultima Amstelodamensi, habita apud Jo. Wolters
in 8. anno 1713. tamquam meliori, usi sumus,
nihil quidquam (ne ipsis quidem Præfationibus
exceptis) quod in ea propositum sit, omittentes,
imo eandem tanta cum fide exprimentes, ut
nostræ hujus paginæ illius paginis, & lineæ li-
neis respondeant. Eam tamen quotiescumque
opus esse credidimus, cum accuratioribus aliis
contulimus, semper autem, & diligentissime qui-
dem, cum Elseviriana anni 1657. a Famigeratis-
simo Lindenio curata, utpote quam in plerisque
ipse est secutus Almeloveenius. Itaque multos
typographicos errores in prima; nonnullos vero
im

in hac etiam Elseviriana deprehensos fustulimus. Ceteros autem ea qua licuit ratione ex parte indicavimus. Cum enim Cel. Præceptor meus Jo. Bapt. Morgagnus, cujus vel solum nomen maximum per se ipsum præconium est, plurima mihi partim vetera, partim nova in Celso menda, & plerorumque facilem, manifestamque emendationem doctissima ad me scripta Epistola demonstrasset; etsi ab ipso impetravi ut edere hanc possem, id tamen ita impetravi, ut nihil propterea me in Celsi verbis novaturum esse, promitterem. Quod igitur potui, eandem huic nostræ Editioni præfixi; singulis autem Celsi locis, de quibus ea in Epistola sermo est, magno tuo commodo in paginarum marginibus numeros apposui, romanos quidem Epistolæ paginis, barbaros autem ipsius lineis respondentes, ut nullo negotio quid de quoque loco Vir Cl. censeat, possis invenire. Idemque ad ea quoque loca præstitimus quæ de obscuris, eruditionis suæ luce, præclarissima reddidit. Quoniam vero & de Vita, & de Elogiis, & de Scriptis Celsi haud pauca præmisit, & inter hæc, Fragmenta etiam ipsius nonnulla, a nemine adhuc prolata; idcirco miscellaneas de Celso ejusque Scriptis Notitias quas Eruditissimus Jo. Alb. Fabricius in Bibliotheca sua Latina, ejusque novo ac pleniori Supplemento congeffit, in hoc Auctore recudendo omittere visum est, ne quæ fatis a Sapientissimo Morgagno, Joanne Rhodio, aliisque Præstantissimis Viris in hac nostra Editione luculenter de Celso exposita sunt, inutiliter repeterentur: ceteroquin hoc nostrum, a multis probatum, institutum alias in reliquis Auctori- bus, quos in animo emittere est, servaturi. Auctorum tantummodo a Celso citatorum Indiculum diligenter a laudato Fabricio collectum, ex
memo.

memorato ejus novo Supplemento depromptum
& a nobis paginis lineisque hujus nostræ Editionis
accommodatum, addidimus, sublatis idcirco
eorundem Auctorum nominibus e rerum & ver-
borum Indice qui in fine occurrit, aliquantulum
meliori ordine dispositum nunc & concinnatum
Catalogum quoque Editionum non solum emen-
davimus, verum etiam adauximus. Ut autem
nonnullorum Doctorum Virorum morem, Ser-
enum Samonicum in Celsi calce, tamquam ejus
pedisequum in publicum emittentium, persequere-
mur (est enim Sereni Opusculum non curius
Celsi quidem libris comparandum, sed tamen la-
tinæ tum antiquitatis, tum medicinæ monumem-
tum) probatissimam Roberti Constantini Editio-
nem expressimus, qui Lugduni typis Gulielmi
Rovillii A. 1566. in 8. una cum Celso Serenum
emisit. Hanc nobis, non ubivis obviam, Edi-
tionem libentissime utendam dedit Humanissimus
Morgagnus. Textum cum Londinensi Editione
quæ II. Poëtarum Latinorum collectionis volu-
mine occurrit, aliisque vetustioribus collatum,
non parum emaculatiorem reddidimus. Quinetiam,
cum ad eundem tum emendandum, tum illu-
strandum inservire plurimum possit Epistola, re-
conditæ & abstrusioris eruditionis plenissima,
quam de Sereno ad nos scripsit idem quem me-
rito sæpius laudavimus, J. B. Morgagnus: hanc
bona Auctoris venia textui præmilimus: & quem-
admodum Varias Lectiones, & breves, sed eru-
ditas, Notas, quæ Constantinianæ Editionis mar-
ginibus appositæ sunt, signis parum certis & cla-
ris indicatæ, ad singularum paginarum calcem
rejecimus, perpetuo & sæpius iterato literarum
alphabeti ordine, veluti digito, demonstratas:
ita

ita numeris suo loco interjectis, quotiescunque memoratam Epistolam, & qua in pagina, lineaque consulere oporteat, te, Benigne Lector, diligenter admonuimus. Cum autem in eadem Epistola, non tantum de Sereni Samonici, verum etiam de Pseudo-Macri, de Strabi, de Trotulæ ætate differatur, ac de ejusdem Samonici Vita, Elogiis, Scriptis, Editionibus pleraque omnia quæ scitu digna sunt, exponantur; hac de causa quæ ex aliis, & nominatim ex Cl. Fabricio præmittere in nostris Editionibus consuevimus, in hac prætermisimus. Tantummodo Indiculum Sereni capitum attexere non inutile omnino arbitrati sumus. Tandem, ne aliquid prorsus huic Editioni nostræ deesset quod in aliquibus, antiquis præsertim, occurreret; Carmina illa quæ sub nominibus Q. Rhemnii Fannii Palæmonis, & Vindiciani feruntur, ex eadem Constantini Editione petita (ipsis tamen ope Stephanianæ Editionis aliquantulum emendatioribus redditis) in hunc librum eo libentius recepimus, quod Carminis Vindiciano attributi, in laudata Epistola mentio fit, nonnullis ex eo versibus expensis, veroque omnium Auctore luculentissime patefacto.

Atque hæc, nostra Editione jam jam ad finem properante, perscripseram, cum in eam spem veni ut duas alias Præstantissimi Morgagni in Celsum Epistolas, ad me perbenigne scriptas, eo permittente, possem adjicere. Hæc quidem brevitate prioribus longe cedunt; rerum autem pondere, novitate, atque utilitate minime cedunt. Altera enim, quæ ipse in MS. Celsi Codice invenerit, cum primam suam conferret Epistolam, docet, ejusdemque Codicis ope rem prorsus inexpectatam demonstrat, scilicet aliquot Capita (&

(& quibus quidem de rebus agentia) in libro Celsi IV. deesse. Altera, MS. alterius Codicis auctoritate, eadem omnia confirmat: & præterea Viri Cl. Jacobi Facciolati, in hoc Celeberrimo nostro Seminario Studiorum Præfecti Eruditissimi, & de saniori latini sermonis cultu, atque elegantia præclare meriti, pulcherrimas Animadversiones XV. in totidem Celsi loca complectitur, cum his illustrandis, tum vero maxime latinæ linguæ a nonnullis vocibus quas Eruditi omnes tamquam certas Celsi tribuere, & ejus auctoritate in accuratoria quæque Lexica inferre non dubitabant, repurgandæ utilissimas. Harum singulis accedunt laudati Morgagni Additamenta ex Codicum etiam inspectione petita, quibus consentientibus vocem illam in primis *verticillati* quæ occurrit libr. 8. cap. 1. pag. 504. l. 24. ejusque unius loci auctoritate in latina Lexica inuenta est, Librariorum oscitantiae deberi, ostendit, cum sit ibi omnino legendum *vertici lati*. Sed id, atque alia in iisdem Epistolis per te leges. Viro enim Modestissimo quidem, sed tamen nostri Amantissimo, exorato, tandem obtinuimus ut quæ in privatum nostrum commodum prope-rante calamo exaraverat, ea in commune Studioforum omnium, ut nobis placeret, vulgare possemus. Itaque has ambas posteriores Epistolas post breviora Variorum Auctorum in Celsum Scholia collocavimus, futuras procul dubio cum duabus illis prioribus splendidius nostræ hujusce Editionis ornamētum. Vale.

AURELII CORNELII CELSI

V I T A

à

Clarissimo Viro

JOANNE RHODIO

Conscripta.

CORNELII CELSI laudabilem
in Re Medica operam annis jam
mille sexcentis, & quod superat, Ex-
perientia, veritatis prima parens, feli-
citer probavit. Nec melioris animi
quisquam ita ab omni humanitate re-
motus fuit, cui non venerandum tam
illustre nomen. At ingenio magis, quam
origine notum, quam, relicta soli ani-
mo gloriâ, temporis diuturnitas poste-
ritatis memoriæ exemit. Quamvis e-
nim Romæ vixisse Celsum, ipsius, si-
ve ut aliis visum, Scribononii Largi ad J.
Callistum Epistola indicio sit: non de-
sunt tamen causæ, cur addubitem, pa-
triâ, an jure civitatis ipsum Romanis

ac-

AUR. CORN. CEDSI VITA.

accenseam. Maximeque, quum præter hunc, quidam Julius Celsus Hadrianæ Imperatori à Consiliis, vel ex aliorum sententia, Alexandri Severi temporibus, Juris scientia perhibeatur claruisse. Vid. Spartianum in Hadr. 30. & Pompon. Jc. lib. 2. in fin. de Orig. Jur. & Politianum lib. 5. Epist. ad Jac. Modestum. Equidem Celsum Patrem ac Filium Jureconsultis annumerat Hottomannus in Descriptione Jurisconsultorum, & Juventium Celsum Patrem ad Vespasiani Imperatoris tempora refert Jacob. Gothofred. Histor. Jur. Civill. cap. 7. de Jurisconsultorum successione. Idem Celsum Patrem & Filium sub Trajano, Hadriano, Antonino Pico vixisse censet. Verùm & Apulejus Celsus Valentis ac Scribonii Largi in Medicis Magister occurrit apud Scribonium Largum de Compos. Med. cap. 94. & 171. Cujus præter Agricola Woverius in Apulei Vita mentionem injecit. Nisi fortè cum Cornario in Marc. Empirici Præfat. interposito inciso, Apulejo, Celso, distinctè legendum fuerit. Ita in præfat. Marcell. & Apulejus

AUR. CORN. CELSI VITA.

& Celsus occurrunt. Volaterranus etiam meminit in Anthropologia lib. 14. Celsi cujusdam, qui Philosophiæ Stoicæ sectator, Origenis erat adversarius, magiæ scientiâ notus, cui Lucianus Pseudo-Mantem inscripsit. Ejusdem quoque nominis ibidem, imperante Nerone è Galliis puer novennis martyrio nobilitatus. Numo etiam innuit apud Augustin. Dialogo 5. de Num. Celsus quidam III. Vir. Noster autem Augusti ævo floruit, ex quorundam sententia, inter quos Jo. Britannic. in Juvenal. Sat. 6. & 7. Ovidii auctoritate, vel ut Jo. Cajo placuit, Cl. Tiberii, A. C. 29; aut certè Caji Imp. conjecurâ Sambuci, Viri Antiquitatis notitiâ clarissimi. Major tamen eruditorum pars sub Tiberio vixisse, vel fortè ipso imperante natum usque ad Trajani tempora vitam produxisse censet; quamvis & sub Nerone vixisse putet Thom. Fienus. Ut uno seculo vetustior Galeno videatur. Cæterum, non levem hic de Patria ejus dubitandi occasionem præbet Cæl. Rhodiginus, qui Antiq. Lect. Lib. 14. cap. 5. Veron-

AUR. CORN. CELSI VITA.

nenses, ait, cum Macrobio, Vitruvio, & Plinio, Celsum quoque suum ortu civem agnoscere. Librorum inscriptionibus hujusmodi divinationes stabiliri assolent. Sed exigui momenti munito. Notius enim est, quam ut pluribus confirmetur, Librorum titulos Literatoribus & Librariis arbitrarios fuisse, vixque veterum quempiam ulli suorum Commentariorum quidquam prænotasse, referente de semet idipsum Galeno lib. 7. Meth. Med. cap. 1. qui id officii ab Amicis habuit: haud dubiè istius ævi modestiâ, quod ingenia admiratione superiora protulit. Sed enim, ut mala exempla ex bonis initiis orta: Ita ex æmula, in conqui- rendis magnorum ingeniorum monu- mentis, Principum munificentia, ac- crescente paulatim Librariorum avari- tiâ, omnes propè optimorum etiam Au- ctorum præscriptiones impunè, ad lucro- sam cujusque libidinem, immutatae, ne dicam adulteratae.

-Atque ut ad Celsum redeam; quot ejus hodie Editiones, tot fermè In- scriptiones diversæ. Cæsarii habet,
Au-

AUR. CORN. CELSI VITA.

Aurelii Cornelii Celsi de Re Medica VIII. Libri eruditissimi. Vulgatæ Lugdunenses omnes, & Leydensis modestius sine phalerato encomio A. C. C. D. M. L. VIII. Horum priorem Cajus sic mutavit: *Aurelii Cornelii Celsi Romani de Re Medica Libb. VIII. pereruditi.* H. Stephanus in suo exemplari cæteris Medicinæ Principibus adjecto receptæ lectioni subdidit; *Operis ab eo scripti Pars Sexta.* Vett. Codicum MS. auctoritatem secutus, quibus communis hæc inscriptio: *A. Cornelii Celsi Artium Liber VI.* Nihil tamen hic præter consilium & rem ab illo temerè factum. Patriam enim sive Auctor ipse sive alius quispiam addiderit, id certè non caret vetustatis exemplo, potissimum apud Græcos, quos inter Celsus sibi *Hippocratem Coum* inprimis imitandum proposuit, cujus etiam pleraque non infeliciter Latino sermone reddidit, suam ipse testatus in Epist. ad Pullum Natalem, in hoc studiorum genere diligentiam, longè accuratiorē, quam Largii designationi, qui Epistolā ad filios se fuisse liberiores fateatur, quemadmodum notante Corna-

*** 3 tio

AUR. CORN. CELSI VITA.

tio in Dedicat. Marcelli, in plerisque Hippocratem expressit, ut integras sententiarum periodos ex ipso descriptas subinde in eo videas; imò tota capita nihil aliud quam Hippocratis sententias ad verbum reddunt. Hinc non immeritò Hippocratis Simiam dixit Nic. Monardus, de V. S. in Pleurit. f. 8. Etsi verò Latini Scriptores Patriam haut usque jactabant: neutiquam tamen diffitendum, antiquitus Romanæ civitatis jus gloriosum fuisse. Quo fortè venditores Autorem nostrum commendare satagebant; sive is meritis & gratiâ civium numero adscriptus esset; sive Româ oriundus. Posterius tamen ut credam, suadet præter apertum Auctoris lib. 5. cap. 21. textum, Epistola ejusdem ad Callistum, & persuadet ad Pullum Natalem altera; in quibus inprimis Viri boni genius conspicitur. Imo Marcellus in Præf. Operis Cornelium Celsum inter viros illustres & cives enumerat, quicquid ei imposuerit Verderius Cens. p. 144. Ejus Columella, Claudii tempore clarus, ut æqualis aut certè paulo superioris, Rei Rust. lib. 1. cap.

AUR. CORN. CELSI VITA.

cap. 1. sic meminit : *Nostrorum temporum Cornelius Celsus , totum corpus Disciplinæ , quinque libris complexus est . Quem Rusticam intellexisse , vero proximum est . Quintiliani sententia Inst. Orat. lib. 10. cap. 1. is Vir Eruditus , inter eos Philosophos Latinos , quos eloquentes literæ Romanæ tulerunt , qui scripsit non parum multa , scepticos sequutus , non sine cultu & nitore . Ideoque ob nimiam novitatis cupiditatem , ejusdem censurâ notatur . Scripta ejus figillatim prodidit Volaterranus Anthropol. l. d. „ Cornelius Celsus mediocri Vir ingenio , non solum artem Rhetoricam , sed „ de re Militari , & de Rusticana , deque „ Medicina libros composuit . „ Quæ omnia J. Doussa æternum gentis & generis sui decus in Sylva Extemporal. hoc Epigrammate venustissimè complexus :*

*Facta urbana tuo res Rustica munere ,
scriptis*

*Nec minus illustris est Medicina tuis .
Hinc quoque Militiæ tractasti commoda
Rethor ;*

Hoc Martem Musis jungere , Celse , fuit .

AUR. CORN. CELSI VITA.

Subjungit Polyhistor Italus : *Ad nos-
tantum ejus Medicina pervenit Oratorico
more conscripta.* Sed & quædam Rheto-
rica ejus nostrâ ætate Sixti Popmæ
studio feruntur emissa. Veterinariam
quoque conscripsisse autor est Mer-
curialis lib. 4. cap. 2. & Phil. Ingrassi.
Quæst. de Veterinar. cap. 9. Herba-
rium verò ei adscriptum, Apulejii
potius credit in vita Apuleji Elmen-
horstius. Julium quidem Celsum in-
ter rei militaris Scriptores enumerat Rob.
Valtur. quemadmodum huic à non-
nullis adscripta sunt Julii Cæsaris Com-
mentaria. De quibus tamen nihil
verè constat. Varia fanè ejus erudi-
tio aliud prodere non potest quam
Virum ingenuè natum, magna seculi
felicitate, quod bonarum literarum
erat feracissimum. Excepit nempe co-
luitque ea ætas Viros scientiâ, pru-
dentiâ, ac eloquentiâ summos, Tul-
lium, Salustium, Catullum, Virgi-
lium, Propertium, Horatium, Tibul-
lum, Manilium, Vitruvium, Anto-
nium Musam, Ovidium, Livium,
Scribonium Largum, Valerium Maxi-
mum,

AUR. CORN. CELSI VITA.

mun , Velleium Paterculum : atque
fi se in Claudii imperium ipsius exten-
derit vita , Quintum Curtium , Per-
sium , Senecam , Silium Italicum , Pli-
nium , Viros omnes consummatissi-
mos , in quibus tamen postremum
nonnulli Celso Juniorem censent. Opi-
nionem meam firmat laudabilis veterum
consuetudo , qua tria nomina Nobi-
liorum , Celso etiam Plinii auctoritate
rata ; Libertis rarò , nec fermè sine
gravi causa unquam concessa scimus ,
quibus tamen semper servile nomen
remanfit. Nec moror , quod Celsi
Epistolæ apud Marcellum in limine
Operis Prænomen desit , quo soli Ro-
mani insigniebantur. Nomen enim
apud bonos Auctores sæpe Præno-
men & Cognomen includit. Hinc
Martialis:

*Ut jugulem curas, nomen utrumque
bibam.*

Salutaribus itaque disciplinis Græcisque
literis , non levi nobilitatis indicio ,
rectè institutus , facilè potuit seculo
tam augusto ac beato , nihil non (ut
ipse in Epistola ad Natalem refert)

AUR. CORN. CELSI VITA.

dignum sublimi Romanorum majestate
de bono Medicinæ Artis splendidissime
scribere , idque perennitati & literis
mandare, utilitatis magis quam delecta-
tionis causa.

Scio equidem, non deesse multæ au-
toritatis Viros, qui ex modo adductæ
Celsi Epistola opinantur, ipsum animo
in diversa studia diviso, Græca dum-
taxat medicinalia in Latinum conver-
tisse, aut Empedoclis & Democriti ex-
emplo non ut merus atque ad quæ-
stum Medicus, sed ut sapientem, atque,
ut Columellæ verbis utar, universæ
naturæ prudentem, Medicinam veluti
Philosophiæ partem cum sapientiæ stu-
dio conjunxisse. Ideoque nec factam
ejus ab Aureliano mentionem, Bartholin.
Adv. lib. 38. cap. 3. censente. Nec
denique unquam Medicinæ operatum.
Credat qui volet. Nec eam litem
meam facio. Medicum certè agnovit
magnus Scaliger de Re Num. 36. Re-
media quidem, Hippocratis & Galeni
exemplo, aliunde congesta digessisse,
ultrò lagior, ipsam verò Morborum
τέκναρσιν & θεραπείαν proprio ingenio
ductu.

AUR. CORN. CELSI VITA.

ductu contextam pro me res ipsa loquitur. Quin ipsum Pharmaca præbuisse, non mediocri gloriâ, ex ipsius ad Julium Calistum Epistola satis liquet. Quorum artificiosam missionem se accuratè intellexisse prodit ipse lib. 7. cap. 26. Unde Cornarius fortassis inter Pharmaceuticos reposuit. Imò deditâ operâ ab aliis prætermissa proferre ac illustrare voluisse censuit Minadous variæ eruditionis Medicus, de Ext. Affect. lib. 2. cap. 3. Maximeque Medicum ejus Chirurgica probant, quæ Gesneri in Catalogo Chirurgorum sententiâ, veterum solus Latine scripsit, ut verè ipsum inter Chirurgos reponat doctissimus Septalius Animadv. lib. 8. Caut. 1. & 40. Tantâ verò id fide peregit, ut Hieronymus ab Aquapendente, Medicus & Chirurgus usu vel annis nemini secundus, in Operat. Chirurg. cap. de Chir. Dent. his verbis sese in ipsius laudes diffuderit : *Mirabilis Celsus in omnibus : quem nocturnâ versare manu, versare diurnâ, consulo.* Nec mirum : quum Celsus eruditissimo Manardo Epist. Medic. lib. 9. Epist. 1. bonus & fidelis
Hip-

AUR. CORN. CELSI VITA.

Hippoeratis interpres, licet in aliquo verbo quandoque lapsus videatur. Quod Viro in omni literarum genere exercitato vel ipsa πολυγραφία libenter profectò condonari jubet, quamvis non diffiteatur ipse non pauca se de aliena quandoque sententia posuisse. Hic ratio pariter Augenio de Miss. Sanguinis lib. 8. cap. 1. Lomnio, Ronssée Epist. Medic. lib. 8. sect. 3. cap. 7. Schenckio, Jo. Heurnio, Bened. Ma- tamoro, Rod. à Castro, innumerisque præclari judicii Medicis, propter singularem & succinctam cum elegantia doctrinam, Latinus Hippocrates appellatur, in quo Pantini judicio Commentum ad Celsi lib. 1. cap. 1. optimæ Methodi ac viæ rationisque docendi discendique, & in summa brevitate mira Artis & Sapientiæ observatio plerunque animadvertatur. Rectè igitur Agricola de Pond. Rom. lib. 4. *Celsi*, inquit *autoritas Medicis nota est, aut saltem esse debet.* Quam elegantissimis verbis Cælius Rhodiginus Antiq. Lect. lib. 26. cap. 3. insinuavit: *A Cornelio Celso versuram faciunt multi. Verùm citra illius sen-*

AUR. CORN. CELSI VITA.

*sententiam nihil fermè promunt ; perinde ac
verba sint veterum sacrorum, quæ demutasse
iaculare flagitium planè censeri debeat, quod-
ue hostiis majoribus procures. Inde Fer-
nelio, Franciæ Hippocrati, referente
Plantio in Vita Fernelii cum ob ora-
tionis puritatem, tum ob sententia-
um pondus, quam charissimus fuit.
Iurisconsultis procul dubio iisdem no-
minibus usque adeò venerabilis, ut Pan-
ectas suas hujus Viri auctoritate muniri
oluerint. Verum, ne nimis laudibus
erius is oneretur, quam ornetur,
quem mortalium nemo rectè vitupera-
it : unicum Heurnii judicium, inter
cetera gravissimum, huic Virtutum co-
ronæ lemnisci loco satis erit. Ita ille
Meth. Stud. Med. cap. 5. *Latinos inter
Medicos primus est Cornelius Celsus : sed pru-
enter legendus. Nam in multis Asclepia-
em Methodicum sectatur, ut fatetur ipse.
Hujus cote stylum subigemus, & pluris La-
tinitatem ejus quam Medicinam faciemus.*
Unicus itaque Celsus, ut scitè idem in
Epist. ad Ronff. Celso præfixa, Me-
dicis Latinis præferatur : qui pomœria
Romanæ eloquentiæ eò protulit, ut
Me-*

AUR. CORN. CELSI VITA.

Medicina suavissimo ore eloquentiæ jam
sefe cultioribus ingeniis meritò commee
det.

His quotquot naturæ associavit ho
nignitas, æquos adferre animos, elegan
ti favete linguæ. Ita Vobis, & verum
animi sermonisque cultum, & firma va
letudinis præsidia parabitis. Tantum ee

*Optandum est, ut sit mens sana in corpore
sano!*

LIBRI

Quibus J. A. van der Linden
usus fuit in hoc opere re-
cognoscendo.

Mss. seu *Σπόγγραφον* codicis Parisiensis,
descriptum anno CIO CXXIV. Commu-
nicavit V. Cl. D. Job. Hoornbeek, SS. Theol.
D. & Prof. Ordin. in Academia, ac V. D.
Min. in Ecclesia, quæ est Lugd. Batavorum,
Collega reverendus.

Liber editus Venetiis, apud Aldum 1528.
in 4. sed sedulo collatus atque emendatus à
V. Cl. Jac. Carpentario, Doct. Med. Pari-
sienfi & Prof. Regio, ex codicibus duorum
Med. Parisiensium, nempe Job. Fernelii,
viri incomparabilis, & Job. Capellani, qui
ei in comitina Archiatrōn anno CIO IO
LVIII. successit apud Henricum II. Gal-
liarum Regem. Mutuo dedit V. Cl. D. ¹ Gui-
do Patinus, Bellovacus, Doct. Med. Pari-
sienfis & Professor Regius, amicus mihi exi-
mius.

Alius ibidem editus 1549. in folio cum
Medicis antiquis. Quem sua manu V. Cl.
Nic. Nancelius contulit cum editionibus, quot-
quot suo tempore extabant, excepta Stephani;
toto

¹ Lettres de Fen Mr. Guy Patin, Lettre CXVI.

*toto opere ad marginem adscriptis non modica
lectionibus, ubi à libro, qui erat præ manu
variabant; sed & propriis conjecturis, rari
non bonis & doctis. Hunc quoque utendum
dedit V. Cl. D. Guido Patinus, ob singula
lare publicum juvandi studium nunquam &
nulli non laudandus.*

*Alius Lugduni editus apud Joan. Torrenesium 1554. in 12. cui ad oram V. illi
Jof. Scaliger, seculi miraculum, & veteris
cujusdam codicis lectiones & suas emenda-
tiones atque notas adscripsit. Quem ipse
testamento reliquit V. Cl. D. Aelio Everhardo Vorstio, Botanices ac Medicinæ, dum
viveret, Professori primario; ego autem usum
acceptum debeo V. Cl. D. Adolfo Vorstio.
Parenti optimo in utraque & professione &
dignitate successor dignissimo, ac Collegæ meo
honorando.*

*Variæ lectiones, è Ms. Codice antiquo
Bibl. Regiæ Parisiensis, qui inscriptus erat,
Medicina antiqua, descriptæ anno 1631. à V.
Cl. D. Joh. Waleo, Med. Doct. & postea
Professore insigni.*

*Variæ lectiones è libro Sacri Johannis, ab
eodem excerptæ. Et has & præcedentes mihi
utendas dedit D. Antonius Clementius,*

maximè

maxaetns, Cl. D. Walei ex sorore nepos,
juvenis doctus, probus, pius, & si fata si-
vissent, longiore vita dignus.

Præter quæ contuli etiam eorum editiones,
emendationes, annotationes, lectionesque va-
rias, quarum in epistola ad Cl. D. Patinum
feci mentionem. Quemadmodum & illa,
quæ Janus Cornarius in comm. ad Gal. de
Comp. pharm. quæque alii & celebres inter
Criticos (quos Fax Artium liberalium exhi-
bet) auctores observarunt. Hoc quoque te
scire tua interesse, Lector amice, putavi.
Nunc adi ad auctorem. Quem, si cum
cura & studio leges, spondeo,

Lectio lecta, magis decies repetita, pla-
cebit.

INDICULUS EDITIONUM C E L S I.

AUCTUS ET EMENDATUS,

In Folio. Apud

Nicolaum, Florentiæ 1478.

Leonardum Bachel Uldericum Sinczenzeler,
Mediolan. 1481.

Joannem Rubeum, Venet. 1493.

— -- Ibid. 1496. ex Maittaire de Orig. Artis Ty-
pograph. pag. 337. „

Lucam Ant. Juntam, Venet. 1524. „

Phi-

IND. EDID. CELSI.

- Philippum Pinzi, *Venet.* 1497.
 Aldum ex emendatione Bapt. Egnatii, *Venet.* 1522.
 Christia. Wechelum, *Parif.* 1529. „ cum Scri
 „ Largo; non in 4. ut alii ponunt. „
 Aldi filios cum Medicis antiquis, *Venet.* 1547.
 Joannem Oporinum cum Notis Guilielmi Pantini
Basilea 1552.
 Henricum Stephanum Tom. III. Medicor. Princeps
Parif. 1567.

In Quarto, apud

- „ -- -- *Lugduni* 1516. ex Fabricii Bibliotheca IL
 tina. „
 Aldum & Andr. Asulanum, *Venet.* 1528. „ ex
 „ mend. Bapt. Egnatii. „
 Francisc. Raphelengium, cum Notis Jereem
 Thriverii Brachelii & Balduini Ronfsei, *Lugd.* 15
tar. 1592.

In Octavo, apud

- Johan. Soterem, cum Notis Joh. Cæsarii, *Hag*
noe 1528. *Salingiaci* 1538. *Parif.* 1533.
 Matthæum Cerommium cum Notis Thriverii
Antwerp. 1539.
 -- -- -- *Tiguri* 1540.
 „ Sebast. Gryphium „ *Lugd.* 1542.
 Marc. Anton. de Galaffis, *Patavii* 1563.
 Guilielm. Rovillium cum Annotationibus R. Ce
 stantini, *Lugd.* 1566. „ & in 12. ut in Lind. F.
 „ novato. „

- Hieronymum Scotum, *Venet.* 1566.

In Duodecimo, & minori forma, apud

- Joann. Tornæsum, *Lugd.* 1549.
 Joann. Tornæsum & Guilielmum Gazeium; *L*
dun. 1554.
 -- -- -- *Lugd.* 1587. Epistre François à Monfr. de
 Scala, p. 325.
 -- -- -- *Lugdun.* 1592. *Ibid.* 1608.
 Joann. de Tournes, *Genev.* 1625. „ & 1626.
 „ ait Fabricius in Biblioth. Latina, „

Joann. Elsevirium ex recognitione Joan. Antonid.
van der Linden, *Lugd. Batav.* 1657.

Salom. Wagenaar, *Lugd. Batav.* 1665.

„ Joann. Wolters, ex emendatione Theol. Janso-
„ nii ab Almeloveen, & cum ejusdem aliorumque
„ Scholiis brevioribus, & locis parallelis. *Amstel.*
„ 1687. „

„ *Ibid.* recusa edit. 1713. apud eundem, in 8. „
„ Et Joh. Fel. Bielkium, cum Præfat. Georgii
„ Wolfgangii Wedelii, & Indíce locupletissimo,
„ *Fenæ*, eodem anno, in 8.

Josephum Cominum Pav. ann. 1722. cura

Joh. Bap. Vulpj, una cum Ser. Samonico.

In Bibliotheca Eduardi Bernardi sunt binæ edi-
tiones, seu duo exemplaria cum Mss. collata. Ex-
stant No. 7489. seu 143. & 7495. seu 149. pag.
227. *Catal. Mss. Angliæ.*

Simon Bevelaqua *Lugdun.* 1516. in 4.

Simon Silvius. Ejus dedicatio exstat in Edit. *Parif.*
1529. Sed est impressus apud Chr. Wechelum in fol.

JODOCI LOMMII, Commentarii de Sanitate
tuenda in primum librum de Re Medica Aurelii
Cornelii Celsi, Medicorum Romanorum longè
principis, *Lovanii* apud Anton. Mariam Bergagne,
1558. in 8.

HIERONYMI RUBEI Annotationes in libros
VIII. A. C. Celsi de Re Medica, quibus omnia,
quæ ad universam Medicinam spectant, dilucide
& compendiose explicantur. *Venet.* ex Typogra-
phia Francisci Rampazeti, 1614. in 4.

PETRI PAAW Amstelædamensis Succentu-
riatus Anatomicus, continens Commentaria in
Hippocratem de capitis vulneribus. Additæ in
aliquot capita libri VIII. A. C. Celsi explicatio-
nes. *Lugd. Bat.* apud Jodocum à Colster A. 1616. in 4.

JOANNES MORISOTUS scripsit Annotatio-
nes in Corn. Celsum, *Basil.* ap. Joan. Oporin. 1547.

PROMISSÆ EDITIONES.

„ JOANNES RHODIUS quoque videtur posse
 „ di inter eos qui Commentaria in Celsum scri-
 „ psere, propter Dissertationem de Acia ad Cel-
 „ selii Celsi mentem &c. quæ primo prodiit E-
 „ tavii apud Paul. Frambottum 1639. 4. deinde
 „ cundis curis auctior &c. Accedit de Ponderibus
 „ & Mensuris Vett. Medicor. inprimis C. Celsi,
 „ jussu Rhodii Dissertatio, & Vita Celsi. Hafniae
 „ litteris Matthiæ Godicchenii, sumpt. Petri Ha-
 „ boldi Bibl. 1672. in 4. „

PROMISSÆ EDITIONES.

Franc. Vertunianus in Epistol. Dedicat. in Librum

Hippocrat. de Capitis vulner. cum Notis Scaligeri.

UNum addam, quod tibi ac Asclepiadis or-
 nibus scio fore gratissimum, si à te tuique
 simillimis hunc primum suum conatum
 probatum iri animadverterit Scaliger, idem
 reliquo Hippocrate tentaturum: quod jam
 non minus eloquenti, quam fido ejusdem Hippo-
 cratis interprete Celfo, cursim volutando, perfec-
 cit, cujus novam editionem, si per otium rele-
 gere dignabitur, cassæ emendatæque Latinitati
 amantibus propediem adornat.

Joannes Tornæsius in Epistolis Gallicis ad Jos.

Scaligerum, pag. 325.

J'Imprime *Corn. Celsus* en petit volume, com-
 me autrefois feu mon Pere l'avoit imprimé.
 Je me fers de ce que je treuve de bon en
 l'edition de Constantin par Rouillé, & en celle
 de Henri Essienne. J'ay entendu depuis deux
 jours que vous avez des Notes sur cet Auteur
 là, tant de feu Monsieur vôtre Pere que de vous.
 Je vous supplie bien fort & avec toute affection
 qu'il vous plaïsse me vouloir faire part de ce
 que vous avez: je l'imprimeray avec toute la
 diligence qu'il me sera possible. Vous ferez du
 bien au public, & je recognoistray le secours que
 vous m'aurez fait ainsi que le trouverez bon.

Paulus

PROMISSÆ EDITIONES.

Paulo post.

Pour revenir à mon affaire, je vous prieray me faire ce bien que d'envoyer à Paris au Sire Ambroise Drouard Libraire juré près Saint Benoist ce que vous aures sur *Celsus*, afin qu'il me le fasse tenir le plus promptement qu'il pourra. &c.

P. Colomesius Gallie Oriental. pag. 116.

Celsum etiam pollicebatur Joh. Walæus D. M. de cujus morte Sam. Sorberius in Epistol. Gallicis p. 442. In eundem Auctorem notas parabat Ælius Everardus Vorstius apud Leydenses primarius Medicinæ Professor, de quo Cunæus in laudatione funebri.

*Lettres de Feu Mr. Guy Patin, Lettre CXVI.
de la dernière édition.*

On dit que Mr. Rhodius en fait imprimer un (Celse) à Padouë, & nous avons ici (à Paris) Mr. Mentel qui en promet un pareillement en vertu de plusieurs manuscrits & revisions qu'il a devers soi. Pour ce dernier, quoi qu'il dise & promette beaucoup, il ne fait jamais rien, & dit toujours qu'il fera merveille.

JACOBUS HOLSTIUS Toningæ Medicus scripsit commentarium in Celsum *Morhof. Polybistor. liter. IV. pag. 174.*

PETRUS DACQUETUS Furnensis Medicus scripsit Commentarium in Celsum. *Valer. Andr. Dessel. Biblioth. Belgic. p. 734.*

TESTIMONIA

ET

ELOGIA de CELSO.

Quintil. Instit. Orat. L. XII. C. XI.

Quid plura? cum etiam Cornelius Celsus medicri vir ingenio non solum de his omnibus conscripserit artibus, sed amplius rei

*** 3

mili.

militaris , & rusticæ etiam , & medicinæ præcepta reliquerit ? dignus vel ipso proposito , eum scisse omnia illa credamus.

*Franciscus Floridus Sabinus Lectio.
Subciv. lib. I. cap. IV.*

Cornelium Celsum ego tam excellentem scriptorem fuisse reor , ut paucos ei anteposendum Latium protulisse censeam , cum medicinam tam candide , eleganterque Romanis literis illustraverit , quam potuit , qui ingenium sic ad omnes scientias versatile habuit , ut ad id unum à naturæ formatus videretur , quod vir præstantissimus tractare constituisset. Itaque cum ejus , quæ exstant , lucubrationibus nihil sit pulcrius , nihil elegantius , quam ornate Philosophica explicasse credendus est ? de quibus non pauca ab illo Sceptico imitato scripta fuisse , memoriæ prodidit Fabius Quintilianus , in iis etiam Celso persæpe (ut ejus de Oratoria Institutione libri testantur) adversarius , quæ ad Oratoriam artem spectantia , utinam cum infinitis aliorum voluminibus communis naufragium passa non fuissent. Nam & Celsi ingenium latius agnosceremus , & Rhetoricos et Herennium libros non modo non ad Celsum , sed ne ad mediocrem quidem Celsi auditorem esse referendos , tamquam in speculo (ut est in proverbio) conspiceremur.

*Claudius Verderius Censio. in
Auctores , pag. 144.*

Cornelius (Celsus) de Latinitate est tam bene meritus , ut inter Latinos videatur is , qui inter
Gra

Græcos Theophrastus fuit. Sed Hippocratem, & Græca pene omnia parum feliciter vertit. Exemplo fit Aphorismus quidam Hippocratis, quem ille sic interpretatur lib. II. cap. VII. circa finem. *Alvus nigra*, inquit, *sanguini atro similis repentina, sive cum febre, sive sine febre pernicioſa est.* αὐτίματ^α autem in Hippocratis Græco non repentinum, sed spontaneum significat: ut idem alio Aphorismo αὐτομάτως κόπας πρῶταγγέλαι καὶ κήρυκας ἔ νόσων esse dixit, hoc est lassitudines non quidem repentinæ, sed spontaneas, prænuncias & præcones morborum esse. Etenim ex repentino motu repentina lassitudo evenire potest, non tamen erit morbi prænuncia, quia causam habet motum: deinde vero Celsus, *repentina*, particulam ita collocat, ut ad *alvum*ne an ad *febrem* referatur, vix dignoscas. Melius itaque vertit Theodorus: *Dejectiones nigræ modo sanguinis atri sponte venientes, cum febre sive sine febre pessimæ sunt, & quo plures sunt pravi colores eo pejus: sed si ex medicamento tales digeruntur melius est, & quo plures non pravi colores eo melius.* Nec quoque integrum Aphorismum vertit Celsus, sed sententiam Hippocratis secuit per medium. Nec Theodorus utique bene vertit, sic enim tranſtulit Aphorismum 79. particulæ IV. *Si quis sanguinem mingit, & grumos, & guttatim emittit urinam, ac dolorem ad ventrem imum, & peclinem & sæmen, vitii vesicæ laborat.* Celsus in eundem errorem incidit. *Aut si paulatim distillat,* ait Celsus, *vel si sanguis per hanc editur, & in eo quadam cruenta concreta sunt, idque ipsum cum difficultate redditur, & circa pubem inferiores partes dolent, in vesica vitium est.* Græcum autem Hippocratis, *in vesica*, non habet, sed *circa vesicam* hoc est, *ὡς νόσος*. Celsus lib. II. cap. 2. *Si Austri pluviaeque hyemem occuparint, ver autem frigidum & siccum est gravidæ quidem sæminæ, quibus adest partus*
*** 4
abor-

abortu periclitantur: hæc vero quæ gignunt, imbecillius
vixque vitales edunt. Ceteros lippitudo arida, &
seniores sunt, gravedines atque distillationes, male ha-
bent. Hæc ad verbum ex Hippocrate esse vide-
tur, nisi quod συντόμως ἀποθνήσκειν, male habere
non est. Magna certe est differentia inter male
habere & continuo mori. at male habet, qui conat
nuo moritur. credo equidem: sed ita sit, Celsus
Hippocratem non bene vertit. Pylorum intesti-
num à Græcis ita dictum esse commentatur quod
per partes inferiores, tanquam per ostium, e-
quæ in corpore excreſcunt, emittat: cum Pylor-
um, pugnante e diametro ratione, tale nome-
fortitum esse ex Galeno pateat, quia scilicet nihil
nisi prius in chylum (chylum enim pro Latini
voce usurpant medici) conversum tanquam bo-
nus janitor exire sinat, & postea ad inferiora in-
testina deducit, non ut deiciat, sed ut remotius
potius in corpore, & ab hepate in sanguinem
transmittatur. Eaque ratione permotus Galenus
V. de Usu partium, non τῶν διεσπασμένων, sed αὐτῶν
mentorū ait esse instrumenta: ideoque à natu-
ra flexuosa facta ut cibus non repente fluat, se-
perflans concoquatur & nutriat. Apud Celsum
denique observationes quædam sunt ludicræ: quæ-
lis hæc, si nimirum ægrotus summis digitis ex-
trema parietum evellat, hoc est lapillos ex muro
extradicet, signum mortis esse.

Ab hoc Latinitatis amantes Latinas morborum
nuncupationes repetere debebant. *Vertunianus in*
Hippocrat. librum de vulneribus cap. p. 71.

Medicorum Deus. *Casaub. Ep. 29.*

Purissimus Scriptor Cornelius Celsus.

Voss. de Vitiis Serm. I. c. 16.

Janus Doufa , Epigram. Acad. Leyd. Præf.

Ad Cornelium Celsum.

*Facta urbana tuo res Rustica munere scriptis
Nec minus illustris est Medicina tuis.
Hinc quoque militia tractasti commoda Rhetor,
Hoc Martem Musis jungere Celse fuit.*

Balduinus Ronssaeus, Gandav.

De Cornelio Celfo.

*Hippocrati quantum debet Cos insula magno;
Pergama tantundem docte Galene Tibi.
His tamen ambobus quantum sua patria debet,
Tantum Corneli, maxima Roma Tibi!*

Joan. Sambucus, Sub imagine Celsi,

De Eodem.

*Ausonias Caus rotis perductus in oras
Edidit hunc sætum, veste fovetque sua.
Hic puris repetit verbis quæcumque probantur,
Et superat molem, Forliviane, tuam.*

Pithæus Epigram. Vet. lib. 2. pag. 48.

Cornelius Celsus.

*Distantes medici quandoque & Apollinis artes
Musas Romano jussimus ore loqui.
Nec minus est nobis per pauca volumina fama,
Quam quos nulla satis bibliotheca capit.*

De Cornelio Celfo

Incerti.

*Cui Celsum ingenium dederat natura, quid illi
Mirum, si CELSI nomine nomen adest?*

Incerti.

*Hippocrati multum debebas Graie quod artem
Partibus innumeris excoluit medicam.*

*Plus meruit CELSUS: Latiis namque intulit oris
Artem hanc; quod majus quam excoluisse reor.
Hippocrates arti Graios invenit amicos,
Nec suafisse quis huic, sed docuisse, fuit.*

*CELSUS abhorrentes Romanos traxit ad artem,
Et miro medicos reddidit eloquio.*

*Omnia quæ Cous, scripsit, sed plura; quid ergo
Est opus ut magno cedat hic Hippocrati.*

Lilius Gregorius Gyraldus Dialogismo xv.

Existimo te, Hieronyme doctissime, probe scire, quantæ auctoritatis sit Cornelius Celsus apud Latinos, probeque accedere ad Ciceronis elegantiam. Quapropter soleo libenter ejus lectione delectari.

Caspar Barthius ad Statii Thebaid. L. III. vs. 367.

P. 777.

Pariter loquitur elegantissimus eorundem temporum aut paullo superiorum auctor Cornelius Celsus, cujus utinam omni genere edita scripta ad nos pervenissent.

*Caspar Barthius ad Statii Thebaid. L. II.
vs. 677. pag. 611.*

Nos Corn. Celsum secuti ita optime nos Latine loqui putamus, quem ille (*Nonius*) cum minoris alibi auctoritatis esse jactat, cum supercilio suo Grammatico. &c.

God Stewechius ad Veget. de R. M. III. 6.

Cornelius Celsus auctor Latinæ Linguae idoneus, & locuples, si quis alius.

Jacobus Mosantus Briofius,

Cornelio Vigmanno Cadomenfi Medico.

Et ut innumeros alios omittam, sit unus instar omnium inclytus ille tui agnominus Cornelius Celsus.

fus: Deus bone! quam disertâ illius dictio, quam Latina & castigata! quam beatum, in quo vixit, ævum redolens! Scio sibi persuadere multos, illum non medicum de re medica scripsisse, sed fallunt aut falluntur. Epistol. pag. 77.

Ulyss. Aldrovand. de Insect. L. I. c. 3. de Cera.

Nihilo scilicet insolentius atque a Celso gravi, & Latinæ Linguæ auctore.

H. F. ab Aquapendente Operat. Chirurg.

Part. I. cap. 7.

Primo sese offert Celsi maxime proprius Latine loquendi modus, quem ego inter cæteros admiror.

Idem.

Operat. Chirurg. Part. I. cap. 17.

Notetis Celsum, qui ad amussim semper loquitur, tres usurpare voces, *filum, linum, & aciam.*

Idem.

Operat. Chirurg. Part. I. cap. 32.

Mirabilis Celsus in omnibus quem nocturna versare manu, versare diurna consulo.

Christophorus Cellarius in Prolegom. Curar. Posteriores de Barbarismis & Idiotismis Sermonis Latini. pag. 19.

Proximus Augusti temporibus Cornelius Celsus fuit Medicinæ scriptor elegantissimus a Columella I. cap. 1. & Quintiliano XII. cap. ult. laudatus, quem ipsi aureo seculo nonnulli inserunt.

Idem in Aureo seculo p. 81.

Accedit Celsus, scriptor vix inferior iis, qui sub Augusto floruerunt.

Idem seculo Argenteo p. 110.

At Cornelius Celsus, nisi ipse consors Augusti ævi, certe eidem proximus.

IN-

I N D E X

SCRIPTORUM & MEDICORUM

A CELSO LAUDATORUM

COLLECTUS A

CL. Jo. ALBERTO FABRICIO

*Pag. 444. novi supplementi Biblioth. suæ
Latina, nunc vero huic Editioni ac-
commodatus.*

- A** Esculapius. 1. lin. 13.
 Ammonius Alexandrinus chirurgus. 406. 4.
 $\lambda\iota\theta\sigma\tau\acute{\alpha}\mu\omicron\varsigma$ dictus 481. 6.
 Andreas. 241, 22. 252, 15. 254, 9. 359, 21. 554, 10.
 Andron. 269, 14. 395, 12. Andronium medicamen-
 tum. 389, 24.
 Apollonii duo chirurgi. 406, 3.
 Apollonius Empiricus. 3, 25. qui *Mus* cognomina-
 tus est. 241. 22.
 Apollophanes. 252, 7.
 Arabis cujusdam malagma. 254, 32.
 Archagatus. 267, 21.
 Aristogenes. 257, 20.
 Ariston. 259, 1.
 Asclepiades 3, 34. 5, 9. 8, 12. 29, 2. 57, 12. 85, 7.
 87, 31. 91, 4. 93, 30. 117, 30. 118, 10. 119,
 16. 121, 15. 122, 26. 143, 29. 149, 26. 150,
 8. 194, 2. 200, 6. 204, 18. 230, 14. 241, 24.
 374, 5. Ejus volumen quod de tuenda sani-
 tate composuit. 29, 2. Antiqui Medici timi-
 dius balneo utebantur, Asclepiades audacius.
 93, 29.

Ascle-

INDEX SCRIPTORUM.

- Asclepias collyrium.* 362, 23.
 Athenion. 280, 19.
Attalum Emplastrum. 262, 34.
 Boëthus. 270, 33.
Cæsarianum collyrium. 364, 9.
 Cassius Medicus. 223, 27. 281, 7.
Chironium ulcus 322, 19.
 Chryssippi discipulus non ignobilis medicus apud
 Antigonum Regem. 161, 16.
 Chrysippus medicus. 3, 7. 258, 14.
 Cleon. 351, 28. 355, 8. 357, 10.
 Cleophantus ex antiquioribus Medicis. 143, 24.
 Crato. 373, 20. 394, 27.
 Ctesiphon. 258, 19.
 Democritus. 3, 1. 57, 5.
 Dexius. 259, 28.
 Diocles. 175, 11. 418, 4. 554, 4. Carystius. 3, 6.
 221, 19. ferramentum Διοκλῆος γερφίσκον.
 418, 4.
 Diogenes. 265, 30. 307, 15.
 Dionysius. 402, 17.
 Empedocles. 3, 1.
 Empirici. 17, 14. 241, 16.
 Epirotes Philippus, *vid.* Philippus Epirotes.
 Erasistratus. 3, 8. 5, 7. 7, 7. 13, 14. 14, 33. 119, 6.
 120, 13. 137, 17. 139, 15. 165, 31. 204, 16.
 219, 4. 222, 5. 240, 13. 241, 15. 394, 27.
 Euclpis. 352, 29. 360, 8. 361, 5. 11, 19. 363, 1.
 365, 31. Ocularius medicus maximus Celsi
 tempore. 352, 29.
 Euelpistus Phlegetis F. chirurgus. 406, 7.
 Euthycleus. 257, 31.
 Faber quidam. 554, 11.
 Fabulæ de Ajace & Oreste. 150, 20.
 Glaucias Empiricus. 3, 25.

INDEX SCRIPTORUM.

- Gorgias chirurgus. 406, 2. 448, 22.
 Hecataeus. 264, 28. 305, 29.
 Heraclides Tarentinus Empiricus. 3, 26. citatur
 128, 20. 145, 22. 280, 28. 426, 6. 554, 5, 11.
 Heras *al.* Hieras. 273, 6. 322, 10.
 Hermon. 362, 6.
 Heron chirurgus. 448, 24.
 „Heronēs duo. 406, 3. „
 Herophilus. 3, 8. 7, 137, 16. 138, 1. 241. 17.
 432, 22.
 Hierax. 364, 18.
 Hieron, *vid.* Heron.
 Hippocrates Cous vir & arte & facundia infli-
 gnis, Democriti, ut quidam crediderunt,
 discipulus. 3. 3. recentiores Medici licet in
 curationibus mutarunt, tamen optime illum
 praeſagiſſe fatentur. 41, 27. citatur. 5, 22.
 5, 2. 88, 11. 121, 34. 137, 17. 175, 8. 191, 12.
 227, 12. 348, 12. 515, 4. 527, 2. 547, 22.
 549, 19. 554, 4. 557, 21. more magnorum vi-
 rorum confeſſus eſt ſe erraſſe. 515, 4.
 Hippocratis ſucceſſores. 137, 34.
 Irenæus, *vid.* Irenæus.
 Homerus. 2, 1.
 Jollas. 273, 19.
 Irenæus. 341, 33.
 Judæus Medicus. 263, 9. 273, 13.
 Lyſias. 251, 33.
 Machaon. 1, 17.
 Medus. 253, 29.
 Meges, ut ex ſcriptis ejus intelligi poteſt chirur-
 gorum eruditiffimus. 406, 10. citatur. 408, 14.
 426, 17. 448, 16. 479, 28. 555, 27.
 Menemachus. 382, 24.
 Menophilus. 373, 12.

INDEX SCRIPTORUM.

- Methodici. 15, 3. *vid. infra* Themison.
Metrodorus Epicuri discipulus. 161, 31.
Micon. 254, 18. 257, 14. 340, 28. 342, 5.
Mithridatis Antidotum. 276, 2.
Moschus. 253, 22.
Myron. *vid.* Micon.
Nileus. 253, 15. 355, 10. 157, 10. clarus admodum auctor. 554, 5.
Numenius. 259, 16. 271, 5.
Nymphodorus. 554, 11.
Panthemus. 253, 34.
Petron. 137, 18.
Philes. 357, 13.
Philippus Epirotes, medicus apud Antigonum Regem. 161, 20.
Philocrates. 264, 6. 305, 28.
Philonis collyrium. 351, 12.
Philotas. 261, 26.
Philotimus clarus admodum auctor. 554, 5.
Philoxeni Ægyptii plura de chirurgia volumina. 405, 34.
Plistonius Praxagoræ discipulus. 6, 14.
Podalirius. 1, 17.
Polyarchus. 253, 9. 529, 24.
Polybus. 293, 32. 374, 15.
Polyidas. 268, 28.
Praxagoras. 3, 7. 6, 14.
Protarchus. 255, 15. 340, 3, 25. 554, 11.
Ptolemæus chirurgus. 373, 9.
Pythagoras. 2, 34.
Pythagorici numeri. 122, 16.
Serapion. 340, 4. Empiricus Medicus. 3, 21.
Sofagoras. 258, 9.
Sofratus chirurgus. 406, 3. 413, 13. 448, 18.
Tharrias. 159, 1. 165, 24.

The-

INDEX SCRIPTORUM.

- Themison. 4, 2. 16, 29. 119, 18. 225, 15. 372, 18.
Methodicorum post Asclepiadem auctor
15, 4.
Theodotus. 352, 11.
Theoxenus. 259, 9.
Timæus. 274, 5.
Tryphon pater. 346, 17. chirurgus Romæ (non
diu ante Celsum.) 406, 7.
Zeno. 241, 21.
Zopyrus, qui Ptolemæo Regi Antidotum compo-
suit. 275, 23.





A. CORN. CELSI
M E D I C I N Æ
LIBER PRIMUS.

P R Æ F A T I O.



5 **U**T ALIMENTA sanis corpo-
ribus Agricultura , sic ¹ sanita-
tem ægris Medicina promit-
tit. Hæc nusquam quidem ^{p. 16.}
non est. Siquidem etiam ^{30.}im-
peritissimæ gentes herbas , a-
liaque prompta in auxilium vulnerum mor-
borumque noverunt. Veruntamen apud
10 Græcos aliquanto magis , quam in cæteris
nationibus , exculta est ; ac ne apud hos
quidem à prima ² origine , sed paucis ante
nos seculis ; utpote cum vetustissimus au-
ctor Æsculapius celebretur. Qui , quoniam
15 adhuc rudem & vulgarem hanc scientiam
paulo subtilius excoluit , ³ in deorum nume-
rum receptus est. Hujus deinde duo filii ,
Podalirius & ⁴ Machaon , bello Trojano
ducem Agamemnonem secuti , non me-
diocre[m] opem commilitonibus suis attu-
lerunt.

¹ De Vet. Med. T. VIII. 22. ² De Vet. Med. III.
8. ³ Orat. Thess. N. 178. ⁴ Orat. Thess. 183. Maxim.
Tyr. Dissert. XXIX. Plato de Rep. l. III. pag. 407.
T. 2. ed. H. Steph. Aristides Oration. in Asclepiada.

405,
29.

lerunt. Quos tamen Homerus non in pestilentia, neque in variis generibus morborum aliquid attulisse auxilii, sed vulneribus tantummodo ferro & medicamentis mederi solitos esse proposuit. Ex quo apparet, has partes medicinæ solas ab his esse tentatas, easque esse vetustissimas. † Eodemque auctore disci potest, morbos tum ad iram deorum immortalium relatos esse; & ab iisdem opem posci solitam. Verique simile est, inter non multa auxilia adversæ valetudinis, plerumque tamen eam bonam contigisse ob bonos mores, quos neque desidia, neque † luxuria vitiant. Siquidem hæc duo corpora, prius in Græcia, deinde apud nos affligerunt. Ideoque multiplex ista medicina, neque olim, neque apud alias gentes necessaria, vix aliquot ex nobis ad senectutis principia perducit. Ergo etiam post eos, de quibus retuli, nulli clari viri medicinam exercuerunt; donec majore studio literarum disciplina agitari cœpit, quæ ut animo præcipue omnium necessaria, sic corpori inimica est. Primoque medendi scientia, sapientiæ pars habebatur, ut & morborum curatio, & rerum naturæ contemplatio sub iisdem auctoribus nata sit: scilicet his hanc maxime² requirentibus, qui corporum suorum robora inquieta cogitatione, nocturnaue vigilia minuerant. Ideoque multos ex sapientiæ professoribus peritos ejus fuisse accepimus: clarissimos vero ex his † Pythagoram, & Empe-

1 Serv. ad Virg. Aen. 1. 641. Isid. Orig. L. XIV. c. III. p. 1162. Suidas V. Αἰσχρολογία. 2 Cælius Aurelianus. Tard. Pass. l. 5. c. 9. Hippocrat. Democrit de nat. hom. 13.

Empedoclem, & † Democritum. Hujus autem (ut quidam crediderunt) discipulus Hippocrates Cous, primus quidem ex omnibus memoria dignis, ab studio sapientiae disciplinam hanc separavit, vir & arte & facundia insignis. Post quem Diocles Carystius, deinde Praxagoras & Chrysiippus, tum Herophilus & Erasistratus sic artem hanc exercuerunt, ut etiam in diversas curandi vias processerint.

Iisdem temporibus in tres partes medicina diducta est: ut una esset, quæ victu: altera, quæ medicamentis: tertia, quæ manu inderetur. Primam *Ἀγεινικὴν*, secundam *Φαρμακὸν*, tertiam *χειρουργικὴν* Græce nominaverunt. Ejus autem, quæ victu morbos curat, longe clarissimi auctores etiam altius quædam agitare conati, rerum quoque naturæ sibi cognitionem vendicaverunt, tanquam sine ea, trunca & debilis medicina esset. Post quos † Serapion, primus omnium, nihil hanc rationalem disciplinam pertinere ad medicinam, professus, in usu & experimentis eam posuit. Quem Apollonius, & Glaucias, & aliquanto post Heraclides Tarentinus, & alii quoque non mediocres viri secuti, ex ipsa professione se *ἐμπειρικοὶ* appellaverunt. Sic in duas partes ea quoque, quæ victum curat, medicina divisa est, aliis rationalem artem, aliis usum tantum sibi vendicantibus: nullo vero quicquam post eos, qui supra comprehensi sunt, agitante, nisi quod acceperat: donec Asclepiades medendi rationem

A 2

nem

11, 7. nem magna ex parte mutavit. Ex cujus
 successoribus Themison nuper ipse quo-
 que quædam in senectute deflexit. Et per
 hos quidem maxime viros salutaris ista no-
 bis professio increvit.

Quoniam autem ex tribus medicinæ
 partibus, ut difficillima, sic etiam clarissi-
 ma est ea, quæ morbis medetur, ante om-
 nia de hac dicendum est. Et, quia prima in
 ea dissensio est, quod alii sibi experimento-
 rum tantummodo notitiam necessariam es-
 se contendunt: alii, nisi corporum rerum-
 que naturalium ratione comperta, non satis
 potentem usum esse proponunt: indican-
 dum est, quæ maxime ex utraque parte di-
 cantur, quo facilius nostra quoque opinio
 interponi possit.

Igitur hi, qui rationalem medicinam
 profitentur, hæc necessaria esse propo-
 nunt: Abditarum & morbos continentium
 causarum notitiam, deinde Evidentium,
 post hæc etiam Naturalium actionum, no-
 vissime Partium interiorum. Abditas cau-
 sas vocant, in quibus requiritur, ex qui-
 bus principiis nostra corpora sint, quid se-
 cundam, quid adversam valetudinem fa-
 ciat. Neque enim credunt, posse eum scire,
 quomodo morbos curare conveniat, qui,
 unde hi sint, ignoret. Neque esse dubium,
 quin alia curatione opus sit, si ex quatuor
 principiis vel superans aliquid vel deficiens
 adversam valetudinem creat; ut quidam
 ex sapientiæ professoribus dixerunt: alia,
 si in humidis omne vitium est; ut He-
 ro-

rophilo visum est : alia , si in spiritu ; ut Hippocrati : alia , si sanguis in eas venas , quæ spiritui accommodatæ sunt , transfunditur , & inflammationem , quam Græci 16, 20.
 5 φλεμονίῳ nominant , excitat , eaque inflammatio talem motum efficit , qualis in febre est ; ut Erasistrato placuit : alia , si 139, 15.
 manantia corpuscula per invisibilia foramina subsistendo iter claudunt ; ut Asclepiades
 10 contendit. Eum vero recte curaturum , quem prima origo causæ non fefellerit. 4, 27.
 Neque vero inficiantur , † experimenta quoque esse necessaria ; sed , ne ad hæc quidem aditum fieri potuisse ; nisi ab aliqua ratione , contendunt. Non enim quidlibet antiquiores viros ægris inculcasse ; sed cogitasse , quid maxime conveniret ; & id usu explorasse , ad quod ante conjectura aliqua ducti essent. Neque interesse , an initio ple-
 20 raque explorata sint , si à consilio tamen cœperunt. Et id quidem in multis ita se habere. Sæpe vero etiam nova incidere genera 2 morborum , in quibus nihil adhuc usus ostenderit , ut ideo necessarium sit
 25 animadvertere , unde ea cœperint ; ceu sine quo nemo mortalium reperire possit , cur hoc , quam illo , potius utatur. Et ob hæc quidem in obscuro positas causas persequuntur. Evidentes vero has appellant ,
 30 in quibus quærunt , initium morbi calor attulerit , an frigus ; fames , an satietas ; & quæ similia sunt. Occursurum enim † initio dicunt eum , qui originem non ignorat. Naturales vero corporis actiones 13, 4.

A 3

appel-

1 Hippocr. de Art. xx. 4. 2 Plato de Republ. l. 3. Tom. 2. pag. 405. ed. H. Steph. Lindan. Exercitat. Batav. pag. 754.

appellant, per quas spiritum trahimus & emittimus; cibum potionemque assumimus & concoquimus: itemque, per quas eadem hæc in omnes membrorum partes digeruntur. Tum requirunt etiam, quare venæ nostræ modo submittant se, modo attollant: quæ ratio somni, quæ vigiliæ sit. Sine quorum notitia, neminem putant vel occurrere, vel mederi morbis, intra hæc nascentibus, posse. Ex quibus quia quam maxime pertinere ad rem concoctio videtur, huic potissimum insistant; &, ducce, alii, Erasistrato¹, atteri cibum in ventre contendunt: alii, Plistonico Praxagoræ discipulo, putrescere: alii credunt Hippocrati, per calorem cibos concoqui. Acceduntque Asclepiadis æmuli, qui, omnia ista vana & supervacua esse, proponunt. Nihil enim concoqui, sed² crudam materiam, sicut assumpta est, in corpus omne diduci. Et hæc quidem inter eos parum constant. Illud vero convenit, alium dandum cibum laborantibus, si hoc; alium, si illud verum est. Nam si teritur intus, eum quærendum esse, qui facillime teri possit, Si putrescit, eum, in quo hoc expeditissimum est. Si calor concoquit, eum, qui maxime calorem foveat. At nihil ex his esse quærendum, si nihil concoquitur: ea vero sumenda, quæ maxime manent, qualia assumpta sunt. Eademque ratione, cum spiritus gravis est, cum somnus aut vigilia urget, eum mederi posse arbitrantur, qui prius illa ipsa, qualiter eveniant, perceperit. Præter hæc, cum in interiori-

4 27.

¹ Macrobi. Satur. VII. 15. ² Cælius Aurelianus. Acut. Morb. I. I. c. 14.

rioribus partibus & dolores & morborum varia genera nascantur, neminem putant his adhibere posse remedia, ¹ quas ipse ignoret. Neceſſarium ergo eſſe, incidere ² 4, 27. 13, 4. corpora mortuorum, eorumque viſcera atque inteſtina ſcrutari. Longeque optime feciſſe Herophilum ³ & Eraſiſtratum, qui nocentes homines, à regibus ex carcere acceptos, vivos inciderint, conſiderarintque etiamnum ſpiritu remanente, ea, quæ natura ^{11, 12.} ante clauſiſſet, eorumque ⁴ poſituram, colorem, figuram, magnitudinem, ⁵ ordinem, duritiem, mollitiem, lævorem, confractum: proceſſus deinde ſingulorum & reſſus, ſive quid inferitur alteri, ſive quid partem alterius in ſe recipit. Neque enim, cum dolor intus incidit, ſcire, quid doleat, eum, qui qua parte quodque viſcus inteſtinumve ſit, non cognoverit. Neque curari id, quod ægrum eſt, poſſe ab eo, qui, quid ſit, ignoret. Et cum per vulnus alicujus viſcera patefacta ſunt, eum, qui ſanæ cujuſque colorem partis ignoret, nescire, quid integrum, quid corruptum ſit; ideo nec ſuccurrere quidem poſſe corruptis: aptiusque extrinſecus imponi remedia, compertis interiorum & ſedibus & figuris, ⁶ cognitaque eorum magnitudine: ſimilesque omnia, quæ propoſita ſunt, rationes habere. Neque eſſe crudele, ſicut plerique proponunt, hominum nocentium, & horum quoque paucorum, ſuppliciiis remedia populis innocentibus ſeculorum omnium quæri.

Contra hi, qui ſe *ἐμπειροὺς* ab experien-

A 4

tia

1 De diæt. I. T. 1. Gal. Med. M. l. 2. 2 Cic. T. Q. 11. 29.

3 Tert. de An. c. x. & xxv. Gal. Adm. An. 111. 5. 4 Gal.

ad Eug. de prop. l. p. 50. T. 1. 5 De Vet. Med. xlii.

25. ſeq. A. Tral. vii. 3.

tia nominant, evidentes quidem causas, ut necessarias, amplectuntur: obscurarum vero causarum & naturalium actionum quaestionem ideo supervacuam esse contendunt, quoniam incomprehensibilis natura sit. Non posse vero comprehendi, patere ex eorum, qui de his disputarunt, discordia: cum de ista re, neque inter sapientiae professores, neque inter ipsos medicos conveniat. Cur enim potius aliquis Hippocrati credat, quam Herophilo? cur huic potius, quam Asclepiadi? Si rationes sequi velit, omnium posse videri non improbables: si curationes, ab omnibus his ægros perductos esse ad sanitatem. Itaque neque disputationi, neque auctoritati cujusquam fidem derogari oportuisse. Etiam sapientiae studiosos maximos medicos esse, si ratiocinatio hos faceret: nunc illis verba superesse, deesse medendi scientiam. Dis-

18, 33. ferre quoque pro natura locorum, genera medicinae; & aliud opus esse Romæ,

119, 15. aliud in Ægypto, aliud in Gallia. Quod si morbos hæ causæ facerent, quæ ubique eadem essent, remedia quoque ubique eadem esse debuissent. Sæpe etiam causas apparere, ut puta lippitudinis, vulneris; neque ex his patere medicinam. Quod si scientiam hanc non subiciat evidens causa, multo minus eam posse subicere, quæ in dubio est. Cum igitur illa incerta incomprehensibilisque sit, à certis potius & exploratis petendum esse præsidium; id est, his, quæ experientia in ipsis curationibus docuerit, sicut in

1 Thessal. orat. 130. Galen. de Simpl. Med. Facult. 111. 12. Clem. Alex. Strom. I. VI. Valeriol. Enarrat. lib. II. Enar. V.

in cæteris omnibus artibus. Nam ne agricolam quidem aut gubernatorem disputatione, sed usu fieri. Ac, nihil istas cogitationes ad medicinam pertinere, eo quoque disci, quod, qui diversa de his senserint, ad eandem tamen sanitatem homines perduxerint. Id enim fecisse, quia non ab obscuris causis, neque à naturalibus actionibus, quæ apud eos diversæ erant; sed ab experimentis: prout cuique responderant, medendi vias traxerint. Ne inter initia quidem ab istis quæstionibus deductam esse medicinam, sed ab experimentis. Ægrorum enim, qui sine medicis erant, alios propter aviditatem primis diebus protinus cibum assumpsisse, alios propter fastidium² abstinuisse, levatumque magis eorum morbum fuisse, qui abstinerant. Itemque alios in ipsa febre aliquid edisse, alios paulo ante eam, alios post remissionem ejus: optime deinde his cessasse, qui post finem febris id fecerant. Eademque ratione alios inter principia protinus usos esse cibo pleniore, alios exiguo; gravioreque eos factos, qui se implerant. Hæc similiaque cum quotidie inciderent, diligentes homines³ notasse, quæ plerumque melius responderent: deinde ægrotantibus ea præcipere cœpisse. Sic medicinam ortam, subinde aliorum salute,⁴ aliorum interitu, perniciofa discernentem à salutari- bus. Repertis deinde medicinæ remediis, homines de rationibus eorum differere cœpisse: nec post rationem, medicinam esse

A 5

se

1 Diod. Sicul. 1. 82. 2 Hippocrat. de Arte T. VI. de Vet. Med. x. 17. 3 Præcept. 11. 26. 27. 4 Columell. l. 1. c. 1.

se inventam ; sed post inventam medicinam , rationem esse quæsitam. Requiere etiam , ratio idem doceat , quod experientia , an aliud. Si idem , supervacuam esse : si aliud , etiam contrariam. Primo tamen remedia exploranda summa cura fuisse , nunc vero illa explorata esse : neque ulla aut nova genera morborum reperiri , aut novam desiderari medicinam. Quod si jam incidat mali genus aliquod ignotum , non ideo tamen fore medico de rebus cogitandum obscuris : sed eum protinus visurum , cui morbo id proximum sit ; tentaturumque remedia similia illis , quæ vicino malo sæpe succurrerint ; & per ejus similitudinem opem reperturum. Neque enim se dicere , consilio medicum non egere , & irrationabile animal hanc artem posse præstare ; sed has latentium rerum conjecturas ad rem non pertinere , quia non interfit , quid morbum faciat , sed quid tollat. Neque ad rem pertinere , quomodo ; sed † quid optime digeratur , sive hac de causa concoctio intercidat , sive de illa ; & sive concoctio sit illa , sive tantum digestio. Neque quærendum esse , quomodo spiremus , sed , quid gravem tardumque spiritum expediat : neque , quid venas moveat ; sed , quid quæque motus genera significant. Hæc autem cognosci experimentis. Et in omnibus ejusmodi cogitationibus in utramque partem differi posse. Itaque ingenium & facundiam vincere : morbos autem , † non ² eloquentia , sed remediis curari. Quæ si quis elinguis usu discre-

1 Maxim. Tyrius serm. xi. 2 Lucian. Hippias. pag. 503. Tom. II, ed. Bened.

† discreta bene norit, hunc aliquanto majorem medicum futurum, quam si sine usu linguam suam excoluerit. Atque ea quidem, de quibus est dictum, supervacua esse
 5 tantummodo. Id vero, quod restat, etiam crudele; vivorum hominum alvum atque præcordia incidi; & salutis humanæ præfidem artem, non solum pestem alicui, sed
 10 hanc etiam atrocissimam inferre: cum præsertim ex his, quæ tanta violentia quærantur, alia non possint omnino cognosci, alia possint etiam sine scelere. Nam colorem, lævorem, mollitiem, duritiem, similiaque omnia, non esse talia, inciso corpore,
 15 qualia integro fuerint. Tum quia, corporibus inviolatis, hæc tamen metu, dolore, inedia, cruditate, lassitudine, & mille aliis mediocribus¹ affectibus sæpe mutantur. Unde multo magis verisimile,
 20 interiora, quibus major mollities & lux ipsa nova est, sub gravissimis vulneribus & ipsa trucidatione mutari. Neque quicquam esse stultius,² quam quale quid vivo homine est, tale existimare esse moriente, imo jam
 25 mortuo. † Nam ne utrum quidem, ut nihilominus aerem contineat, spirante homine posse diduci: simulatque vero ferrum ad præcordia accessit, & discissum transversum septum est, quod membrana quadam superiores partes ab inferioribus
 30 ducit (*Διφραγμα* Græci vocant) hominem protinus animam amittere: itaque demum mortui præcordia & viscus omne in conspectum latrocinantis medici dari: quod
 neces-

¹ Quintil. declam. VIII. pag. 116. ed. Gron. ² Aristot. Hist. Anim. III, 2.

neceſſe ſit tale eſſe, quale mortui ſit, non quale vivi fuit. Itaque conſequi medicum, ut hominem crudeliter jugulet; non ut ſciat, qualia vivi viſcera habeamus. Si quid tamen ſit, quod adhuc ſpirante homine conſpectui ſubjiciatur; id ſæpe caſum offerre curantibus. Interdum enim gladiatorem in arena, vel militem in acie, vel viatorem à latronibus exceptum ſic vulnerari, ut ejus interior aliqua pars, & in alio alia, aperiatur; atque ita ſedem, poſitum, ordinem, figuram, ſimiliaque cognoscere prudentem medicum, non cædem, ſed ſanitatē molientem; idque per miſericordiam diſcere, quod alii dira crudelitate cognoverint. Ob hæc, ne mortuorum quidem lacerationem neceſſariam eſſe. Quæ, etſi non crudelis, tamen fœda ſit, cum aliter pleraque in mortuis ſe habeant: quantum vero in vivis cognosci poteſt, ipſa curatio oſtendat.

Cum hæc per multa volumina, perque magnæ contentionis diſputationes à medicis ſæpe tractata ſint atque tractentur: ſubjiciendum eſt, quæ proxima vero videri poſſint, neque addicta alterutri opinioni, neque ab utraque nimium abhorrentia, ſed media quodammodo inter diſverſas ſententias. Quod in plurimis contentionibus deprehendere licet, ſine ambitione verum ſcrutantibus, perinde ut in hac ipſa re. Nam quæ demum cauſæ, vel ſecundam valetudinem præſtent, vel morbos excitent; quomodo ſpiritus, aut cibus, vel

vel deferatur, vel digeratur, ne sapientiæ quidem professores scientia comprehendunt, sed conjectura prosequuntur. Cujus autem rei non est certa notitia, ejus opinio 5, 33.

5 certum reperire remedium non potest. Verumque est, ad ipsam curandi rationem nihil plus conferre, quam experientiam. Quanquam igitur multa sint, ad ipsas artes proprie, non pertinentia, tamen eas adjuvant, excitando artificis ingenium. Itaque 10 ista quoque naturæ rerum contemplatio, 406, quamvis non faciat medicum, aptiorem 29. tamen medicinæ reddit. Profecto verisimile est, & Hippocratem & Erasistratum 15 & quicumque alii, non contenti febres & ulcera agitare², rerum quoque naturam ex aliqua parte scrutati sunt, non ideo quidem medicos fuisse, verum ideo quoque majores medicos extitisse. Ratione vero opus 20 est ipsi medicinæ, si non semper inter obscuras causas, neque inter naturales actiones, tamen sæpe. Est enim hæc ars³ conjecturalis, neque respondet ei plerumque non solum conjectura, sed etiam experien- 25 tia. Et interdum non febris, non cibus, non somnus subsequitur, sicut assuevit. Rarius, sed aliquando morbus quoque ipse 5, 22. novus est: quem non incidere, manifeste falsum est; cum ætate nostra quædam, ex 30 naturalibus partibus carne prolapsa & arente, intra paucas horas expiraverit; sic ut nobilissimi medici neque genus mali, neque remedium invenerint. Quos ideo nihil tentasse judico, quia nemo in splendida persona

1 Augustin. de Doctrin. Chr. II. 39. Hippocrat. Epist. ad Thessal. fil. De decent. Ornat. T. I. II. III. 2 i. e. tradere. 3 Hip. Cratev. ep. 7. Plato de leg. XIII. p. 976. T. 2. Arist. Or. Plat. I. p. 364.

283, 5. persona periclitari conjectura sua voluerit; ne occidisse, nisi servasset, videretur. Veri-
tamen simile est, potuisse aliquid excogi-
tare, detracta tali verecundia, & fortasse
responsurum fuisse id, quod aliquis esset
expertus. Ad quod medicinæ genus, ne-
que semper similitudo aliquid confert; &
si quando confert, tamen idipsum rationa-
bile est, inter multa similia genera, & mor-
borum & remediorum, cogitare, quo po-
tissimum medicamento sit utendum. Cum
igitur talis res incidit, medicus aliquid
oportet inveniat, quod non ubique for-
tasse; sed sæpius tamen etiam respondeat.
Petet autem novum quoque consilium, II
non ab rebus latentibus (istæ enim dubiæ
& incertæ sunt) sed ab his, quæ explorari
possunt; id est, evidentibus causis. Inter-
est enim, fatigatio morbum, an fitis; an
frigus, an color; an vigilia, an fames fece- 200
rit; an cibi vinique abundantia, an intem-
perantia libidinis. Neque ignorare hunc
27, 33. oportet, quæ sit ægri natura: humidum
magis, an magis siccum corpus ejus sit:
validi nervi, an infirmi: frequens adversa 25
valetudo, an rara: eaque, cum est, vehe-
mens esse soleat, an levis; brevis, an longa:
quod is vitæ genus sit secutus; laboriosum,
an quietum; cum luxu, an cum frugalitate.
Ex his enim, similibusque, sæpe curandi 30
nova ratio ducenda est. Quamvis ne hæc
quidem sic præteriri debent, quasi nullam
controversiam recipiant. Nam & Eras-
stratus non ex his fieri morbos dixit: quo-
niam

niam & alii, & idem alias post ista non fabricitarent.

Et quidam Methodici seculi nostri, sub auctore (ut ipsi videri volunt) Themisone
5 contendunt, nullius causæ notitiam quicquam ad curationes pertinere: satisque esse, quædam communia morborum intueri,
Et quidem horum tria genera esse, unum adstrictum, alterum fluens, tertium mix-
10 tum. Nam modo parum excernere ægros, modo nimium: modo alia parte parum, alia nimium. Hæc autem genera morborum, modo acuta esse, modo longa; & modo incre-
15 crescere, modo consistere, modo minui consuevisse. Cognito igitur eo quod ex his est, si corpus adstrictum est, digerendum esse: si profluvio laborat, continendum: si mixtum vitium habet, occurrendum subinde vehementiori malo. Et aliter acutis
20 morbis medendum, aliter vetustis: aliter incrementibus, aliter subsistentibus, aliter jam ad sanitatem inclinantibus. Horum observationem medicinam esse, quam ita 9, 13.
finiunt, ut quasi viam quandam, quam
25 *μέθοδος* Græci nominant, eorumque, quæ in morbis communia sunt, centemplatricem esse contendunt. Ac neque rationalibus se, neque experimenta tantum spectantibus annumerari volunt: cum ab illis eo nomine
30 dissentiant, quod in conjectura rerum latentium nolunt esse medicinam: ab his eo, quod parum artis esse in observatione experimentorum credunt. Quod ad Erasistratum pertinet, primum, ipsa evidentia ejus
opini-

opinionem repugnat; quia raro, nisi post horum aliquid, morbus venit. Deinde non sequitur, ut quod alium non afficit, aut eundem alias, id ne alteri quidem, aut eidem tempore alio noceat. Possunt enim quædam subesse corpori, vel ex infirmitate ejus, vel ex aliquo affectu, quæ vel in alio non sunt, vel in hoc alias non fuerunt, eaque per se non tanta, ut concitent morbum; tamen obnoxium magis aliis injuriis

- 13, 11. corpus efficiant. Quod si contemplationem rerum naturæ¹ (quam non temere Medici sibi vendicant) satis comprehendisset, etiam illud scisset, nihil omnino ob unam causam fieri, sed id pro causa apprehendi, quod contulisse plurimum videtur. Potest autem id, dum solum est, non movere, quod junctum aliis maxime movet. Accedit ad hæc, quod ne ipse quidem
- 5, 3. Erasistratus, qui transfuso in arterias sanguine febrem fieri dicit, idque nimis repleto corpore incidere, reperit, cur ex duobus æque repletis, alter in morbum inciderit, alter omni periculo vacarit; quod quotidie fieri apparet. Ex quo disci potest, ut vera sit illa transfusio, tamen illam non per se, cum plenum corpus est, fieri; sed cum horum aliquid accesserit.

Themisonis vero æmuli, si perpetua, quæ² promittunt, habent, magis etiam, quam illi rationales sunt. Neque enim, si quis non omnia tenet, quæ rationalis alius probat, protinus alio novo nomine artis indiget: si modo, quod primum est, non me-

¹ De Vet. Med. xxxvi. 18. ² Horat. II. Ep. I. 115. 116. *quod medicorum est promittunt medici.*

memoriæ soli , sed rationi quoque insistit.
 Sin , quod vero propius est ; vix ulla ¹ perpe- 119.
 tua præcepta medicinalis ars recipit , iidem 25.
 sunt , quod ii , quos experimenta sola susti-
 5 nent : eo magis , quoniam , si compresserit
 aliquem morbus , aut fuderit , quilibet etiam
 imperitissimus videt. Quid autem com-
 pressum corpus resolvat , quid solutum te-
 neat , si à ratione tractum est , Rationalis est
 10 medicus : sin , ut ei , qui se rationalem ne-
 gat , confiteri necesse est , ab experientia ,
 Empiricus. Et ita apud eum morbi cogni-
 tio extra artem , medicina intra usum est.
 Neque adjectum quicquam Empiricorum
 15 professioni , sed demtum est ; quoniam illi
 multa circumspiciunt , hi tantum facillima ,
 & non plus , quam vulgaria. Nam & hi , qui
 pecoribus ac jumentis medentur , cum pro-
 pria cujusque ex mutis animalibus nosse
 20 non possint , communibus tantummodo in-
 sistunt. Et exteræ gentes , cum subtilem
 medicinæ rationem non noverint , com-
 munia tantum vident. Et qui ample va-
 letudinarios nutriunt , quia singulis sum-
 5 ma cura consulere non sustinent , ad com-
 munia ista confugiunt. Neque , hercules ,
 istud antiqui medici nescierunt , sed his
 contenti non fuerunt. Ergo etiam vetustis-
 simus auctor Hippocrates , dixit ² mederi 19, 20.
 0 oportere , & communia , & propria intuen- 18, 10.
 tem. Ac ne isti quidem ipsi intra suam 96, 15.
 professionem consistere ullo modo possunt.
 Siquidem & compressorum & fluentium
 morborum genera diversa sunt ; facilius-

B

que

1 De Loc. in Homin. T. L. 2. 2 Epidem. 1.
 5. & 111. 2.

que id in his , quæ fluunt , inspicere potest. Aliud est enim sanguinem , aliud bilem , aliud cibum vomere : aliud dejectionibus , aliud torminibus laborare : aliud sudores digeri , aliud tabe consumi. Atque in partes quoque humor erumpit , ut oculos , auresque , quo periculo nullum humanum membrum vacat. Nihil autem horum sic , ut aliud curatur. Ita protinus in his à communi fluentis morbi contemplatione ad propriam medicina descendit. Atque in hac quoque rursus alia proprietatis notitia sæpe necessaria est ; quia non eadem omnibus , etiam in similibus casibus , opitulantur. Siquidem certæ quædam res sunt , quæ in pluribus ventrem aut astringunt , aut resolvunt. Inveniuntur tamen , in quibus aliter , atque in cæteris , idem eveniat. In his ergo communium inspectio contraria est , priorum tantum salutaris. Et causæ quoque æstimatio sæpe morbum solvit. Ergo etiam ingeniosissimus seculi nostri medicus , quem nuper vidimus , Cassius , febricitanti cuidam & magna siti affecto , cum post ebrietatem eum premi cœpisse cognosceret , aquam frigidam ingessit , qua ille epota , cum vini vim miscendo fregisset , protinus febrem somno & sudore discussit. Quod auxilium medicus opportune providit , non ex eo , quod astrictum corpus erat , aut fluebat ; sed ex causa , quæ ante præcesserat. Estque etiam proprium aliud ¹ & loci & temporis , istius quoque authoribus. Qui , cum disputant

96, 16
112,
17.
405,
17.
3, 21.
119,
32.

quem

quemadmodum sanis hominibus agendum sit, præcipiunt, ut gravibus aut locis aut temporibus magis vitetur frigus, æstus, satietas, labor, libido; magisque ut conquiescat iisdem aut locis aut temporibus, si quis gravitatem corporis sentit; ac neque vomitu stomachum, neque purgatione alvum sollicitet. Quæ vera quidem sunt; à communibus tamen ad quædam propria descendunt. Nisi persuadere nobis volunt, sanis quidem considerandum esse, quod cælum, quod tempus anni sit: ægris vero non esse. Quibus tanto magis omnis observatio necessaria est, quanto magis obnoxia offensis infirmitas est. Quinetiam morborum in iisdem hominibus aliæ atque aliæ proprietates sunt: & qui secundis aliquando frustra curatus est, contrariis sæpe restituitur. Plurimaque in dando cibo discrimina reperiuntur: ex quibus contentus uno ero. Nam famem facilius fert² adolescens, quam puer: † facilius in denso cælo, quam in tenui: facilius hieme, quam æstate: facilius uno cibo, quam prandio quoque assuetus: facilius in exercitatus, quam exercitatus homo Sæpe autem in eo magis necessaria cibi festinatio est, qui minus in ediam tolerat. Ob quæ conjicio, eum, qui propria non novit, communia tantum intueri debere: eumque, qui nosse propria potest, illa quidem non oportere negligere, sed his quoque insistere. Ideoque, cum par scientia sit, utiliore tamen medicum esse³ amicum, quam extraneum. Igitur, ut ad propositum meum redeam,

B 2

¹ Aphor. II. 22. ² Aphor. I. 13. ³ Plaut. Pers. IV. 4, 46. Hippocrat. Dionys. 29. 30. 31.

deam, rationalem quidem puto medicinam esse debere: instrui vero ab evidentibus causis, obscuris omnibus, non à cogitatione artificis, sed ab ipsa arte rejectis. Incidere autem vivorum corpora, & crudele, & supervacuum est, mortuorum vero, ¹ discentibus necessarium. Nam positum & ordinem nosse debent. Quæ cadavera melius, quam vivus & vulneratus homo, repræsentant. Sed & cætera, quæ in viviss cognosci modo possunt, in ipsis curationibus vulneratorum paulo tardius, sed aliquanto mitius usus ipse monstrabit. Hiss propositis, primum dicam, quemadmodum Sanos agere conveniat, tum ad ea transibo, quæ ad Morbos & curationes eorum pertinebunt.

CAPUT I.

Quemadmodum sanos agere conveniat.

SANUS homo, qui & bene valet, & suæ spontis est, nullis obligare se legibus debet; ac neque medico, neque iatro-alipta egere. Hunc oportet ¹ varium habere vitæ genus: modo ruri esse, modo in urbe sæpiusque in agro: navigare, venari, quiescere interdum, sed frequenter se exercere. Siquidem ignavia ² corpus hebetat, labor firmat, illa maturam senectutem, hic longam adolescentiam reddit. Prodest etiam interdum balneo, interdum aquis frigidis uti: modo ungi, modo id ipsum negligere: nullum cibi genus fugere, quo populus utatur: interdum in convictu esse, interdum

¹ Cicero A. Qu. II. 39. ¹ Cal. Aurel. de Morb. Acut. I. 14. ² De Diæta I. I. T. I. 18. I. II. T. XXXVII. 13. & 28. ¹ Off. Med. XII. 4. Dion. Chrys. Or. I. p. 5. ed. Cas. Pallad. ad Hipp. I. 6. Epid p. 252.

dum ab eo se retrahere: modo plus iusto, modo non amplius assumere: ¹ bis die potius, ^{33, 29.} quam semel cibum ² capere: & ³ semper quam plurimum, dummodo hunc concoquat. Sed ut hujus generis exercitationes cibi-que necessarii sunt; sic athletici supervacui. Nam & intermissus propter aliquas civiles necessitates ordo exercitationis corpus affligit: & ea corpora, quæ more eorum repleta sunt, celerrime & senescunt, & ægrotant.

De Concubitu.

Concubitus vero neque nimis concupiscendus, neque nimis pertimescendus est. Rarus, corpus excitat; frequens, ⁴ solvit. Cum autem frequens, non numero sit, sed natura, ratione ætatis, & corporis, scire licet, eum non inutilem esse, quem corporis neque languor, neque dolor sequitur. Idem interdiu pejor, tutior noctu: ita tamen, si neque illum cibis, neque hunc cum vigilia labor statim sequitur. Hæc firmis servanda sunt: cavendumque, ne in secunda valetudine adversæ præsidia consumantur.

C A P. II.

Quæ imbecillis servanda sint.

At imbecillis (quo in numero magna pars urbanorum, omnesque pene cupidi literarum ⁵ sunt) observatio major ^{2, 29.} necessaria est: ut, quod vel corporis, vel loci, vel studii ratio detrahit, cura re-

B ³ sti-

¹ Vide Nonn. de Re Cibar. l. i. c. 4. ² De Ver. Med. xviii. ³ Casaub. in Athen. ii. 8. ⁴ De Gen. i. 5. ii: Præd. viii. 15. 16. ⁵ Nazian, Orat. Funeb. in Basil. Magn.

stituat. Ex his igitur, qui bene concoxit: mane tuto surget: qui parum, quiescere debet; &, si mane surgendi necessitas fuerit, redormire. Qui non concoxit, ex toto con-

25, 21. quiescere, ac neque labori se, neque exer-

24, 8. citationi, neque negotio credere. Qui cru-

14. dum sine præcordiorum dolore ructat, iss

37, 19. ex intervallo aquam frigidam bibere, & se nihilominus continere. Habitare vero ædificio lucido, perflatum æstivum, hibernum solem habente: cavere meridianum¹ solem, matutinum & vespertinum frigus; itemque auras fluminum atque stagnorum; minimeque nubilo cælo, soli aperienti se committere, ne modo² frigus, modo calor moveat: quæ res maxime gravedines destillationesque concitat. Magis vero † gravibus locis ista servanda sunt, in quibus etiam pestilentiam faciunt. Scire autem

40, 17. licet, integrum corpus esse, cum quotidie mane urina alba, dein rufa est. Illud concoquere, hoc concoxisse significat. Ubi expectatus est aliquis, paulum intermittere;

36, 11. deinde, nisi hiems est, fovere os multa aqua frigida debet. Longis diebus meridiari potius ante cibum; sin minus, post eum. Per hiemem potissimum totis noctibus conquiescere. Sin lucubrandum est,

37, 19. non post cibum id facere, sed post concoctionem. Quem interdiu vel domestica, vel civilia officia tenuerunt, huic tempus aliquod servandum curationi corporis fuit est. Prima autem ejus curatio, exercitatio est, quæ semper antecedere cibum debet.

ira

1 De Diata. III. x. 6, 7. 8. 2 Aphor. III. I. Epidem VI. 4. 41. 3 Plin. xxviii. 6.

in eo, qui minus laboravit, & bene concoxit, remissior: in eo, qui assuetus est, & minus concoxit, amplior. Commode vero exercent, clara lectio, arma, pila, cursus, ^{38, 26.}
5 ambulatio, atque hæc non utique plana, commodior est: siquidem melius ascensus quoque & descensus, cum quadam varietate corpus moveat; nisi tamen id perquam imbecillum est. Melior autem est sub divo,
10 quam in porticu: melior, si caput patitur, in sole, quam in umbra: melior in umbra, quam parietes aut viridaria efficiunt, quam quæ tecto subest: melior recta, quam flexuosa. Exercitationis autem plerunque finis esse debet ¹ sudor, aut certe lassitudo,
15 quæ citra fatigationem sit: idque ipsum, modo minus, modo magis faciendum est. Ac ne his quidem, athletarum exemplo, vel certa esse lex, vel immodicus esse labor debet. Exercitationem recte sequitur,
20 modo unctio, vel in sole, vel ad ignem; modo balneum, sed in conclavi quam maxime & alto & lucido & spaciofo. Ex his vero neutrum semper fieri oportet; sed sæpius
25 alterutrum, pro corporis natura. Post hæc paulum conquiescere opus est. Ubi ad cibum ventum est, nunquam ² utilis est nimia ^{24, 33.}
fatietas: sæpe inutilis nimia abstinentia: sæpe, si qua intemperantia subest, tutior est
30 in potione, quam in esca. Cibus à salsamentis, oleribus, similibusque rebus melius incipit. Tum caro assumenda est, quæ assa optima, aut elixa est. ³ Condita omnia duabus de causis inutilia sunt, quoniam & plus

B 4

pro-

¹ Epid. vi. 3. 13. ² Aph. ii. 51. Vet. Med. xv. 10 15. Tert. Carm. ad Sen. Leon. Imp. nov. Const. 1. Arist. de Mor. ii. 2. ³ Salmas. ad Simplicium p. 21. 22.

propter dulcedinem assumitur, & quod modo par est. tamen ægrius concoquitur. Secunda mensa bono stomacho nihil nocet, in imbecillo coacescit. Si quis itaque hoc parum valet, palmulas, pomaque, & similia melius primo cibo assumit. Post multas potiones, quæ aliquantum sitim excesserunt, nihil edendum est: post satietatem, nihil agendum. Ubi expletus est aliquis, facilius concoquit, si, quicquid assumpsit, potionem aquæ frigidæ includit, tum paulisper invigilat, deinde bene dormit. Si quis interdiu se implevit, post cibum neque frigori, neque æstui, neque labori se debet committere. Neque enim tam facile hæc inani corpore, quam repleto nocent. Si quibus de causis futura inedia est, labor omnis vitandus est.

CAP. III.

Observationes quedam, prout res novæ incidunt, & corporum genera, & sexus, & ætates, & tempora anni sunt.

ATQUE hæc quidem pene perpetua sunt: quasdam tamen observationes desiderant & novæ res, & corporum genera, & sexus, & ætates & tempora anni. Nam neque ex salubri loco in gravem, neque ex gravi in salubrem transitus satis tutus est. Ex salubri in gravem, prima hieme: ex gravi in eum, qui salubris est, prima æstate transire melius est. Neque vero ex multa fame nimia satietas: neque ex nimia satietate fames idonea est.

Peri-

Periclitaturque &, qui semel, &, qui bis die cibum incontinenter, contra consuetudinem, assumit. Item, neque ex nimio labore subitum ocium, neque ex nimio ocio subitus labor, sine gravi noxa est. Ergo, cum quis mutare aliquid volet, paulatim debet, assuescere. Omnem etiam² laborem facilius vel puer vel senex. quam insuetus homo sustinet. Atque ideo quoque nimis ociosa vita utilis non est; quia potest incidere laboris necessitas. Si quando tamen insuetus aliquis laboravit, aut multo plus, quam solet, etiam is qui assuevit, huic jejuno dormiendum est: multo magis, si etiam¹ os amarum est, vel oculi caligant, aut venter perturbatur. Tum enim non dormiendum tantummodo jejuno est, sed etiam in posterum diem ita permanendum, nisi cito id quies sustulit. Quod si factum est, surgere oportet, & lente paululum ambulare. At si somni necessitas non fuit, quia modice magis aliquis laboravit, tamen ingredi aliquantum eodem modo debet.

Communia deinde omnibus sunt post²⁵ fatigationem cibum sumpturis, ubi paulum ambulaverunt, si balneum non est, calido loco, vel in sole, vel ad ignem ungi, atque sudare: si est, ante omnia in tepidario residere: deinde, ubi paulum conquieverunt, intrare & descendere in⁴ solium; tum multo oleo ungi, leniterque perfricari; iterum in solium descendere; post hæc, os aqua calida fovere, deinde frigida. Balneum his fervens idoneum non est. Ergo si

B 5

ni-

¹ Aphor. II. 50. II. De Diæt. VLIV. 2. 3. ² Aph. II, 49. ⁴ Alveum A. ad Heren. lib. IV. 10.

nimium alicui fatigato pene febris est, huic
 abunde est, loco tepido demittere se ingui-
 nibus tenus in aquam calidam, cui paulum
 olei adjectum fit: deinde totum quidem
 corpus, maxime tamen eas partes quæ in
 aqua fuerunt, leniter perfricare ex oleo,
 cui vinum & paulum contriti salis fit adje-
 ctum. Post hæc, omnibus fatigatis aptum
 est, cibum sumere, eoque humido uti;
 aqua, vel certe diluta potione esse conten-
 tos; maximeque ea, quæ moveat urinam.
 Illud quoque nosse oportet, quod ex labore
 sudanti frigida potio perniciosissima est:
 209. atque etiam, cum sudor remisit, itinere
 19. fatigatis inutilis. A balneo quoque venien-
 tibus Asclepiades inutilem eam judicavit.
 Quod in his verum est, quibus alvus facile,
 nec tuto, resolvitur, quique facile inhorres-
 cunt: perpetuum in omnibus non est, cum
 potius naturale sit, potione æstuan-
 tem stomachum refrigerari, frigentem
 calefieri. Quod ita præcipio, ut tamen fa-
 tear, ne ex hac quidem causa sudanti adhuc
 frigidam bibendam esse. Solet etiam pro-
 dedisse, post varium cibum, frequentesque
 dilutas potiones, vomitus, & postero die
 longa quies, deinde modica exercitatio. Si
 assidua oscitatio urget, invicem modo aqua,
 modo vinum bibendum est, raroque balneo
 utendum. Levatque lassitudinem etiam la-
 boris mutatio: eumque quem novum ge-
 nus cujusdam laboris preffit, id, quod in
 consuetudine est, reficit. Fatigato quoti-
 dianum cubile tutissimum est: insolitum
 con-

contra, lassat. Quod enim contra ¹ consuetudinem est, nocet, seu molle, sed durum est.

Proprie quædam ad eum pertinent, qui
5 ambulando fatigatur. Hunc reficit in ipso
quoque itinere frequens frictio: post iter,
primum sedile, deinde unctio; tum calida
aqua aut balneo magis inferiores partes, quam
superiores foveat. Si quis vero exustus in
10 sole est, huic in balneum protinus eundum
est, perfundendumque oleo corpus & caput:
deinde in solum bene calidum descendendum
est, tum multa aqua per caput infundenda
prius calida, deinde frigida est.
15 At ei, qui perfrixit, opus est in laconico
primum involuto sedere, donec insudet;
tum ungi; deinde lavari: cibum modicum,
potiones meracas assumere

Is vero, qui navigavit, & nausea pressus
20 est, si multam bilem evomuit, vel abstinere
cibo debet, vel paulum aliquid assumere.
Si pituitam acidam effudit, utique sumere
cibum, sed assueto leviolem: si sine vomitu
nauseavit: vel abstinere, vel post cibum vomere
25 Qui vero toto die, vel in vehiculo,
vel in spectaculis sedit, huic nihil
currendum, sed lente ambulandum est.
Lenta quoque in balneo mora, dein cœna
exigua prodesse consueverunt. Si quis in
30 balneo æstuat, reficit hunc ore exceptum,
& in eo retentum acetum: si id non est, eodem
modo frigida aqua assumpta, Ante
omnia autem scire convenit ² naturam corporis:
quia alii graciles, alii obesi sunt; alii
ca-

calidi, alii frigidiores; alii humidi, alii ficciores; alios adstricta, alios resoluta alvus exercet. Raro quisquam non aliquam partem corporis imbecillam habet. Tenuis vero homo implere se debet, plenus extenuare, calidus refrigerare, frigidus calefacere, madens ficare, ficcus madefacere. itemque alvum firmare is, cui fusa: solvere is, cui adstricta est. Succurrendumque semper parti maxime laboranti est.

De causis quæ implent corpus.

20, 28. Implet autem corpus modica: exercitatio, frequentior quies, unctio, &, si post prandium est, balneum, contracta alvus, modicum frigus hieme, † somnus plenus & non multum nimis longus, molle cubile, animi securitas, assumpta per cibos & portiones maxime dulcia & pingua, frequentior cibus, &, quantum plenissime potest digerere.

De his, quæ extenuant corpus.

40, 6. Extenuat corpus aqua calida, si quis in eam descendit, magisque si salsa est: in jejuno balneum, inurens sol, & omnis calor, cura, vigilia, somnus nimium vel brevis vel longus: lectus, per æstatem, terra; hieme, durum cubile: cursus, multa ambulatio, omnisque vehemens exercitatio, vomitus, dejectio, acidæ res & austæræ, & semel in die assumptæ epulæ, & vini non perfrigidi potio jejuno in consuetudinem adducta.

Cum vero inter extenuantia posuerim vomitum & dejectionem, de his quoque pro-

propria quædam dicenda sunt. Reiectum
 esse ab Asclepiade vomitum ¹ in eo volu-
 mine, quod de tuenda sanitate composuit,
 video: neque reprehendo, si offensus eorum
 5 est consuetudine, qui quotidie ejiciendo
 vorandi facultatem moliantur. Paulo etiam
 longius processit. Idem purgationes ² quo- 85, 7.
 que eodem volumine expulit. Et sunt hæc 118,
 perniciosæ, si nimis valentibus medica- 10.
 10 mentis fiunt. Sed hæc tamen submoven-
 da esse, non est perpetuum: quia cor-
 porum temporumque ratio potest ea fa-
 cere necessaria, dum & modo, & non nisi
 cum opus est, adhibeantur. Ergo ille quo- 31. 14.
 15 que ipse, si quid jam corruptum esset, ex-
 pelli debere confessus est. Ita non ex toto
 res condemnanda est. Sed esse ejus etiam
 plures causæ possunt: estque in ea quædam
 paulo subtilior observatio adhibenda.

20 *De Vomitu.*

87.

Vomitus utilior est ³ hieme, quam æ-
 state, nam tum & pituitæ plus, & capitis
 gravitas major subest. ⁴ Inutilis est gracili-
 bus, & imbecillum stomachum habentibus,
 25 utilis vero plenis & biliosis omnibus, si vel
 nimium se replerunt, vel parum conco-
 xerunt. Nam, si plus est, quam quod conco-
 qui possit, periclitari, ne corrumpatur,
 non oportet: si jam corruptum est, nihil
 30 commodius est, quam id, qua via ⁵ primum
 expelli potest, ejicere. ⁶ Itaque, ubi amari-
 ructus cum dolore & gravitate præcor-
 diorum sunt, ad hunc protinus confugien-
 dum est. Idem prodest ei, cui pectus ⁷ æstuat
 &

1 Plin. L. xxvi. 3. 2 Scribon. Larg. Epist. ad Cal-
 list. 3 De Salubr. diæt. vi. 2 3. 4. 4 Aph. iv 6 5 De
 loc. in Hom. L. v. 11. 12. 6 Soran Ephes. Ifagog.
 c. 7. 7 Aph. iv. 17.

& frequens saliva, vel nausea est; aut sonant aures, aut madent oculi, aut os amarum est. Similiterque ei, qui vel cœlum, vel locum mutat; hisque, quibus, si per plures dies non vomuerunt, dolor præcordia infestat. Neque ignoro, inter hæc præcipi quietem, quæ non temper contingere potest agendi necessitatem habentibus: nec in omnibus idem facit. Itaque istud luxuriæ causa fieri non oportere confiteor: interdum valetudinis causa recte fieri, experimentis credo. Commoneo tamen, ne quis, qui valere & senescere vult, hoc quotidianum habeat. Qui vomere post cibum vult, si ex facili facit, aquam tantum tepidam ante debet assumere; si difficilius, aquæ vel salis, vel mellis paulum adjicere. At, qui mane vomiturus est, ante bibere mulsum, vel hyssopum esse, aut radiculam debet; deinde aquam tepidam, ut supra scriptum est, bibere. Cætera, quæ antiqui medici præceperunt, stomachum omnia infestant. Post vomitum, si stomachus infirmus est, paulum cibi, sed hujus idonei, gustandum; & aquæ frigidæ cyathi tres bibendi sunt, siquidem vomitus fauces exaspiravit. Qui vomuit, si mane id fecit, ambulare debet, tum ungi, deinde cœnare: si post cœnam, postero die lavari, & in balneo sudare. Huic proximus cibus mediocris utilior est: isque esse debet cum pane hesterno, vino austero meraco, & carne assa, cibisque omnibus quam siccissimis. Qui vomere bis in mense vult, melius

1 Aphor. iv. 17. Coac. Prænot. 200. 2 Soran. Ephes. I. Ifag. c. vii.

lius consulet, si biduo¹ continuerit, quam si post quintum decimum diem, vomuerit; nisi hæc mora gravitatem pectori faciet.

De Dejectionibus.

5 Dejectio autem à medicamento quoque petenda est, ubi venter suppressus parum reddit, ex eoque inflationes, caligines, capitis dolores, aliaque superioris partis mala crescunt. Quid enim inter hæc adjuvare possunt quies & inedia, per quæ illa maxime eveniunt? Qui deicere volet, primum cibis vinisque utatur his, quæ hoc præstant. Dehinc, si parum illa proficiunt, aloen sumat. Sed purgationes quoque, ut inter- 29, 4.
5 dum necessariæ sunt, sic, ubi frequentes sunt, periculum afferunt, Assuescit enim non ali corpus; & ob hoc infirmum erit: cum omnibus morbis obnoxia maxime infirmitas sit.

10 *De his, quæ calefaciunt & refrigerant corpus.*

P. 105.

Calefaciunt unctio, aqua² falsa, magisque si calida est; omnia falsa, vinum austerrum. Contra³ refrigerant, in jejuno, amara, 5 carnosa; si post cibum est, balneum, & somnus, nisi nimis longus est, & omnia acida; aqua quam frigidissima: oleum, si aqua miscetur; & lotus.

De his, quæ humidant, & siccant.

10 † Humidant autem corpus labor minor, quam ex consuetudine, frequens balneum; cibus plenior, multa potio; post hanc, ambulatio, & ⁴ vigilia. Per se quoque ambulatio multa & vehemens, & matutinæ exercita-

¹ De Salubri Diæt. T. VII. 13. ² II. De diæt. xxxv. 4. ³ De diæt. xxxv. 7. ⁴ Siccare, ait Galenus M. Med. c. 7.

tationi non protinus cibus adiectus; ea genera escæ, quæ veniunt ex locis frigidis, & pluviis, & riguis. Contra siccant immodica exercitatio, fames, unctio, sine aqua calor, sal immodicus, frigida aqua, cibus exercitationi statim subjectus, & is ipse ex siccis & æstuosis locis veniens.

De his, quæ alvum adstringunt & solvunt.

106.

107.

Alvum adstringit labor, sedile, creta singularis corpori illita, cibus imminutus, & is ipse semel die assumptus ab eo, qui bis solet: exigua potio, neque adhibita, nisi cum cibi quis quantum assumpturus est, cepit: post cibum quies. Contra solvit aucta ambulatio atque esca, motus qui post cibum est, subinde potiones cibo immixtæ. Illud quoque scire oportet, quod ventrem vomitus solutum comprimit, compressum solvit. Itemque comprimit is vomitus, qui statim post cibum est: solvit is, qui tarde supervenit.

De ætatum varietate.

19, 19. Quod ad ætates vero pertinet, inediam facillime sustinent ¹ mediæ ætates, minus juvenes, minime pueri & senectute confecti. Quo minus fert facile quisque, eo sæpius debet cibum assumere; maximeque eo eget, ² qui increscit. Calida lavatio, & pueris & senibus apta est. Vinum dilutius pueris, senibus meracius, neutri ætati, quæ inflationes movent. Juvenum minus, quæ assumant, & quomodo curentur, interest. Quibus juvenibus fluxit alvus ³, plerumque in

¹ Aphor. I, 13, 14. Aphor. I, 14. Cassii Medic. Probl. 46. ³ Aphor. II. 20. 53.

in senectute contrahitur. Quibus in adolescentia fuit adstricta, sæpe in senectute solvitur. ¹ Melior est autem in juvene fu-
fior, in sene adstrictior.

De varietate temporum.

5 Tempus quoque anni considerare oportet. Hieme plus esse ² convenit; minus, sed ^{19, 23.}
meracius bibere; multo pane uti, carne
potius elixa, modice oleribus; semel die ci-
0 bum capere, nisi si nimis venter adstrictus
est. Si prandet aliquis, utilius est exiguum
aliquid, & ipsum siccum sine carne, sine
potione sumere. Eo tempore anni calidis
omnibus potius utendum est, vel calorem
5 moventibus. Venus tum non æque per-
niciosa est. At vere ³ paulum cibo demen-
dum, adjiciendumque potioni, sed dilutius
tamen bibendum est: magis carne uten-
dum, magis oleribus, transeundum paula-
0 tim ab elixis ad assa. Venus eo tempore
anni tutissima est.

De dieta ciborum potionumque.

Æstate vero & ⁴ potione & cibo sæpius
corpus eget; ideo prandere quoque com-
5 modum est. Eo tempore aptissima sunt &
caro & olus: potio quam dilutissima, ut &
sitim tollat, nec corpus incendat: frigida
lavatio, caro assa, frigidi cibi, vel qui re- ^{12, 2.}
frigerent. Ut sæpius autem cibo utendum,
0 sic exiguo est.

Autumnalis dieta.

Per autumnum vero, propter ⁵ cœli va-
rietatem, periculum maximum est. Ita- ^{42, 21.}
que neque sine veste, neque sine calcea-

C mentis

¹ Aph. II. 53. ² De Sal. diæt. I. 2. De diæt.
III. III. N. II. 12. 13. Aph. I. 15. Orib. Sard. de
Vi&t. rat. Ægin. I. 53. ³ De Sal. diæt. I. 3. ⁴ De
Diæt. sal. I. 17. ⁵ Aph. III. 4.

mentis prodire oportet, præcipueque diebus frigidioribus, neque sub divo noctu dormire, aut certe bene operiri. Cibo vero jam paulo 1 pleniore uti licet; minus, sed, meracius bibere. Poma 2 nocere quidam putant, quæ immodice toto die plerumque sic assumuntur, ut ne quid ex densiore cibo remittatur. Ita non hæc, sed 3 consummatio omnium nocet. Ex quibus in nullo tamen minus, quam in his noxa est. Sed his uti non sæpius, quam alio cibo convenit. Denique aliquid densiori cibo, cum hic accedit, necessarium est demi. Neque 4 æstate vero, neque autumnio utilis venus est. Tolerabilior tamen per autumnum: æstate in totum, si fieri potest, abstinendum est.

CAP. IV.

De his, quibus Caput infirmum est.

PROXIMUM est, ut de his dicam qui 1 partes aliquas corporis imbecillas habent. Cui caput infirmum est, is si bene concoxit, leniter perfricare id mane manibus suis debet; nunquam id, si fieri potest, veste velare, aut ad cutem tondere: 2 utileque lunam 3 vitare, maximeque ante ipsum lunæ solisque concursus: sed nusquam post cibum progredi. Si cui capilli sunt, eos quotidie pectere: multum ambulare; sed, si licet, neque sub tecto, neque 3 in sole: utique autem vitare solis ardorem, maximeque post cibum & vinum: potius ungi, quam lavari; nunquam ad flammam ungi, interdum ad prunam. Si in balneum venit,

1. De Salubr. Diæt. I. 15. 2. Æginet. I. 53. de Affect. L. I. 3. 3. Aphor. II. 51. Actuar. M. M. III. 9. 4. Aërius Terrab. I. Serna. III. C. 8. 5. Macrobius Saturn. VII. 16.

venit, sub veste primum paulum in tepidario insudare, ibi ungi, tum transire in calidarium: ubi sudarit, in solium non descendere, sed multa calida aqua per caput se totum perfundere, tum tepida, dein frigida; diutiusque ea caput, quam cæteras partes perfundere; deinde id aliquandiu perfricare; novissime detergere & ungere. Capiti nihil æque prodest atque aqua frigida. Itaque is, cui hoc infirmum est, per ætatem id bene largo canali quotidie debet aliquandiu subjicere. Semper autem, etiamsi sine balneo unctus est, neque totum corpus refrigerari sustinet, caput tamen aqua frigida perfundere. Sed cum cæteras partes attingi nolit, demittere id, ne ad cervices aqua descendat; eamque, ne quid oculis, aliisve partibus noceat, defluentem subinde manibus ad hoc regere. Huic modicus cibus necessarius est, quem facile concoquat: isque, si jejuno caput læditur, assumendus etiam medio die est: si non læditur, semel potius. Bibere huic assidue vinum dilutum lene, quam aquam magis expedit; ut, cum caput gravius esse cœperit, sit, quo confugiat: eique ex toto neque vinum, neque aqua semper utilia sunt: medicamentum utrumque est, cum invicem assumitur. Scribere, legere, voce contendere, huic opus non est, utique post cœnam: post quam nec cogitatio quidem ei satis tuta est; maxime tamen vomitus alienus est.

CAP. V.

De his, qui lippitudine, gravedine, destillatione, tonsillisque laborant.

35, 9. **N**EQVE vero his solis, quos capitis imbecillitas torquet, usus aquæ frigidaë prodest; sed iis etiam, quos assiduæ lippitudines; gravedines, destillationes, tonsillæque male habent. His autem non caput tantum quotidie perfundendum; sed
 22, 24. os quoque multa frigida aqua fovendum est: præcipueque omnibus, quibus hoc utile auxilium est, eo utendum est, ubi gravius cœlum Austri reddiderunt. Cum-
 24. 8. que omnibus inutilis sit post cibum aut contentio, aut fatigatio animi; tum his præcipue, qui vel capitis, vel arteriæ dolores habere consueverunt, vel quoslibet alios oris affectus. Vitari etiam gravedines, destillationesque possunt, si quam minime is, † qui his opportunus est, aërem vel loca aquasque mutat; si caput in sole protegit, ne incendatur, neve subitum ex repentino nubilo frigus dimoveat: si post concoctionem jejunos caput radit: si post cibum neque legit, neque scribit.

CAP. VI.

Ad solutam Alvum remedia.

QUEM vero frequenter cita alvus exercet, huic opus est pila similibusque superiores partes exercere; dum jejunos est, ambulare; vitare solis nimium ardorem, continua balnea; ungi.

ungi citra sudorem; non uti cibis variis,
 minimeque jurulentis aut leguminibus,
 oleribusve his, quæ celeriter descendunt;
 omnia denique fumere, quæ tarde conco-
 5 quuntur. Venatio, durique pisces, & ex
 domesticis animalibus assa caro maxime 108, r.
 juvant. Nunquam vinum falsum bibere
 expedit, ne tenue quidem; aut dulce; sed
 austerum, & plenius, neque id ipsum per-
 10 vetus. Si mulso uti volet, id ex decocto
 melle faciendum est. Si frigidæ potiones
 ventrem ejus non turbant, his utendum
 potissimum est. Si quid offensæ in cœna
 sensit, vomere debet; idque postero quo-
 15 que die facere: tertio, modici ponderis pa-
 nem ex vino esse; aut ova fricta ex oleo,
 vel ex defruto, similibusque aliis: deinde,
 ad consuetudinem redire. Semper autem 24, 8.
 20 post cibum conquiescere, ac neque inten-
 dere animum, neque ambulatione quamvis
 leni dimoveri. 22, 28.

CAP. VII.

Remedia ad Coli dolorem.

25 **A**T si laxius intestinum dolere con-
 suevit, quod *κόλον* nominant, cum
 id nihil nisi genus inflationis sit, id agen-
 dum est, ut concoquat aliquis; ut lectione,
 & aliis generibus exerceatur; utatur balneo
 30 calido, cibis quoque & potionibus calidis;
 denique omnimodo frigus evitet, item dul-
 cia omnia, leguminaque, & quicquid in-
 flare consuevit.

CAP. VIII.

Quæ agenda sint Stomacho laborantibus.

SI quis vero stomacho laborat, legere
clare debet; post lectionem ambulare; 55
tum pila, vel armis, aliove quo genere,
quo superior pars movetur, exerceri. Non
aquam, sed vinum calidum bibere jejunos.
Cibum bis die assumere; sicut tamen, ut faci-
le concoquat. Uti vino tenui & austero; 110
& post cibum, frigidis potionibus potius.
Stomachum autem infirmum indicant pal-
lor, macies, præcordiorum dolor, nau-
sea, & nolentium vomitus, in jejuno do-
lor capitis. Quæ in quo non sunt, is fir- 115
mi stomachi est. Neque credendum uti-
que nostris est, qui cum in adversa valetu-
dine vinum aut frigidam aquam concu-
piverunt, deliciarum patrociniū in accusa-
tionem non merentis stomachi habent. At, 215
qui tarde concoquunt, & quorum ideo
præcordia inflantur, quive propter ardo-
rem aliquem noctu sitire consueverunt,
ante quam conquiescant, duos tresve cya-
thos per tenuem fistulam bibant. Prodest 215
etiam adversus tardam concoctionem cla-
re legere, deinde ambulare, tum vel ungi
vel lavari; assidue vinum frigidum bibe-
re; & post cibum, magnam potionem, sed,
ut supra dixi, per siphonem: deinde omnes 300
24, 11. potiones aqua frigida includere. Cui vero
cibus acescit, is ante eum bibere aquam
egelidam debet, & vomere. At si cui ex
hoc frequens dejectio incidit, quotiens
alvus

alvus ei confliterit, frigida potione potissimum utatur.

C A P. IX.

5 *Quid observandum sit dolore Nervorum laborantibus.*

SI cui vero dolere nervi solent, quod in podagra chiragrave esse consuevit, huic, quantum fieri potest, exercendum id est, quod affectum est, objiciendumque labori & frigori: nisi cum dolor increvit, sub quo quies optima est. Venus semper inimica est. Concoctio, sicut in omnibus corporis affectibus, necessaria. Crudititas enim id maxime lædit, & quotiens offensum corpus est, vitiosa pars maxime sentit. Ut concoctio autem omnibus vitiis occurrit, sic rursus aliis frigus, aliis calor. Quæ sequi quisque pro habitu corporis sui debet. Frigus inimicum est seni, tenui, vulnere,² præcordiis, intestinis,^{46, 14.} vesicæ, auribus; coxis, scapulis, naturalibus,³ ossibus, dentibus, nervis, vulvæ, cerebro.^{75, 34.} Idem summam cutem facit pallidam, aridam,⁴ duram, nigram. Ex hoc horrores tremoresque nascuntur. At prodest juvenibus, & omnibus plenis. Erectiorque mens est, & melius concoquitur, ubi frigus quidem est, sed cavetur. Aqua vero frigida infusa, præterquam capiti, etiam stomacho^{35, 9.} prodest. ⁶ Item articulis doloribusque, qui sunt sine ulceribus. ⁷ Item rubicundis nimis hominibus, si dolore vacant. Calor autem adjuvat omnia, quæ frigus infestat: item

C 4

lip-

1 Aph. III, 2. 2 Aph. V, 24. 3 Aph. V, 18.
4 Aph. V, 20. 5 Aph. V, 21. 6 Aph. V, 25. 7 Aph. V, 23.

lippientes, si nec dolor, nec lachrymæ sunt: nervos¹ quoque, qui contrahuntur, præcipueque ea ulcera, quæ ex frigore sunt. Idem corporis colorem bonum facit: urinam movet. Si nimius est, corpus 28, 22. ² effœminat, nervos³ emollit, stomachum solvit. Minime vero aut frigus aut calor tuta sunt, ubi ⁴ subita insuetis sunt. Nam frigus, lateris dolores, aliaque vitia; frigida aqua, strumas excitat. Calor concoctionem prohibet, somnum aufert, sudorem digerit, obnoxium morbis pestilentibus corpus efficit.

C A P. X.

Observatio in Pestilentia.

ESr etiam observatio necessaria, qua quis in pestilentia utatur adhuc integer, cum tamen securus esse non possit. Tum igitur oportet peregrinari, navigare. Ubi id non licet, gestari, ambulare sub divo, ante æstum, leniter; eodemque modo ungi: &, ut supra comprehensum est, vitare 22, 4. fatigationem, cruditatem, frigus, calorem, libidinem: multoque magis se continere. Si qua gravitas in corpore est, tum neque mane surgendum, neque pedibus nudis ambulandum est, minimeque post cibum, aut balneum: neque jejuno, neque coenato vomendum est: neque movenda alvus; atque etiam, si per se mota est, comprimenda est. Abstinendum potius, si plenius corpus est. Itemque vitandum balneum, sudor, meridianus somnus, utique si ci-

¹ Aphor. v. 22. ² Aphor. v. 16. ³ Aphor. v. 22.
⁴ Aphor. iix.

si cibis quoque antecessit; qui tamen semel die tunc commodius assumitur; insuper etiam modicus, ne cruditatem moveat. Alternis diebus invicem, modo aqua, modo vinum bibendum est. Quibus servatis, ex reliqua victus consuetudine quam minimum mutari debet. Cum vero hæc in omni pestilentia facienda sint, tum in ea maxime, quam Austri excitarint. Atque etiam peregrinantibus eadem necessaria sunt, ubi gravi tempore anni discesserunt ex suis sedibus, vel ubi in graves regiones venerunt. Ac si cætera res aliqua prohibebit, utique abstinere debet: atque ita à vino ad aquam, ab hac ad vinum, eo, qui supra positus est, modo, transitus ei esse.

LIBER SECUNDUS.

Prefatio.



INSTANTIS autem valetudinis signa complura sunt. In quibus explicandis non dubitabo authoritate antiquorum virorum uti, maximeque Hippocratis; cum recentiores quoque medici, quamvis in curationibus mutarint, tamen hæc illum optime præfagisse fateantur. Sed antequam dico, quibus præcedentibus morborum timor subsit; non alienum videtur exponere, quæ tempora anni, quæ tempestatum genera, quæ partes ætatis, qua-

lia corpora maxime tuta vel periculis opportuna sint, quod genus adversæ valetudinis in quoque timeri maxime possit. Non¹ quod non omni tempestatum genere, omnis ætatis, omnis habitus homines per omnia genera morborum & ægrotent & moriantur; sed quod frequentius tamen quædam eveniant. Ideo utile est scire unumquemque, quid, & quando maxime caveat.

CAP. I.

Quæ anni tempora, quæ tempestatum genera, quæ partes ætatis, qualia corpora vel tuta vel morbis opportuna sunt, & quod valetudinis genus in quoque timeri possit.

IGITUR saluberrimum² ver est: proxime deinde ab hoc, hiems: periculosior æstas, autumnus³ longe periculosissimus.⁴ Ex tempestatibus vero optimæ⁵ æquales sunt, sive frigidæ, sive calidæ: pessimæ, quæ²² maxime variant. Quo fit, ut & autumnus plurimos opprimat. Nam fere meridianis temporibus calor: nocturnis atque matutinis, simulque etiam vespertinis, frigus est.²³ Corpus ergo, & æstate, & subinde meridianis caloribus relaxatum, subito frigore excipitur. Sed ut eo tempore id maxime fit, sic quandocunque evenit, noxium est. Ubi æqualitas autem est, saluberrimi sunt⁷ sereni³⁰ dies: meliores pluvii, quam tantum nebulosi, nubilive: optimique hieme, qui omni vento vacant: æstate, quibus Favonii perflant. Si genus aliud ventorum est, salubriores

1. Aph. III. 19. 2. Aph. III. 9. 3. Aph. III. 9.
4. Aph. III. 8. 5. Aphor. III. 9. 6. Aphor. III. 15.

briores Septentrionales, quam Subsolani, vel ¹ Aulri sunt. Sic tamen hæc, ut interdum ² regionum sorte mutantur. Nam fere ventus ubique à mediterraneis regionibus veniens, salubris; à mari, gravis est. Neque solum in bono tempestatum habitu certior valetudo est; sed peiores morbi quoque, si qui inciderunt, leviores sunt, & promptius finiuntur. Pessimum ægro est cœlum, quod ægrum fecit; adeo ut in id quoque genus, quod naturâ pejus est, in hoc statu salubris ³ mutatio sit. Ætas media, tutissima est: quia neque juventæ calore, neque senectutis frigore infestatur. Longis morbis senectus, acutis adolescentia magis patet. ^{47, 8.}
⁴ Corpus autem habilissimum quadratum est, neque gracile, neque obesum. Nam longa, statura, ut in juvena decora est, sic matura senectute conficitur. Gracile corpus infirmum: obesum hebes est. Vere tamen maxime, quæcunque ⁵ humoris motu novantur. in metu esse consueverunt. Ergo tum lippitudines, pustulæ, profusio ⁷ sanguinis, abscessus corporis, quæ *ἀπισήματα* Græci nominant, bilis atra, quam *μελαγχολίαν* appellant; infania, morbus comitialis, angina, gravedines, destillationes oriri solent. Hi quoque morbi qui in articulis nervis. ^{238, 4.}
 que modo urgent, modo quiescunt: tum maxime & inchoantur & repetunt. At æstas⁸ non quidem vacat plerisque ⁹ his morbis; sed adjicit febres, vel ardentes, vel tertianas. vomitus, alvei dejectiones, auriculatum dolores; ulcera oris, caneros, cum in cæteris

1. Galen de Theriac. l. 1. c. 12. p. 245. T. 13. 2. Aph. 111. 3. 3. Dicæarch. Geogr. c. x. p. 56. Aph. 11. 54. 4. Soran. Ephes. Isag. c. 5. 5. Aph. 111. 10. 6. Aph. 111. 21. 7. Soran. Ephes. Isag. c. 5.

cæteris quidem partibus, tum maxime ob-
scœnis; & quicquid sudore hominem resol-
vit. Vix quicquam ex ¹ his in autumnum nom-
incidit: sed oriuntur eo quoque tempore fe-
bres incertæ, lienis dolor, aqua inter cutem,
167. tabes, quam Græci *φθίσιν* nominant; urinæ
difficultas, *σπασμὸν* quam appellant; te-
nuioris intestini morbus, quem *εἰλεὸν* nomi-
nant. Fit item lævitas intestinorum, quæ
λεντερία vocatur; coxæ dolores, morbi
comitiales. Idemque tempus & diutiniss-
malis fatigatos, & ab æstate, etiam, proxi-
ma pressos interimit: & alios novis mor-
bis conficit; & quosdam longissimis impli-
cat, maximeque quartanis, quæ per hie-
nem quoque exerceant. Neque aliud ma-
gis tempus pestilentiae patet, cujuscumque
ea generis est; quamvis variis rationibus
nocet. Hiems autem ² capitis dolores, tuf-
fim, & quicquid in faucibus, in ³ lateribus,
in visceribus mali contrahitur, irritat.

Ex tempestatibus ⁴ Aquilo tussim movet,
fauces exasperat, ventrem ⁵ adstringit, uri-
nam suppressit, horrores excitat, item dolo-
rem lateris & pectoris. Sanum tamen ⁶ corpus
spissat, & mobilius atque expeditius red-
dit. Auster ⁷ aures hebetat, sensus tardat,
capitis dolorem movet, alvum solvit, to-
tum corpus efficit hebes, humidum, lan-
guidum. Cæteri venti, quo huic vel illi
propiores sunt, eo magis vicinos his il-
lisve affectus faciunt. Calor omnis & je-
cur & lienem inflammat, mentem hebe-
tat, & ut ⁸ anima deficiat, ut sanguis pro-
rumpat,

¹ Aph. III. 22. ² Aph. III. 23. ³ Cæl. Aurel.
Acut. Morb. II. ⁴ Aph. III. 5. ⁵ Aph. III. 17. 13.
⁶ Aph. III. 17. ⁷ Aph. III. 17. ⁸ Aph. V. 16.

rumpat, efficit. Frigus modo ¹ nervorum distentionem, modo rigorem infert; illud *σπασμὸς*, hoc *τέτανος* Græce nominatur: nigrorem in ulceribus, & horrorem in febribus excitat. In siccitatibus, ² acutæ febres, lippitudines, ³ tormina, urinæ difficultas, articulorum dolores oriuntur. Per imbres, ⁴ longæ febres, alvi dejectiones, angina, cancri, morbi comitiales, resolutio nervorum, quam *ἀδύλυσιν* Græci nominant. ^{178.} Neque solum interest, quales dies sint, sed etiam quales ante præcesserint. Si hiems sicca Septentrionales ventos habuit, ver autem Austros & pluvias exhibet, fere subeunt ⁵ lippitudines, tormina, febres, maximeque in mollioribus corporibus, præcipue in muliebribus. Si vero, Austri ⁶ pluviaeque hiemem occuparunt, ver autem frigidum & siccum est, gravidæ quidem foeminæ, quibus tum adest partus, abortu periclitantur: hæ vero quæ gignunt, imbecillos, vixque vitales edunt. Cæteros lippitudo arida, & si seniores sunt, gravedines atque destillationes male habent. ⁵ At si à prima hieme Austri ad ultimum ver continuarint, laterum dolores, & infania febricitantium, [†] quam *φρενίτιν* appellant, ^{148.} quam celerrime rapiunt. Ubi vero calor à primo vere orsus æstatem quoque similem ⁷ exhibet, necesse est multum sudorem in febribus subsequi. At si sicca æstas ⁸ Aquilones habuit, autumno vero imbres Austrique sunt, tota hieme, quæ proxima est, tussis, destillatio, raucitas, in quibusdam etiam tabes

¹ Aph. v. 17. ² Aph. III. 7. ³ III. 16. ⁴ Aph. III. 16. ⁵ Aph. III. 11. ⁶ Aph. III. 12. ⁷ Aph. III. 6. ⁸ Aph. III. 13.

tabes oritur. Sin autem autumnus quoque æque ficcus : iisdem Aquilonibus perflatur, omnibus quidem mollioribus corporibus, inter quæ muliebria esse proposui, secundam valetudo contingit: durioribus vero instare possunt, aridæ lippitudines, & febres partim acutæ, partim longæ, & hi morbi, qui ex atra bile nascuntur.

² Quod ad ætates vero pertinet, pueri proximique his vere optime valent, & æstate prima tutissimi sunt: senes æstate & autumnus prima parte: juvenes hieme, quique inter juventam senectutemque sunt. Inimicior senibus hiems, æstas adolescentibus est. Tum
 39, 21. si qua imbecillitas oritur, proximum est, ut infantes, tenerosque adhuc pueros serpentina
³ ulcera oris, quæ ἄφθας Græci nominant,
 386, vomitus, nocturnæ vigiliæ, aurium humor,
 10. circa umbilicum inflammationes exercent. Propria etiam ⁴ dentientium, gingivarum exulcerationes, distentiones nervorum, fabriculæ, alvi dejectiones, maximeque caninis dentibus orientibus male habent. Quæ pericula plenissimi cujusque sunt, & cui maxime venter adstrictus est. At ubi
 ætas paulum processit, [†] ⁵ glandulæ, & vertebrarum, quæ in spina sunt, aliquo inclinationes, strumæ, verrucarum quædam genera dolentia, ἀκροχορδῶνας Græci appellant, & plura alia tubercula oriuntur. Incipiente vero jam pube, ⁶ ex iisdem multa, & longæ febres, & sanguinis ex naribus cursus. Maximeque omnis pueritia, ⁷ primum circa quadragesimum diem; deinde septimo

1. Aphor. III. 4. 2. Aphor. III. 18. 3. Aphor. III. 24. 4. Aphor. III. 25. 5. Aphor. III. 26. 6. Aphor. III. 27. 7. Aphor. III. 28.

septimo mense, tum septimo anno, postea circa pubertatem periclitatur. Siqua etiam genera morborum in infantem inciderunt, ac neque pubertate, neque primis coitibus, neque in foemina primis menstruis finita ^{172.} sunt, fere longa sunt: sæpius tamen his ^{17.} morbi pueriles, qui diutius manserunt, terminantur. Adolescentia ² morbis acutis, ^{43, 15.} item comitialibus, tabique maxime objecta est: fereque juvenes sunt, qui sanguinem expuunt. Post hanc ætatem ³ laterum & pulmonis dolores, lethargus, cholera, infania, sanguinis per quædam etiam velut ora venarum, *αιμορροϊδας* Græci appellant, profusio. In senectute, ⁴ spiritus & urinæ difficultas, gravedo, articulorum & renum dolores, nervorum, resolutiones, malus corporis habitus, *καχεξία* Græci appellant, ^{62, 12.} nocturnæ vigiliæ, vitia longiora aurium, ^{401.} oculorum, etiam narium, præcipueque soluta alvus, &, quæ sequuntur hanc, tormina, vel lævitas intestinorum, cæteraque fusi ventris mala. Præter hæc graciles, tabes, dejectiones, destillationes, item viscerum & laterum dolores fatigant. Obesi plerumque acutis morbis, & difficultate spirandi, strangulantur, subitoque ⁶ sæpe moriuntur, quod in corpore tenuiore vix evenit. ^{494.}

C A P. II.

De signis adversæ valetudinis futura.

ANTE adversam autem valetudinem; ut supra dixi, quædam notæ oriuntur; quarum omnium commune est,

1 Aphor. III. 18. 2 Aphor. III. 29. 3 Aph. III. 30. 4 Aphor. III. 31. 5 Aphor. III. 31. VI. 57. 6 Aphor. II. 44.

est, aliter se corpus habere, atque consuevit; neque in pejus tantum, sed etiam in melius. Ergo si plenior aliquis, & speciosior, & coloratior factus est, suspecta habere bona sua debet. Quæ quia neque in eodem habitu subsistere, neque ultra progredi possunt, fere retro, quasi ruina quadam, revolvuntur. Pejus tamen signum est, ubi

58, 19. aliquis contra consuetudinem emacuit, &
 51, 22. colorem decoremque amisit: quoniam in
 53, 24. his, quæ superant, est quod morbus demat; in his quæ desunt, non est quod ipsum morbum ferat. Præter hæc, protinus timeri debet, si graviora membra sunt; si crebra ulcera oriuntur; si corpus supra consuetudinem² incaluit; si gravior somnus preffit, si tumultuosa somnia fuerunt; si sæpius expergiscitur aliquis, quam assuevit, deinde iterum soporatur; si corpus dormientis circa partes aliquas contra consuetudinem³ insudat, maximeque si circa pectus, aut cervices, aut crura, vel genua, vel coxas. Item, si marcet animus: si loqui & moveri piget; si corpus torpet; si dolor præcordiorum est, aut totius pectoris, aut, qui in plurimis evenit, capitis; si salivæ plenum est os; si oculi cum dolore vertuntur; si tempora astricta sunt; si membra inhorrescunt; si spiritus gravior est; si circa frontem intentæ venæ moventur; si frequentes oscitationes; si genua quasi fatigata sunt; totumve⁴ corpus lassitudinem sentit. Ex quibus sæpe plura, nunquam non aliqua febrem antecedunt. In primis tamen illud con-

1 Aphor. I. 3. 2 Aphor. IV. 39. 3 Aphor. IV. 38.

4 Aphor. II. 5.

considerandum est, num cui sæpius horum aliquid eveniat, neque ideo corporis ulla difficultas subsequatur. Sunt enim quædam proprietates hominum, sine quarum notitia non facile quicquam in futurum præfagiri potest. Facile itaque securus est in his aliquis, quæ sæpe sine periculo evasit. Ille sollicitari debet, cui hæc nova sunt; aut qui ista nunquam sine custodia sui tuto habuit.

CAP. III.

Quæ bona in ægrotantibus signa sint.

UB I vero febris aliquem occupat, scire licet, non periclitari, si in latus aut dextrum aut sinistrum, ut ipsi in usu est, cubat¹, cruribus paulum reductis; qui fere sani quoque jacentis habitus est: si facile convertitur; si noctu dormit, si interdum vigilat; si ex facili spirat; si non conflatur; si circa umbilicum² & pubem cutis³ plana est; si præcordia ejus sine ullo sensu doloris æqualiter mollia in utraque parte sunt: quod si paulo tumidiora sunt, tamen digitis cedunt & non dolent. Hæc valetudo, ut spacium aliquod habebit, sic tuta erit. Corpus quoque, quod æqualiter³ totum insudat, & cujus febricula⁴ eo sudore finitur, securitatem pollicetur. Quando jam ad sanitatem venit corpus, † sternutamentum etiam inter bona indicia est, & cupiditas⁵ cibi vel à principio servata, veletiam post fastidium orta. Neque terrere debet

D

ca

¹ Aëtuar. M. Med. II. 3. ² Aphor. II. 35. ³ De Jdicat. I. 3. ⁴ Aph. IV. 55. ⁵ Aphor. II. 32.

ea febris, quæ eodem die finita est: ac ne ea quidem, quæ, quamvis longiore tempore tenuit, tamen ante alteram accessionem ex toto quievit, sic, ut corpus integrum, quodd *εἰλικρινές* Græci vocant, fieret. Si quis autem incidit vomitus, mixtus esse ex bile & pituita debet: & in urina subfidere album, læve¹, æquale; sic ut etiam, si quæ quasi nubeculæ innatarint, in imum deferantur. Accipit venter ei, qui à periculo tutus est, reddit mollia, figurata, atque eodem fere tempore, quo secunda valetudine assuevit, modoque convenientia his, quæ assumuntur. Pejor cilita alvus est, sed ne hæc quidem terrere proptinus debet, si matutinis temporibus coacta magis est, aut si procedente tempore paulatim contrahitur, & rufa est, neque² foeditate odoris similem alvum sani hominis excedit. Ac lumbricos³ quoque aliquos subito sine morbi descendisse nihil nocet. Si inflatio sine inflammatione in superioribus partibus⁴ dolorem tumoremque fecit, bonum signum est sonitus ventris inde ad inferiores partes devolutus; magisque etiam, si sine difficultate, cum stercore excessit.

C A P. IV.

Mala signa egrotantium.

CONTRA gravis morbi periculum est, ubi supinus æger jacet, porre
 54, 28. cis manibus, & cruribus: ubi residere vult in ipso acuti morbi impetu, præcipueque pulmonibus laborantibus: ubi nocturna vigilia premitur, etiam si interdiu som-

nus

¹ De Judicat. 1, 8. ² De Judicat. 1, 6. ³ De Judicat. 1, 7. Prænot. x, 1. Aph. 1v, 74.

nus accedit, ex quo tamen pejor est, qui inter quartam horam & noctem, quam qui à matutino tempore ad quartam. Pessimum tamen est, si somnus neque noctu, neque interdiu accedit: id enim fere sine continuo ¹ delirio esse non potest. Neque vero ^{64, 15.} signum bonum est, somno ultra ² debitum ^{54, 33.} urgeri: pejusque, quo magis sopor interdiu, noctuque continuat. Mali etiam morbi testimonium est vehementer & crebro spirare, à sexto ³ die cœpisse inhorrescere: ^{49, 20.} pus expuere: vix excreare: dolorem habere ^{56, 3.} continuum: difficulter ferre morbum. jactare brachia & crura: sine voluntate ⁴ lacrymare: † habere humorem ⁵ glutinosum ^{54, 31.} ^{54, 14.} dentibus inhærentem; cutem circa ⁶ umbilicum & pubem macram: præcordia ⁷ inflammata, dolentia, dura, tumida, intenta; magisque, si hæc dextra parte quam sinistra sunt: periculosissimum tamen est, si venæ quoque ibi vehementer agitantur. Mali etiam morbi signum est, nimis celeriter ^{48, 9.} emacrescere: caput & pedes manusque ⁸ frigidas habere, ventre & lateribus calentibus; aut frigidas ⁹ extremas partes acuto ^{55, 22.} morbo urgente; aut post sudorem ¹⁰ inhorrescere: aut post vomitum ¹¹ singultum esse, ^{285, 27.} vel rubere oculos: aut ¹² post cupiditatem tibi, postve longas febres hunc fastidire; ^{53, 17.} aut multum sudare, maximeque frigido ^{56, 11.} sudore; aut habere sudores non per totum ^{301,} corpus æquales, quique febrem non finiant. ^{24.} Malæ etiam febres, quæ quotidie tempore eodem revertantur; quæve semper paræ.

D 2 acces-

¹ Aph. VII, 18. ² Aph. II, 3. ³ Aph. IV, 29. ⁴ Aph. V, 52. VIII, 2. ⁵ Aph. IV, 53. ⁶ Aph. II, 35. ⁷ Aph. I, 28. ⁸ Aph. VIII, 11. ⁹ Aph. VII, 1. 26. ¹⁰ Aph. VII, 4. ¹¹ Aph. VII, 3. ¹² Aph. VII, 6.

accessiones habeant, neque tertio quoque die
 leventur; quæve sic continent, ut per ac-
 cessiones increcant, per decessiones tam-
 tum molliantur, nec unquam integrum
 corpus dimittant. Pessimum est, si ne levatur
 175, tur quidem febris, sed æque concitata corn-
 55, 20. tinuat. Periculosum est etiam, post arqua-
 13. tum ² morbum febrem oriri; utique si præ-
 cordia dextra parte dura manserunt, au-
 dolentibus iis læva. Nulla acuta febris lee-
 viter terrere nos debet. Neque unquam
 in acuta ³ febre, aut a somno non est terribi-
 lis nervorum distentio. Timere etiam ex
 somno ⁴, mali morbi est. Itemque in prima
 febre protinus mentem esse turbatam
 membrumve aliquod esse resolutum. Et
 quo casu quamvis vita redditur, tamen in-
 56, 13. fere membrum debilitatur. Vomitus etiam
 296, periculosus est sinceræ pituitæ vel bilis
 10. peiorque, si viridis, aut ⁵ niger est. At mali-
 56, 17. urina est, in qua subsidunt subrubra aut
 livida: deterior, in qua quasi fila quædam
 tenuia atque alba: pessima ex his, si tam-
 quam ex furfuribus factas nubeculas re-
 præsentat. Diluta quoque, atque alba, v-
 tiosa est, ⁶ sed in phreniticis maxime. Alvi-
 autem mala est, ex toto suppressa. Pericu-
 losa etiam, quæ inter febres fluens cor-
 quiescere hominem in cubili non patitur
 utique, si quod descendit, est perliquidum
 aut albidum, aut pallidum, aut spumans
 Præter hæc periculum ostendit id, quod
 excernitur, si est exiguum, glutinosum
 56, 22. læve, album, idemque subpallidum: vel

1 Aph. IV, 43. 2 Aph. IV, 62. 3 Aph. IV, 64.
 4 Aph. IV, 67. 5 Aph. IV, 22. 6 Aph. IV, 72.

est aut lividum, aut biliosum, aut cruen-
tum; aut peioris odoris, quam ex consue-
tudine. Malum est etiam, quod post fe-^{56, 33.}
bres longas, sincerum est.

C A P. V.

De signis longæ valetudinis.

OST hæc indicia, notum est longum
morbum fieri: sic enim necesse est, ni-
si occidit. Neque ulla alia spes in ma-
nis est, quam ut impetum morbi trahen-
do aliquis effugiat, porrigaturque in id
tempus, quod curationi locum præstet.
Propterea tamen signa quædam sunt, ex
quibus colligere possumus, morbum, etsi
non interemerit, longius tamen tempus
abiturum. Ubi frigidus² sudor inter febres^{56, 11.}
non acutas circa caput tantum, & cervices
perstritur; aut ubi, febre non quiescente, cor-
pus[†] insudat; aut ubi corpus modo³ frigi-
dum, modo calidum est, & color alius ex
alio fit; aut ubi, quod inter febres⁴ aliqua
arte abscessit, ad sanitatem non pervenit;
aut ubi æger pro spacio parum emacrescit.^{43, 9.}
Item, si urina modo liquida &⁵ pura est,
modo habet quædam subsidentia; si lævia
etque alba rubrave sunt, quæ in ea subsi-
dunt; aut si quasdam quasi miculas repræ-
sentat; aut si bullulas excitat. ^{60, 31.}

C A P. VI.

De indiciis mortis.

SED inter hæc quidem, proposito me-
tu, spes tamen superest. Ad ultima vero
D 3 jam

1 Aph. vii, 6. 2 Aph. iv, 37. Coac. Præn. iv, 8,
9, 40. De Jud. vi, 9. viii, 2, 5, 4, 5. † Aph. iv, 56.
Aph. vii, 60. 4 Aph. 12, 51. 5 De Jud. vi, 1, 2.
Aph. vii, 31.

jam ventum esse testantur, ¹ nares acutæ,
 collapsa tempora, ² oculi concavi, frigidæ
 languidæque aures & imis partibus leni-
 ter versæ, cutis circa frontem dura & in-
 tenta, color aut niger aut perpallidus; mul-
 toque magis, si ita hæc sunt, ut neque ³ vi-
 gilia præcefferit, neque ventris resolutio,
 neque inedia. Ex quibus causis interdum
 hæc species oritur, sed uno die finitur. Ita-
 que diutius durans, mortis index est. Si
 vero in morbo vetere ⁴ jam triduo talis est,
 in propinquo mors est: magisque, si præ-
 ter hæc oculi quoque lumen ⁵ refugiunt, &
 51, 15. illachrymant; quæque in iis alba esse de-
 bent ⁶ rubescunt; atque in iisdem ⁷ venulæ
 pallent; pituitaque in iis innatans, novissi-
 me angulis ⁸ inhærescit; alterque ex his mi-
 nor est; iique aut vehementer subsederunt,
 aut facti tumidiores sunt; perque som-
 72, 18. num ⁹ palpebræ non committuntur, sed im-
 ter has ex albo oculorum aliquid apparet;
 neque id fluens alvus expressit: eademque
 palpebræ pallent, & idem ¹⁰ pallor labra &
 nares decolorat: eademque labra, & nares,
 oculique, & palpebræ, & supercilia, aliqua-
 51, 28. ve ex his pervertuntur; isque propter im-
 becillitatem jam [†] non audit, aut non videt.
 50, 30. Eadem mors denunciatur, ubi æger su-
 pinus ¹¹ cubat, eique genua ¹² contracta
 51, 14. sunt: ubi deorsum ad pedes subinde delab-
 tur: ubi brachia & ¹³ crura nudat, & inæ-
 qualiter dispergit, neque iis calor subest: ut
 51, 7. hiat ¹⁴: ubi assidue dormit: ubi is, qui men-
 tis suæ non est, neque id facere sanus so-
 let

¹ Præn. II, 6. Coac. Præn. I, 104. ² Præn. II, 7. ³ Præn.
 II, 13. ⁴ Præn. II, 17. Pr. VII, 51. ⁵ Pr. II, 19, 20. ⁶ Pr.
 II, 23. ⁷ Id. II, 24. ⁸ Id. II, 24. ⁹ Aphor. VI, 52. Præn.
 II, 1, 2. ¹⁰ Aph. IV, 49. ¹¹ Præn. III, 8. ¹² Id. III,
 1. ¹³ Id. III, 10. ¹⁴ Id. III, 3.

let, dentibus ¹ stridet: ubi ulcus, ² quod aut ^{63, 22.}
ante, aut in ipso morbo natum est, aridum,
& aut pallidum, aut lividum factum est.
Illa quoque mortis indicia sunt, ³ ungues, ^{66, 14.}
digitique pallidi; frigidus ⁴ spiritus: aut si
manibus quis in febre, & acuto morbo,
vel infania pulmonisve dolore, vel capitis,
in veste ⁵ floccos legit, fimbriae^{ve} diducit,
vel in adjuncto pariete, si qua minuta e-
minent, carpit. Dolores etiam circa coxas
& inferiores partes orti, si ⁶ ad viscera tran-
sierunt, subitoque desierunt mortem sub-
esse testantur; magisque, si alia quoque
signa accesserunt. Neque is servari potest,
qui sine ullo tumore febricitans, subito
strangulatur, aut devorare salivam suam
non potest: cuive in eodem febris corporis-
que habitu cervix ⁷ invertitur, sic ut devo-
rare æque nihil possit: aut cui simul con-
tinua febris & ultima corporis infirmitas
est: aut cui, febre non quiescente, exte- ^{52, 6.}
rior pars ⁸ friget, interior sic calet, ut etiam
sitim faciat: aut qui, febre æque non quies- ^{51, 25.}
cente, simul & ⁹ delirio & spirandi difficul- ^{99, 23.}
tate vexatur: aut qui epoto ¹⁰ veratro, ex-
ceptus distentione nervorum est: aut qui
ebrius obmutuit. Is enim fere ¹¹ nervorum
distentione consumitur, nisi aut febris ac-
cessit, aut eo tempore, quo ebrietas solvi
debet, loqui cœpit. Mulier quoque gravi-
da ¹² acuto morbo facile consumitur; & is,
cui somnus dolorem ¹³ auget: & cui protinus,
in recenti morbo, bilis atra ¹⁴ vel infra vel
supra se ostendit: cuive alterutro modo se

D 4

prom-

¹ Id. iv, 4. ² Id iv, 7, 8. ³ Aph. viii, 12. ⁴ Id. iv, 9.
⁵ Id. iv, 14. ⁶ Aph iv, 35. ⁷ Aph. iv, 48. ⁸ Aph. iv.
50. ⁹ Aph. iv. 16. v, 1. Coac. iv, 24 ¹⁰ Aph. v, 5.
¹¹ Aph. v, 30. ¹² Aph, ii, 1. ¹³ Aph. iv, 22.

promittit, cum jam longo morbo corpus
 51, 12. ejus esset extenuatum & confectum. Spu-
 70, 32. tum etiam ¹ biliosum, & purulentum, sive
 71. 2. separatim ista, sive mixta proveniunt, in-
 teritus periculum ostendunt. Ac, si circa 5
 septimum diem tale esse cœpit, proximum
 est, ut is circa quartumdecimum diem de-
 cedat, nisi alia signa mitiora pejorave ac-
 cefferint: quæ quæ leviora graviorave
 subsecuta sunt, eo vel seriore mortem, 11
 vel maturiorem denunciant. Sudor quo-
 que ² frigidus in acuta febre pestiferus est:
 301,
 24. atque in omni morbo vomitus, qui ³ varius,
 52, 18. & multorum colorum est; præcipueque, si
 malus in hoc odor est. Ac sanguinem quo- 11
 que in febre ⁴ vomuisse, pestiferum est. Urina
 vero ⁵ fulva & tenuis [†] in magna cruditate esse
 52, 21. consuevit; & sæpe, antequam spacio matu-
 rescat, hominem rapit. Itaque si talis diutius
 permanet, periculum mortis ostendit. Pest- 22
 sima ⁶ tamen est, præcipueque mortifera,
 nigra, crassa, mali odoris. Atque in viris
 quidem & mulieribus talis deterrima est.
 In pueris vero, quæ tenuis & diluta est. Al-
 21. vus quoque varia, pestifera est; & quæ
 strigmentum, sanguinem, bilem, ⁷ viride
 aliquid, modo diversis temporibus, modo
 simul, & in mistura quadam, discreta ta-
 men repræsentat. Sed hæc quidem potest
 paulo [†] diutius trahere. In præcipiti vero 3
 jam esse denunciat, quæ liquida, eadem-
 que vel nigra ⁸, vel pallida, vel pinguis est;
 52, 34. utique, si magna foeditas ⁹ odoris accessit.
 53, 2. Illud interrogari me posse ab aliquo scio:
 si cer-

¹ Aph. iv, 23. ² Præn. v, 4. ³ Præn. xii, 11, 12,
 23, 14. ⁴ Aph. vii, 37. ⁵ De Jud. vii, 5. ⁶ Præn.
 xi, 14, 15. ⁷ Plin. xxviii. 6. ⁸ Præn. x, 8, 9.
⁹ Vict. Acut. xlviii, 1. 10. Præn. x, 6.

si certa futuræ mortis indicia sunt, quomodo interdum deserti à medicis convalescant, quosdamque fama prodiderit in ipsis funeribus revixisse? Quinetiam vir jure magni nominis † Democritus, ne finitæ quidem vitæ satis certas † notas esse, proposuit, quibus medici credidissent: adeo illud non reliquit, ut certa aliqua signa futuræ mortis essent. Adversus quod ne illud quidem dicam, quod in vicino sæpe quædam notæ positæ, non bonos, sed imperitos medicos decipiunt (quod Asclepiades sciens, † funeri obvius inclamavit, eum vivere, qui efferebatur:) † nec protinus² crimen artis esse, si quod professoris sit. Illa tamen moderatius subjiciam. Conjectura-^{13, 22,} lem³ artem esse medicinam, rationemque conjecturæ talem esse, ut cum sæpius aliquando † responderit, interdum tamen fallat. Non itaque, si quid vix⁴ millesimo in corpore aliquem decipit, id fidem non habet, cum per innumerabiles homines respondeat. Idque non in his tantum, quæ pestifera sunt, dico: sed in his quoque, quæ salutaria. Siquidem⁵ etiam spes interdum frustratur, & moritur aliquis, de quo medicus securus primo fuit. Quæque medendi causa reperta sunt, nonnunquam in pejus^{18, 13,} aliquibus vertunt. Neque id evitare huma-^{19, 18,} na imbecillitas in tanta varietate corporum potest. Sed est tamen medicinæ fides, quæ multo sæpius, perque multo⁶ plures ægros prodest. Neq; tamen ignorare oportet, in⁷ acutis morbis fallaces magis notas esse & salutis, & mortis.

D 5

CAP.

1 Soran Ephes. cap. iv. 2 Hipp. de Arte xv, 6, 7.
3 Sext. Emp. adv. Math. l. i. c. 3 Macrob. Sat. vii, 15.
4 Cic. de N. D. ii, 4. 5 Quintil. Declam. vii, 12, p. 110.
6 Galen, M. Med. lxi. 7 Aph. ii, 19.

C A P. VII.

De notis, quas aliquis in singulis morborum generibus habere possit.

SED cum proposuerim signa, quæ in omni adversa valetudine communia esse consueverunt; ad ea quoque transibo, ut, quas aliquis in singulis morborum generibus habere possit notas, indicem. Quædam autem sunt, quæ ante febres, quædam quæ inter eas, quid aut intus sit, aut venturum sit, ostendit. Ante febres, si caput grave est, aut ex somno oculi caligant, aut frequentia sternutamenta sunt, circa caput aliquis pituitæ impetus timeri potest. Si sanguis, aut calor abundat, proximum est, ut aliqua parte profluvium sanguinis fiat. Si sine causa quis emacrescit, ne in malum habitum corpus ejus decidat, metus est. Si præcordia dolent, aut inflatio gravis est, aut toto die non concocta fertur urina, cruditatem esse manifestum est. Quibus diu color¹ sine morbo regio malus est, hi vel capitis doloribus conflictantur, † vel terram edunt. Qui diu habent faciem² pallidam & tumidam, aut capite, aut visceribus, aut alvo laborant. Si in continua febre puero venter nihil reddit, mutaturque ei color, nec somnus³ accedit, ploratque is assidue, metuenda nervorum distentio est. Frequens autem destillatio in corpore tenui longoque, tabem timendam esse testatur. Ubi pluribus diebus non descen-

¹ II. Præd. xxxix. 1, 2, 3. ² II. Præd. xxxix. 7, 8.
³ Aph. vii, 18.

descendit alvus, docet, aut subitam dejectionem, aut febriculam instare. Ubi pedes tument, & longæ dejectiones sunt, aut dolor in imo ventre† & coxis est, aqua inter cutem instat, sed hoc morbi genus ab ilibus oriri solet. Idem propositum periculum est his, quibus, cum voluntas† descendendi est, venter nihil reddit, nisi & ægre & durum. Cum tumor in¹ pedibus est, itemque modo dextra, modo sinistra parte ventris, invicem oritur atque finitur, à juncinore id malum proficisci videtur. Ejusdem morbi nota est, ubi circa² umbilicum intestina torquentur (*σερόπον* Græci nominant) coxæque dolores manent, qui neque tempore, neque remediis solvuntur. Dolor autem articulorum, prout in pedibus, manibusve, aut alia qualibet parte sic est, ut eo loco nervi contrahantur; aut si id membrum, ex levi causa fatigatum, æque frigido, calidoque offenditur, *ποδάγραν* *χερσέγραν*ve, vel ejus articuli, in quo id sentitur, morbum futurum esse denunciat. Quibus in pueritia sanguis ex naribus fluxit, dein fluere desit, hi vel capitis doloribus conflictentur necesse est, vel in articulis aliquas exulcerationes graves habeant, vel aliquo morbo etiam debilitentur. Quibus foeminis³ menstrua non proveniunt, necesse est capitis acerbissimi dolores sint, vel quælibet alia pars morbo infestetur. Eademque his pericula sunt, quibus articulorum vitia, ut dolores, tumoresque, sine podagra similibusque morbis, oriuntur,

1 Præn. VIII, 4. 2 Aphor. IV, 15. 3 Aph. V, 57.

tur, & desinunt. Utique, si sæpe tempora
 iisdem dolent, noctuque corpora insudant,
 frons prurit, lippitudinis metus est. Si
 mulier à partu vehementes dolores habet,
 neque præterea signa mala sunt, circa vi- 5
 gesimum diem aut sanguis per nares erum-
 pet, aut in inferioribus aliquid abscedet.
 Quicumque etiam dolorem ingentem cir-
 ca tempora & frontem habebit, ei alterutra
 ratione finiet: magisque, si juvenis erit, 10
 per sanguinis profusionem; si senior, per
 suppurationem. Febris autem, quæ subito
 sine ratione, si bonis signis finita est, fe-
 re revertitur. Cui fauces sanguine & in-
 terdiu & noctu replentur, sic, ut neque 15
 capitis dolores, neque præcordiorum, ne-
 que tussis, neque vomitus, neque febricu-
 la præcesserit, hujus aut in naribus, aut in
 faucibus ulcus reperietur. Si mulieri ex
 inguine febricula orta est, neque causa ap- 20
 paret, ulcus in vulva est. Urina autem
 crassa, ex qua quod desidit, album est, si-
 gnificat circa articulos, aut circa viscera
 dolorem, metumque morbi esse. Eadem
 viridis, aut viscerum dolorem, tumorem- 25
 que cum aliquo periculo subesse, aut cor-
 pus certe integrum non esse, testatur. At
 si † sanguis aut pus, in urina est, vel vesica,
 vel renes exulcerati sunt. Si hæc crassa
 carunculas³ quasdam exiguas aut quasi ca- 30
 pillos habet, aut si⁴ bullat, aut male⁵ olet,
 aut interdum quasi arenam, interdum
 quasi sanguinem trahit, dolent autem coxæ,
 quæque inter has superque pubem sunt, &
 acce-

† Aph. iv, 74. Plin. xxviii. 6. † Aph. iv, 78. 81.

2 Aph. iv, 75. 3 Aph. iv, 76. 4 Plin. xxviii. 6.

5 Aphor. iv, 81.

accedunt frequentes ructus, interdum vomitus biliosus extremæque partes frigescent, urinæ crebra cupiditas, sed magna difficultas est, & quod inde excretum est, aquæ simile, vel rufum, vel pallidum est, paulum tamen in eo levamenti est, alvus vero cum multo spiritu redditur, utique in renibus vitium est. At si paulatim destillat, vel si sanguis per hanc editur, & in eo quædam cruenta concreta sunt, idque ipsum cum difficultate redditur, & circa pubem interiores partes dolent, in eadem vesica vitium est. Calculosi vero his indiciis cognoscuntur. † Difficulter urina redditur; paulatimque, interdum etiam sine voluntate, ¹ destillat. Eadem arenosa ² est. non-^{480, 134} nunquam aut sanguis, aut cruentum, aut purulentum aliquid cum ea excernitur. Eamque quidam promptius recti, quidam resupinati, maximeque hi qui grandes calculos habent, quidam etiam inclinati reddunt, colemque extendendo, dolorem levant. Gravitatis quoque cujusdam in ea parte sensus est; atque ea cursu, omnique ²⁵ motu augetur. Quidam etiam, cum torquentur, pedes inter se, subinde mutatis vicibus, implicant. Fœminæ vero oras naturalium suorum manibus admotis scabere crebro coguntur. Nonnunquam, si ³⁰ digitum admoverint, ubi vesicæ cervicem is urget, calculum sentiunt. At, qui spumantem sanguinem excreant, his in pulmone vitium est. Mulieri gravidæ ³ sine modo fusa alvus elidere partum potest. ⁴ Eidem si ^{73, 34} lac

1 Aph. v, 80. 2 Aph. iv, 79. 3 Aph. v, 34.

4 Solet. Treverius.

lac, ex mammis profluit, imbecillum est, quod intus gerit. Duræ mammæ, sanum illud esse, testantur. Frequens ² singultus & præter consuetudinem continuus, jecur inflammatum esse, significat. Si ³ tumores ⁵⁵ super ulcera subito esse desierunt, idque à tergo incidit, vel distentio nervorum, vel rigor timeri potest: at, si à priore parte id evenit, vel lateris acuius dolor, vel infania, expectanda est. Interdum etiam hujusmo- ¹⁰⁰ di casum, qui tutissima inter hæc est, ^{47, 14.} profusio alvi sequitur. Si ora ⁴ venarum, ^{401,} sanguinem solita fundere, subito suppressa ^{17.} sunt, aut aqua inter cutem, aut tabes sequitur. Eadem tabes subit, si in lateris dolo- ¹⁴⁵ re orta suppuratio intra ⁵ quadraginta dies purgari non potuit. At, si longa ⁶ tristitia cum longo timore & vigilia est, atræ bilis morbus subest. Quibus sæpe ex naribus fluit sanguis, his aut † lienis tumet aut ca- ²⁰⁰ pitis dolores sunt: quos sequitur, ut quædam ante oculos tanquam imagines obversentur. At, quibus † magni lienes sunt, his ⁷ gingivæ malæ sunt, & os olet, aut sanguis aliqua parte prorumpit. Quorum si nihil evenit, ^{215, 13.} necesse est in cruribus mala ulcera, & ex his nigræ cicatrices fiant. Quibus causa doloris, neque sensus ⁸ ejus est, his mens laborat. Si in ventrem ⁹ sanguis confluxit, ibi in pus vertitur. Si à coxis, & ab inferioribus partibus dolor † in pectus transit, ³⁰ neque ullum signum malum accessit, sup- purationis eo loco periculum est. Quibus sine febre aliqua parte dolor, aut prurigo.

cum

1 Aph. v. 52. 2 Aph. vii. 17. 3 Aph. v. 65. 4 Aph. vi. 12. 5 Aph. v. 15. 6 Aph. vi. 23. 7 De Int. Aff. xxxiv. 9. 10. Æg. de Re Med. L. iii. c. 49. 8 Aph. ii. 6. 9 Aph. vi. 20.

cum rubore & calore est, ibi aliquid suppurat. Urina quoque, quæ in homine parum sano liquida est, circa aures futuram aliquam suppurationem esse denunciat.

Hæc vero, cum sine febre quoque vellentium, vel futurarum rerum notas habeant, multo certiora sunt, ubi febris accessit; atque etiam aliorum morborum tum signa nascuntur. Ergo protinus infania timenda est, ubi expeditior alicujus, quam sani fuit, sermo est, subitaque loquacitas orta est, & hæc ipsa solito audacior: aut ubi raro quis & vehementer spirat, venasque concitatas habet, præcordiis duris & tumentibus. Oculorum¹ quoque frequens motus; & in capitis dolore offusæ oculis tenebræ: vel, nullo dolore substante, somnus ereptus, continuataque nocte & die vigilia; vel prostratum¹ contra consuetudinem corpus in ventrem, sic, ut ipsius alvi dolor id non coegerit; item, robusto adhuc corpore, insolitus dentium stridor, ss, x. infantiæ signa sunt. Si quid etiam abscessit, &, antequam sputum prodiret, manente adhuc in corpore solita febre, subleat, periculum affert primum furoris, deinde interitus. Auris² quoque dolor acutus, cum febre continua vehementique, sæpe mentem turbat: & ex eo casu juniores interdum intra septimum diem moriuntur; seniores tardius: quoniam neque æque magnas febres experiuntur, neque æque insaniunt: ita sustinent, dum is affectus in pus vertatur. Suffusæ quoque³ sanguine mulie-

¹ Coac. Præn. III. 331, 332, 333. ² Coac. Præn. VI, 104. ³ Coac. Præn. II. 58. ⁴ Aph. V. 47.

mulieris mammae, furorem venturum esse, testantur. Quibus autem longæ¹ febres sunt, his aut abcessus aliqui, aut articulorum dolores erunt. Quorum faucibus in febre † illiditur spiritus, inflat his nervorum dissentio. Si angina subito² finita est, in pulmonem id malum transit; idque sæpe intra septimum diem occidit: quod nisi incidat, sequitur, ut aliqua parte suppuret. Denique, post alvi longam resolutionem³ tormina: post hæc, intestinorum lævitas oritur. Post nimias desillationes, tabes⁴. Post lateris⁵ dolorem, vitia pulmonum: post hæc, ⁶ infania. Post magnos⁷ fervores corporis, nervorum rigor, aut dissentio. Ubi caput⁸ vulneratum est, delirium: ubi vigilia⁹ torisit, nervorum dissentio: ubi vehementer venæ¹⁰ supra ulcera^{51, 6.} moventur, sanguinis profluvium erit.
^{58, 30.}

Suppuratio vero pluribus modis excitatur. Nam si longæ febres sine dolore, sine manifesta causa remanent, in aliquam partem id malum incumbit, sed in junioribus tantum: nam in senioribus ex ejusmodi morbo quartana fere nascitur. Eadem suppuratio fit, si præcordia dura & dolentia ante¹¹ diem vigesimum hominem non sustulerunt, neque sanguis ex naribus fluxit, maximeque in adolescentibus; utique, si inter principia aut oculorum caligo, aut capitis dolores fuerunt: sed tum in inferioribus partibus aliquid abscedit. At si præcordiatumorem¹² mollem habent, neque habere intra sexaginta dies desinunt, hæ-

¹ Aph. IV, 44. ² Aph. V, 10. Aët. Meth. Med. I, 17.
³ Aph. VII, 23, 75. ⁴ De l. in Hom. XXVII, 1. ⁵ Aph. VII, 11. ⁶ Aph. VII, 12. ⁷ Aph. VII, 13. ⁸ Aph. VII, 14.
⁹ Aph. VII, 18. ¹⁰ Aph. VII, 21. ¹¹ Coac. Præn. II, 228. ¹² Coac. II, 232.

hæretque per omne id tempus febris, tum in superioribus partibus fit abscessus: ac, si inter ipsa initia sanguis è naribus non fluit, circa aures erumpit. Cumque omnis longus tumor ad suppurationem fere spectet, magis eo tendit is, qui in præcordiis, quam is, qui in ventre est: & is qui supra umbilicum, quam is qui infra est. Si lassitudinis etiam sensus in febre est, vel in maxillis, vel in articulis aliquid abscedit.¹ Interdum quoque urina tenuis & cruda sic diu fertur, ut alia salutaria signa sint, exque eo casu plerumque infra transversum septum (quod *Μεσεντερια* Græci vocant) fit abscessus. Dolor pulmonis, si neque per sputa, neque per cucurbitulas, neque per sanguinis detractionem, neque per victus rationem finitus est, vomicas aliquas interdum excitat, aut circa vigesimum diem, aut circa tricesimum, aut circa quadagesimum, nonnunquam etiam circa sexagesimum. Numerabimus autem ab eo die, quo primum febricitavit aliquis, aut inhorruit, aut gravitatem ejus partis sensit. Sed hæ vomicæ modo à pulmone, modo à costarum parte nascuntur. Quod suppurat, ea parte, quam afficit, dolorem inflammationemque concitat, ipsumque calidius est: &, si in partem sanam aliquis decubuit, onerare eam ex pondere aliquo videtur. Omnis etiam suppuratio, quæ nondum oculis patet, sicprehendi potest: si febris non dimittit, eaque interdum levior est, noctu increscit;² multus sudor oritur; cupiditas

E tas

¹ Aph. IV. 31. ² De loc. in Hom. XXVIII. 12.

tas tussiendi est, & pene nihil in tussi excreatur; oculi cavi sunt; malæ rubent; venæ sub lingua inalbescunt; in manibus fiunt adunci ungues; digitum, maximeque summi, calent; in pedibus tumores sunt, spiritus difficilius trahitur; cibi fastidium est; pustulæ toto corpore oriuntur. Quod si protinus initio dolor & tussis fuit, & spiritus difficultas, vomica vel ante vel circa vigesimum diem erumpet. Si serius ista coeperint, necesse est quidem increcant, sed quo minus cito adfuerint, eo tardius solventur. Solent etiam in gravi morbo
 55, 6. pedes cum digitis unguibusque nigrescere. quod si non est mors consecuta, & reliquum corpus convaluit, pedes tamen decidunt.

C A P. VIII.

Quæ notæ in quoque morbi genere vel spem vel pericula ostendant.

SEQUITUR, ut in quoque morbi genere proprias notas explicem, quæ vel spem, vel periculum ostendant. Ex vesica dolenti, si purulenta¹ urina processit, inque eo læve & album subsedit, metum detrahit. In pulmonis morbo, si sputo² ipso levatur dolor, quamvis id purulentum est, tamen, si æger facile spirat, facile excreat, morbum ipsum non difficulter fert, potest ei secunda valetudo contingere. Neque inter initia terreri convenit, si protinus sputum mistum est rufo quodam sanguine, dummodo statim sedetur. Laterum³ dolores,

¹ De loc. in Hom. xxviii, 8. ² Præn. xix, ii.

³ Præn. xiii, 16. Præd. ii, xii, 2. ⁴ Aph. v, 15.

lores, suppuratione facta, deinde intra
 quadragesimum diem purgata, finiun- 62,15.
 tur. Si in jecinore vomica est, & ex ea
 fertur pus purum¹ & album, salus ei fa- 71,13.
 5 cilis. Id enim malum intunica est. Ex sup-
 purationibus vero hæ tolerabiles sunt,
 quæ in² exteriorem partem feruntur, &
 acuuntur. At ex his, quæ intus³ procedunt,
 hæ leviores, quæ conclusæ cutem non af-
 0 ficiunt, eamque & sine dolore & ejusdem
 coloris, cujus reliquæ partes sunt, sinunt
 esse. Pus⁴ quoque, quacumque parte erum- 410,34.
 pit, si est læve, album & unius modi, sine
 ullo metu est; &, quo effuso, febris pro-
 5 tinus conquievit, desieruntque urgere cibi
 fastidium & potionis desiderium. Si quan-
 do etiam suppuratio descendit in crura,
 sputumque ejusdem factum pro rufo pu-
 rulentum est, periculi minus est. At in ta-
 0 be ejus, qui salvus futurus est, sputum
 esse debet album,⁵ æquale, totum, ejusdem-
 que coloris, sine pituita: eique etiam si-
 mile esse oportet, si quid in nares à capi-
 te destillat. Longe optimum est, ⁶ febrem
 5 omnino non esse: secundum est, tantillam
 esse, ut neque tantulum cibum impediat,
 neque crebram sitim faciat. Alvus ⁷ in hac
 valetudine ea tuta est, quæ quotidie coa-
 cta, eaque convenientia his, quæ assumun-
 0 tur, reddit. Corpus id, quod minime tenue,
 maximeque lati⁸ pectoris atque setosi est,
 cujusque cartilago exigua, & carnosæ est.
 Super tabem si mulieri quoque suppressa
 menstrua fuerunt, & circa pectus atque

E 2

scapu-

1 Aph. VII, 45. 2 Præn. VII, 3. 3 Præn. VII, 5.
 4 Præn. VII, 6. 5 Prædict. II, XII, 2. 6 Præd. II,
 XII, 4. 7 Præd. II, XII, 5. 8 Præd. II, XII, 7.

scapulas dolor manfit, subitoque sanguis erupit, levare morbus solet: nam & tussis minuitur, & fitis atque febriculæ desinunt. Sed iisdem² fere, nisi redit sanguis, vomica erumpit: quæ quo cruentior, eo melior est. Aqua autem inter cutem minime terribilis est, quæ nullo antecedente morbo coepit: deinde, quæ longo morbo supervenit; utique, si firma³ viscera sunt; si spiritus facilis; si nullus dolor; si sine calore corpus¹¹ est; æqualiterque in extremis partibus macrum est; si venter mollis; si nulla⁴ tussis; nulla fitis; si lingua, ne per somnum quidem, inarescit; si cibi cupiditas est; si venter medicamentis movetur; si per se⁵ excernit mollia & figurata; si non extenuatur; si urina, & vini mutatione, & epotis aliquibus medicamentis mutatur; si corpus sine lassitudine est, & motum facile sustinet: siquidem in quo omnia hæc sunt, is ex toto tutus est: in quo plura ex his sunt, is in bona spe est. Articulorum vero vitia, ut podagræ chiragræque, si juvenes⁶ tentarunt, neque callum induxerunt, solvi possunt: maximeque⁷ torminibus leniuntur, & si quocumque modo venter fluit. Item morbus⁸ comitialis ante pubertatem ortus, non ægre finitur. Et, in quo ab una parte corporis venientis accessionis sensus incipit, optimum est à manibus pedibusve initium fieri: deinde, à lateribus: 3 pessimum inter hæc, à⁹ capite. Atque in his quoque ea maxime profunt, quæ per dejectiones excernuntur. Ipsa autem dejectione^{73, 25.} fine ulla noxa est, quæ sine febre est; si ce-

1 II. Præd. xiv, 3. 2 II. Præd. xiv, 6, 7. 3 II. Præd. xi, 6. 4 II. Præd. xi, 16. 5 Aph. vii, 29. 6 II. Præd. xv, 6, 7, 8. 7 II. Præd. xv, 4. 8 II. Præd. xvi, 1. Aph. v, 7. 9 II. Præd. xvi, 7.

si celeriter definit ; si contrectato ventre nullus motus ejus sentitur ; si extremam ^{224.} alvum spiritus sequitur. Ac ne tormina quidem periculosa sunt, si sanguis & strigmenta descendunt, † dum febris cæteræque accessiones hujus morbi absint : adeo ut etiam gravida, mulier, non solum conservari possit, sed etiam partum reservare. Prodestque in hoc morbo, si jam ætate aliquis processit. Contra, intestinorum ² lævitas ^{226.} facilius à teneris ætatibus depellitur : utique, si ferri urina, & ali cibo corpus incipit. Eadem ætas prodest & in coxæ dolore, & humerorum, & in omni resolutione nervorum. Ex quibus coxa, si sine torpore est, si leviter friget, quamvis magnos dolores habet, tamen & facile & mature sanatur : resolutumque membrum, si nihilo minus alitur, fieri sanum potest. Oris resolutio etiam, alvo cita finitur. Omnisque dejectio ³ lippienti prodest. At, varix ⁴ ortus ^{368,} vel per ora venarum subita profusio sanguinis ^{28.} vel tormina, insaniam tollunt. Humerorum ⁵ dolores, qui ad scapulas vel manus ^{338,} tendunt, vomitu atræ bilis solvuntur. Et quisquis dolor deorsum tendit, sanabilior ^{76, 5.} est. Singultus ⁶ sternutamento finitur. Longas dejectiones ⁷ supprimit vomitus. Mulier sanguinem vomens, ⁸ profusis menstruis, liberatur. Quæ menstruis ⁹ non purgatur, si ^{202,} sanguinem ex naribus fudit, omni periculo ^{33.} vacat. Quæ locis laborat, aut difficulter ¹⁰ partum edit, sternutamento levatur. Cui calor & , tremor est, saluti delirium est.

E 3

Lieno-

1 II. Præd. xxx, 14. 2 II. Præd. xxxi, 12, 15, 16.
 3 Aph. vi, 17. 4 Aph. vi, 21. 5 II. Præd. xlii, 2.
 6 Aph. vi, 13. 7 Aph. vi, 15. 8 Aph. v, 32. 9 Aph.
 v. 33. 10 Aph. v, 35. 11 Aph. vi, 26.

Lienosis bono¹ tormina sunt. Denique, ipsa febris, quod maxime mirum videri potest, sæpe præsidio est. Nam &² præcordiorum dolores, si sine inflammatione sunt, finit; & in jocinoris³ dolore succurrit; & nervorum distentionem⁴ rigoremque, si postea cœpit, ex toto tollit; & ex difficultate urinæ morbum tenuioris intestini ortum, si urinae nam per calorem movet, levat. At dolores capitis, quibus oculorum caligo, & rubor cum quadam frontis prurigine accedunt, sanguinis⁵ profusione, vel fortuita, vel etiam petita, summoventur. Si capitis, ac frontis⁶ dolores ex vento, vel frigore, aut æstu sunt, gravedine & sternutamentis finiuntur. Febrem autem⁷ ardentem, quam Græci *ναυσάδη* vocant, subitus horror exsolvit. Si in febre aures⁸ obtusæ sunt, si sanguis è naribus fluxit, aut venter resolutus est, illud malum definit ex toto. Nihil plus adversus⁹ surditatem, quam biliosa alvus potest. Quibus in fistula¹⁰ urinæ minuti abscessus, quos *φύμαξα* Græci vocant esse cœperunt; iis, ubi pus ea parte profluxit, sanitas redditur. Ex quibus cum pleuraque per se proveniant, scire licet, inter ea, quæ ars adhibet, naturam plurimum posse. Contra, si caput in febre continendolet, neque quicquam remittit, malum atque mortiferum est: maximeque id periculum est pueris, à septimo anno ad quartumdecimum. In pulmonis morbo, si spiritum primis diebus non fuit, deinde à septimo die cœpit, & ultra septimum mansit, pericu-

¹ Aph. VI, 48. ² Aph. VI, 40. ³ Aph. VII, 52. ⁴ Aph. IV, 57. ⁵ Aph. VI, 10. II. Præd. XXXVI, 5. ⁶ II. Præd. XXXVI, 8. ⁷ Aph. IV, 58. ⁸ Aph. IV, 60. ⁹ Aph. IV, 28. ¹⁰ Aph. IV, 82.

periculosum est: quantoque magis mixtos,^{56, 4.} neque inter se diductos colores habet, tanto deterius. Et tamen nihil pejus est, quam sincerum id edi, siue rufum est, siue cruentum, siue¹ album, siue glutinosum, siue pallidum, siue spumans: nigrum² tamen pessimum est. In eodem morbo periculosa sunt, tussis, destillatio; etiam, quod alias salutare habetur,³ sternutamentum. Periculosissimumque est, si hæc secuta subita⁴ de-^{72, 3.}jectio est. Fere vero, quæ in pulmonis, eadem in lateris doloribus, & mitiora signa, & asperiora esse consuerunt. Ex jecinore si pus⁵ cruentum exit, mortiferum est. At^{67, 3.} ex suppurationibus hæc⁶ pessimæ sunt, quæ intus tendunt, sic ut exteriorem quoque cutem decolorent: ex his deinde, quæ in exteriorem partem prorumpit; tum quæ maximæ, quæque planissimæ sunt. Quod si, nerupta quidem vomica, vel pure extrinsecus emissio, febris quievit, aut quamvis quieverit, tamen repetit; item; si sitis est, si cibi fastidium, si venter liquidus, si pus est lividum & pallidum, si nihil æger ex-⁵creat nisi pituitam spumantem, periculum certum est. Atque ex his quidem suppurationibus, quas pulmonum morbi concitarunt, fere senes moriuntur: ex cæteris juniores. At in tabe sputum mixtum purulentum, febris assidua, quæ & cibi tempora eripit, & siti affligit, in corpore tenui periculum subesse testatur. Si quis etiam in eo morbo diutius traxit, ubi capilli⁷ fluunt; ubi urina quædam⁸ araneis similia superfi-

E 4

dentia

¹ Præn. XIII, 6. ² Præn. XIII, 8. ³ Aph. VI, 16. Coac. Præn. III, 174. Præn. XIII, 10. ⁴ Aph. V, 12. ⁵ Aph. VII, 45. ⁶ Præn. VII. ⁷ Aph. V, 11. ⁸ Præn. XII, 1. Coac. Præn. V, 49.

168, 5. dentia ostendit ; atque in sputis odor ¹ fœ-
 71, 10. dus est ; maximeque , ubi post hæc orta
 dejectio est , protinus moritur : utique , si
 tempus ² autumnus est : quo fere , qui cætera
 parte anni traxerunt , resolvuntur. Item ,
 pus expuisse in hoc morbo , deinde ex toto
 spueri ³ desiisse , mortiferum est. Solet etiam
 in adolescentibus is morbus , ex vomica ,
 fistulave oriri : qui non facile sanescunt ,
 nisi si multa signa bonæ valetudinis subse-
 cuta sunt. Ex reliquis ⁴ vero minime faci-
 le sanantur virgines , aut eæ mulieres , qui-
 bus supervenit tabes , quod menstrua sup-
 pressa sint. Cui vero sano ⁵ subitus dolor ca-
 pitis ortus est , dein somnus oppressit , sic ut
 stertat , neque expergiscatur , intra septi-
 mum diem pereundum est : magis si , cum
 54, 20. alvus cita non antecesserit , palpebræ dor-
 mientis non coeunt , sed album oculorum
 apparet. Quos tamen ⁶ ita mors sequitur , si ²²⁰
 id malum non est febre discussum. At ⁷ aqua
 inter cutem , si ex acuto morbo coepit , ad
 sanitatem raro perducitur : utique , si con-
 traria his , quæ supra posita sunt , subse-
 quuntur. Æque in ea quoque tussis ⁸ spem ²²⁵
 tollit : item , si sanguis sursum ⁹ deorsumve
 erupit , & aqua medium corpus implevit.
 Quibusdam etiam in hoc morbo ¹⁰ tumo-
 res oriuntur , deinde desinunt , deinde rur-
 sus assurgunt. Hi quidem tutiores sunt , ³⁰⁰
 quam qui supra comprehensi sunt , si atten-
 dunt : sed fere fiducia secundæ valetudinis
 opprimuntur. Illud jure aliquis mirabi-
 tur , quomodo quædam simul & affligant
 nostra

1 Aph. V, 11. 2 Aph. III, 10. 3 Aph. VII, 16, 78.
 4 II. Præd. XIII, 5. 5 Aph. VI, 51. 6 *cita vel certa*,
 lego. 7 Præn. VIII, 1. 8 Aph. VI. 35. VII, 47.
 9 II. Præd. XI, 30. 10 II. Præd. XI, 33.

nostra corpora, & parte aliqua tueantur. Nam, siue aqua inter cutem quem implevit, siue in magno abscessu¹ multum puris coit, simul id omne effudisse, æque mortiferum est, ac si quis sani corporis vulnere factus exanguis est. Articuli vero cui si dolent, ut super eos ex callo quædam tubercula^{68, 23} innata sint, nunquam liberantur: quæque eorum vitia vel in² senectute cœperunt, vel in senectutem ab adolescentia pervenerunt, ut aliquando leniri possunt, sic nunquam ex toto finiuntur. Morbus quoque comitialis post annum quintum & vigesimum ortus ægre curatur: multoque ægrius^{68, 27} is: qui post quadragesimum annum cœpit; adeo ut in ea ætate³ aliquid in natura^{68, 26} spei, vix quidquam in medicina sit. In eodem morbo, si simul totum⁴ corpus afficitur, neque ante in partibus aliquis venientis mali sensus est, sed homo ex improviso^{172, 9} concidit, cujuscumque is ætatis est, vix sanescit: si vero aut mens læsa est, aut nervorum facta resolutio, medicinæ locus non est. Dejectionibus⁵ quoque si febris accessit; ^{68, 34} si inflammatio jecinoris, aut præcordiorum, aut ventris; si immodica sitis; si longius tempus; si alvus varia; si cum dolore est, etiam mortis periculum subest: maximeque, si inter hæc tormina vetera esse cœperunt. Isque morbus maxime⁶ pueros absumit usque ad annum decimum: cæteræ ætates facilius sustinent. Mulier⁷ quoque gravida ejusmodi casu rapi potest: atque, etiam si ipsa convaluit, partum tamen per-^{61, 34}

E 5

dit.

¹ Aph. vi, 27. ² Il. Præd. xv, 2. ³ Aph. ii, 45.
⁴ Il. Præd. xvi, 4. ⁵ Il. Præd. xxx, 3, 4. ⁶ Il. Præd.
xxx, 10. ⁷ Il. Præd. xxx, 14.

dit. Quin etiam tormina¹ ab atra bile orsa mortifera sunt : aut si sub his , extenuato jam corpore , subito nigra alvus profluxit. At intestinorum² lævitas periculosior est , si frequens dejectio est ; si venter omnibus horis & cum sono & sine hoc profluit ; si similiter noctu & interdiu ; si , quod excernitur , aut crudum est , aut nigrum , & , præter id , etiam læve , & mali odoris , si sitis urget ; si post potionem urina non redditur (quod evenit , quia tunc liquor omnis non in vesicam , sed in intestina descendit ; (si os exulceratur ; si rubet facies , & quasi maculis quibusdam colorum omnium distinguitur ; si venter est quasi fermentatus , pinguis atque rugosus ; si & cibi cupiditas non est. Inter quæ cum evidens mors sit , multo evidentior est , si jam in longinquum quoque id vitium est : maxime etiam , si in corpore senili est : Si vero in tenuiore intestino morbus est ,³ vomitus , singultus , nervorum distentio , delirium , mala sunt. At in morbo arquato⁴ durum fieri jecur , perniciosissimum est. Quos lienes⁵ male habent , si tormina prehenderunt , deinde conversa sunt : vel in aquam inter cutem , vel in intestinorum lævitatem , vix ulla medicina periculo subtrahit. Morbus intestini tenuioris ex urinæ⁶ difficultate , nisi febre resolutus est , intra septimum diem occidit. Mulier⁷ ex partu , si cum febre vehementibus etiam & assiduus capitis doloribus premitur , in periculo mortis est. Si dolor atque inflammatio est in his partibus , quibus viscera con-

¹ Aph. IV, 24. ² II. Præd. xxxI, 2, 3, 4. ³ Aph. VII. 10. ⁴ Aph. VI. 42. ⁵ Aph. VI. 43. ⁶ Aph. VI. 44. ⁷ Aph. V, 55.

continentur, frequenter spirare, signum malum est. Si sine causa longus dolor capitis est, & in cervices ac scapulas transit, rursusque in caput revertitur, aut à capite ad cervices scapulasque pervenit, perniciosus est: nisi vomitum aliquam excitat, † sic, ut pus, extussatur; aut nisi sanguis ex aliqua parte prorumpit; aut nisi in capite multa porrigo, totove corpore pustulæ ortæ sunt. Æque magnum malum est, ubi torpor² atque prurigo pervagantur, modo per totum caput, modo in parte; aut sensus alicujus ibi quasi frigoris est, eaque ad summam quoque linguam perveniunt. Et, cum in iisdem ex abscessibus auxilium sit, eo tamen difficilior sanitas est, quo minus sæpe sub his malis illi subsequuntur. In coxæ³ vero doloribus, si vehemens torpor est, frigescitque crus & coxa, alvusque nisi coacta non reddit, idque, quod excernitur, muscosum est, jamque ætas ejus hominis quadragesimum annum excessit, is morbus erit longissimus, minimumque annuus; neque finiri poterit, nisi aut vere, aut⁴ autumno. Difficilis æque curatio est, in eadem ætate, ubi humerorum dolor⁵ vel ad manus pervenit, vel ad scapulas tendit, torporemque & dolorem creat, neque bilis vomitu levata est. Quacunque vero parte corporis membrum aliquod resolutum est, si neque⁶ movetur, & emacrescit, in pristinum habitum non revertitur; eoque minus, quo vetustius⁷ id vitium est, & quo magis in corpore senili est. Omnique resolutioni nervorum ad medicinam non^{39, 24.}

1 Cael. Aurelian. Acut. Morb. II. 16. 2 II. Præd. xxxvii. 3 II. Præd. xlv. 2. ad 8. 4 ex Hippocrate. 5 II. Præd. xlv. 1, 2. 6 II. Præd. xlii. 8. 7 II. Præd. xliii. 2, 3.

- 178, 32. non idonea tempora sunt hiems¹ & autumnus: aliquid sperari potest vere & æstate.
 † Isque morbus mediocris² vix³ sanatur, vehementius sanari non potest. Omnis etiam doctor minus medicinæ paret, qui sursum⁴ pro-
 69, 26. cedit. Mulieri⁵ gravidæ si subito mammæ emacuerunt, abortus periculum est. Quæ neque⁶ peperit, neque gravida est, si lac habet, à mensuris defecta est. Quartana⁷ æstiva, brevis, autumnalis fere longa est;; maximeque, quæ cœpit hieme appropinquante. Si sanguis⁸ profluxit, deinde secuta est dementia cum distentione nervorum, periculum mortis est. Itemque, si medicamentis⁹ purgatum & adhuc inanem, nervorum distentio oppressit: aut si in magno dolore, extremæ partes frigent. Neque is ad vitam¹⁰ redit, qui ex suspendio, spumante ore, detractus est. Alvus¹¹ nigra, sanguini atro similis, repentina, sive cum febre, sive etiam sine hac est, perniciosa est.

C A P. IX.

De Morborum curationibus.

COGNITIS indiciis, quæ nos vel spe consolentur, vel metu terreant, ad curationes morborum transeundum est. Ex his quædam communes sunt, quædam propriæ. Communes, quæ pluribus morbis opitulantur. Propriæ, quæ singulis. Ante de communibus dicam. Ex quibus tamen quædam non ægros solum, sed sanos quoque sustinent, quædam in adversa tantum valetudine adhibentur.

Omne

1 II. Præd. XLIII, 4. 2 Aph. II. 42. 3 Aretæus de Morb. diurn. I. 7. 4 II. Præd. XLVI. 9. 5 Aph. v. 37. 6 Aph. v, 39. 7 Aph. II, 25. 8 Aphor. v, 3. 9 Aph. v, 4. 10 Aph. II, 43. 11 Aph. IV, 21.

Omne vero auxilium corporis, aut demit aliquam materiam, aut adjicit, aut evocat, aut reprimit, aut refrigerat, aut calefacit, simulque aut durat, aut mollit. Quædam non uno modo tantum, sed etiam duobus inter se non contrariis adjuvant. Demitur materia, sanguinis detractiōne, cucurbitula, dejectione, vomitu, frictiōne, gestatione, omnique exercitatione corporis, abstinētia, sudore. De quibus proxi-
mus dicam.

C A P. X.

De Sanguinis detractiōne per venas.

SANGUINEM, incisa vena, mitti novum non est: sed nullum pene morbum esse, in quo non mittatur, † novum est. Item, mitti junioribus, & fœminis uterum non gerentibus, vetus est. In pueris² vero idem experiri, & in senioribus, & in gravidis quoque mulieribus, vetus non est. Siquidem antiqui, primam ultimamque ætatem sustinere non posse hoc auxilii genus judicabant; persuaserantque sibi, mulierem gravidam, quæ ita curata esset,³ abortum esse facturam. Postea vero usus ostendit, nihil ex his esse perpetuum, aliasque potius observationes adhibendas esse, ad quas dirigi curantis consilium debeat. Interest enim, non quæ ætas sit, neque quid in corpore intus geratur, sed quæ vires sint. Ergo, si juvenis imbecillus est: aut si mulier, quæ gravida non est, parum valet, male sanguis mittitur, emoritur enim vis, si quæ supererat,
hoc

¹ A&uar. M. M. III. 1. ² A&uar. M. M. III. 8.
³ Aph. v. 31.

hoc modo erepta. At firmus puer, & robustus senex, & gravida mulier valens tuto sic curantur. Maxime tamen in huius medicus imperitus falli potest, quia ferminus roboris illis ætatibus subest. Mulierique prægnanti post curationem quoque viribus opus est, non tantum ad se, sed etiam ad partum sustinendum. Non quicquid aut intentionem animi, aut prudentiam exigit, protinus ejiciendum est: cum præcipua in hoc ars sit, quæ non annos numeret, neque conceptionem solam videat, ^{120, 8.} sed vires ^{131, 2.} æstimet, & ex eo colligat, possint necne superesse, quod vel puerum, vel fetum, vel in una muliere duo corpora simul sustineat. Interest etiam inter valens corpus, & obesum; inter tenue, & infirmum. Tenuioribus magis sanguis, plenioribus magis caro abundat. Facilius itaque illi detractionem ejusmodi sustinent: celeriusque eâ, qui nimium est pinguis, affligitur. Ideoque vis corporis melius ex venis, quam ex ipsa ² specie æstimatur.

Neque solum hæc consideranda sunt, sed etiam morbi genus quod sit: utrum superans, an deficiens materia læserit: corruptum corpus sit, an integrum. Nam si materia vel deest, vel integra est, istud alienum est. At si vel copia sui male habet, vel corrupta est, nullo modo melius succurritur. Ergo vehemens febris, ubi rubet corpus, plenæque venæ tument, sanguinis detractionem requirit: item viscerum ^{178, 21.} morbi, ^{194, 2.} nervorumque resolutio, & rigor, & disten-

1 Soran. Ephes. Isag. c. 23. 2 Cicero in Oratore c. 2. 3 Pantin. ad Celsum pag. 238.

distentio : quicquid denique fauces diffi- 196, 21,
cultate spiritus strangulat ; quicquid sub-
ito supprimit vocem ; quisquis intolerabilis
dolor est ; & quacumque de causa ruptum
aliquid intus atque collisum est : item ma-
lus corporis habitus ; omnesque acuti mor-
bi , qui modo , ut supra dixi , non infirmi-
tate , sed onere nocent.

Fieri tamen potest , ut morbus quidem
id desideret , corpus autem vix pati posse
videatur : sed , si nullum tamen appareat
aliud auxilium , periturusque sit , qui laborat ,
nisi temeraria quoque via fuerit adju-
tus , in hoc statu boni medici est ostendere ,
quam nulla spes sine sanguinis detractio-
ne sit ; faterique , quantus in hac ipsa re metus
sit : & tum demum , si exigatur , sanguinem
mittere . De quo dubitare in ejusmodi re
non oportet . fatius est enim anceps auxi- 178,
lium experiri , quam nullum . Idque maxi- 19, 29.
me fieri debet , ubi nervi resoluti sunt ; ubi 196, 21.
subito aliquis obmutuit ; ubi angina : stran-
gulatur ; ubi prioris febris accessio pene
confecit , paremque subsequi verisimile est ,
neque eam videntur sustinere ægri vires
posse.

Cum sit autem minime crudus sanguis
mittendus , tamen ne id quidem perpetuum
est . neque enim semper concoctionem res
expectat . Ergo , si ex superiore parte aliquis 203, 26,
decidit , si contusus est , si ex aliquo subito
casu sanguinem vomit , quamvis paulo an- 204, 9,
te sumpsit cibum , tamen protinus ei demen-
da materia est , ne , si subsederit , corpus af-
fligat.

fligat. Idemque etiam in aliis † casibus repentinis, qui strangulabunt, dictum erit. At, si morbi ratio patiat, tum demum nulla cruditatis suspitione remanente id fiet. Ideoque ei rei videtur aptissimus adversus valetudinis dies secundus, aut tertius. Sed ut aliquando etiam primo die sanguinem mittere necesse est, sic nunquam utile possit diem quartum est, cum jam spatio ipsa materia vel exhausta est, vel corpus corruptum; ut detractio imbecillum id facere possit, non possit integrum. Quod si vehemens febris urget, in ipso impetu ejus sanguinem mittere, hominem jugulare est. expectanda ergo intermissio est: si non dedit, cum crescere desit: si neque remissio speratur, tunc quoque, quamvis peior, sola tamen occasio non omittenda est.

Fere etiam ista medicina, ubi necessaria est, in biduum dividenda est. Satius est enim, primum levare ægrum, deinde purgare, quam simul omni vi effusa fortasse præcipitare. Quod si in cura quoque aquæ quæ inter cutem est, ita respondet; quanto magis necesse est in sanguine respondeat?

Mitti vero is debet, si totius corporis causa sit, ex brachio: si partis alicujus, ex ea ipsa parte, aut certe quam proxima; quia non ubique mitti potest, sed in temporibus, in brachiis, juxta talos. Neque ignoro, quosdam dicere, quam longissime sanguinem inde, ubi lædit, esse mittendum; sic enim averti materiæ cursum; at illo modo
in

in id ipsum, quod gravatur, evocari. Sed idipsum falsum est. proximum enim locum primo exhaurit: ex ulterioribus autem eatenus sanguis sequitur, quatenus emittitur: ubi is suppressus est, quia non trahitur, ne venit quidem. Videtur tamen usus ipse docuisse, si caput ¹ fractum est, ex brachio potius sanguinem mittendum esse: si quod in humero ² vitium est, ex altero brachio. credo, quia si quid parum cesserit, opportuniores hæ partes injuriæ sunt, quam quæ jam male habent. Avertitur quoque interdum sanguis, ubi alia parte prorumpens, alia emittitur. desinit enim fluere qua nolumus, inde objectis quæ prohibeant, alio dato itinere.

Mittere autem sanguinem cum sit expeditissimum, usum habenti; tamen ignaro difficillimum est. Juncta enim est vena arteriis, his nervi. Ita, si nervum scalpellus attigit, sequetur nervorum ³ distentio, eaque hominem crudeliter consumit. At arteria ⁴ incisa neque coit, neque sanescit: in- ¹⁸³, terdum etiam, ut sanguis vehementer ²⁴ erumpat, efficit. Ipsius quoque venæ, si forte præcisa est, capita comprimuntur, neque sanguinem emittunt. At si timide scalpellus demittitur, summam cutem lacerat, neque venam incidit. Nonnunquam etiam ea latet, neque facile reperitur. Ita multæ res id difficile inscio faciunt, quod perito facillimum est.

Incidenda ad medium vena est. Ex qua cum sanguis erumpit, colorem ejus habi-
F tumque

¹ Quidam vir doctus l. *tañum*. ² Aph. VI. 22. De Morb. III, 32. ³ Aph. VI. 18. 19. I. ⁴ De Morb. VII, 21.

est, etiam si in medio febris impetu, etiam si in cruditate adhibetur. Ideoque ubi sanguinem mitti opus est, si incisa vena præceps periculum est, aut nobili in parte corporis vitium est, etiam huc potius confugiendum est. cum eo tamen, ut sciamus, hic ut nullum periculum, ita levius præfidium esse; nec posse vehementi¹ malo, nisi æque vehemens auxilium succurrere.

CAP. XII.

De Dejectione.

DEJECTIONEM autem antiqui variis medicamentis, crebraque alvi ductione in omnibus fere morbis moliebantur: dabantque aut nigrum veratrum, aut filiculam, aut squamam æris, quam *λεπίδα χαλκῆς* Græci vocant; aut lactucæ marinæ² lac, cujus gutta pani adjecta abunde purgat; aut lac vel asininum, vel bubulum, vel caprinum, eique salis paulum adjiciebant, decoquebantque id, & sublati his, quæ coierant, quod quasi ferum supererat, bibere cogeant.

241, Sed medicamenta stomachum fere lædunt. Ideoque omnibus catharticiis aloë miscenda est. Alvus si vehementius fluit, aut sæpius ducitur, hominem infirmat. Ergo numquam in adversa valetudine medicamentum ejus rei causa recte datur, nisi 37, 13. ubi is morbus sine febre est. Ut cum veratrum nigrum, aut atra bile vexatis, aut cum³ tristitia insanientibus, aut iis, quorum 177, nervi parte aliqua resoluti sunt, datur. At, 33. ubi

¹ De Arte XIII, 16. Erasmi. Adag. *malo nodo*. Chrysi. ad Genes. cap. I. Homil. VI. ² Patin. pag. 248. ³ I. Diæt. XXXIII, 10. De Insomn. VI, 5. de victu Acut. LVI.

ubi febres sunt, fatius est ejus rei causa cibos
potionesque assumere, qui simul & alant, &
ventrem molliant. Suntque valetudinis ge-
nera, quibus ex lacte purgatio convenit.

2. De Alvi ductione.

Plerunque vero alvus lotionibus ducen-
da est. quod, ab Asclepiade² quoque sic vitu- 29, 7.
operatum, ut tamen servatum sit, video ple-
runque seculo nostro, præteriri. Est autem
ea moderatio, quam is secutus videtur,
aptissima, ut neque sæpe † medicina tentetur,
& tamen semel, vel summum bis, non
omittatur, si caput grave est; si oculi cali-
gant; si morbus majoris intestini est, quod
Græci κόλον nominant, si in imo ventre,
aut in coxa dolores sunt; si in stomachum
quædam biliosa concurrunt, vel etiam pi-
ruita eo se, humorve aliquis aquæ simi-
lis confert; si spiritus difficiliter redditur; si
nihil per se venter excernit; utique, si jux-
ta quoque stercus est, & intus remanet; aut
si stercoreis odorem nihil dejiciens æger ex
spiritu suo sentit; aut si corruptum est, quod
excernitur; aut si prima inedia febrem non
sustulit; aut si sanguinem mitti, cum opus
sit, vires non patiuntur, tempusve ejus rei
præterit; aut si multum ante morbum ali-
quis potavit; aut si is, qui sæpe, vel sponte,
vel casu purgatus est, subito habet alvum
suppressam. Servanda vero illa sunt, ne
ante diem tertium ducatur, ne ulla crudi-
tate substante: ne in corpore infirmo, diu-
que in adversa valetudine exhausto: neve
in eo, cui satis alvus reddit quotidie, qui-

F 3

ve

¹ Plutarch. de tuend. Valet. p. 232. ² Plin.
xxvi. 3. Craton. Consilia Med. ex ed. Scholzii.

289, 7. tumque oportet attendere. Nam si is crassus & niger est, vitiosus est; ideoque utiliter effunditur: ¹ si rubet & pellucet, integer est; eaque missio sanguinis adeo non prodest, ut etiam noceat, protinusque is suppressendus est. Sed id evenire non potest sub eo medico, qui scit ex quali corpore sanguis mittendus sit. Illud magis fieri solet, ut æque niger assidue primo die profluat. quod quamvis ita est, tamen si jam satis fluxit, suppressendus est: semperque ante finis faciendus est, quam ² anima deficiat.

Deligandumque brachium superimposito expresso ex aqua frigida penicillo; & postero die adverso medio digito vena fricanda, ut recens coitus ejus resolvatur, iterumque sanguinem fundat. Sive autem primo, sive secundo die sanguis, qui crassus & niger initio fluxerat, & rubere, & pellucere cœpit, satis materiæ detractum est, atque quod superest, sincerum est: ideoque protinus brachium deligandum, habendumque ita est, donec valens cicatrícula sit; quæ celerrime in vena confirmatur.

C A P. XI.

De Sanguinis detractiōe per Cucurbitulas.

† **C**UCURBITULARUM ³ vero duo genera sunt: æneum, & corneum. Ænea, altera parte patet; altera, clausa est. Cornea, altera parte æque patens, altera foramen habet exiguum. In æneum linamen-

¹ Casaub. in Athenæ. Animadv. l. i. c. 20. pag. 60. ² Soran. Ephesius Isagog. i. cap. 22. ³ Prosp. Alpin. de Medic. Ægypt. ii. 13.

mentum ardens conjicitur, ac sic os ejus corpori aptatur, imprimiturque, donec inhæreat. Cornea, per se corpori imponitur; deinde, ubi ea parte, qua exiguum foramen est, ore spiritus adductus est, superque cera cavum id clausum est, æque inhærescit. Utraque non ex his tantum materiæ generibus, sed etiam ex quolibet alio recte fit. Ac si cætera defecerunt, caliculus quoque aut pultarius, oris compresioris, ei rei commode aptatur. Ubi inhæsit, si concisa ante scalpello cutis est, sanguinem extrahit: si integra est, spiritum. Ergo ubi materia, quæ intus est, lædit, illo modo: ubi inflatio, hoc imponi solet.

Ufus autem cucurbitulæ præcipuus est, ubi non in toto corpore, sed in parte aliqua vitium est, quam exhauriri ad confirmandam valetudinem fatis est. Idque ipsum testimonium est, etiam scalpello sanguinem, ubi membro succurritur, ab ea potissimum parte, quæ jam læsa est, esse mittendum: quod nemo cucurbitulam diversæ parti^{233,} imponit, nisi cum profusionem sanguinis^{34.} eo avertit; sed ei ipsi, quæ dolet, quæque liberanda est.

Opus esse cucurbitula potest in morbis longis (quamvis & iis jam spacium aliquod accessit) sive corrupta materia, sive spiritu male habente. In acutis quoque quibusdam, si & levare corpus debet, & ex vena sanguinem mitti, vires non patiuntur. Idque auxilium ut minus vehemens, ita magis tutum; neque unquam periculosum est,

ve eam liquidam habet : neve in ipso accessionis impetu ; quia , quod tum infusum est , alvo continetur , regeſtumque in caput , multo gravius periculum efficit. Pridie vero abſtinere debet æger , ut aptus tali curationi ſit. Eodem die ante , aliquot horis , aquam calidam bibere , ut ſuperiores ejus partes madefcant : tum immittenda in alvum eſt , ſi levi medicina contenti ſumus , pura aqua ; ſi paulo valentiori , muſſa ; ſi leni , aqua , in qua fœnum græcum , vel ptifana , vel malva decocta ſit : ſi reprimendi cauſa , ex verbenis. Acris autem eſt marina aqua , vel alia fale adjecto : at utraque decocta commodior eſt. Acrior ſit , adjecto vel oleo ; vel nitro , vel melle quoque. Si acrior eſt , eo plus extrahit , ſed minus facile ſuſtinetur. Id quod infunditur , neque frigidum eſſe oportet , neque calidum ; ne alterutro modo lædat. Cum infusum eſt , quantum fieri poteſt , continere ſe in lectulo debet æger nec primæ cupiditati dejectionis proptinus cedere ; ubi neceſſe eſt , tum demum deſidere. Fereque eo modo dempta materia , ſuperioribus partibus levatis , morbum ipſum mollit. Cum vero , quotiens res coëgit , deſidendo aliquis ſe exhaust , pauliſper debet conquieſcere ; & , ne vires deficiant , utique eo die cibum aſſumere. qui plenior , an exiguus ſit dandus , ex ratione ejus accessionis , quæ expectabitur , aut in metu non erit , æſtimari oportebit.

C A P.

I Pro quavis herba , ſic Plin. xxvi. c. 10. *Satyræ* nomine quaſvis herbas venerem excitantes nominat.

CAP. XIII.

De Vomitu. ¹

29, 21.

AT vomitus, ut in secunda quoque va-
 letudine sæpe necessarius biliosis est;
 sic etiam in his morbis, quos bilis
 concitavit. Ergo omnibus, qui ante febres
 horrore & tremore vexantur: omnibus, qui
 cholera laborant: omnibus etiam cum qua-
 dam hilaritate insanientibus; & comitiali
 quoque morbo oppressis necessarius est. ^{183, 10.}
 Sed, si acutus morbus est, sicut in cholera;
 si febris est, inter rigores, asperioribus me-
 dicamentis opus non est; sicut in dejectio-
 nibus quoque supra dictum est. Satisque ^{84, 31.}
 est, ea vomitus causa sumi, quæ sanis quo-
 que sumenda esse proposui. At ubi longi
 valentesque morbi sine febre sunt, ut comi- ^{92, 4.}
 tialis aut insania, veratro quoque albo
 utendum est. Id neque hieme, neque æsta-
 te recte datur: optime, vere: tolerabiliter
 autumno. Quisquis daturus erit, id agere
 ante debet, ut accepturi corpus ² humidius
 sit. Illud scire oportet, omne ejusmodi me-
 dicamentum, quod ³ potui datur, non sem-
 per ægris prodesse, semper ⁴ sanis nocere.

CAP. XIV.

De Frictione. ⁵

DE frictione vero & gestatione adeo
 multa Asclepiades, tanquam inventor
 ejus, ⁶ posuit in eo volumine, quod
 Communium auxiliorum inscripsit, ut,
 cum trium tantum faceret mentionem,

F 4

hujus

¹ Hippocrat. T. I. pag. 651. III. De Diæt. IV.
² Aph. IV. 13. ³ Vomitu. ⁴ Aph. II, 36. IV. 16.
⁵ Oribas. Med. collect. VI. 13, 16, 17. 18, & c. ⁶ Plin.
 XXVI, 3. Mercur. de Arte Gymn. I, 7.

hujus & vini & gestationis, tamen maximam partem in hoc consumpserit. Oportet autem neque recentiores viros in his fraudare, quæ vel reppererunt, vel recte secuti sunt; & tamen ea, quæ apud antiquiores aliquos posita sunt, authoribus suis reddere. Neque dubitari potest, quin latius quidem, & dilucidius, ubi & quomodo frictione utendum esset, Asclepiades præceperit; 348, nihil tamen reperit, quod non à vetustissi- 13. mo authore Hippocrate paucis verbis comprehensum sit: qui dixit, Frictione, si vehemens sit, durari corpus: si lenis, molliri: si multa, minui: si modica, impleri. Sequitur ergo, ut tum utendum sit, cum aut adstringendum corpus sit, quod fluens est: aut molliendum, quod induruit: aut digerendum in eo, cui copia nocet: aut alendum id quod tenue & infirmum est. 549, 18.

Quas tamen species, si quis curiosius æstimet (quod jam ad medicum non pertinet) facile intelliget, omnes ex una causa pendere, quæ demit. Nam & adstringitur aliquid, eo dempto, quod interpositum, ut id laxaretur, effecerat: & molliitur, eo detracto, quod duritiem creabat: & impletur, non ipsa frictione, sed eo cibo, qui postea usque ad cutem, digestionem quadam relaxatam, penetrat. Diversarum vero rerum in modo causa est.

Inter unctionem autem & frictionem multum interest. Ungi enim, leniterque pertractari corpus, etiam in acutis & † recentibus morbis oportet; in remissione tamen, &

& ante cibum. Longa vero frictioni uti, neque in acutis morbis, neque incrementibus convenit; præterquam cum phreneticis somnus ea quæritur. Amat autem hoc auxilium valetudo longa, & jam à primo impetu inclinata. Neque ignoro, quosdam dicere, omne auxilium necessarium esse incrementibus morbis, non cum jam per se finiuntur. Quod non ita se habet. Potest enim morbus, etiam qui per se finem habiturus est, citius tamen adhibito auxilio tolli. quod duabus de causis necessarium est: & ut quam primum bona valetudo contingat; & ne morbus, qui remanet, iterum; quamvis levi de causa, exasperetur. Potest enim morbus minus gravis esse, quam fuerit: neque ideo tamen solvi: sed reliquiis quibusdam inhærere, quas admodum aliquod auxilium discutiatur.

Sed ut, levata quoque adversa valetudine, recte frictio adhibetur; sic nunquam adhibenda est febre incremente: verum, si fieri poterit, cum ex toto corpus ea vacabit; sin minus, certe cum ea remiserit. Eadem autem modo in totis corporibus esse debet, ut cum infirmus aliquis implendus: modo in partibus; aut quia ipsa ejus membri imbecillitas id requirit, aut quia alterius. Nam & capitis longos dolores ipsius frictio levat; non in impetu tamen doloris: & membrum aliquod resolutum ipsius frictione confirmatur. Longe tamen sæpius aliud perfricandum est, cum aliud dolet: maximeque cum à summis, aut à mediis

F 5 parti-

partibus corporis evocare materiam volumus; ideoque extremos partes perfricamus. Neque audiendi sunt, qui numero finiunt, quoties aliquis perfricandus sit. Id enim ex viribus hominis colligendum est. Ut si quis perinfirmus est, potest satis esse quinquagies: si robustior, potest ducenties esse faciendum. inter utrumque deinde, prout vires sunt. Quo fit, ut etiam minus sæpe in muliere, quam in viro: minus sæpe in puero, vel sene, quam in juvene, manus dimovendæ sint. Denique, si certa membra perfricantur, multa valentique fricatione opus est. Nam neque totum corpus infirmari cito per partem potest, & opus est quam plurimum materiæ digeri, sive ipsum membrum, sive per id aliud levamus. At, ubi totius corporis imbecillitas hanc curationem per totum id exigit, brevior esse debet & lenior; ut tantummodicum cutem emolliat, quo facilius caliditas ex recenti cibo novæ materiæ fiat. Immo jam ægrum esse testatur, ubi exterior pars corporis friget, interior cum siti calet. §5, 22. ut supra posui. Sed tunc quoque unicum in frictione præsidium est, quæ si calorem evocavit, potest alicui medicinæ locum facere.

C A P. XV.

*De Gestatione.*²

GESTATIO quoque longis & jam inclinatis morbis aptissima est. utilisque est & his corporibus, quæ jam
ex

1 Aph. iv, 48. 2 Oribas. Coll. Medic. vi, 23.

ex toto febre carent, sed adhuc exerceri per se non possunt; & his, quibus lentæ morborum reliquiæ remanent, neque aliter eliduntur. Asclepiades etiam in recenti vehementique, præcipueque ardente febre, ad discutiendam eam, gestatione dixit utendum. Sed id periculose fit; meliusque in quiete ejusmodi impetus sustinetur. Si quis tamen¹ experiri volet, sic experiatur, si lingua non erit aspera, si nullus tumor, nulla duries, nullus dolor visceribus, aut capiti, aut præcordiis suberit. At ex toto, nunquam gestari corpus dolens debet, sive id in toto, sive in parte est; nisi tamen solis nervis dolentibus; neque unquam in crescente febre, sed in remissione ejus.

Genera² autem gestationis plura sunt: quæ adhibenda sunt & pro viribus cujusque, & pro opibus; ne aut imbecillum hominem nimis digerant, aut humili defint. Gestationum lenissima est navi, vel in portu, vel in flumine; vel lectica, aut scamno: acrior, vehiculo: vehementior, in alto mari³ navi. Atque hæ ipsæ & intendi & leniri possunt. Si nihil horum est, suspendi lectus debet, & moveri. Si ne id quidem est, at certe uni pedi † lecti fulcimentum subjiciendum est, atque ita lectus huc & illuc manu impellendus. Et levia quidem genera exercitationis infirmis conveniunt: valentiora vero his, qui jam pluribus diebus febre liberati sunt; aut his, qui gravium morborum initia sic sentiunt, ut adhuc febre vacent (quod & in tabe, & in stomachi

¹ Oribas. Medic. Coll. vi, 25. ² Oribas. Medic. Coll. vi, 23. ³ Gloss.

machi vitiiis, & cum aqua cutem subiit, & interdum in morbo regio fit) aut ubi quidam morbi, qualis comitialis, qualis insania est, sine febre, quamvis diu, manent. In quibus affectibus ea quoque genera exercitationum necessaria sunt, quæ comprehendimus eo loco, ¹ quo, quemadmodum fani, neque firmi homines se gerere debent, præcepimus.

C A P. XVI.

De Abſtinentia. ²

ABSTINENTIAE vero duo genera sunt. Alterum, ubi nihil assumit æger: alterum, ubi non nisi quod oportet. Initia morborum primum ³ famem, sitimque desiderant: ipsi deinde morbi, moderationem, ut neque aliud quam expedit, neque ejus ipsius nimium sumatur. neque enim convenit juxta inediam protinus satietatem esse. Quod si sanis quoque corporibus inutile est, ubi aliqua necessitas famem fecit; quanto inutilius est infirmo, nedum ægro? Neque ulla res ⁴ magis adjuvat laborantem, quam tempeſtiva abſtinentia. Intemperantes homines apud nos, sibi cibi tempora, modum curantibus dant. Rursus alii, tempora medicis pro dono remittunt, sibi ipsis modum vendicant. Liberaliter agere se credunt, qui cætera illorum arbitrio relinquunt, in genere cibi liberi sunt, quasi quærat, quid medico liceat, non quid ægro salutare sit. Cui vehementer nocet, quoties in ejus, quod assumitur,

vel

¹ Lib. 1. c. 1. ² Soran. Ephes. Isag. cap. x.
³ Hipp. de Vet. M. T. xv. n. 10. ⁴ Plin. xxviii, 4.

C A P. XVII.

De Sudore.

SUDOR duobus modis elicitur: aut sicco calore, aut balneo. Siccus calor est, & arenæ calidæ, ¹ & laconici, & clibani, & quarundam naturalium sudationum, ubi à terra profusus calidus vapor ædificio includitur, sicut super ² Batas in murtetis habemus. Præter hæc, sole quoque, & exercitatione is movetur. Utiliaque hæc genera sunt, quoties humor intus nocet, isque digerendus est. Ac nervorum quoque quædam vitia sic optime curantur. Et cætera infirmis possunt convenire: Sol, & exercitatio tantum robustioribus, qui tamen sine febre, vel initio morbi, vel etiam non gravibus morbis tenentur. Cavendum autem est, ne quid horum vel in ³ febre, vel in cruditate tentetur.

At balnei duplex usus est. Nam modo, discussis febribus, initium cibi plenioris, vinique firmioris, valetudini facit; modo febrem ipsam tollit. Fereque adhibetur, ubi summam cutem relaxari, evocarique corruptum humorem, & habitum corporis mutari expedit. Antiqui timidius eo utebantur: Asclepiades ⁴ audacius. Neque terere autem ea res, si tempestitiva est, debet: at ante tempus nocet. Quisquis febre liberatus est, simulatque ea uno die non accessit, eo, qui proximus est post tempus accessio-

¹ Aetius Tetr. I. Serm. III, 9. ² Alii *Baias*, Horat. Epist. xv, l. 1. Ovid. de A. A. L. I. Cassiodor. Var. l. ix, 6. ³ I. de Morb. Mul. LVIII. 14. ⁴ Plin. xxvi, 3.

cessionis, tuto lavari potest. At si circuitum habere ea febris solita est, sic ut tertio, quartove die revertatur, quandocunque non accessit, balneum tutum est. Manentibus vero adhuc febribus, si hæ sunt lentæ, lienesque jamdiu male habent, recte medicina ista tentatur: cum eo tamen, ne præcordia dura sint, neve ea tumeant, neve lingua aspera sit, neve aut in medio corpore, aut in capite dolor ullus sit, neve tumor febris increseat. Et in his quidem febribus, quæ certum circuitum habent, duo balnei tempora sunt; alterum, ante horrorem; alterum, febre finita. In his vero, qui lentis febriculis diu detinentur, cum aut ex toto recessit accessio; at si id non solet, certe lenita est; jamque corpus tam integrum est, quam maxime esse in eo genere valetudinis solet.

Imbecillus homo, iturus in balneum, vitare debet, ne ante frigus aliquod experiatur: ubi in balneum venit, paulisper resistere, experiri que, num tempora adstringantur, & an sudor aliquis oriatur: illud si incidit, hoc non secutum est, inutile eo die balneum est: & perungendus est is leniter, & referendus, vitandumque omnimodo frigus, & abstinentia utendum. At si temporibus integris, primum ibi, deinde alibi sudor incipit, fovendum os aqua calida; tum in solio desidendum est; atque ibi quoque videndum, num sub primo contactu aquæ calidæ summa cutis inhorrescat, quod vix tamen fieri potest, si priora recte

recte accesserunt: certum autem id signum inutilis balnei est.

Ante vero, quam in aquam calidam se demittat, an postea aliquis perungi debeat, ex ratione valetudinis suæ cognoscat. Fere tamen (nisi ubi nominatim, ut postea fiat, id præcipietur) moto sudore¹ leniter corpus perungendum: deinde in aquam calidam demittendum est. Atque hic quoque habenda virium ratio est; neque committendum, ut per æstum anima deficiat; sed maturius is auferendus, curiosæque vestimentis involvendus est, ut ne ad eum frigus aspires: & ibi quoque, antequam aliquid assumat, insudet.

Fomenta quoque calida sunt, milium, sal, arena: quodlibet eorum calefactum, & in linteum coniectum; etiam solum linteum, si minore vi opus est: at si majore, exincti titiones involutique panniculis, & ^{142,} sic circumdati. Quinetiam calido oleo re-^{18.} plentur²† utriculi: & in vasa fictilia (quas à similitudine lenticulas vocant;) aqua conijcitur; & sal sacco lineo excipitur, demittiturque in aquam bene calidam, tum super id membrum, quod fovendum est, collocatur. Juxtaque ignem, ferramenta duo ignita sunt, capitibus paulo latioribus: alterum ex his demittitur in ficcum salem, & aqua super leviter aspergitur; ubi frigere coepit, ad ignem refertur: idem & in altero fit; deinde invicem in utroque: intereaue descendit falsus & calidus succus, qui contra-ctis aliquo morbo nervis opitulatur. His
omni-

1 I. De Morb. Mul. LVIII, 13. 2 Diogen. Laert. l. v. vit. Aristot. pag. 117. ed. Lond. Valeriola observ. 1. observ. LI. in uxore partu difficili laborante.

omnibus commune est, digerere id, quod vel præcordia onerat, vel fauces strangulat, vel in aliquo membro nocet. Quando autem quoque utendum sit, in iplis morborum generibus dicetur.

C A P. XVIII.

Qui cibi, potionesve, aut valentis, aut mediæ, aut imbecillæ materiæ sint.

CUM de his dictum sit, quæ detrahendo juvant: ad ea veniendum est, quæ nos alunt, id est cibum, & potionem. Hæc autem non omnium tantum morborum, sed etiam secundæ valetudinis communia præsidia sunt. Pertinetque ad rem, omnium proprietates nosse: primum, ut ^{49, 4.} fani sciant, quomodo his utantur: deinde, ^{17, 30.} ut exsequentibus nobis morborum curationes, ^{18, 12.} liceat species rerum, quæ assumendæ necessario erunt, subicere: neque necesse sit subinde singulas eas nominare.

Scire igitur oportet, omnia legumina, quæque ex frumentis panificia sunt, generis valentissimi esse (valentissimum voco, in quo plurimum alimenti est:) item omne animal quadrupes domi natum; omnem grandem feram, quales sunt caprea, cervus, aper, onager; omnem grandem avem, quales sunt anser, & pavo, & grus; omnes belluas marinas, ex quibus cetus est, quæque his pares sunt: item mel, & caseum. Quominus mirum est, opus pistorium valentissimum esse, quod ex frumento, adipe melle, caseo¹ constat. In media vero materia

teria numerari ex oleribus debere ea, quorum radices, vel bulbos assumimus: ex quadrupedibus, leporem: aves omnes à minimis ad phœnicopterum: item pisces omnes, qui salem non patiuntur, solidive saliantur. Imbecillissimam vero materiam esse, omne olus, & quicquid in cauliculo¹ nascitur, qualis est cucurbita, & cucumis, & capparitis: omnia² poma, oleas, cochleas, itemque conchyilia.

Sed quamvis hæc ita discreta sint, tamen etiam, quæ sub eadem specie sunt, magna discrimina recipiunt; aliaque res alia vel valentior est, vel infirmior. Siquidem plus alimenti est in pane, quam in ullo alio. Firmius est³ triticum, quam milium: id ipsum, quam hordeum: & ex ex tritico firmissima[†] filigo; deinde simila; deinde cui nihil ademptum est, quod⁴ *ἀνιόντες* Græci vocant; infirmior est, ex polline: † infirmissimus, cibarius panis. Ex leguminibus vero valentior faba, vel lenticula, quam pisum. Ex⁵ oleribus valentior rapa, napique, & omnes bulbi (in quibus cepam quoque, & allium numero) quam pastinaca, vel quæ specialiter radícula appellatur. Item firmior brassica, & beta, & porrum, quam lactuca, vel cucurbita, vel asparagus. At ex fructibus † furculorum valentiores uvæ, ficus, nuces, palmulæ, quæque poma proprie nominantur. Atque ex his ipsis firmiora, quæ succosa, quam quæ fragilia sunt. Item ex his⁶ avibus, quæ in media specie sunt, valentiores cæ, quæ pedibus, quam quæ volatu magis

G nitun-

¹ Patin. p. 282, 283. & 287. ² Id. ibid. ³ II. De Diet. x, 1. Athen. Deipn. III. 30. p. 115. ⁴ Ath. Deipn. III. c. 28. ⁵ II. Diet. xxiv. ⁶ II. Diet. xvii.

nituntur: & ex his, quæ volatu fidunt, firmiores sunt grandiores aves, quam minutæ, ut ficedula & turdus. Atque eæ quoque, quæ in aqua degunt, leviozem cibum præstant, quam quæ natandi scientiam non habent. Inter domesticas vero quadrupedes, levissima fuilla est; gravissima, bubula. Itemque ex feris, quo majus quodque animal, eo robustior ex eo cibus est. Pisciumque eorum, qui ex media materia sunt, quamvis maxime utimur, tamen gravissimi sunt: tum ex quibus falsamenta quoque fieri possunt, qualis lacertus est; deinde hi, qui, quamvis teneriores, tamen duri sunt, ut aurata, corvus, sparus, oculata; tum plani: post quos etiam leviores sunt, lupi, mullicque; & post hos, omnes saxatiles.

Neque vero in generibus rerum tantummodo discrimen est, sed etiam in ipsis: quod & ætate fit, & membro, & solo, & coelo, & habitu. Nam quadrupes vel omne animal si lactens est, minus alimenti præstat: itemque quo tenerior pullus cohortalis est. In piscibus quoque media ætas, quæque nondum summam magnitudinem implevit. Deinde ex eodem sue, ungulæ, rostrum, aures, cerebellum. Ex agno, hædove, cum petiolis totum² caput aliquanto, quam cætera membra, leviora sunt; adeo ut in media materia poni possint. Ex avibus, colla, alæve recte infirmissimis annumerantur. Quod ad solum vero pertinet, frumentum quoque valentius est collinum, quam

quam campestre. Levior ¹ piscis inter saxa editus, quam in arena; levior in arena, quam in limo. Quo fit, ut ex stagno, vel lacu, vel ² flumine eadem genera graviora sint. Leviorque, qui in alto, quam qui in vado vivit. Omne etiam ferum ³ animal domestico levius; & quodcumque humido cœlo, quam quod sicco natum est. Deinde eadem omnia pingua, quam macra; recentia, quam falsa; nova, quam vetusta, plus alimenti habent. Tum res eadem magis alit jurulenta, quam assa; magis assa, quam frixa. Ovum durum valentissimæ materiæ est; molle, vel forbile, imbecillissimæ. Cumque panificia omnia firmissima sint, † elota tamen quædam genera frumenti, ut alica, oryza, ptisana, vel ex iisdem facta forbitio, vel pulticula, & † aqua quoque madens panis, imbecillissimis annumerari potest.

Ex potionibus vero, quæcunque ex frumento facta est, itemque lac, mulsum, defrutum, passum, vinum aut dulce, aut vehemens, aut mustum, aut magnæ vetustatis, valentissimi generis est. At acetum, & id vinum quod ⁴ paucorum annorum, vel austerrum, vel pingue est, in media materia est. ideoque infirmis nunquam ejus generis dari debet. Aqua omnium imbecillissima est. Firmiorque ex frumento potio est, quo firmitus fuit ipsum frumentum: firmior ex eo vino, quod bono solo, quam quod tenui; quodque temperato cœlo, quam quod aut nimis humido, aut nimis sicco, nimiumque aut frigido,

G 2 aut

¹ II. Diat. xix. 9. Athenæus Deipn. vii. c. 15.
² II. Diat. xix. 1. ³ II. Diat. xx. 4 Patin. p. 299.

aut calido natum est. Mulsum, quo plus mellis habet; defrutum, quo magis decoctum; passum, quo ex ficciore uva est, eo valentius est. ¹ † Aqua levissima² pluvialis est; deinde fontana, tum ex flumine, tum ex puteo; posthæc ex nive, aut glacie; gravior his, ex lacu; gravissima, ex palude, Facilis etiam, & necessaria cognitio est naturam ejus requirentibus. Nam levis, pondere apparet; & ex his, quæ pondere pares sunt, eo melior quæque est, quo celerius³ & calefit & frigescit; quoque celerius ex ea legumina percoquantur.

Fere vero sequitur, ut, quo valentior quæque materia est, eo minus facile concoquatur; sed si concocta est, plus alat. Itaque utendum est materiæ genere pro viribus: modusque omnibus pro genere sumendus. Ergo imbecillis hominibus, rebus infirmis opus est: mediocriter firmos, media materia optime sustinet: & robustis apta validissima est. Plus deinde aliquis assumere ex levioribus potest: in his magis, quæ valentissima sunt, temperare sibi debet.

C A P. XIX.

Quæ natura ac proprietas cujusque rei sit, qua rescimur.

NEQVE hæc sola discrimina sunt; sed etiam aliæ res boni succi, aliæ mali sunt; quæ εὐχυσία, & κακόχυσία Græci vocant: aliæ lenes, aliæ acres: aliæ crassio rem pituitam in nobis faciunt, aliæ tenuiorem: aliæ idoneæ sunt stomacho, aliæ

¹ Aquæ bonæ malæve signa enumerantur a Causaubono in *Athenæum Animadv.* L. 11. c. 17. ² Palad. R. R. I. 17. Colum. de R. R. I. 5. ³ Aph. v. 26.

aliæ alienæ: Itemque aliæ inflant, aliæ ab hoc absunt: aliæ calefaciunt, aliæ refrigerant: aliæ facile in stomacho acescunt, aliæ non facile intus corrumpuntur: aliæ movent alvum, aliæ supprimunt: aliæ citant urinam, aliæ tardant: quædam somnum movent, quædam sensus excitant. Quæ omnia ideo noscenda sunt, quoniam aliud alii, vel corpori, vel valetudini, convenit.

C A P. XX.

De his, quæ boni succi sunt.

BONI succi sunt, triticum, filigo, alica, oryza, amyllum, tragus, ptisana, ¹ lac, caicus mollis, omnis venatio, omnes aves, quæ ex media materia sunt: ex majoribus quoque hæ, quas supra nominavimus: medii inter teneros durosque pisces, ut mullus, & lupus: olera, lactuca, urtica, malva, cucumis, cucurbita, portulaca, cochleæ, palmulæ: ex pomis quodcumque neque acerbum, neque acidum est: vinum dulce, vel lene, passum, defrutum, oleæ, quæve ex his duobus in alterutro servatæ sunt: ² vulvæ, rostra, ³ † trunculique suum, omnis pinguis caro, omnis glutinosa, omne jecur, ovum forbile.

C A P. XXI.

De his, quæ mali succi sunt.

MALI vero succi sunt, milium, panicum, hordeum, legumina, caro domesticæ permacra, omnisque caro falsa, omne ⁴ falsamentum, garum, vetus ca-
G 3 feus,

¹ Varro R. R. II. 11. ² Plin. Ep. I. 1. Ep. 15.
³ in Tyron. notis occurrit vox Trunculus pag. 167
⁴ Athen. Deipn. III. c. 31 pag. 116,

feus, fiser, radícula, rapa; napi, bulbi, brassica, magisque etiam cyma ejus, asparagus, beta, cucumis, porrum, eruca, nasturtium, thymum, nepela, fatureia, hyssopum, ruta, anethum, feniculum, cuminum, anisum, lapathum, sinapi, allium, cepa, lienes, renes, intestina, pomum quodcunque acidum vel acerbum est, acetum, omnia acria, acida, acerba, oleum, pisces quoque saxatiles, omnesque, qui ex tenerissimo genere sunt, aut hi, qui rursus nimium duri virosique sunt, ut fere quos stagna, lacus, limosive rivi ferunt, quive in nimiam magnitudinem excefferunt.

CAP. XXII.

Quæ res lenes, quæve acres sint.

LENES autem sunt, sorbitio, pulticula, laganum, amyllum, ptisana, pinguis caro, & quæcunque glutinosa est: quod fere quidem in omni, quæ domestica, fit, præcipue tamen in ungulis, † trunculisque suum, in † petiolis capitulisque hœdorum & vitulorum & agnorum, omnibusque cerebellis. Item lac, & quæ proprie dulcia nominantur, defrutum, passum; nuclei pinei. Acria sunt, omnia nimis austera, omnia acida, omnia falsa; & mel quidem, quo melius est, eo magis. Item allium, cepa, eruca, ruta, nasturtium, cucumis, beta, brassica, asparagus, sinapi, radícula, intubus, ocimum, lactuca, maximaque olerum pars.

CAP.

† Refert Celsum Norn, de Re Cibar, l. 3. c. 13 p. 319.

CAP. XXIII.

*De his, quæ crassiores, quæve tenuiores
pituitam faciunt.*

CRASSIORUM autem pituitam faciunt,
ova forbilia, alica, oryza, amyllum,
ptisana, lac, bulbi, omniaque ferè
glutinosa. Extenuant eandem, omnia sal-
sa, atque acria, & acida.

CAP. XXIV.

De his, quæ stomacho idonea sunt.

STOMACHO autem apta sunt, quæcunque
austera sunt, & quæ acida, quæque con-
tacta sale modico sunt. Item panis sine
fermento, & elota alica, vel oryza, vel pti-
sana; omnis avis, omnis venatio; atque
utraque vel assa, vel elixa: ex domesticis
animalibus bubula: si quid ex cæteris sumi-
tur, macrum potius, quam pingue: ex sue,
ungulæ, rostra, aures, vulvæque steriles:
ex oleribus, intuba, lactuca, pastinaca, cu-
cubita elixa, fiser: ex pomis, cerasum,
morum, sorbum, pirum fragile, quale cru-
stulinum vel nævianum est: item pira,
quæ ponuntur, Tarentina, atque Signina;
malum orbiculatum, aut Scandianum, vel
Amerinum, vel cotoneum, vel Punicum,
aplinthium, murices, purpuræ, cochleæ,
uvæ ex olla, molle ovum, palmulæ, nuclei
pinei, oleæ albæ ex¹ dura muria, eadem ace-
to intinctæ, vel nigræ, quæ in arbore bene
permaturuerunt, vel quæ in passio, defruto-
ve versatæ sunt: vinum austerrum, licet

G 4 jam

¹ Mercurial. Var. Lect. 1, 3. ² Mercurial. Var.
Lect 11, 26. sed refutatur a L. Nonnio de Re Cibar.
l. 3, c. 45. pag. 421,

jam asperum sit, item resinatum: duri ex media materia pisces, ostrea, pectines, murices, purpuræ, cochleæ: cibi potionefque frigidæ, vel fervidæ.

C A P. XXV.

Quæ res alienæ stomacho sint.

ALIENA vero stomacho sunt, omnia tepida, omnia falsa, omnia jurulenta, omnia prædulcia, omnia pingua, sorbitio, panis fermentatus, idemque vell ex milio, vel ex hordeo, oleum, radices olerum, & quodcumque olus ex oleo garove estur, mel, mustum, defrutum, passum, lac, omnis caseus, uva recens, ficus & viridis & arida, legumina omnia, quæque inflare consueverunt: item thymum, nepeta, satureia, hyssopum, nasturtium, lapathum, lampſana, juglandes. Ex his autem intelligi potest, non, quicquid boni succi est, protinus stomacho convenire; neque quicquid stomacho convenit, protinus boni succi esse.

C A P. XXVI.

De his, quæ inflant.

INFLANT autem, omnia fere legumina, omnia pingua, omnia prædulcia, omnia jurulenta, mustum, atque etiam id vinum, cui nihil adhuc ætatis accessit: ex oleribus, allium, cepa, brassica, omnesque radices, excepto sisere & pastinaca, bulbi, ficus etiam aridæ, sed magis virides, uvæ recentes, nuces omnes, exceptis nucleis pineis,

pineis, lac, omnisque caseus, quicquid denique suberudum aliquis assumpfit.

De his, quæ minime inflant.

Minima inflatio fit ex venatione, aucupio, piscibus, pomis, oleis, conchiliis, ovis vel mollibus vel forbilibus, vino vetere. Feniculum vero, & anethum, inflationes etiam levant.

C A P. XXVII.

De his, quæ calefaciunt, aut refrigerant. p. 314

AT calefaciunt, piper, sal, caro omnis jurulenta, allium, cepa, ficus arida, isahamentum, vinum, & quo meracius est, eo magis.

Refrigerant, olera, quorum crudi caules assumuntur, ut intubus, & lactuca: itemque coriandrum, cucumis, elixa cucurbita, beta, mora, cerasa, mala austera, pira fragilia, caro elixa, præcipueque acetum, sive cibus ex eo, sive potio assumitur.

C A P. XXVIII.

De his, quæ intus facile corrumpuntur.

FACILE autem intus corrumpuntur, panis fermentatus, & quisquis alius quam ex tritico est, & omne piscium opus, lac, mel; itemque † lactentia atque teneri pisces, ostrea, olera, caseus & recens & vetus, crassa vel tenera caro, vinum dulce, mulsum, defrutum, passum; quicquid denique vel jurulentum est, vel nimis dulce, vel nimis tenue.

G 5

De

De his, quæ intus minime vitiantur.

At minime intus vitiantur, panis sine fermento, aves, & eæ potius duriores, durior pices, neque solum aurata puta, aut scarus, sed etiam loligo, locusta, polypus; item bubula, omnisque dura caro; eademque aptior est, si macra, si salsa est; omniaque fassamenta: cochleæ, murices, purpuræ; vinum austerum, vel refinatum.

CAP. XXIX.

§2, 9.

De his, quæ alvum movent.

AT alvum movent, panis fermentatus, magisque si cibarius vel hordeaceus est; brassica, si subcruda est, lactuca, anethum, nasturtium, ocimum, urtica, portulaca, radícula, capparis, allium, cepa, malva, lapathum, beta, asparagus, cucurbita, cerasa, mora, poma omnia mitia, ficus etiam arida, sed magis viridis, uvæ recentes pingues, minutæ aves, cochleæ, garum, fassamentum, ostrea, pelorides, echini, muscoli, & omnes fere conchulæ, maximeque jus earum; saxatiles, & omnes teneri pisces, sepium atramentum; si qua caro assumitur pinguis, eadem vel jurulenta, vel elixa. aves, quæ natant; mel crudum, lac, lactentia omnia, mulsum, vinum dulce vel falsum, † aqua, omnia tenera, tepida,² dulcia, pingua, elixa, jurulenta, falsa, diluta.

CAP.

¹ Victor. Variar. Lect. I. 22. ² Athen. Deipn. III. 33.

CAP. XXX.

De his, quæ alvum adstringunt.

32, 24

CONTRA adstringunt, panis ex filigine, vel ex simila; magis, si sine fermento est; magis etiam si tostus est; intenditurque vis ejus etiam, si bis coquitur: pulicula vel ex alica, vel ex panico, vel ex milio; itemque ex iisdem sorbitio; & magis, si hæc ante fricta sunt: lenticula cui vel beta, vel intubus, vel ¹ ambubeia, vel plantago adjecta est; magisque etiam, si illa ante fricta est: per se etiam intubus, vel ex plantagine, vel ² ambubeia fricta; minuta colera, brassica bis decocta; dura ova; magisque si assa sunt; minutæ aves, merula, palumbes; magisque, si in posca decocta est: grus, omnesque aves, quæ magis currunt, quam volant; lepus, caprea; jecur ex his, quæ sebum habent, maximeque bubulum, ac sebum ipsum: 3 caseus, qui vehementior vetustate fit, vel ea mutatione, quam in eo transmarino videmus; aut si recens est, ex melle, mulsove decoctus: item mel coctum, pira immatura, sorba, magisque æa, quæ torminalia vocantur, mala cotonea, & punica, oleæ vel albæ vel præmaturæ, myrta, palmulæ, purpuræ, murices, vinum retinatum vel asperum, item meracum, acetum, mulsum quod inferbuit, asperum item defrutum, passum, † aqua vel tepida vel præfrigida, dura, id est, ea quæ tarde⁴ putrescit, ideoque pluviatilis potissimum¹ omnia dura, macra, austera, aspera,

¹ Salm. Exerc. Plin. pag. 583. ² Ed. Ultraj.
³ de Vict. Acur. Lix, 5. ⁴ l. putrescit.

ra, tosta, & in eadem carne, assa potius quam elixa.

C A P. XXXI.

De his, quæ urinam movent.

URINAM autem movent, quæcunque in horto nascentia boni odoris sunt, ut apium, ruta, anethum, ocimum, mentha, hyssopum, anisum, coriandrum, nasturtium, eruca, feniculum. præter hæc, asparagus, capparis, nepeta, thymum, fatureia, lampfana, pastinaca, magisque agrestis, radícula, fiser, cepa. Ex venatione, maxime lepus, vinum tenue, piper & rotundum & longum, sinapi, apsinthium, nuclei pinei.

C A P. XXXII.

De his, quæ ad somnum apta sunt.

SOMNO vero aptum est papaver, lactuca, maximeque æstiva, cujus cauliculus jam lacte repletus est, morum, porum.

De his, quæ sensum excitant.

Sensus vero excitant, nepeta, thymum, fatureia, hyssopum, præcipueque pulegium, ruta, & cepa.

C A P. XXXIII.

De his, quæ materiam evocant.

EVOCARE vero materiam multa admodum possunt: sed ea, cum ex peregrinis medicamentis maxime consent, aliisque magis, quam quibus ratione victus succur-

succurritur, opitulentur, in præsentia differam: ponam vero ea, quæ prompta, & his morbis, de quibus protinus dicturus sum, apta, corpus erodunt, & sic ex eo, quidquid mali est, extrahunt. Habent autem hanc facultatem, semina crucæ, nasturtii, radiculæ; præcipue tamen omnium, sinapis. Salis quoque & fici eadem vis est.

De his, quæ reprimunt.

Leniter vero simul & reprimunt & molliunt, lana succida, ex aceto vel vino, † cui oleum adjectum est; contritæ palmulæ, furfures in falsa aqua vel aceto decocti.

At simul reprimunt & refrigerant, herba muralis (parthenium vel perdicium appellant) serpillum, pulegium, ocimum, herba sanguinalis (quam Græci πολύγονον vocant) portulaca, papaveris folia, capreolique vitium, coriandri folia, hyoscyamum, muscus, fiser, apium, solanum (quam σέρυχον Græci vocant) brassicæ folia, intubus, plantago, feniculi semen, contrita pira vel mala, præcipueque cotonea, lentacula, aqua frigida, maximeque pluviatilis, 290, 18; vinum, acetum, & ex horum aliquo ma- 204, 15; dens vel panis, vel farina, vel spongia, vel lacinia, vellana succida, veletiam linteolum, creta cimolia, gypsum, melinum, myrteum, † rosa, acerbum oleum, verbenarum contusa cum teneris caulibus folia; cujus generis sunt olea, cupressus, myrtus, lentiscus, tamarix, ligustrum, rosa, rubus, laurus, hедера, punicum malum.

Sine

Sine frigore autem reprimunt, cocta co-
tonea, malicorium, aqua calida, in qua ver-
benæ coctæ sunt, quas supra proposui, pul-
vis vel ex fece vini, vel ex myrti foliis,
amaræ nuces.

De his, quæ calefaciunt.

31, 20. Calefacit vero, ex qualibet farina cata-
705, II. plasma, sive ex tritici, sive ex farris, sive ex
hordei, sive ervi, vel lolii, vel milii, vel
panici, vel lenticulæ, vel fabæ, vel lupini,
vel lini, vel fœni græci, ubi ea deferbuit,
calidaque imposita est. Valentior tamen
ad id omnis farina est ex mulso, quam ex
aqua cocta. Præterea cyprinum, irinum,
medulla, adeps ex fele juncta oleo, ma-
gisque, si vetus est, sal, nitrum, † git, piper.
quinque-folium.

De his, quæ durant, aut emolliunt.

Fereque, quæ vehementer & reprimunt
& refrigerant, durant: quæ autem calefa-
ciunt & digerunt, ea emolliunt: præcipue-
que ad emolliendum potest cataplasma ex
lini vel fœni græci semine.

His autem omnibus, & simplicibus, &
permixtis, varie medici utuntur; ut magis,
quid quisque persuaserit sibi, appareat,
quam quid evidenter compererit.

LIBER TERTIUS.

CAP. I.

De morborum generibus.

PRÆVISIS omnibus, quæ pertinent ad universa genera morborum, ad singulorum curationes veniam. Hos autem in duas species Græci diviserunt; aliosque ex his acutos, alios longos esse dixerunt. Ideoque, quoniam non semper eodem modo respondebant, eosdem alii inter acutos, alii inter longos retulerunt. Ex quo, plura eorum genera esse, manifestum est. Quidam enim breves acutique sunt, qui cito vel tollunt hominem, vel ipsi cito finiuntur. Quisdam longi, sub quibus neque sanitas in proximo, neque exitium est. Tertiumque genus eorum est, qui modo acuti, modo longi sunt. idque non in febribus tantummodo, in quibus frequentissimum est; sed in aliis quoque fit. Atque etiam, præter hos, quartum est; quod neque acutum dici potest, quia non perimit; neque utique longum, quia, si occurritur, facile sanatur. Ego, cum de singulis dicam, cujus quisque generis sit, indicabo.

Dividam autem omnes in eos, qui in totis corporibus consistere videntur, & eos, qui oriuntur in partibus. Incipiam à prioribus, pauca de omnibus præfatus. In nullo quidem morbo plus fortuna sibi vendicare

care quam ars: ars, quam natura, potest: utpote cum, repugnante natura, nihil medicina proficiat. Magis tamen ignoscendum medico est parum proficienti in acutis morbis, quam in longis. Hic enim breve spacium est, intra quod, si quod auxilium non profuit, æger extinguitur: ibi & deliberationi, & mutationi remediorum tempus patet; adeo ut raro, si inter initia medicus accessit, obsequens æger sine illius vitio pereat. Longus tamen morbus cum penitus infedit, quod ad difficultatem pertinet, acuto par est. Et acutus quidem, quo vetustior est; longus autem, quo recentior, eo facilius curatur.²

18. 13. Alterum illud ignorari non oportet, quod non omnibus ægris eadem auxilia conveniunt. Ex quo incidit, ut alia atque alia summi authores, quasi sola, venditaverint, prout cuique cesserant. Oportet itaque, ubi aliquid non respondet, non tanti putare authorem, quanti ægrum, & experiri aliud atque aliud. Sic tamen, ut in acutis morbis cito mutetur, quod nihil prodest: in longis, quod tempus, ut facit, sic etiam solvit, non statim condemnetur, si quid non statim profuit, minus vero removeatur, si quid paulum saltem juvat; quia profectus tempore expletur.

CAP.

¹ Hippocrat. Lex. T. II. 10. Seneca de Tranq. An. c. VI. ² Hipp. de A. T. xx. 6. ³ Philo Judæus de Josepho pag. 531. ed. 1631. ⁴ Coel. Aurelian. Tard. pass. IV, 3. pag. 454.

C A P. II.

*Quomodo morbi cognoscantur, & an crescant;
an minuantur, & qua ratione ab initio, qui
languere incipit, curari debeat.*

PRORTINUS autem inter initia scire facile est, quis acutus morbus, quis longus sit: non in his solum, in quibus semper ita se habet; sed in his quoque, in quibus variat. Nam ubi sine intermissionibus accessiones & dolores graves urgent, acutus morbus est. Ubi lenti dolores, lentæve febres sunt, & spatia inter accessiones porriguntur, acceduntque ea signa, quæ in priore volumine exposita sunt, longum hunc futurum esse, manifestum est.

Videndum etiam est, morbus an increseat, an consistat, an minuat: quia quædam remedia incrementibus morbis, plura inclinatis conveniunt. Eaque, quæ crescentibus apta sunt, ubi acutus incrementum urget, in remissionibus potius experienda sunt. Incrementum autem morbus, dum graviores dolores, accessionesque veniunt; hæque & ante, quam proximæ, revertuntur, & postea desinunt. Atque in longis quoque morbis, etiam tales notas non habentibus, scire licet, incrementum, si somnus incertus est, si deterior concoctio, si foetiores dejectiones, si tardior sensus, si pigrior mens, si percurrit corpus frigus aut calor, si id magis pallet. Ea vero, quæ contraria his sunt, decedentis ejus notæ sunt.

H

Præ-

Præter hæc, in acutis morbis ferius æger alendus est, nec nisi jam inclinatis; ut inedia, dempta materia, impetum frangat. In longis maturius, ut sustinere spatium affecturi mali possit. At, si quando is non in toto corpore, sed in parte est; magis tamen ad rem pertinet, vim totius corporis moliri, quam partis; cum per eam partes ægræ sanentur. Multum etiam interest, ab initio quis recte curatus sit, an perperam: quia curatio minus his prodest, in quibus assidue frustra fuit. Si quis temere habitus, adhuc integris viribus vivit, admota curatione momento restituitur.

Sed cum ab his cæperim, quæ notas quasdam futuræ adversæ valetudinis exhibent, curationum quoque principium ab animadversione ejusdem temporis faciam. Igitur, si quid ex his, quæ proposita sunt, incidit, omnium optima sunt, quies
298, 15. & abstinentia: si quid bibendum, aqua;
348, 21. idque interdum uno die fieri satis est; interdum, si terrentia manent, biduo: proximeque abstinentiam sumendus est cibus exiguus, bibenda aqua, postero die etiam vinum, deinde invicem alternis diebus, modo aqua, modo vinum, donec omnis causa metus finiatur. per hæc enim sæpe instans gravis morbus discutitur. Plurimique falluntur, dum se primo die protinus sublatueros languorem, aut exercitatione, aut balneo, aut coacta dejectione, aut vomitu, aut sudationibus, aut vino sperant. non quod non interdum id incidat,

dat, aut non decipiat, sed quod sæpius fallat; solaque abstinencia sine ullo periculo medeatur. Cum præsertim etiam pro modo terroris moderari liceat: &, si leviora indicia fuerunt, satis sit à vino tantum abstinere; quod subtractum plus, quam si cibo aliquid dematur, adjuvat: si paulo graviora, satis sit, non aquam tantum bibere, sed etiam cibo carnem subtrahere: interdum panis quoque minus, quam pro consuetudine assumere, humidoque cibo esse contentum, & olere potissimum. Satisque sit, tum ex toto à cibo, à vino, ab omni motu corporis abstinere, cum vehementes notæ terruerunt. Neque dubium est, quin vix quisquam, qui non dissimulavit, sed per hæc mature morbo occurrit, ægrotet.

C A P. III.

De Februm generibus.

ATQUE hæc quidem sanis faciendæ sunt, tantum causam metuentibus. sequitur vero curatio februm, quod & in toto corpore, & vulgare maxime morbi genus est. Ex his una¹ quotidiana, altera tertiana, altera quartana est. Interdum etiam longiore circuitu quædam redeunt, sed id raro evenit. In prioribus, & morbi sunt, & medicina.

Ac quartanæ quidem² simpliciores sunt. Incipiunt fere ab horrore; deinde calor erumpit; finitaque febre biduum integrum est. ita quarto die revertitur.

Tertianarum vero duo genera sunt. Al-

H 2

terum

¹ I. Epidem. III, 14. &c. ² I. Epidem. III, 17.

terum eodem modo, quo quartana, & incipiens, & desinens; illo tantum interposito descrimine, quod unum diem præstat integrum, tertio redit. Alterum longe perniciosius, quod tertio quidem die revertitur, ex octo autem & quadraginta horis fere sex & triginta per accessionem occupat (interdum etiam vel minus, vel plus) neque ex toto in remissione desistit; sed tantum levius est. Id genus plerique medici *ἡμικριταῖν* appellant.

Quotidianæ vero variæ sunt, & multiplices. Aliæ enim protinus à calore incipiunt, aliæ à frigore, aliæ ab horrore. Frigus voco, ubi extremæ partes membrorum inalgescunt: horrorem, ubi totum corpus intremit. Rursus aliæ sic desinunt, ut ex toto sequatur integritas: aliæ sic, ut aliquantum quidem minuatur ex febre, nihilominus tamen quædam reliquæ remaneant, donec altera accessio accedat: ac sæpe aliæ vix quicquam aut nihil remittunt, sed ita, ut cœpere, continuant. Deinde, aliæ fervorem ingentem habent, aliæ tolerabilem: aliæ quotidie pares sunt, aliæ impares; atque invicem altero die leniores, altero vehementiores: aliæ tempore eodem postridie revertuntur, aliæ vel serius vel celerius: aliæ diem noctemque accessione & decessione implent, aliæ minus, aliæ plus: aliæ, cum decedunt, sudorem movent, aliæ non movent; atque aliàs per sudorem ad integritatem venit, aliàs corpus tantum imbecillius redditur. Accessio-

1 Est proprium verbum medicorum, Gronov. ad Senec. Epist. 53.

cessiones etiam, modo singulæ singulis diebus fiunt, modo binæ pluresve concurrunt. Ex quo sæpe evenit, ut quotidie plures accessiones remissionesque sint; sic tamen, ut unaquæque alicui priori respondeat.

Interdum vero accessiones quoque confunduntur, sic ut notari neque tempora earum, neque spatia possint. Neque verum est; quod dicitur à quibusdam, nullam febrem inordinatam esse, nisi aut ex vomica, aut ex inflammatione, aut ex ulcere. Facilius enim semper curatio foret, si hoc verum esset. nam, quod evidentes causæ faciunt, facere etiam abditæ possunt. Neque de re, sed de verbo controversiam movent, qui, cum aliter aliterque in eodem morbo febres accedunt, non easdem inordinate redire, sed alias aliasque subinde oriri dicunt. Quod tamen ad curandi rationem nihil pertineret, etiam si vere diceretur. Tempora quoque remissionum modo liberalia, modo vix ulla sunt.

CAP. IV.

25

De Curationum diversis generibus.

ET febrium quidem ratio maxime talis est. Curationum vero diversa genera sunt, prout authores aliquos habent. Asclepiades officium esse medici dicit, ut tuto, ut celeriter, ut jucunde curet. Id votum est: sed fere periculosa esse nimia & festinatio & voluptas solet. Quam vero moderatione utendum sit, ut quantum

tum fieri potest, omnia ista contingant, prima semper habita salute, in ipsis partibus curationum considerandum erit.

Et ante omnia quæritur, primis diebus æger qua ratione continendus sit. Antiqui medicamentis quibusdam datis, concoctionem moliebantur; eo quod cruditate maxime horrebant: deinde eam materiam, quæ lædere videbatur, ducendo sæpius alvum subtrahebant. Asclepiades medicamenta sustulit; alvum non toties, sed fecerit tamen in omni morbo, subduxit. Febre vero ipsa præcipue se ad remedium uti profectus est. Convellendas etiam vires ægri putavit, luce, vigilia, siti ingenti; sic, ut ne os quidem primis diebus elui sineretur. Quo magis falluntur, qui per omnia iunctandam ejus disciplinam esse concipiunt. Etenim ulterioribus quidem diebus cubantis etiam luxuriæ subscripsit, primis vero tortoris vicem exhibuit.

† Ego autem, medicamentorum dari portiones, & alvum duci non nisi raro debere concedo. Et id non ideo tamen agendum, ut ægri vires convellantur, existimo: quoniam etiam ex imbecillitate summum periculum est. Minui ergo tantum materiam superantem oportet; quæ naturaliter digeritur, ubi nihil novi accedit. Itaque abstinendus à cibo primis diebus est, & in luce habendus æger (nisi infirmus) interdiu, quoniam corpus ista quoque digerit; isque cubare quam maximo conclavi debet.

Quod ad sitim vero somnumque pertinet,

net, moderandum est, ut interdiu vigilet; noctu, si fieri potest, conquiescat: ac neque potest, neque nimium siti crucietur. Os etiam ejus elui potest, ubi & ficcum
5 est, & ipsi foetet. quamvis id tempus aptum potioni non est. Commodeque Erasistratus dixit, sæpe, interiore parte humorem non requirente, os & fauces requirere; neque ad rem, male haberi ægrum, pertinere. Ac
10 primo quidem sic tenendus est.

Optimum vero medicamentum est, opportune cibus datus, qui quando primum dari debeat, quæritur. Plerique ex antiquis tarde dabant, sæpe quinto die, sæpe sexto,
15 & id fortasse vel in Asia, vel in Ægypto, 8, 22. cœli ratio patitur. Asclepiades, ubi ægrum triduo per omnia fatigaverat, quartum diem cibo destinabat. At Themison nuper, non, quando cœpisset febris, sed quando desisset,
20 aut certe levata esset, considerabat, & ab illo tempore expectato die tertio, si non accesserat febris, statim: si accesserat, ubi ea vel desierat, vel, si assidue inhærebat, si certe se inclinaverat, cibum dabat.

25 Nihil autem horum utique perpetuum 17, 2. est. Nam potest primo die primus cibus dandus esse, potest secundo, potest tertio, potest non nisi quarto, aut quinto; potest post unam accessionem, potest post duas;
20 potest post plures. Refert enim, qualis morbus sit, quale corpus, quale cœlum, quæ ætas, quod tempus anni. Minimeque, in rebus 18, 33. multum inter se differentibus, perpetuum esse præceptum temporis potest. In mor-

bo, qui plus virium aufert, celerius cibibus dandus est: itemque eo coelo, quod magis digerit. Ob quam causam in Aphrica nullo die æger abstinere recte videtur. Marturius etiam puero, quam juveni: æstate, quam hieme, dari debet. ² Unum illud, & semper, & ubique servandum est, ut ægri vires subinde assidens medicus inspiciat, & quamdiu supererunt, abstinentia pugnet; si imbecillitatem vereri cœperit, cibo subveniat. Id enim ejus officium est, ut ægrum, neque supervacua materia oneret, neque imbecilliolem fame perdat. Idque apud Erasistratum quoque invenio: qui, quamvis parum docuit, quando venter, quando corpus ipsum exinaniretur, dicendo tamen, hæc esse videnda, & tum cibum dandum, cum corpori deberetur: satis ostendit, dum vires superessent, dari non oportere; ne deficerent, consulendum esse.

Ex his autem intelligi potest, ab uno medico multos non posse curari: eumque, si artifex est, idoneum esse, qui non multum ab ægro recedit. Sed, qui quæstui serviunt, quoniam is major ex populo est, libenter amplectuntur ea præcepta, quæ sedulitatem non exigunt; ut in hac ipsa re. Facile est enim dies vel accessiones numerare his quoque, qui ægrum raro vident: ille assideat necesse est, qui, quod solum opus est, visurus est, quando nimis imbecillus futurus sit, nisi cibum acceperit. In pluribus tamen ad initium cibi dies quartus aptissimus esse consuevit.

Est

3 Aph. 1, 15, 2 Aph. 1, 9,

Est autem alia etiam de diebus ¹ ipsis dubitatio, quoniam antiqui potissimum ² impares sequebantur, eosque, tanquam tunc de ægris judicaretur, *κεκοίμης* ³ nominabant. ⁴

5 Hi erant dies tertius, quintus, septimus, nonus, undecimus, quartusdecimus, unus & vigesimus; ita ut summa potentia septimo, deinde quartodecimo, deinde uni & vigesimo daretur. Igitur sic ægros nutriebant, ^{138, 9}

10 ut dierum imparium accessiones expectarent: deinde postea cibum, quasi levioribus accessionibus instantibus, darent: adeo ut Hippocrates, ⁵ si alio die febris defisset, recidivam timere fit solitus.

15 Id Asclepiades jure ut vanum repudiavit; neque in ullo die, quia par imparve esset, ægris vel majus vel minus periculum esse dixit. Interdum enim peiores dies pares fiunt; & opportunius post febrium accessiones cibus datur. Nonnumquam etiam

20 in ipso morbo, dierum ratio mutatur; fitque gravior, qui remissior esse consueverat. Atque ipse quartusdecimus par est, in quo esse magnam vim antiqui fatebantur.

25 Qui cum octavum primi naturam habere contenderent, ut ab eo secundus septenarius reciperet, ipsi sibi repugnabant, non octavum, neque decimum, neque duodecimum diem sumendo, quasi potentio-rem:

30 plus enim tribuebant nono, & undecimo. Quod cum fecissent sine ulla probabili ratione, ab undecimo, non ad tertiumdecimum, sed ad quartumdecimum transibant. Est etiam apud Hippocratem, ei, quem sep-

H 5

timus

¹ I. Epidem. III. de Partu septim. VII. VIII.
² Julian. Imper. Epist. pag. 207. ³ Cæl. Aurel.
Acut. Morb. I. 14. ⁴ Aph. II, 23, 24. ⁵ Aph. IV, 61.

timus dies liberaturus sit, quartum esse gravissimum. Ita, illo quoque authore, in die pari & gravior febris esse potest, & certa futuri nota. Atque idem alio loco quartum quemque diem, ut in utrumque efficacissimum apprehendit; id est, quartum, septimum, undecimum, quartumdecimum, decimumseptimum: in quo ab impari ad paris rationem transit. Et ne in hoc quidem propositum conservavit: cum à septimo die undecimus, non quartus, sed quintus sit. Adeo apparet, quacumque ratione ad numerum respexerimus, nihil rationis, sub illo quidem authore, reperiri. Verum in his quidem antiquos tunc celebres admodum Pythagorici numeri fefellerunt: cum hic quoque medicus non numerare dies debeat, sed ipsas accessiones intueri; & ex his conjectare, quando dandus cibus sit.

Illud autem magis ad rem pertinet, scire, cibumne oporteat dari, cum jam bene venæ conquieverunt, aut etiamnum manentibus reliquiis febris. Antiqui enim quam integerrimis corporibus alimentum offerebant. Asclepiades, inclinata quidem febre, sed adhuc tamen inhærente. In quo vanam rationem secutus est: non quod non sit interdum maturius cibus dandus, si mature timetur altera accessio: sed quod scilicet non nisi quam sanissimo dari debeat. minus enim corrumpitur, quod integro corpori infertur. Neque tamen verum est, quod Themisoni videbatur, si duabus horis

ris integer futurus esset æger, satius esse tunc dare; ut ab integro corpore potissimum diduceretur. Nam si diduci tam celeriter posset, id esset optimum. Sed cum
 5 hoc breve tempus non præstet, satius est, principia cibi à decedente febre, quam reliquis ab incipiente excipi. Ita, si longius tempus secuturum est, quam integerrimo dandus est: si etiam breve, antequam
 10 ex toto integer fiat. Quo loco vero integritas est, eodem est remissio, quæ maxime in febre continua potest esse. At hoc quoque quæritur, utrum tot horæ expectandæ sint, quot febrem habuerunt: an
 15 satis sit, primam partem earum præteriri, ut ægris jucundius incidat, quibus interdum non vacat. Tutissimum est autem, ante totius accessionis tempus præterire: quamvis, ubi longa febris fuit, potest in-
 20 dulgeri ægro maturius, dum tamen ante minimum pars dimidia prætereatur. Idque non in ea sola febre, de qua proxime dictum est, sed in omnibus ita servandum est.

25 C A P. V.

De febrium speciebus, & singularum curationibus: & primo, quando cibus febricitantibus dandus sit.

30 **H**Æc magis per omnia genera febrium perpetua sunt: nunc ad singulas earum species descendam. Igitur si semel tantum accessit, deinde desit, eaque vel ex † inguine, vel ex lassitudine; vel ex æstu,

† Malim. sanguine vel ineluvio, quomodo enim ex inguine posset oriri febris? dein enumerat causas externas, quas inter inguen censerè non potest.

æstu, aliave simili re fuit, sic, ut interior nulla causa metum fecerit, postero die, cum tempus accessionis ita transiit, ut nihil moveret, cibus dari potest. At, si ex alto calor venit; & gravitas vel capitis vel præcordiorum secuta est; neque apparet, quid corpus confuderit; quamvis unam accessionem secuta integritas est: tamen, quia tertiana timeri potest, expectandus est dies tertius; & ubi accessionis tempus præterit, cibus dandus est, sed exiguus; quia quartana quoque timeri potest. At die quarto demum, si corpus integrum est, eo cum fiducia utendum. Si vero postero, tertiove, aut quarto die secuta febris est; scire licet, morbum esse. Sed tertianarum, quartanarumque (quarum & certus circuitus, & finis integer, & liberaliter quæta tempora sunt) expeditior ratio est. de quibus suo loco dicam.

Nunc vero eas explicabo, quæ quotidie urgent. Igitur tertio quoque die cibus ægro commodissime datur; ut alter febrem minuat, alter viribus subveniat. Sed is dari debet, si quotidiana febris est, quæ ex toto desinat, simulatque corpus integrum factum est: si, quamvis non accessiones, febres tamen junguntur, & quotidie quidem increscunt, sed sine integritate tamen remittunt, cum corpus ita se habet, ut major remissio non expectetur: si altero die gravior, altero levior accessio est, post graviolem. Fere vero graviolem accessionem levior: nox sequitur: quo fit, ut graviolem accessionem nox quoque tristior antecedit.

At,

At, si continuatur febris, neque levior unquam fit, & dari cibum necesse est, quando dari debeat, magna dissensio est. Quidam, quia fere¹ remissius matutinum tempus ægris est, tunc putant dandum. Quod si respondet, non quia mane est, sed quia remissio est ægris, dari debet. Si vero ne tunc quidem ulla requies ægris est, quia hoc ipso pejus id tempus est, quod, cum sua natura melius esse debeat, morbi vitio non est, simulque insequitur tempus meridianum, à quo cum omnis æger fere pejor fiat, timeri potest, ne ille magis etiam, quam ex consuetudine, urgeatur. Igitur alii vespere tali ægro cibum dant. Sed, cum eo² tempore fere pessimi³ sint, qui ægrotant, verendum est, ne, si quid tunc moverimus, fiat aliquid asperius. Ob hæc alii differunt ad mediam noctem, decurso jam gravissimo tempore, eodemque longissime distante. Securius vero datur antelucanis horis; quibus omnes fere maxime dormiunt: deinde matutino tempore; quod natura sua levissimum est.

Si vero febres vagæ sunt: quia verendum est, ne cibum statim subsequantur; quandocunque quis ex accessione levatus est, tunc debet assumere. At, si plures accessiones eodem die veniunt, considerare oportet, pares ne per omnia sint (quod vix fieri potest) an impares. Si per omnia pares sunt: post eam potius accessionem cibus dari debet, quæ non inter meridiem & vesperem definit. Si impares sunt: con-

fideran-

¹ Cæl. Aurel. Morb. Chronic. II. 14. p. 427. Buxtorf. Lex. Chald. p. 540. ² Cæl. Aurel. A. M. I. I. c. 15. p. 48. ³ Achill. Tatiuss de Clitophont. pag. 21.

fiderandum est, quo distent. Nam, si altera gravior, altera levior est, post gravio rem dari debet: si altera longior, alte a brevior, post longiorem: si altera gravior, altera longior est, considerandum est, utra magis affligat, illa vi, an hæc tempore, & post eam dandus est. Sed plane plurimum interest, quantæ qualesque inter eas remissiones sint. Nam, si post alteram febrem motio manet, post alteram integrum corpus est; integro corpore, cibo tempus aptius est.

Si semper febricula manet; sed alterum tamen longius tempus remissionis est; id potius eligendum est: adeo ut, ubi accessiones continuantur, protinus, inclinata priore, dandus cibus sit. Etenim perpetuum est, ad quod omne consilium dirigi potest; cibum quam maxime semper ab accessione futura reducere: & hoc salvo, dare quam integerrimo corpore. Quod non inter duas tantum, sed etiam inter plures accessiones servabitur. Sed, cum sit aptissimum, tertio quoque die cibum dare; tamen, si corpus infirmum est, quotidie dandus est: multoque magis, si continentes febres sine remissione sunt; quantoque magis corpus affligunt; aut si duæ pluresve accessiones eodem die veniunt. Quæ res efficit, ut & à primo die protinus cibus dari quotidie debeat, si protinus venæ conciderunt: & sæpius eodem die, si inter plures accessiones subinde vis corpori deest. Illud tamen in his servandum est; ut post eas febres

bres minus cibi detur, post quas, si per corpus liceret, omnino non daretur. Cum vero febris instet, incipiat, augeatur, consistat, decedat, deinde in decessione consistat, aut finiatur; scire licet, optimum cibo tempus esse febre finita: deinde, cum decessio ejus consistit: tertium, si necesse est, quandocumque decedit: cætera omnia periculosa esse. Si tamen propter infirmitatem necessitas urget, satius esse; consistente jam incremento febris, aliquid offerre, quam incrementum: satius esse, instante, quam incipiente: cum eo tamen ut nullo tempore is, qui deficit, non sit sustinendus.

Neque hercule satis est, ipsas tantum febres medicum intueri, sed etiam totius corporis habitum, & ad eum dirigere curationem; seu supersunt vires, seu desunt, ^{120, 3.} seu quidam mali affectus interveniunt.

Cum vero semper ægros securos agere conveniat, ut corpore tantum, non etiam animo laborent: tum præcipue, ubi cibum sumpserunt. Itaque, si qua sunt, quæ exasperatura eorum animos sunt; optimum est, ea, dum ægrotant, eorum notitiæ subtrahere: si id fieri non potest, sustinere tamen post cibum, postque somni tempus, & cum experfecti sunt, tum exponere.

CAP. VI.

*Quando potiones febricitantibus
dari expediat.*

Sed de cibo facilior quidem cum ægris ratio est: quoniam sæpe stomachus hunc

hunc respuit, etiam si mens concupiscit. De potione vero ingens pugna est; eoque magis, quo major febris est. Hæc enim sitim accendit, & tum maxime aquam exigit, cum illa periculosissima est. Sed docendus æger est, ubi febris conquieverit, protinus sitim quoque quieturam: longiorremque accessionem fore, si quod ei datum fuerit alimentum: ita celerius eum definere sitire, qui non bibit. Neceffe est tamen, quanto facilius etiam sani famem, quam sitim sustinent, tanto magis ægris in potione, quam in cibo indulgere. Sed primo quidem die nullus humor dari debet: nisi subito sic venæ conciderunt, ut cibus quoque dari debeat. Secundo vero, cæterisque etiam, quibus cibus non dabitur, tamen, si magna sitis urgebit, potio dari potest.

Ac ne illud quidem, ab Heraclide Tarentino dictum, ratione caret: ubi aut bilis ægrum, aut cruditas male habet; expedire quoque per modicas portiones misceri novam materiam corruptæ. Illud videndum est, ut, qualia tempora cibo leguntur, talia portioni quoque: ubi sine illo datur, deligantur, cum ægrum dormire cupimus: quod fere sitis prohibet. Satis autem convenit, cum omnibus, febricitantibus nimis humor alienus sit, tum præcipue esse foeminis, quæ ex partu in febres inciderunt.

Sed cum tempora cibo portionique febris & remissionis ratio detur, non est expedit.

peditissimum scire, quando æger febricitet, quando melior sit, quando deficiat: sine quibus dispensari illa non possunt. Venis enim maxime credimus, ¹ fallacissimæ rei; quia sæpe istæ lentiores celerioresve sunt, & ætate, & sexu, & corporum natura. Et plerunque satis sano corpore, si stomachus infirmus est, nonnunquam etiam incipiente febre, subeunt & quiescunt: ut imbecillus is videri possit, cui facile laturo gravis instat accessio. Contra sæpe eas concitat & resolvit sol, & balneum, & exercitatio, & metus, & ira, & quilibet alius animi affectus. adeo ut, cum ¹⁵ primum medicus venit, sollicitudo ægri dubitantis, quomodo illi se habere videatur, eas moveat. Ob quam causam, periti medici est, non protinus ut venit, apprehendere manu brachium; sed primum ²⁰ residere hilari vultu, percunctarique, quemadmodum se habeat; &, si quis ejus metus est, eum probabili sermone lenire; tum deinde ejus carpo manum admove-
re. Quas venas autem conspectus medici movet, ²⁵ quam facile mille res turbant! Altera res est, cui credimus, calor, æque fallax. Nam hic quoque excitatur æstu, labore, somno, metu, sollicitudine.

Igitur intueri quidem etiam ista oportet: ³⁰ sed his non omnia credere. Ac protinus quidem scire, non febricitare eum, cujus venæ naturaliter ordinatæ sunt, temporeque talis est, qualis esse sanis solet: nec protinus etiam sub calore motuque febrem

I

fese

¹ Pancirolæ observ. iv. ² De decent. ornatu T. ix. x. Pallad. Sophist. in l. v. Epidem. pag. m. 201. Actuarius, de M. M. II, 2.

fese concipere : sed ita, si summa quoque arida inæqualiter cutis est ; si calor & in fronte est, & ex intimis præcordiis oritur ; si spiritus ex naribus cum fervore prorumpit ; si color, aut rubore, aut pallore novo mutatus est ; si oculi graves, & aut perficci, aut subhumidi sunt ; si sudor, cum fit, inæqualis est ; si venæ non æquis intervallis moventur. Ob quam causam medicus neque in tenebris, neque à capite ægri debet residere ; sed illustri loco adversuseum, ut omnes notas, ex vultu quoque cubantis perspiciat.

Ubi vero febris fuit, atque decrevit, spectare oportet, num tempora, partesve corporis aliæ paulum madescant, quæ sudorem venturum esse testentur. Ac si qua ejus nota est, tunc demum dare potui calidam aquam, cujus salubris effectus est, si sudorem per omnia membra diffundit. Hujus autem rei causa, continere æger sub veste satis multa manus debet ; eademque crura, pedesque contegere : qua mole plerique ægros in ipso impetu febris, potissimeque ubi ardens ea est, male habent. Si sudare corpus cœpit, linteum tepefacere oportet, paulatimque singula membra detergere. At ubi sudor omnis finitus est, aut si is non venit, ubi quam maxime tepuit, & idoneus esse cibo æger videtur, sub veste leniter ungendus est, tum detergendus, deinde ei cibus dandus.

Cibus autem febricitantibus humidus est aptissimus, aut humori certe quam proximi.

proximus: utique ex materia quam levissima; maximeque¹ sorbitio: eaque, si magnæ febres fuerunt, quam tenuissima esse debet. Mel quoque despumatum huic recte
 5 adjicitur, quo corpus magis nutriatur: sed id, si stomachum offendit, supervacuum est; sicut ipsa quoque sorbitio. Dari vero in vicem ejus potest, vel † intrita ex aqua calida, vel alica elota; si firmus est stomachus, & compressa alvus, ex aqua mulsa;
 10 si vel ille languet, vel hac profluit, ex posca. Et primo quidem cibo ita satis est: secundo vero aliquid adjici potest, ex eodem tamen genere materiæ, vel olus,
 15 vel conchylium, vel pomum. At, dum febres quidem¹ increscunt; hic solus idoneus cibus est. Ubi vero aut desinunt, aut levantur, semper quidem incipiendum est ab aliquo ex materia levissima, adjiciendum
 20 vero aliquid ex media, ratione habita subinde & virium hominis, & morbi.

78, 14.
 120, 8.

Apponendi vero ægro varii cibi (sicut Asclepiades præcepit) tum demum sunt, ubi fastidio urgetur, neque satis vires sufficiunt;
 25 ut paulum ex singulis dagustando, famem vitet. At si neque vis, neque cupiditas deest, nulla varietate sollicitandus æger est; ne plus assumat, quam concoquat. Neque verum est, quod ab eo dicitur, facilius
 30 concoqui cibos varios; eduntur quidem facilius: ad concoctionem autem materiæ genus & modus pertinent. Neque inter magnos dolores, neque increscente² morbo, tutum est, ægrum cibo impleri; sed
 I 2 ubi

ubi inclinata jam in melius valetudo est.

Sunt aliæ quoque observationes in febribus necessariae; atque id quidem videntum est, quod quidam solum præcipiunt, an adstrictum corpus sit, an profluat. Quorum alterum strangulat, alterum digerit. Nam, si adstrictum est, ducenda alvus est, movenda urina, eliciendus omni modo sudor. In hoc genere morborum sanguinem etiam misisse, concussisse vehementibus gestationibus corpus, in lumine habuisse, imperasse famem, sitim, vigiliam prodest. Utile est etiam ducere in balneum, prius demittere in solium, tum ungere, iterum ad solium redire, multaque aqua fovere inguina; interdum etiam oleum in solio cum aqua calida miscere; uti cibo rarius & serius, tenui, simplici, molli, calido, exiguo; maximeque oleribus, qualia sunt, lapathum, urtica, malva; vel jure etiam concharum, muscutorumve, aut locustarum: neque danda caro, nisi elixa, est. At potio esse debet magis liberalis, & ante cibum, & post hunc, & cum hoc, ultra quam sitis coget. Poteritque à balneo etiam pingue jus, aut dulcius dari vinum: poterit semel, aut bis interponi Græcum salsum.

37,7. Contra vero, si corpus profluet, sudor
147,19. coercendus, quies adhibenda erit; tenebris, somnoque, quandocunque volet, utendum; non nisi levi gestatione corpus agitandum, & pro genere mali subveniendum. Nam, si venter fluit, aut si stomachus non continet, ubi febris decrevit, libera-

beraliter oportet aquam tepidam potui dare, & vomere cogere; nisi aut fauces, aut præcordia, aut latus dolet, aut vetus morbus est.

5 Si vero sudor exercet, duranda cutis est, vel nitro, vel sale; quæcum oleo miscentur. At, si levius id vitium est, oleo corpus ungendum est: si vehementius, rosa, vel melino, vel myrteo, cui vinum austerum
10 sit adjectum.

Quisquis autem fluore æger est, cum venit in balneum, prius unendus deinde in solium demittendus est. Si in cute vitium est, frigida quoque, quam calida aqua
15 melius utetur. Ubi ad cibum ventum est, dari debet his valens, frigidus, siccus, simplex, qui quam minime corrumpi possit, panis tostus, caro assa, vinum austerum, vel certe subausterum; & si venter pro-
20 fluit, calidum: si sudores nocent, vomitusve sunt, frigidum.

CAP. VII.

Quomodo pestilentes febres curari debeant.

25 **D**ESIDERAT etiam propriam animadversionem in febribus pestilentiae casus. In hac minime utile est, aut fame, aut medicamentis uti, aut ducere
30 alvum. Si vires sinunt, sanguinem mittere optimum est; præcipueque, si cum ardore febris est. Si id parum tutum est, ubi febris aut tenuata est, aut levata, vomitu pectus purgare. Sed in hoc maturius, quam

in aliis morbis, ducere in balneum opus est; vinum calidum, & meracius dare, & omnia glutinosa: inter quæ quoque carnem, generis ejusdem. Nam quo celerius ejusmodi tempestates corripiunt, eo maturius auxilia, etiam cum quadam temeritate, rapienda sunt. Quod si puer est, qui laborat; neque tantum robur ejus est, ut sanguis mitti possit, cucurbitulis ei utendum est; ducenda alvus vel aqua vel ptisanæ cremore; tum demum is levibus cibis nutriendus. Et ex toto non sic pueri, ut viri, curari debent, Ergo, ut in alio quoque genere morborum, parcius in his agendum est: non facile sanguinem mittere, non facile ducere alvum, non cruciare vigilia, fameve, aut nimia siti, non vino curare. Vomitus post febrem eliciendus est: deinde dandus cibus ex levissimis; tum is dormiat; postero die, si febris manet, abstineat: tertio, ad similem cibum redeat. Dandaque opera est, quantum fieri potest, ut inter opportunam abstinentiam cibo opportuno, omiſſis cæteris, nutriatur.

2. *Curatio ardentis febris.*

Si vero ardens febris extorret, nulla medicamenti danda potio est; sed in ipsis accessionibus oleo & aqua refrigerandus, est: quæ miscenda manu sunt, donec albescant. Etiam amplo conclavi tenendus, quo multum & purum aërem trahere possit; neque multis vestimentis strangulandus, sed admodum levibus tantum velandus, est. Possunt etiam super stomachum imponi

poni folia vitis in aqua frigida tincta. Ac
ne siti quidem nimia vexandus est. Alendus
maturius est, id est à die tertio, & ante ci-
bum isdem perungendus. Si pituita in
5 stomacho coit, inclinata jam accessione,
vomere cogendus est; & tunc dandum fri-
gidum olus, aut pomum, ex his, quæ sto-
macho conveniunt. Si ficcus manet stoma-
chus, protinus vel ptisanæ, vel alicæ, vel
10 oryzæ cremor dandus est, cum quo recens
adeps cocta sit. Cum vero in summo incre-
mento morbus est, utique non ante diem
quartum, magna siti antecedente, frigida
aqua copiose præstanda est, ut bibat etiam
15 ultra satietatem; & cum jam venter &
præcordia ultra modum repleta, satisque
refrigerata sunt, vomere debet. Quidam
ne vomitum quidem exigunt; sed ipsa
aqua frigida, tantum ad satietatem data,
20 pro medicamento utuntur. Ubi utrumli-
bet factum est, multa veste operiendus est, ^{131,}
& collocandus, ut dormiat. Fereque post ^{21.}
longam sitim & vigiliam, post multam sa-
tietatem, post infractum calorem, plenus
25 somnus venit; per quem ingens sudor ef-
funditur, idque præsentissimum auxilium
est: sed in his tantum, in quibus præter
ardorem, nulli dolores, nullus præcordio-
rum tumor; nihil prohibens, vel in pulmo-
30 ne, vel in faucibus; non ulcus, non defe-
ctio, non profluvium alvi fuit. Si quis au-
tem in hujusmodi febre leniter tussit, is
neque vehementi siti conflictari, neque
bibere aquam frigidam debet; sed eo modo

curandus est, quo in cæteris febribus præcipitur.

C A P. VIII.

*Curatio semiteretiana febris, quæ
ἡμιτεταῖος dicitur.*

AT, ubi id genus tertianæ est, quod ἡμιτεταῖος Medici appellant, magna cura opus est, ne id fallat. Habet enim plerunque frequentiores accessiones decemfionesque, ut aliud morbi genus videri possit; porrigiturque febris in horas viginti quatuor, & triginta sex; ut, quod idem est, non idem esse videatur. Et magnopere necessarium est, neque dari cibum, nisi in ea remissione, quæ vera est; &, ubi ea venit, protinus dari. Plurimique sub alterutro curantis errore subito moriuntur. Ac, nisi magnopere aliqua res prohibet, inter initia sanguis mitti debet; tum dari cibus, qui neque incitet febrem, & tamen longum ejus spatium sustineat.

C A P. IX.

Curatio lentarum febrium.

NONNUNQUAM etiam lentæ febres sine ulla remissione corpus tenent; ac neque cibo, neque ulli remedio locus est. In hoc casu medici cura esse debet, ut morbum mutet: fortasse enim curationi opportunior fiet. Sæpe igitur ex aqua frigida, cui oleum sit adjectum, corpus ejus pertractandum est, quoniam interdum sic evenit, ut horror oriatur, & fiat initium quod-

quoddam novi motus; exque eo, cum magis corpus incaluit, sequatur etiam remissio. In his frictio quoque ex oleo & sale salubris videtur.

5 At, si diu frigus est, & torpor, & jactatio corporis, non alienum est, in ipsa febre dare mulsi tres aut quatuor cyathos, vel cum cibo vinum bene dilutum. Intenditur enim sæpe ex eo febris; & major ortus calor simul
0 & priora mala tollit, & spem remissionis, inque ea curationis, ostendit.

Neque hercule ista curatio nova est, qua nunc quidam traditos sibi ægros, qui sub cautionibus medicis trahebantur, in-
5 terdum 2 contrariis remediis sanant. Siqui- 19, 15.
dem apud antiquos quoque ante Herophilum & Erasistratum, maximeque post Hippocratem fuit Petron quidam, qui febricitantem hominem, ubi acceperat, multis
0 vestimentis operiebat, ut simul calorem 134, 34.
ingentem, sitimque excitaret. Deinde, ubi paulum remitti cœperat febris, aquam frigidam potui dabat; ac, si moverat sudorem, explicuisse se ægrum judicabat: si non mo-
5 verat, plus etiam aquæ frigidæ ingerebat, & tum vomere coge-
bat. Si alterutro modo febre liberaverat, protinus fuillam as-
sam, & vinum homini dabat. Si non liberaverat, decoquebat aquam sale adjecto,
0 eamque bibere coge-
bat, ut vomendo ventrem purgaret.

Et intra hæc omnis ejus medicina erat. Eaque non minus grata fuit his, quos Hippocratis successores non refecerant; quam

I 5

nunc

nunc est his, quos Herophili vel Erasistrati æmuli diu tractos non expedierunt. Neque ideo tamen non est temeraria ista medicina; quia plures, si proflnus à principiis excepti, interemit. Sed, cum eadem omnibus convenire non possint, fere, quos ratio non restituit, temeritas adjuvat. Ideoque ejusmodi medici melius alienos ægros, quam suos nutriunt. Sed est circumspici quoque hominis, & novare interdum, & augere morbum, & febres accendere; quia curationem, ubi id, quod est, non recipit, potest recipere id, quod futurum est.

C A P. X.

Remedia in febribus ad capitis dolorem, & præcordiorum inflammationem, & ariditatem, & scabritiem lingue.

CONSIDERANDUM etiam est, febres ne solæ sint, an alia his quoque mala accedant; id est, num caput doleat, num lingua aspera, num præcordia intenta sint. Si capitis dolores sunt, rosam cum aceto miscere oportet, & id ingerere: deinde habere † duo pitacia, quæ latitudinem frontis, longitudinemque æquent: ex his invicem alterum in aceto & rosa habere, alterum in fronte; aut intinctam iisdem lanam succidam imponere. Si acetum offendit, pura rosa utendum est. Si rosa ipsa lædit, oleo acerbo. Si ista parum juvant, teri potest vel iris arida, vel nuces amaræ, vel quælibet herba ex refrigerantibus. Quorum quidlibet ex aceto impositum, dolo-

† Exemp. vide apud Valleriolam lib. 3. obs. 4.

dolorem minuit ; sed magis aliud in alio.
Juvat etiam panis cum papavere injectus,
vel cum rosa, cerusa, spumave argenti. Ol-
facere quoque vel serpillum, vel anethum,
5 non alienum est.

At, si in præcordiis inflammatio & do-
lor est, primo superimponenda sunt cata-
plasmata reprimentia ; ne, si calidiora fue-
rint, plus eo materiæ concurrat. Deinde,
0 ubi prima inflammatio se remisit, tunc de-
mum ad calida & humida veniendum est ;
ut ea, quæ remanserunt, discutiant. Notæ
vero inflammationis sunt quatuor, rubor,
& tumor, cum calore, & dolore. Quo ma-
5 gis erravit Erasistratus, qui febrem nullam s, 71
sine hac esse dixit.

Ergo, si sine inflammatione dolor est,
nihil imponendum est, hunc enim statim
ipsa febris solvet. At, si neque inflammatio, 70, 31
20 neque febris, sed tantum præcordiorum
dolor est ; protinus calidis & ficcis fomen-
tis uti licet. Si vero lingua sicca est, &
scabra, detergenda primum penicillo est
ex aqua calida : deinde ungenda mixtis in-
25 ter se rosa & melle. Mel purgat ; rosa re-
primit, simulque siccescere non finit. At
si scabra non est, sed arida, ubi penicillo
deterisa est, ungi rosa debet, cui ceræ sit
paulum adjectum.

CAP. XI.

*Remedia contra frigus, quod febrem
præcedit.*

SOLET etiam ante febres esse frigus ;
idque vel molestissimum morbi genus
est. Ubi id expectatur, omni potione pro-
hibendus æger est : hæc enim paulo antea
data, multum malo adjicit. Item maturius
veste multa tegendus est. Admovenda par-
tibus his, pro quibus metuimus, sicca &
calida fomenta: sic, ut ne statim vehemen-
tissimi calores incipiant, sed paulatim in-
crescant. Perfricandæ quoque eæ partes
manibus unctis ex vetere oleo sunt, eique
adjiciendum aliquid ex calefacientibus.
Contentique medici quidam una frictione,
etiam ex quolibet oleo, sunt. In harum fe-
brium remissionibus nonnulli tres quatuor :
forbitionis cyathos, etiamnum manente
febre, dant: deinde, ea bene finita, reficiunt
stomachum cibo frigido & levi. Ego tum
hoc puto tentandum, cum parum cibus, fe-
mel & post febrem datus, prodest. 22

Sed curiose prospiciendum est, ne tem-
pus remissionis decipiat. Sæpe enim in hoc
quoque genere valetudinis jam minui fe-
bris videtur, & rursus intenditur. Itaque
ei remissioni credendum est, quæ etiam im- 33
moratur, & jactationem, fervoremque cor-
poris, quem ζέτις Græci vocant, minuit. Il-
lud satis convenit, si quotidie pares accef-
siones sunt, quotidie parvum cibum dan-
dum:

dum: si impares post graviolem, cibum; post leviolem, aquam mulfam.

CAP. XII.

Curatio horroris in febris.

HORROR autem eas fere febres antecedit, quæ certum habent circuitum, & ex toto remittuntur; ideoque tutissimæ sunt, maximeque curationes admittunt. Nam ubi incerta tempora sunt, neque alvi ductio, neque balneum, neque vinum, neque medicamentum aliud recte datur. Incertum est enim, quando febris ventura sit: ita fieri potest, ut, si subito venerit, summa in eo perniciēs sit, quod auxilii causa fuit inventum. Nihilque aliud fieri potest, quam ut primis diebus bene abstinat æger: deinde, sub decessu febris ejus, quæ gravissima est, cibum sumat.

At ubi certus circuitus est, facilius omnia illa tentantur; quia facilius proponere nobis & accessionum & decessionum vices possumus. In his autem, cum² inveteraverunt, utilis fames non est. Primis tantummodo diebus ea pugnandum est: deinde dividenda curatio est, & ante horror, tum febris discutienda. Igitur cum primum aliquis inhorruit, & ex horrore incauit, dare ei oportet potui tepidam aquam subsalsam, & vomere eum cogere: nam fere talis horror ab his oritur, quæ biliosa in stomacho resederunt. Idem faciendum est, si proximo quoque circuitu æque accessit: sæpe enim sic discutitur. Jamque,

¹ Aph. IV. 43. ² *Inveteraverunt*, Rittershus. ad Phædr. I. Fab. 2.

que, quod genus febris sit, scire licet.

Itaque sub expectatione proximæ accessionis, quæ instare tertia potest, deducendus in balneum est; dandaque opera est, ut per tempus horroris in folio sit. Si ibi quoque senserit, nihilominus idem sub expectatione accessionis quartæ faciat: siquidem eo quoque modo sæpe is discutitur. Si nec balneum quidem profuit, ante accessionem allium edat, aut bibat calidam aquam cum pipere: siquidem ea quoque assumpta calorem movent; qui horrorem non admittit. Deinde eodem modo, quod in frigore præceptum est, antequam inhorrescere possit, operiatur, fomentisque protinus calidioribus totum corpus circumdari convenit, maximeque involutis extinguis, 20. Etis testis & titionibus.

Si nihilominus horror perruperit, multo oleo calefacto inter ipsa vestimenta perfundatur; cui æque ex calefacientibus aliquid sit adjectum: adhibeaturque frictio, quantam is sustinere poterit, maximeque in manibus & pedibus: & spiritum ipse contineat. Neque desistendum est, etiam si horror redit. sæpe enim pertinacia juvantis malum corporis vincit.

Si quid evomuit, danda aqua tepida, iterumque vomere cogendus est; utendumque eisdem est, donec horror finiatur. Sed præter hæc ducenda alvius est, si tardius horror quiescet: siquidem id quoque exonerato corpore prodest. Ultima post hæc auxilia sunt, gestatio & ambulatio. Cibum autem

autem in ejusmodi morbis maxime dandus est, qui mollem alvum præstet, ac caro glutinosa. Vinum cum dabitur, austerum sit.

C A P. XIII.

Curatio quotidiana febris.

HÆc ad omnes circuitus febrium pertinent: discernendæ tamen singulæ sunt, sicut rationem habent dissimilem. Si quotidiana est, triduo primo magnopere abstinere oportet; tum cibis, † altero quoque die uti. Si res inveteraverit, post febrem experiri balneum, & vinum; magisque, si, horrore sublato, hæc superest.

C A P. XIV.

Curatio tertiana febris.

SI vero tertiana, quæ ex toto intermittit, aut quartana est; mediis diebus, & ambulationibus, uti oportet, aliisque exercitationibus, & unctionibus. Quidam ex antiquioribus medicis Cleophantus, in hoc genere morborum, multo ante accessionem, caput ægri multa calida aqua perfundebat, deinde vinum dabat. Quod, quamvis pleraque ejus viri præcepta secutus est Asclepiades, recte tamen præteriit: est enim anceps.

Ipse, si tertiana febris est, tertio die post accessionem dicit alvum duci oportere; quinto, post horrorem vomitum elicere; deinde post febrem, sicut illi mos erat, adhuc

huc calidis dare cibum & vinum : sexto die, in lectulo detineri : sic enim fore, ne septimo die febris accedat. Id sæpe fieri posse, verisimile est. Tutius tamen est, hoc ipso ordine tria remedia, vomitus, alviusductionis, vini potus, per triduum, id est, die tertio, & quinto, & septimo tentare :: nec vinum, nisi post accessionem, die septimo bibere.

Si vero primis diebus discussus morbus non est, inciditque in vetustatem, quo die febris expectabitur, in lectulo se contineat;; post febrem perfricetur: tum, cibo assumpto,, bibat aquam; postero die, quo à cibo vacat,, & ab exercitatione unctioneque, aqua tantum contentus, conquiescat. Et id quidem optimum est. Si vero imbecillitas urgebit,, & post febrem vinum; & medio die paulum cibi debet assumere.

C A P. XV.

Curatio quartana febris.

EADEM in quartana facienda sunt. Sed cum hæc tarde admodum finiatur, nisi primis diebus discussa est, diligentius ab initio præcipiendum est, quid in ea debeat fieri. Igitur, si cui cum horrore febris accessit, eaque desit, eodem die & postero tertioque continere se debet, & aquam tantummodo calidam primo die post febrem sumere; biduo proximo, quantum fieri potest, ne hanc quidem: quarto die, si cum horrore febris revertitur,² vomere; sicut ante præceptum est: deinde post

1 I. Epidem. III, 17. 2 De Affect. XIX, 2.

post febrem, modicum cibum sumere, vini quadrantem. Postero tertioque die abstinere; aqua tantummodo calida, si sitis est, assumpta. Septimo die balneo frigus
 5 prævenire, abstinere, continere se debet, & aqua tantummodo calida, si sitis est, uti: actum ita nono die balneo frigus prævenire, & si febris redierit, ducere alvum; ubi ex eo corpus conquieverit, inunctione vehementer
 10 perfricari, eodem modo sumere cibum, & vino biduo proximo se abstinere, frictione servata. Decimo tertio die rursus balneum experiri; & si postea febris accessit, æque perfricari, vinum copiosius bibere. Ac sic proximum est, ut
 15 quies tot dierum, & abstinencia cum cæteris, quæ præcipiuntur, febrem tollant.

Si vero nihilominus remanet, aliud ex toto sequendum est curationis genus; idque
 20 agendum, ut, quod diu sustinendum est, corpus facile sustineat. Quo minus etiam curatio probari Heraclidis Tarentini debet, qui primis diebus ducendam alvum, deinde abstinendum in septimum
 5 diem dixit. Quod ut sustinere aliquis possit; tamen etiam febre liberatus vix refectiōni valebit. adeo, si febris sæpius accesserit, concidet. Igitur, si tertio decimo die morbus remanebit, balneum neque ante
 0 febrem, neque post eam tentandum erit; nisi interdum jam horrore discusso. Horror ipse per eadem, quæ supra præscripta sunt, expugnandus. Deinde post febrem oportebit ungi, & vehementer perfricari;
 K cibum

cibum & validum, & fortiter assumere; vino uti, quanto libebit: postero die, cum satis quieverit, ambulare, exerceri, ungi, perfricari fortiter; cibum accipere sine vino, tertio die abstinere.

Quo die vero febrem expectabit, ante surgere, & exerceri, dareque operam oportet, ut in ipsam exercitationem tempus febris incurrat: sic enim sæpe illa discutitur. At, si in opere occupavit, tum demum se recipere. In ejusmodi valetudine, medicamenta sunt, oleum, frictio, exercitatio, cibus, vinum. Si venter adstrictus est, solvendus est.

Sed hæc facile validiores faciunt: si imbecillitas occupavit, pro exercitatione gestatio est. Si ne hanc quidem sustinet, adhibenda tamen frictio est. Si hæc quoque vehemens onerat, intra quietem, & unctionem, & cibum consistendum est; dandaque opera est, ne qua cruditas in quotidianam id malum vertat. Nam quartana neminem² jugulat: sed, si ex ea facta quotidiana est, in malis æger est: quod tamen, nisi culpa vel ægri³ vel curantis, nunquam fit.

C A P. XVI.

Curatio duarum quartanarum.

AT, si duæ quartanæ sunt, neque, quas proposui, exercitationes adhiberi possunt: aut ex toto quiescere opus est, aut, si id difficile est, leniter ambulare, hinc confidere, diligenter involutis pedibus

¹ Aristot. Probl. Sect. II, 58. ² Tulpus observ. 1. 3. cap. 53. ³ Hippocr. I, Epidem. Sect. III, 4.

bus & capite. Quoties febris accessit & defuit, cibum modicum sumere, & vinum; reliquo tempore, nisi imbecillitas urget, abstinere. At, si duæ febres pene junguntur, post utramque cibum sumere: deinde vacuo tempore, & moveri aliquantum, & post unctionem cibo uti. Cum vero vetus quartana raro, nisi vere solvatur; utique eo tempore attendendum est, ne quid fiat, quod valetudinem impediat. Prodestque in vetere quartana, mutare subinde victus genus, à vino ad aquam, ab aqua ad vinum, à lenibus cibis ad acres, ab acribus ad lenes transire: esse radicem, deinde vomere: jureve pulli gallinacei ventrem resolvere: oleo ad frictiones adjicere calefacientia: ante accessionem forbere, vel aceti cyathos duos, vel unum sinapis, cum tribus Græci vini falsi, vel mista paribus ^{37,7.} portionibus; & in aqua diluta, piper, ^{132,27.} castoreum, laser, myrrham. Per hæc enim similiaque corpus agitandum est, ut moveatur ex eo statu, quo detinetur.

Si febris quievit, diu meminisse ejus diei convenit: eoque vitare frigus, calorem, cruditatem, lassitudinem. Facile enim revertitur, nisi à sano quoque aliquandiu timetur.

C A P. XVII.

Curatio quotidiana febris, quæ ex quartana facta sit.

AT, si ex quartana, quotidiana facta est: cum id initio inciderit, per bi-

K 2

du-

duum abstinere oportet, vespere frictione
uti, & aquam tantummodo potui dare.
tertio die sæpe fit, ne febris accedat. Sed
sive fuit, sive non fuit, cibus post accessio-
nis tempus est dandus: &, si manet, per bi-
duum abstinencia, quanta maxima impe-
rari corpori potest, & fricatione quotidie
utendum est.

C A P. XVIII.

*De tribus insania generibus: & primo de
ejus curatione, quæ à Græcis
Φρενίτις dicitur.*

ET febrium quidem curatio exposita
est. Superfunt vero alii corporis affe-
ctus, qui huic superveniunt, ex quibus
eos, qui certis partibus † assignari pos-
sunt, protinus jungam. Incipiam ab insa-
nia, primamque hujus ipsius partem ag-
grediar, quæ & acuta, & in febre est. Græci
Φρενίτιν appellant.

Illud ante omnia scire oportet, inter-
dum in accessione ægros desipere, & † loqui
aliena. Quod non quidem leve est; neque
incidere potest, nisi in febre vehementi,
non tamen æque pestiferum est. nam ple-
runque breve esse consuevit; levatoque
accessionis impetu, protinus mens redit.
Neque id genus morbi remedium aliud
desiderat, quam quod in curanda febre
præceptum est.

Phrenitis vero tum demum est, cum
continua dementia esse incipit; aut cum
æger, quamvis adhuc sapiat, tamen quas-
dam

† Trallian. I. 13. Coel. Aurelian. Præf. Lib. 1.
Acutor. Morb. pag. 7.

dam vanas imagines accipit : perfecta est , ubi mens illis imaginibus addicta est. Ejus autem plura genera sunt : siquidem ex phreniticis alii hilares , alii tristes sunt : alii facilius continentur , & intra verba desipiunt ; alii insurgunt , & violenter quædam manu faciunt ; atque ex his ipsis , alii nihil nisi impetu peccant , alii etiam artes adhibent ; summamque speciem sanitatis in captandis malorum operum occasionibus præbent ; sed exitu deprehenduntur.

Ex his autem eos , qui intra verba desipiunt , aut leviter etiam manu peccant , onerare asperioribus coercitionibus supervacuum est. Eos vero , qui violentius se gerunt , vincire convenit ; ne vel sibi vel alteri noceant. Neque credendum est , si vinctus aliquis , dum levare vinculis cupit , sanum jam se fingat ; quamvis prudenter & miserabiliter loquatur , quoniam is dolus insanientis est.

Fere vero antiqui tales ægros in tenebris habebant ; eo quod illis contrarium esset , exterreri ; & ad quietem animi tenebras ipsas conferre aliquid judicabant. At Asclepiades , tanquam ipsis tenebris terrentibus , in lumine habendos eos dixit. Neutrum tamen perpetuum est. Alium enim lux , alium tenebræ magis turbant. reperiunturque , in quibus nullum discrimen deprehendi , vel hoc , vel illo modo possit. Optimum itaque est ,² utrumque experiri ; & habere eum , qui tenebras horret , in luce ; eum , qui lucem , in tenebris. At ubi

K 3

nul-

¹ Cæl. Aurel. M. A. l. i. c. 15. p. 40. ² Cæl. Aurel. Acut. Morb. l. 9. Aretæus de Curat. Acut. l. i.

nullum tale discrimen est, æger, si vires habet, loco lucido: si non habet, obscuro continendus est.

Remedia vero adhibere, ubi maxime furor urget, supervacuum est: simul enim febris quoque increscit. Tum itaque nihil nisi continendus æger est. Ubi vero res patitur, festinanter subveniendum est. Asclepiades perinde esse dixit, his sanguinem¹ mitti, ac si² trucidentur: hanc rationem secutus, quod neque insania esset, nisi cum febre intenta; neque sanguis, nisi in remissione ejus, recte mitteretur. Ipse in his somnum multa frictione quæsit. Sed cum & intentio febris somnum impediat, & frictio non, nisi in remissione ejus, utilis sit: hoc quoque auxilium debuit præterire. Quid igitur est? Multa in præcepti³ periculo recte fiunt, aliàs omittenda. Et continua quoque febris habet tempora, quibus, etsi non remittit, non tamen crescit. Estque hoc, ut non optimum, sic satis tamen secundum remediis tempus. Quod si vires ægri patiuntur, sanguis quoque mitti debet.

Nec minus dubitari potest, an alvus ducenda sit. Tum, interposito die, convenit caput ad⁴ cutem tondere: diende aqua fovere, in qua verbenæ aliquæ decoctæ sint ex reprimentibus: aut prius fovere: deinde tondere, & iterum fovere: ac novissime rosa caput naresque implere; offerre etiam naribus rutam, ex aceto contritam, & movere sternutamenta medicamentis ad id effici-

1 V. S. quando & qualis conveniat *Cœl. Aurel. Acut. Morb. I. c. 10.* 2 *Cœl. Aurelian. Acut. Morb. I. 25.* 3 *Valeriola Observ. I. lib. I.* 4 *Cœl. Aurel. Acut. Morb. I, 10, & c. 15.*

efficacibus. Quæ tamen facienda sunt in his, quibus vires non defunt. Si vero imbecillitas est; rosa tantum caput, adjecto serpyllo, similive aliquo, madefaciendum est. Utiles etiam in quibuscumque viribus herbæ duæ sunt, solanum & muralis, si simul ex utraque, succo expresso, † caput impleatur. Cum se febris remiserit, frictione utendum est; parcius tamen in his, qui nimis hilares, quam in his, qui nimis tristes sunt.

Adversus omnium autem sic insanientium animos gerere se pro cuiusque natura necessarium est. Quorundam enim vani metus levandi sunt: sicut in homine prædivite famem timente incidit: cui subinde falsæ hæreditates nunciabantur. Quorundam audacia coercenda est: sicut in his fit, in quibus continendis plagæ quoque adhibentur. Quorundam etiam intempestivus risus objurgatione & minis prohibendus est. Quorundam discutiendæ tristes cogitationes: ad quod symphonix, & cymbala, strepitusque proficiunt. Sæpius tamen assentiendum, quam repugnandum est: paulatimque, & non evidenter, ab his, quæ stulte dicuntur, ad meliora mens abducenda. Interdum etiam elicienda ipsius intentio: ut fit in hominibus studiosis literarum, quibus liber legitur, aut recte, si delectantur; aut perperam, si id ipsum eos offendit. Emendando enim advertere animum incipiunt. Quin etiam recitare, si qua meminerunt, cogen-

di sunt. Ad cibum quoque quosdam non desiderantes reduxerunt hi, qui inter epulantes eos collocaverunt.

Omnibus vero sic affectis somnus & facilis, & præcipue necessarius est. sub hoc enim plerique sanescunt. Prodest ad id, atque etiam ad mentem ipsam componendam, crocinum unguentum cum irino in caput datum. Si nihilominus vigilant, quidam somnum moliuntur potui dando a-
quam, in qua papaver aut hyoscyamus decocta sint: alii mandragoræ mala pulvino subjiciunt: alii velamomum, vel sycamini lachrymam fronti inducunt. Hoc nomen apud Medicos reperio, Sed cur Græci morum *ρυκάνιον*² appellant, cum mori nulla lachryma sit? Sic vero significatur lachryma arboris in Ægypto nascentis, quam ibi *συκονογον* appellant. Plurimi decoctis papaveris corticibus, ex ea aqua cum spongia os
& caput subinde foveant.

Aсклеpiades ea supervacua esse dixit: quoniam in lethargum sæpe convertunt. Præcepit autem, ut primo die, à cibo, potione, somno abstineretur: vespere ei daretur potui aqua: tum frictio admoveretur lenis, ita ut ne manum quidem, qui fricaret, vehementer imprimeret: postero deinde die, iisdem omnibus factis, vespere ei daretur sorbitio & aqua, rursusque frictio adhiberetur. Per hanc enim nos consecuturos, ut somnus accedat. Id interdum fit, & quidem adeo, ut, illo confitente, nimia frictio etiam lethargi periculum afferat.

Sed

¹ Aph. II. 2. ² Bodæus à Stapel ad Theophrast. Histor. Plant. IV, 2.

Sed si sic somnus non accessit, tum demum illis medicamentis arcessendus est: habita scilicet eadem moderatione, quæ hic quoque necessaria est; ne, quem obdormire volumus, excitare postea non possimus.

† Confert etiam aliquid ad somnum filanus juxta cadens; vel gestatio¹ post cibum, & noctu; maximeque lecti suspensi motus.

Neque alienum est, si neque sanguis ante missus est, neque mens constat, neque somnus accedit,² occipitio inciso cucurbitulam admoveere: quæ quia levat morbum, potest somnum facere. Moderatio autem in cibo quoque adhibenda est: nam neque æger est implendus, ne insaniat, neque jejunió utique vexandus est, ne imbecillitate in cardiacum incidat. Opus est autem cibo infirmo, maximeque sorbitionis, & potionis aquæ mulsæ, cujus ternos cyathos hieme, æstate vero quatuor dedisse satis est.

Alterum genus insanix est, quod spatium longius recipit; quia fere sine febre incipit, leves deinde febriculas excitat: & consistit in tristitia, quam videtur bilis³ atra † contrahere. In hac utilis detractio sanguinis est. Si quid hanc prohibet, prima est abstinentia: secunda, per album veratrum vomitumque purgatio: post utrumlibet, adhibenda bis die frictio est. Si magis valet, frequens etiam exercitatio; in jejuno vomitus; cibus, sine vino, dandus ex media materia est. Quam quoties posuero, scire licet, etiam ex infirmissima dari posse,

K 5

dum

¹ Coel. Aurel. A. M. I. 15. p. 46. ² Coel. Aurel. I. c. 11. p. 27. ³ Aretæus de Morb. Diut. I, 6. Trallian. I, 16.

dum ne ea sola quis utatur: valentissimam tantummodo esse removendam. Præter hæc, servanda alvus est quam tenerrima: removendi terrores, & potius bona spes afferenda: quærenda delectatio ex fabulis, ludisque, quibus maxime capi sanus assueverat: laudanda, si qua sunt, ipsius opera, & ante oculos ejus ponenda: leviter objurganda vana tristitia: subinde admonendus, in his ipsis rebus, quæ sollicitant, cur non potius lætitiæ, quam sollicitudinis causa sit. Si febris quoque accessit, sicut aliæ febres curanda est.

Tertium insanix genus est ex his longissimum; adeo ut vitam ipsam non impediat. quod robusti corporis esse consuevit. Hujus autem species duæ sunt. Nam quidam imaginibus, non mente fallunt; qualem insanientem Ajacem vel Orestem poetarum fabulæ ferunt: quidam animo desipiunt. Si imagines fallunt, ante omnia videndum est, tristes, an hilares sint. In tristitia, nigrum veratrum dejectionis causa; in hilaritate, album, ad vomitum excitandum, dari debet. Idque, si in potionem non accipit, pani adjiciendum est, quo facilius fallat. Nam, si bene se purgaverit, ex magna parte morbum levabit. Ergo etiam, si semel datum veratrum parum profecerit, interposito tempore iterum dari debet. Neque ignorare oportet, leviolem esse morbum cum risu, quam serio insanientium. Illud quoque perpetuum est in omnibus morbis, ubi ab inferiore parte purgandus

aliquis

aliquis est, ¹ ventrem ejus ante solvendum esse : ubi à superiore , comprimendum.

Si vero consilium insanientem fallit , tormentis quibusdam optime curatur. Ubi
5 perperam aliquid dixit , aut fecit , fame , vinculis , plagis coercendus est. Cogendus est & attendere , & ediscere aliquid , & meminisse. Sic enim fiet , ut paulatim metu cogatur considerare , quid faciat. Subito
10 etiam terreri , & expavescere , in hoc morbo prodest ; & fere , quicquid animum vehementer perturbat. Potest enim quædam fieri mutatio , cum ab eo statu mens , in quo fuerat , abducta est. Interest etiam , si ipse sine
15 causa subinde rideat , an mœstus demissusque sit. Nam dementis hilaritas terroribus his , de quibus supra dixi , melius curatur. Si nimia tristitia est , prodest lenis , sed multa bis die frictio : item super caput aqua frigida infusa , demissumque corpus in aquam
20 & oleum.

Illa communia sunt : insanientes vehementer exerceri debere : multa frictione uti ; neque pinguem carnem , neque vinum
25 assumere ; cibis uti post purgationem , ex media materia , quam levissimis , non oportere esse vel solos , vel inter ignotos , vel in-
30 ter eos , quos aut contemnant , aut negligant ; mutare debere regiones , & , si mens re-
redit , annua peregrinatione esse jactandos.

Raro , sed aliquando tamen , ex metu delirium nascitur. Quod genus insanientium , specie simile , similique victus genere curandum est : præterquam quod in
hoc

hoc infaniæ genere solo recte vinum datur.

C A P. XIX.

De Cardiacis.

HIS morbis præcipue contrarium est id genus, quod *καρδιακόν* à Græcis nominatur; quamvis sæpe ad eum phrenitici transeunt: siquidem mens in illis laborat, in hoc vero constat. Id autem nihil aliud est, quam nimia imbecillitas corporis; quod, stomacho languente, immodico sudore digeritur. Licetque protinus scire id esse, ubi venarum exigui imbecillique pulsus sunt; sudor autem supra consuetudinem, & modo, & tempore, ex toto thorace, & cervicibus, atque etiam ex capite prorumpit, pedibus tantummodo, & cruribus ficcioribus, atque frigidis. Acuti id morbi genus est.

Curatio prima est, supra præcordia imponere, quæ reprimunt, cataplasmata: secunda, sudorem cohibere. Id præstat acerbum oleum, vel rosa, vel melinum, aut myrteum. Quorum aliquo corpus leniter perungendum; ceratumque ex aliquo horum tum imponendum est.

Si sudor vincit, delinendus homo est vel gypso, vel argenti spuma, vel cimolia creta, vel subinde horum pulvere respergendus. Idem præstat pulvis ex contritis aridæ myrti vel rubi foliis, aut ex austeri & boni vini arida fece. Pluraque similia sunt, quæ si defunt, satis utilis est quilibet

ex

¹ Coel. Aurelian. Acut. Morb. II, 30, 31. Tralian. VII, 9.

ex via pulvis injectus. Super hæc vero, quo minus corpus insudet, levi veste debet esse contactus, positusque loco non calido, fenestris patentibus, sic ut perflatus quoque aliquis accedat.

Tertium auxilium est, imbecillitati jacentis cibo vinoque succurrere. Cibus non multus quidem, sed sæpe tamen nocte ac die dandus est; ut nutriat, neque oneret. Is esse debet ex infirmissima materia, & stomacho aptus. Nisi autem necesse est, ad vinum festinare non oportet. Si verendum est, ne deficiat, tum & intrita ex hoc, & hoc ipsum aufterum quidem, sed tamen tenue, meraculum, egelidum subinde & liberaliter dandum est; adjecta polenta, si modo is æger parum cibi assumit. Idque vinum esse debet, neque nullarum virium, neque ingentium: recteque tota die ac nocte, duas vel tres heminas æger bibet; si vastius corpus est, plus etiam: si cibum non accipit, perunctum ante perfundere aqua frigida convenit, & tum dare.

Quod si stomachus resolutus parum continet, & ante cibum, & post eum sponte vomere oportet; rursusque post vomitum cibum sumere. Sine is quidem manserit, sorbere vini cyathum, interpositaque hora, sumere iterum. Si id quoque stomachus reddiderit, totum corpus bulbis contritis superillinendum est: qui, ubi inaruerunt, efficiunt, ut vinum in stomacho contineatur, exque eo toti corpori calor venisque vis redeat.

Ulti-

† Ultimum auxilium est, in alvum ptisanæ vel alicæ cremorem ex inferioribus partibus indere, siquidem id quoque vires tuetur. Neque alienum est, naribus quoque æstuantis admoveere, quod reficiat; ut est rosa & vinum: &, si qua in extremis partibus frigent, unctis & calidis manibus fovere. Per quæ si consequi potuimus, ut & sudoris impetus minuatur, & vita prorogetur, incipit jam tempus ipsum esse præsidio. Ubi esse in tuto videtur, verendum tamen est, ut ne in eandem imbecillitatem cito recidat. Itaque, vino tantum remoto, quotidie validiorem cibum debet assumere; donec satis virium corpori redeat.

CAP. XX.

De Lethargicis.

ALTER quoque morbus est; aliter phrenitico¹ contrarius. In eo difficilior somnus, prompta ad omnem audaciam mens est: in hoc marcor, & inexpugnabilis pene dormiendi necessitas.² Ἀλθαργίον Græci nominarunt. Id quoque genus acutum est, &, nisi succurritur, celeriter jugulat.²

Proinde ex eo ægros³ quidam excitare nituntur, admotis his, per quæ sternutamenta evocantur, & his, quæ odore foedo movent, qualis est pix usta, lana succida, piper, veratrum, castoreum, acetum, allium, cepa. Juxta etiam galbanum incendunt, aut cornu cervinum: si non est, quodlibet aliud. Hæc enim cum comburuntur, odore foedo movent.

Thar-

¹ Alex. Trall. I. 14. ² Cœl. Aur. M. A. L. II. c. 1. ³ Trallian. I. 15. Aretæus de Morbor. Acut. Curat. I, 2.

Tharrias vero quidam, accessionis esse id malum, dixit, levarique, cum ea decessit. Itaque eos, qui subinde excitant, sine usu male habere. Interest autem, in decessione expergiscatur æger, an, cum febris levatur, aut, levata quoque ea, somnus urgeat. Nam si expergiscitur, adhibere ei, ut sopito, supervacuum est. neque enim vigilando melior fit; sed per se, si melior est, vigilat. Si vero continens ei somnus est, utique excitandus est; sed his temporibus, quibus febris levissima est, ut excernat aliquid, & sumat. Excitat autem validissime repente aqua frigida superinfusa. Post remissionem itaque, perunctum oleo multo totum corpus, tribus aut quatuor amphoris totum per caput perfundendum est. Sed hoc utemur, si æqualis ægro spiritus erit, si mollia præcordia. Sin aliter hæc erunt, ea potiora, quæ supra comprehensa sunt. Et, quod ad somnum quidem pertinet, commodissima hæc ratio est.

Medendi autem causa, caput radendum; deinde posca fovendum est, in qua laurus, aut ruta decocta sit. Altera vero die imponendum castoreum, aut ruta ex aceto contrita, aut lauri baccæ, aut hederæ cum rosa & aceto. Præcipueque proficit, & ad excitandum hominem, naribus admotum; & ad morbum ipsum depellendum, capiti frontivi impositum sinapi. Gestatio etiam in hoc morbo prodest: maximeque opporune cibus datus, id est, in remissione, quanta maxima inveniri poterit. Ap-
tissima

tissima autem sorbitio est, donec morbus decrescere incipiat. Si autem quotidie gravis accessio est, hæc quotidie detur: si alterius post graviolem, sorbitio; post leviolem, mulla aqua. Vinum quoque cum tempestivo cibo datum non mediocriter adjuvat.

Quod si post longas febres ejusmodi torpor accessit, cætera eadem servanda sunt. Ante accessionem autem, tribus quatuorve horis, si venter adstrictus est, dandum est castoreum cum scammonia; si non est, per se ipsum castoreum cum aqua dandum est. Si præcordia mollia sunt, cibis utendum est plenioribus: si dura, in iisdem sorbitionibus subsistendum; imponendumque præcordiis, quod simul & reprimat & emolliat.

C A P. XXI.

451.

De Hydropicis.

SED hic quidem acutus est morbus. Longus vero fieri potest eorum, quos aqua inter cutem male habet: nisi enim primis diebus succutirur, in ὕδρωπα, quam Græci vocant, incidunt. Ejus tres species sunt. Nam modo, ventre vehementer intumescendo, creber intus, ex motu spiritus, sonus est: modo corpus inæquale est, tum moribus aliter aliterque per totum id orientibus: modo intus in uterum aqua contrahitur; & moto corpore, ita movetur, ut impetus ejus conspici possit. Primum, τυμπανίτην: secundum, λευκοφλεγματίαν, vel

vel ὑπὸ τὴν σάρακα ; tertium ἀσκήτην Græci nominarunt. Communis tamen omnium est humoris nimia abundantia : ob quam ne ulcera ¹ quidem in his ægris facile sanescunt. Sæpe vere hoc malum per se incipit : 68, 7. sæpe alteri vetusto morbo , maximeque quartanæ , supervenit.

Facilius in servis , quam in liberis tollitur. quia , cum desideret famem , sitim , & mille alia tædia , longamque patientiam , promptius iis succurritur , qui facile coguntur , quam quibus inutilis libertas est. Sed ne hi quidem , qui sub alio sunt , si ex toto sibi temperare non possunt , ad salutem perducuntur. Ideoque non ignobilis medicus , Chryssippi discipulus , apud Antigoni regem , amicum quendam ejus , † notæ intemperantiæ , mediocriter eo morbo implicatum , negavit posse sanari. Cumque alter medicus Epirotes Philippus se sanaturum polliceretur ; respondit , illum ad morbum ægri respicere ; se , ad animum. Neque eum res fefellit. Ille enim cum summa diligentia non medici tantummodo , sed etiam regis custodiretur , tamen malagmata sua devorando , bibendoque suam urinam , in exitium sese præcipitavit.

Inter initia tamen , non difficillima curatio est , si imperata sunt corpori , quies , sitis , inedia. At si malum inveteravit , non sine magna mole discutitur. ² Metrodorum tamen , Epicuri discipulum , referunt , cum hoc morbo tentaretur , neque æquo animo necessariam sitim sustineret , ubi diu

L ab-

¹ Aph. vi. 8. ² ejus vitam describit Diogenes Laërtius.

abstinuerat, solitum bibere, deinde evomere. Quod, si redditur, quicquid receptum est, multum tædio demit: si à stomacho retentum est, morbum auget. ideoque in quolibet tentandum non est.

Sed si febris quoque est, hæc in primis submovenda est per eas rationes, per quas huic succurri posse propositum est. Si sine febre æger est, tum demum ad ea veniendum est, quæ ipsi morbo mederi solent. Atque hic quoque, quæcumque species est, si nondum nimis occupavit, iisdem auxiliis opus est. Multum ambulandum, currendum aliquando, & superiores maxime partes sic perfricandæ, ut calorem in cutem evocet: inter quæ, spiritum ipse contineat. Evocandus est sudor, non per exercitationem tantum, sed etiam in arena calida, vel laconico, vel clibano, similibusque aliis: maximeque utiles sunt naturales, & siccæ sudationes; quales super Batas habemus in myrtetis. Balneum, atque omnis humor alienus est. Jejuno recte catapotia dantur, facta ex duabus apsinthii, myrrhæ tertia parte.

Cibus esse debet ex media, quidem materia, sed tamen generis durioris. Potio non ultra danda est, quam ut vitam sustineat: optimaque est, quæ urinam movet. Alvum moliri cibo melius est, quam medicamento. Si tamen res coget, ex his aliquid, quæ id præstant, erit decoquendum, eaque aqua potui danda. Videntur autem hanc facultatem habere, iris, nardum,

dum, crocum, cinnamomum, cassia, myr-
 rha, balsamum, galbanum, ladanum,
 oenanthe, panaces, cardamomum, hebe-
 nus, cupressi semen, uva taminia, quam
 5 *σαπίδα ἀγρίαν* Græci nominant, abrota-
 num, rosæ folia, acorum, amaræ nuces,
 tragoriganum, styrax, costum, junci qua-
 drati & rotundi flos; illum *κύπελλον*, hunc
σχάινον Græci vocant. quæ quoties posuero,
 10 non quæ hic nascuntur, sed, quæ inter aro-
 mata afferuntur, significabo. Primo tamen,
 quæ lenissima ex his sunt, id est, rosæ fo-
 lia, vel nardi spica, tentanda sunt. Vinum
 quoque utile est austerum, sed quam te-
 15 nuissimum.

Commodum est etiam, lino quotidie
 ventrem metiri, &, qua comprehendit al-
 vum, notam imponere: postero quoque
 die videre, plenius corpus sit, an extenuetur.
 20 id enim, quod extenuatur, medicinam
 sentit. Neque alienum est, metiri & po-
 tionem ejus, & urinam. nam si plus hu-
 moris excernitur, quam assumitur, ita de-
 mum secundæ valetudinis spes est. Ascle-
 25 piades in eo, qui ex quartana in hydro-
 pa deciderat, se abstinencia bidui, & fri-
 catione usum; tertio die, jam & febre, &
 aqua liberato, cibum, & vinum dedisse,
 memoriæ prodidit. Hactenus communi-
 30 ter de omni specie præcipi potest: si ve-
 hementius malum est, diducenda ratio cu-
 randi est.

Ergo, si inflatio, & ex ea dolor creber
 est, utilis quotidianus, aut altero quoque
 L 2 die

die post cibum, vomitus est. Fomentis deinde ficcis calidisque utendum est. Si per hæc dolor non finitur, necessariæ sunt sine ferro cucurbitulæ. Si ne per has quidem tormentum tollitur, incidenda cutis est, & tum his utendum. Ultimum auxilium est, si cucurbitulæ nihil profuerunt, per alvum infundere copiosam aquam calidam, eamque recipere. Quin etiam quotidie ter quaterve opus est uti fricatione vehementi, cum oleo & quibusdam calefacientibus. Sed in hac frictione à ventre abstinendum est. Imponendum vero in eum cebrus sinapi, donec cutem erodat; ferramentisque candentibus pluribus locis venter exulcerandus est, & servanda ulcera diutius. Utiliter etiam scilla cocta deligatur super cutim. Sed diu post has inflationes abstinendum est ab omnibus inflantibus.

At, si id vitium est, cui λευκοφλεγματία nomen est, eas partes, quæ tument, subjicere soli oportet; sed non nimium, ne febriculam incendat: si is vehementior est, caput velandum est, utendumque fricatione, madefactis tantum manibus aqua, cui sal & nitrum & olei paulum sit adjectum; sic, ut aut puerilis aut muliebres manus adhibeantur, quo mollior earum tactus sit. Idque si vires patiuntur, ante meridiem, tota hora; post meridiem, semihora fieri oportet. Utilia sunt etiam cataplasinata, quæ reprimunt; maximeque, si corpora teneriora sunt. Incidendum quoque super talum, quatuor fere digitis, ex parte interiore

teriore est; quo per aliquot dies frequens humor feratur: atque ipsos tumores incidere altis plagis oportet: concutiendumque corpus est multa gestatione, atque, ubi inductæ vulneribus cicatrices sunt, adjiciendum exercitationibus & cibis, donec corpus ad pristinum statum revertatur. Cibus valens esse debet, & glutinosus, maximeque caro. Vinum, si per stomachum licet, dulcius. sed ita, ut invicem biduo tri-
10 duove, modo aqua, modo id bibatur. Prodest etiam lactucæ marinæ, quæ grandis juxta mare nascitur, semen, cum aqua potui datum. Quod si valens est, qui id
15 accipit, ei scilla cocta simul super ventrem deligatur. Authoresque multi sunt, inflatis vesicis pulsandos tumores esse.

Si vero id morbi genus est, quo in uterum multa aqua contrahitur, ambulare, 20 sed magis modice oportet; malagma, quod digerat, impositum habere; idque ipsum superimposito triplici panno, fascia, non nimium tamen vehementer, astringere. quod à Tharria profectum, servatum esse
25 à pluribus video. Si jecur, aut lienem affectum esse, manifestum est, ficum pinguem contusam, adjecto melle, superponere. Si per talia auxilia venter non ficcatur, sed humor nihilominus abundat, celeriori via
30 succurrere, ut is per ventrem ipsum emit-
tatur. Neque ignoro, Erasistrato displicuisse hanc curandi viam. morbum enim hunc jocineris putavit: ideoque illud esse sanandum; frustra que aquam emitti, quæ,
L 3 vitiato

vitiato illo, subinde renascantur. Sed primum, non hujus visceris unius hoc vitium est. Nam & splene affecto, & in totius corporis malo habitu fit. Deinde, ut inde cœperit, tamen aqua nisi emittitur, quæ contra naturam ibi substitit, & jocinori, & cæteris interioribus partibus nocet. Convenitque, corpus nihilominus esse curandum. Neque enim sanat emissus humor, sed medicinae locum facit, quam intus inclusus impedit. Ac ne illud quidem in controversiam venit, quin non omnes in hoc morbo sic curari possint; sed juvenes robusti, qui vel ex toto carent febre, vel certe satis liberales intermissiones habent. Nam quorum stomachus corruptus est, quive ex atra bile huc deciderunt, quique malum corporis habitum habent, idonei huic curationi non sunt. Cibus autem, quo die primum humor emissus est, supervacuum est, nisi si vires defunt. In sequentibus diebus, & his vinum meracius quidem, sed non ita multum dari debet, paulatimque revocandus æger est ad exercitationes, fricationes, solem, sudationes, fationes, & idoneos cibos, donec ex toto convalescat. Balneum rarum res amat; & frequentiore in jejuno vomitum. Si æstas est, in mari natare commodum est. Ubi convaluit aliquis, diu tamen alienus ei veris usus fit.

C A P. XXII.

De Tabæ, & ejus speciebus.

DIUTIUS sæpe & periculofius tabes eos male habet, quos invafit. Atque hujus quoque plures species funt. Una eft, qua corpus non alitur, &, naturaliter femper aliquibus decedentibus, nullis vero in eorum locum fubeuntibus, fumma macies oritur; &, nifi occurratur, tollit. ² *ἀσθενία* hanc Græci nominant. Ea duabus fere de caufis incidere confuevit. Aut enim nimio timore aliquis minus, aut aviditate nimia plus, quam debet, affumit: ita vel, ¹⁵ quod deeft, infirmat: vel, quod fuperat, corrumpitur.

Altera fpecies eft, quam Græci *καχεξία* appellant: ubi malus corporis habitus eft; ideoque omnia alimenta corrumpuntur. ²⁰ Quod fere fit, cum longo morbo vitia- ta corpora, etiamfi illo vacant, refectionem tamen non accipiunt; aut cum malis medicamentis corpus affectum eft; aut, cum diu neceffaria defuerunt; aut, cum inufitatos & ²⁵ inutiles cibos aliquis affumpfif, aliquidve fimile incidit. Huic, præter tabem, illud quoque nonnunquam accidere folet, ut per affiduas puftulas, aut ulcera, fumma cutis exafperetur, vel aliquæ corporis partes in- ³⁰ tumefcant.

Tertia eft, longeque periculofiffima fpecies, quam Græci *φθίσις* nominaverunt. Oritur fere à capite: inde in pulmonem diffillat. Ex hoc exulceratio accidit, & febri-

L 4

cula

1 Erant apud veteres qui tabem & longos morbos inducere poterant, *Philo Judæus de fpecialib. leg.* 16. pag. 792, & 1691. 2 *Cœl. Aurel. Morb. Chron.* II, 14.

cula lenis fit; quæ etiam, cum quievit, tamen repetit. In ea quoque frequens tussis est, & pus excreatur; interdum cruentum aliquid. Quicquid excreatum est, si in ignem ¹ impositum est, mali odoris est. Itaque, qui de morbo dubitant, hac nota utuntur.

² Cum hæc genera tabis sint, animadvertere primum oportet, quid sit in quo laboratur. Deinde, si tantum non ali corpus apparet, causam ejus attendere; &, si cibi minus assumfit aliquis quam debuit, adjicere oportet: sed paulatim, ne si corpus insuetum subita multitudine oneraverit, stomachus gravetur, & concoctionem impediat. Si vero plus justo quis assumere solitus est, abstinere uno die; deinde ab exiguo cibo incipere; quotidie adjicere, donec ad justum modum perveniat. Præter hæc convenit ambulare locis quam maxime frigidis, sole vitato: per manus quoque exerceri. Si infirmior est, gestari, ungi, perfricari, si potest, maxime per se ipsum, sæpius eodem die, & ante cibum, & post eum, sic ut interdum oleo quædam adjiciantur calefacientia, donec insudet. Prodestque ² junco prehendere per multas partes cutem, & attrahere, ut relaxetur; aut, imposita refina, & abducta, subinde idem facere. Utile est etiam interdum balneum, sed post cibum exiguum. Atque in ipso folio recte ³ cibi aliquid assumitur: aut si sine hoc fricatio fuit, post eam protinus. Cibi vero esse debent ex his, qui facile concoquuntur, maximeque alunt. Ergo vini quoque, sed au-

¹ Aphor. V, 11. ² Coel. Aurelian. Morbor. Chronic. II. 14. p. 421. Trallian. V, 2.

austeri, necessarius usus est, movendæ urinæ.

At si malus habitus corporis est, primum abstinendum est; deinde alvus ducenda; tum paulatim cibi dandi, adjectis exercitationibus, unctionibus, fricationibus. Utillius his frequens balneum est, sed jejunis; etiam usque ad sudorem. Cibis vero opus est copiosis, variis, boni succi, quique etiam minus facile corrumpantur, vino aucto. Si nihil reliqua proficiunt, sanguis mittendus est; sed paulatim, quotidieque pluribus diebus, cum eo, ut cætera quoque eodem modo ferventur.

Quod si mali plus est, & vera phthisis est, inter initia protinus occurrere necessarium est: neque facile enim hic morbus, cum inveteraverit, evincitur. Opus est, si vires patiuntur, longa navigatione, cœli mutatione sic, ut densius quam id est, ex quo discedit æger, petatur. Ideoque aptissime Alexandriam ex Italia itur. Ferreque id posse inter principia corpus pati debet, cum hic morbus ætate firmissima maxime oriatur, id est ab anno² duodevigesimo usque ad annum quintum & trigesimum. Si id imbecillitas non finit, nave tamen, sed non longe, vectari commodissimum est. Sin navigationem aliqua res prohibet, lectica, vel alio modo corpus movendum est: tum à negotiis abstinendum est, omnibusque rebus, quæ sollicitare animum possunt: somno indulgendum: cavendæ distillationes, ne, si quid cura levarit, exasperent; & ob id, vitanda cru-

L 5

ditas,

1 Aretæus de Diuturn. Curat. I, 8. Trallian. VII, 2. Plin. N. H. xxviii, 4. 2 Aphor. V, 9. VIII, 7.

ditas, simulque & sol, & frigus; os obtegendum, fauces velandæ, tussicula suis remediis finienda: &, quamdiu quidem febricula incurSAT, huic interdum abstinentia, interdum etiam tempestivis cibis medendum: eoque tempore bibenda aqua. Lac¹ quoque, quod in capitis doloribus, & in acutis febribus, & per eas facta nimia fiti, ac, si ve præcordia tument, si ve biliofa urina est, si ve sanguis fluxit, pro veneno est; in ²phthisi tamen, sicut in omnibus longis difficilibusque febriculis, recte dari potest.

Quod si febris aut nondum incurSAT, aut jam remisit, decurrendum est ad modicas exercitationes, maximeque ambulationes, item lenes fricationes. Balneum alienum est. Cibus esse debet primo acer, ut allium, porrum, idque ipsum ex aceto, vel ex eodem intubus, ocimum, lactuca: ² deinde lenis sorbitio ex ptisana, vel ex alica, vel ex amylo, lacte adjecto. Oryza quoque, &, si nihil aliud est, far idem præstat. Tum invicem modo his cibis, modo illis utendum est: adjiciendaque quædam ex media materia, præcipue vero ex prima, cerebellum, vel pisciculus, & his similia. Farina etiam cum sevo ovillo caprinove mista, deinde incocta, pro medicamento est. Vinum assumi debet leve austerum.

Hactenus non magna mole pugnatur. Si vehementior noxa est, ac neque febricula, neque tussis quiescit, tenuarique corpus

pus apparet, validioribus auxiliis opus est. Exulcerandus est ferro candenti, uno loco sub mento, altero in gutture, duobus ad mammam utramque; item sub imis ossibus scapularum, quas ὀμοπλάτας Græci vocant, sic, ne sanescere sinas ulcera, nisi tussis finita fuerit: cui per se quoque medendum esse, manifestum est. Tunc ter quaterque die vehementer extremæ partes perfricandæ sunt: thorax leni manu pertractandus; post cibum intermittenda hora & perfricanda crura, brachiaque. Interpositis denis diebus, demittendus æger in solium est, in quo sit aqua calida & oleum. Cæteris diebus bibenda aqua: tum vinum, si tussis non est, potui frigidum dandum: si vero est, egelidum. Utile est etiam in remissionibus quotidie cibos dari: frictiones gestationesque similiter adhiberi: quarto, aut quinto die fumere, interdum herbam sanguinalem ex aceto, vel plantaginem esse. Medicamentum est etiam vel plantaginis succus per se, vel ¹ marrubii, si cum melle sit incoctus; ita ut illius cyathus forbeatur, hujus cochleare plenum paulatim delingatur; vel inter se mista, & incocta resinæ terebinthinæ pars dimidia, butyri & mellis pars altera. Præcipua tamen ex his omnibus sunt victus, vehiculum, & navis, & forbitio. Alvus ² cita utique vitanda est. Vomitus in hoc morbo frequens, perniciosus est, maximeque sanguinis. Qui meliusculus esse cœpit, ad-jicere debet exercitationes, fricationes, ci- ^{91, 34}
bos:

¹ Trallian. v, 3. pag. 476. ² Aph. v, 12, 14.
Trallian. II, 2. p. 313.

205, 4. bos: deinde ipse se, suppresso spiritu, perfricare; diu abstinere à vino, & balneo, & venere.

CAP. XXIII.

² De Comitiali morbo.

INTER notissimos morbos est etiam is, qui ³ comitalis, vel major nominatur. 73, 20. Homo subito concidit, ex ore spumæ moventur, deinde interposito tempore ad se redit, & per seipsum confurgit. Id genus sæpius viros, quam fœminas occupat; ac solet quidem etiam longum esse, usque ad mortis diem, & vitæ non periculosum. Interdum tamen cum recens est, hominem consumit; & sæpe eum, si remedia non suffulerunt, in ⁴ pueris veneris, in puellis menstruorum initium tollit. Modo cum distentione membrorum aut nervorum probabitur aliquis; modo sine illa.

Quidam hos quoque iisdem, quibus lethargicos, excitare conantur: quod admodum supervacuum est: &, quia ne lethargicus quidem his sanatur; &, quia, cum possit ille nunquam expergisci atque ita fame interire, hic ad se utique revertitur.

Ubi concidit aliquis, si nulla nervorum distentio accessit, utique ⁵ sanguis mitti debet: si accessit, non utique mittendus est, nisi alia quoque hortantur. Necessarium ³ autem est, ducere alvum, vel nigro veratro purgare, vel utrumque facere, si vires patiuntur: tunc caput tondere, oleoque & aceto perungere; cibum post diem tertium

¹ Colum. 1. 6. ² Aretæus de Diurn. M. 1. 1. c. 4. ³ Vocatur: *lues deifica*, morbus Sacer. ⁴ Aph. 11. 45. V. 7. ⁵ Valleriol. 1. 3. obs. 7.

tium, simul ac transiit hora, qua concidit, dare. Neque sorbitiones his aut alioqui molles, & faciles cibi; neque caro, minimeque suilla convenit; sed mediæ materiæ: nam ^{96.} & viribus opus est, & ¹ cruditates cavendæ sunt. Cum quibus fugere oportet solem, balneum, ignem, omniaque calefacientia: item, frigus, vinum, venerem, loci præcipitis conspectum, omniumque terrentium, vomitum, lassitudinem, sollicitudines, ne- ^{87, 10.} gotia omnia: &, ubi tertio die cibus datus est, intermittere quartum, & invicem alterum quemque; eadem hora cibi servata, donec quatuordecim dies transeant. Quos ubi morbus excessit, acuti vim deposuit: at si manet, curandus jam ut longus est.

Quod si non, quo die primum is incidit, medicus accessit; sed is, qui cadere consuevit, post ei traditus est; protinus eo genere victus habito, qui supra comprehensus est, expectandus est dies, quo prolabatur; utendumque tum vel sanguinis ² missione, vel ductione alvi, vel nigro veratro, sicut præ- ^{172, 30.} ceptum est. In sequentibus deinde diebus, per eos cibos, quos proposui, vitatis omnibus, quæ cavenda dixi, nutriendus est.

Si per hæc morbus finitus non fuerit, confugiendum erit ad album veratrum; ac ^{87, 19.} ter quoque aut quater eo utendum, non ita multis interpositis diebus; sic tamen, ne iterum unquam sumat, nisi conciderit. Mediis autem diebus vires ejus erunt nutriendæ; quibusdam, præter ea, quæ supra scripta sunt, adjectis. Ubi mane experre-
ctus

¹ Trallian. I, 15. ² Cæl. Aurelian, Tard. pass. I, 4. P. 272.

ctus est, corpus ejus leniter ex oleo veterere (cum capite, excepto ventre) permulceatur: tum ambulatione quam maxime longa & recta utatur: post ambulationem loco tepido vehementer & diu, ac non minus ducenties; nisi infirmus erit, perfricetur: deinde super caput multa aqua frigida perfundatur; paulum cibi assumat; conquiescat; rursus ante noctem ambulatione utatur; iterum vehementer perfricetur, sic ut neque venter, neque caput contingatur: post hæc coenet, interpositisque tribus aut quatuor diebus, uno aut altero acria assumat.

Si ne per hæc quidem fuerit liberatus, caput radatur; ungatur oleo vetere, adjecto aceto & nitro; perfundatur aqua salsa; bibat jejunos ex aqua castoreum; nulla aqua, nisi decocta, potionis causa utatur. Quidam jugulati gladiatoris calido sanguine potu tali morbo se liberarunt. Apud quos miserum auxilium tolerabile miserius malum fecit. Quod ad medicinam vero pertinet, ultimum est, juxta talum, ex utroque crure paulum sanguinis mittere: occipitium incidere, & cucurbitulas admove: ferro candente in occipitio quoque & infra, qua summa vertebra cum capite committitur, adurere duobus locis, ut per ea perniciosus humor evadat. Quibus si finitum malum non fuerit, prope est, ut perpetuum sit. Ad levandum id, tantummodo utendum erit exercitatione, cibisque his, qui supra comprehensi sunt: præcipue-

1 Plin. xxviii, 1. Lang. Epist. 14. lib. 1. Minucius Felix, pag. 34. Vide duo exempla ejus nominis indicantia apud Tulpium *obs. l. 4. c. 4.*

cipueque vitanda omnia, quæ ne fierent, excepimus.

CAP. XXIV.

De Regio Morbo.

ÆQUE notus est morbus, quem interdum arquaturn, interdum regium nominant. Quem Hippocrates ait, si post septimum diem² febricitante ægro supervenit, tutum esse, molliustantummodo præcordiis substantibus. Diocles ex toto, si post febrem oritur, etiam prodesse; si post hunc febris, occidere. Color autem eum morbum detegit, maxime oculorum, in quibus, quod album esse debet, fit luteum. Soletque accedere & fitis. & dolor capitis, & frequens singultus, & præcordiorum dextra parte durities; & ubi corporis vehemens motus est, spiritus difficultas, membrorumque resolutio: atque, ubi diutius manet morbus, totum corpus cum pallore quodam inalbescit.

Primo die abstinere ægrum oportet: secundo ducere alvum: tum, si febris est, eam victus genere discutere: si non est, scamnoneam potui dare, vel cum aqua betam albam contritam, vel cum aqua mulsâ nûces amaras, apsinthium, anium, sic, ut pars hujus minima sit. Asclepiades aquam quoque falsam, & quidem per biddum, purgationis causa bibere cogebat, iis, quæ urinam movent, rejectis. Quidam, superioribus omissis, per hæc, & per eos cibos, qui extenuant, idem se consequi dicunt.

Ego

¹ Plin. H. N. 22. c. 24. ² Aph. IV, 62.

Ego utique, si satis virium est, validiora; si parum, imbecilliora auxilia præfero. Si purgatio fuit, post eam triduo primò modice cibum oportet assumere ex mediâ materia, & vinum bibere Græcum falsum, ut solutio ventris remaneat: tum altero triduo validiores cibos, & carnis quoque aliquid esse, intraque aquam manere: deinde ad superius genus victus reverti, cum eo, ut magis satietur; omisso Græco vino bibere nigrum austerum; atque ita per hæc variare, ut interdum acres quoque cibos interponat, interdum ad falsum vinum redeat. Per omne vero tempus utendum est exercitatione, fricatione, &, si hiems est, balneo; si æstas, frigidis natationibus: lecto etiam, & conclavi cultiore, usu, loco, ludis, lascivia, aliis, per quæ mens exhilaratur: ob quæ regius morbus dictus videtur. Malagma quoque, quod digerat, super præcordia datum prodest; vel arida ibi ficus imposita, si jecur aut lienis affectus est.

C A P. XXV.

2 De Elephantia.

IGNOTUS autem pene in Italia, frequentissimus in quibusdam regionibus is morbus est, quem *ἐλεφαντίατις* Græci vocant; isque longis annumeratur. Quo totum corpus afficitur ita, ut ossa quoque vitari dicantur. Summa pars corporis crebras maculas crebrosque tumores habet. Rubor earum paulatim in atrum colorem convertitur. Summa cutis inæquali-

1 Seren Sammon. de Regio morbo. 2 Mercurial. Variar. Lect. 1, 2.

qualiter crassa, tenuis, dura, molliſque, quaſi ſquamis quibuſdam exaſperatur, corpus emacreſcit, os, ſuræ, pedes intumeſcunt. Ubi vetuſ morbuſ eſt, digiti in manibus pedibuſque ſub tumore conduntur; febricula oritur, quæ facile tot malis obrutum hominem conſumit.

Protinuſ ergo inter initia ſanguis per biduum mitti debet; aut nigro veratro venter ſolvi. Adhibenda triduum, quanta ſuſtinere poteſt, inedia eſt: paulum deinde vires reſcindiendæ & ducenda alvuſ: poſthæc, ubi corpus levatum eſt, utendum eſt exercitatione, præcipueque curſu: ſudor primum labore ipſiuſ corporiſ, deinde etiam ſiccis ſudationibuſ evocandus: frictio adhibenda: moderandumque inter hæc, ut vires conſerventur: balneum raruſ eſſe debet: cibuſ ſine pinguibuſ, ſine glutinoſiſ, ſine inſtantibuſ. Vinuſ, præterquam primis diebuſ, recte datur. Corpus contrita plantago & illita optime tueri videtur.

C A P. XXVI.

De Attonitiſ.

ATTONITOS quoque raro videmus, quorum & corpus & menſ ſtupet. Fit interdum ictuſ fulminiſ, interdum morbo. hunc ἀτονίτιον Græci appellant. Hiſ ſanguis mittendus eſt. Veratro quoque albo, vel alvi duſtione utendum. Tum adhibendæ frictioneſ; & ex

M

media

media materia minime pingues cibi; quidam etiam acres: & à vino abstinendum.

CAP. XXVII.

De Resolutione nervorum.

AT resolutio nervorum frequens ubique morbus est. Sed interdum tota corpora, interdum partes infestat. Veteres authores illud ¹ *ἀπληξίαν*; hoc *ἀδύλυσιν* nominaverunt. nunc utrunque *ἀδύλυσιν* appellari video. Solent autem, qui per omnia membra vehementer resoluti sunt, celeriter rapi. ac si correpti non sunt, diutius quidem vivunt; sed raro tamen ad sanitatem perveniunt; & plerumque miserum spiritum trahunt, memoria quoque amissa. In partibus vero nonnunquam acutus, sæpe longus, fere ² † insanabilis morbus est.

³ Si omnia membra vehementer resoluta sunt, sanguinis detractio vel occidit, ^{78, 34.} vel liberat. Aliud curationis genus vix unquam sanitatem restituit; sæpe mortem tantum differt; vitam interim infestat. Post sanguinis missionem, si non redit & motus & mens, nihil spei superest: si redit, sanitas quoque prospicitur.

At, ubi pars resoluta est, pro vi & malo corporis, vel sanguis mittendus est, vel alvus ducenda. Cætera eadem in utroque casu facienda sunt. Siquidem vitare præcipue convenit frigus; paulatimque ad exercitationes revertendum est, sic, ut ingrediatur ipse protinus, si potest. Si id crurum

¹ Cæl. Aurel. Acut. Morb. III, 5. ² Aretæus de Morb. Diuturn. I, 7. ³ De præservatione Crato apud Schol. consilio 35, 36.

rum imbecillitas prohibet, vel gestetur, 91, 26. vel motu lecti concutiatur: tum id membrum, quod deficit, si potest, per se; sin minus, per alium moveatur, & vi quadam ad consuetudinem suam redeat. Prodest etiam torpentis membri summam cutem exasperasse, vel urticis cæsam, vel imposito sinapi, sic, ut ubi rubere cœperit corpus: hæc removeantur. Scilla quoque contrita, bulbique contriti cum thure recte imponuntur. Neque alienum est, resina cutem tertio quoque die diutius vellere, pluribus etiam locis, aliquando sine ferro, cucurbitulas admove. Unctioni vero aptissimum est vetus oleum, vel nitrum aceto & oleo admixtum. Quinetiam fovere aqua calida marina, vel, si ea non est, tamen falsa, magnopere necessarium est. Ac, si quo loco vel naturales, vel etiam manufactæ tales natationes sunt, iis potissimum utendum est; præcipueque in his agitanda membra, quæ maxime deficiunt. si id non est, balneum tamen prodest. Cibus esse debet ex media materia, maximeque ex venatione: potio, sine vino, aquæ calidæ. Si tamen vetus morbus est, interponi quarto vel quinto die purgationis causa vinum Græcum falsum potest. Post cœnam utilis vomitus est.

2. *De Doloꝛe nervoꝝum.*

Interdum vero etiam nervoꝝum doloꝛ oriri solet. In hoc casu non vomere, non medicamentis urinam movere, non exercitatione sudores, ut quidam præcipiunt, ex-

pedit. Bibenda aqua est bis die. † In lectulo leniter satis diu corpus perfricandum est; deinde, retento spiritu, in ipsa exercitatione potius superiores partes movendæ: balneo raro utendum: mutandum subinde peregrinationibus cœlum. Si dolor est, ea ipsa pars sine oleo, nitro ex aqua perungenda est, deinde involvenda, & subjicienda pruna lenis, & sulphur, atque ita id suffumigandum; idque aliquandiu faciendum, sed jejuno, cum bene jam concoxerit. Cucurbitulæ quoque sæpe dolenti parti admovendæ sunt, pulsandusque leniter inflatis vesicis bubulis is locus est. Utile est etiam sebum miscere cum cumini & urticæ contritis seminibus, sic, ut omnium par modus sit, idque imponere: fovere aqua, in qua sulphur decoctum sit. Utriculi quoque recte imponuntur aqua calida repleti, aut bitumen cum hordeacea farina mixtum. Atque in ipso potissimum dolore, utendum gestatione vehementi est. quod in aliis doloribus pessimum est.

3. *De Tremore nervorum.*

Tremor autem nervorum æque vomitu medicamentisque urinam moventibus intenditur. Inimica etiam habet balnea, affasque sudationes. Bibenda aqua est: acri ambulatione utendum, item unctionibus, fricationibusque, maxime per seipsum: pila, similibusque superiores partes. † dimovendæ: cibo quolibet utendum, dummodo concoctioni utique studeatur. Secundum cibum, curis abstinendum: rarissima venere uten-

utendum est. Si quando quis in eam prolapsus est, tum oleo leniter diuque in lectulo perfricari manibus puerilibus potius, quam virilibus, debet.

4. *De Suppurationibus internis.*

† Suppurationes autem, quæ in aliqua interiori parte oriuntur, ubi ortæ fuerint, primum id agere oportet per ea cataplasmata, quæ reprimunt, ne coitus inutilis materiæ fiat. deinde, si hæc victa sunt, ut per ea malagmata, quæ digerunt, dissipe- 263. tur. Quod si consecuti non sumus, sequitur, ut evocetur: deinde, ut maturescat. omnis tum vomicæ finis est, ut rumpatur Indiciumque est, pus vel alvo vel ore redditum. Sed nihil facere oportet, quominus, quicquid est puris, exeat. Utendum maxime sorbitionibus est, & aqua calida. Ubi pus ferri desit, transeundum ad faciles quidem, sed tamen validiores & frigidos cibos, frigidamque aquam sic, † ut ab egelidis tamen initium fiat. primoque cum melle quædam edenda, ut nuclei pinei, vel Græcæ nuces, vel avellanæ. Postea submoventum idipsum, quo maturius induci cicatrix possit. Medicamentum eo tempore ulcere est, succus assumptus vel porri vel marrubii, & omni cibo porrum ipsum adjectum. Oportebit autem uti in his partibus, quæ non efficiuntur, frictionibus, item ambulationibus lenibus. Vitandumque erit, ne vel luctando, vel currendo, vel alia ratione facientia ulcera exasperentur. In hoc enim morbo perniciosus, ideoque omni modo cavendus sanguinis vomitus est.

LIBER QUARTUS.

CAP. I.

De humani corporis interioribus sedibus.

† **H**ACTENUS reperiuntur ea generum morborum, quæ in totis corporibus ita sunt, ut iis certæ sedes assignari non possint: nunc de his dicam, quæ sunt in partibus. Facilius autem omnium interiorum morbi¹ curationesque in notitiam venient, si prius eorum sedes breviter ostendero.

Caput igitur, eaque, quæ in ore sunt, non lingua tantummodo palatoque terminantur, sed etiam, quatenus oculis nostris exposita sunt. In dextra sinistraque circumstantur venæ grandes, quæ σφαγίτιδες nominantur; itemque arteriæ (quas καρτιδες vocant) sursum procedentes ultra aures feruntur. Atque in ipsis cervicibus glandulæ positæ sunt, quæ interdum cum dolore intumescunt. Deinde duo itinera incipiunt: alterum,² asperam arteriam nominant; † alterum, stomachum. Arteria exterior ad pulmonem: † stomachus interior ad ventriculum fertur. illa spiritum: hic cibum recipit. Quibus cum diversæ viæ sint, qua coeunt, exigua in arteria sub ipsius faucibus lingula est: quæ, cum spiramus attollitur; cum cibum potionemque assumimus, arteriam claudit. Ipsa autem arteria, dura & cartilaginosa, in gutture assumitur.

¹ Soran. Ephes. Isagog. cap. XII. 2c. Galen. Mercurial. Var. Lect. I. c. I.

git ; cæteris partibus residit. Constat ex
circulis quibusdam , compositis ad imagi-
nem earum vertebrarum , quæ in spina
sunt , ita tamen , ut ex parte exteriori
aspera ; ex interiori , stomachi modo læ-
vis sit. eaque descendens ad præcordia
cum pulmone committitur. Is spongio-
sus , ideoque spiritus capax , & à tergo
spinæ ipsi junctus , in duas¹ fibras , ungulæ
bubulæ modo , dividitur. Huic cor an-
nexum est , natura² musculosum , in pectore
sub sinistro mamma situm³ ; duosque
quasi ventriculos habet. At sub corde at-
que pulmone , transversum ex valida mem-
brana septum est , quod à præcordiis ute-
rum diducit , æque nervosum ; multis etiam
venis per id discurrentibus ; à superiore
parte , non solum intestina , sed jecur quo-
que lienemque discernit. Hæc viscera pro-
xime , sed infra tamen posita , dextra si-
nistraque sunt. Jecur à dextra parte sub
præcordiis ab ipso septo orsum , intrin-
secus cavum , extrinsecus gibberum est.
quod prominens leviter ventriculo infi-
det , & in quatuor fibras dividitur. Ex in-
feriore vero parte ei fel inhæret. At lien in
sinistra , non eidem septo , sed intestino
annexus est , natura mollis & rarus , lon-
gitudinis crassitudinisque modicæ ; isque
paulum à costarum regione in uterum ex-
cedens , ex maxima parte sub his condi-
tur. † atque hæc quidem juncta sunt. Renes
vero divisi : qui lumbis sub imis coxis in-
hærent , à parte earum resimi , ab altera ro-

M 4

tundi ;

¹ Hippocr. Coac. Sent. 300. Van der Linden
Med. Physiol. c. IV, p. 239. ² Hippocrat. de Cor-
de T. IV,

tundi; qui & venosi sunt, & tunicis super
 conteguntur. Ac viscerum quidem hæ se-
 des sunt. Stomachus vero, qui intestino-
 rum principium est, nervosus à septima
 spinæ vertebra incipit, ac circa præcordia
 cum ventriculo committitur. Ventriculus
 autem, qui receptaculum cibi est, constat
 ex duobus tergoribus. isque inter lienem
 & jecur positus est; utroque ex his paulum
 super eum ingrediente. Suntque etiam
 membranulæ tenues, per quas inter fe-
 tria ista connectuntur, jungunturque ei
 183, 19. septo, quod transversum esse, supra posui.
 Inde ima ventriculi pars paulum in dex-
 teriorem partem conversa, in summum in-
 testinum coarctatur. Hanc juncturam *πυ-
 λωρον* Græci vocant, quoniam portæ mo-
 do in inferiores partes ea, quæ excreturi
 sumus, emittit. Ab ea jejunum intestinum
 incipit, non ita implicitum. cui tale voca-
 bulum est, quia nunquam, quod accepit,
 continet; sed protinus in inferiores partes
 transmittit. Inde tenuius intestinum est,
 in sinus vehementer implicitum: orbes
 vero ejus per membranulas singuli cum
 interioribus connectuntur; qui in dexte-
 riorem partem conversi, & è regione dex-
 terioris coxæ finiti, superiores tamen par-
 tes magis complent. Deinde id intestinum
 cum crassiore altero transverso committi-
 tur; † quod à dextra parte incipiens, in si-
 nisteriorem pervium & longum est, in dex-
 teriorem non est; ideoque cæcum nomina-
 tur. At id, quod pervium est, late fusum at-
 que

que sinuatum , minusque quam superiora
intestina nervosum , ab utraque parte huc
atque illuc volutum , magis tamen finiste-
riores inferioresque partes tenens , contin-
5 git jecur atque ventriculum : deinde cum
quibusdam membranulis à sinistro rene
venientibus jungitur ; atque hinc ad dex-
tra recurvatum in ima dirigitur , qua ex-
cernit ; ideoque id ibi rectum intestinum
0 nominatur. Contegit vero universa hæc
omentum , ex inferiore parte læve & ad-
strictum , ex superiore mollius. Cui adeps
quoque innascitur ; quæ sensu , sicut cere-
brum quoque & medulla , caret. At à re-
5 nibus singulæ venæ , colore albæ , ad vesi-
cam feruntur ; *σεντήρα* Græci vocant, quod
per eas inde descendentem urinam in ve-
sicam distillare concipiunt. Vesica autem
in ipso sinu nervosa & duplex , cervice ple-
0 na atque carnosa , jungitur per venas cum
intestino , eoque osse , quod pubi subest :
ipsa soluta atque liberior est ; aliter in viris
atque in fœminis posita. Nam in viris jux-
ta rectum intestinum est , potius in fini-
25 stram partem inclinata : in fœminis super
genitale earum posita est , & , superne lapsa ,
ab ipsa vulva sustinetur. Tum in masculis
iter urinæ spatiosius & compressius à cer- 474, 20,
vice huius descendit ad colem : in fœmi- 48. 22.
0 nis brevius & plenius , super vulvæ cervi-
cem se ostendit. Vulva autem in virginibus
quidem admodum exigua est : in mulieri-
bus vero , nisi ubi gravidæ sunt , non multo
major , quam ut manu comprehendatur.

Ea, recta tenuataque cervice, quam canalem vocant, contra mediam alvum orsa, inde paulum ad dexteriores coxas convertitur; deinde super rectum intestinum progressa, iliis fœminæ latera sua innectit. Ipsa autem ilia inter coxas & pubem imo ventre posita sunt. A quibus ac pube abdomen sursum versus ad præcordia pervenit; ab exteriori parte, evidenti cute; ab interiori levi membrana inclusum; quæ omento jungitur; περιτόναιος autem à Græcis nominatur.

C A P. II.

De curationibus morborum, qui nascuntur à capite.

His veluti in conspectum quendam, quatenus scire curanti necessarium est, adductis, remedia singularum laborantium partium exequar, orsus à capite: sub quo nomine nunc significo eam partem, quæ capillitio tegitur: nam oculorum, aurium, dentium dolor, & si quis similis est, alias erit explicandus.

2. *De Capitis dolore.*

In capite autem interdum acutus & pestifer morbus est, quam κεφαλαίαν Græci vocant. Cujus notæ sunt, 'horror validus, nervorum resolutio, oculorum caligo, mentis alienatio, vomitus, sic ut vox supprimatur; vel sanguinis ex naribus cursus, sic ut corpus frigescat anima deficiat. Præter hæc, dolor intolerabilis, maxime circum tempora, vel occipitium. Interdum autem in

in capite longa imbecillitas, sed neque
 gravis, neque periculosa, per hominis æta-
 tem est. Interdum gravior dolor, sed bre-
 vis, neque tamen mortiferus; qui vel vino,
 5 vel cruditate, vel frigore, vel igne, aut
 sole contrahitur. Hique omnes dolores
 modo in febre, modo sine hac sunt; modo
 in toto capite, modo in parte; interdum
 sic, ut oris quoque proximam partem ex-
 10 crucient. Præter hæc etiam invenitur ge-
 nus, quod potest longum esse: ubi humor
 cutem inflat, eaque intumescit, & premen-
 ti digito cedit: ὑδρόκεφαλον Græci appel-
 ant.

15 Ex his id, quod secundo loco positum
 est, dum leve est, qua sit ratione curan-
 dum, dixi,¹ cum persequerer ea, quæ sani
 homines in imbecillitate partis alicujus fa-
 cere deberent. Quæ vero auxilia sint capi-
 20 tis, ubi cum febre dolor est, eo loco expli-
 citum est, quo febrium curatio exposita 17,8.
 est. nunc de cæteris dicendum est. 138,23.

Ex quibus id, quod acutum est, & id,
 quod supra consuetudinem intenditur, id-
 25 que, quod ex subita causa, etsi non pesti-
 ferum, tamen vehemens est, primam cu-
 rationem habet, qua sanguis mittatur. Sed
 id, nisi intolerabilis est dolor, superva-
 cuum est. Satiisque est, abstinere à cibo;
 30 si fieri potest, etiam à potione: si non po-
 test, aquam bibere. Si postero die dolor
 remanet, alvum ducere, sternutamenta
 evocare, nihil assumere, nisi aquam. Sæpe
 enim dies unus aut alter totum dolorem
 hac

hac ratione discutit, utique, si ex vino vel cruditate origo est.

Si vero in his auxilii parum est, tondere oportet ad cutem: deinde considerandum est, quæ causa dolorem excitarit. Si calor, aqua frigida multa perfundere caput expedit; spongiam concavam imponere, subinde aqua frigida expressam; ungere rosa & aceto, vel potius histinctam lanam succidam imponere, aliave refrigerantia cataplasmata. At si frigus nocuit, caput oportet perfundere aqua calida marina, vel certe salsa, aut in qua laurus decocta sit; tum caput vehementer perfricare; deinde calido oleo implere & veste velare. quidam etiam id devinciunt: alii cervicalibus vestimentisque onerant, & sic levantur: alios calida cataplasmata adjuvant. Ergo etiam, ubi causa incognita est, videre oportet, refrigerantia magis, an calefacientia leniant, & his uti, quæ experimentum approbarit.

At si parum causa discernitur, perfundere caput, primum aqua calida, sicut supra præceptum est, vel salsa, vel ex lauro decocta, tum frigida posca. Illa in omni vetusto capitis dolore communia sunt: sternutamenta excitare, inferiores partes vehementer perfricare, gargarizare his, quæ salivam movent, cucurbitulas temporibus & occipitio admoveere, sanguinem ex naribus detrahare, resina subinde tempora pervellere, & imposito sinapi exulcerare ea, quæ male habent, ante linteolo subjecto, ne

ne vehementer erodatur, candentibus ferramentis, ubi dolor est, ulcera excitare, cibum semper modicum cum aqua sumere: ubi levatus est dolor, in balneum ire, ibi
 5 multa aqua prius calida, deinde frigida 35, 5. caput perfundi. Si discussus ex toto dolor est, etiam ad vinum reverti; sed postea semper, antequam quicquam aliud, aquam bibere.

10 Diffimile est id genus, quod humorem in caput contrahit. In hoc tonderi ad cutem necessarium est: deinde imponere sinapi, sic ut exulceret: si id parum profuit, scalpello utendum est. Illa cum hydropicis 160.
 15 communia sunt, ut exerceatur, insudet, vehementer perfricetur, cibus potionibusque utatur urinam præcipue moventibus.

2.

20 *De morbo, qui circa faciem nascitur.*

CIRCA faciem vero morbus innascitur, quem Græci *κυνικὸν πρᾶγμα* nominant. Is cum acuta febre oritur. Os cum rictu quodam pervertitur, ideoque
 25 nihil aliud est, quam distortio oris. Accedit crebra coloris in facie totoque corpore mutatio: somnus in promptu est.

In hoc sanguinem mittere optimum est. Si finitum eo malum non est, ducere
 30 alvum. Si ne sic quidem discussum est, albo veratro vomitum movere. Præter hæc necessarium est vitare solem, lassitudinem, vinum. Sed si discussum his non est, utendum est cursu, & fricatione in eo, quod læsum

sum est, leni & multa: in reliquis partibus brevior, sed vehementi. Prodest etiam inovere sternutamenta, caput radere, idque perfundere aqua calida, vel marina, vel certe falsa, sic ut ei quoque sulphur adji-
ciatur: post perfusionem iterum perfricari, sinapi manducare; eodemque tempore affectis oris partibus ceratum, integris item sinapi, donec erodat, imponere. Cibus aptissimus ex media materia est.

3.

De Resolutione lingua.

AT si lingua resoluta est, quod interdum per se, interdum ex morbo aliquo fit, sic ut sermo hominis non explicetur; oportet gargarizare ex aqua, in qua vel thymum, vel hyssopum, vel nepeta decocta sit; aquam bibere; caput, & os, & ea, quæ sub mento sunt, & cervicem vehementer perfricare; lasere linguam ipsam linere; manducare, quæ sunt acerrima, id est sinapi, allium, cepam; magna vi luctari, ut verba exprimantur; exerceri retento spiritu, caput sæpe aqua frigida perfundere, nonnunquam multam esse radiculam, deinde vomere.

4.

De Distillatione ac gravedine.

DIstillat autem humor de capite interdum in nares, quod lene est; interdum in fauces, quod peius est; interdum etiam in pulmonem, quod pessimum

num est. Si in nares distillaverit, tenuis per has pituita profluit, caput leniter dolet, gravitas in eo sentitur, frequentia sternutamenta sunt. Si in fauces, has exasperat, 5 tussiculam movet. Si in pulmonem, præter sternutamenta & tussim, est etiam capitis gravitas, lassitudo, sitis, æstus, biliosa urina.

Aliud autem (quamvis non multum distans) malum, gravedo est. Hæc nares claudit, vocem obtundit, tussim siccam movet. Sub eadem vero falsa est saliva, sonant aures, venæ moventur in capite, turbida urina est. Hæc omnia *κορύζας* Hippocrates 5 nominat. Nunc video apud Græcos in gravedine hoc nomen fervari: distillationes, *κατασαυμνῆς* appellari. Hæc communia & brevია; sed si neglecta sunt, longa esse consuerunt. Nihil pestiferum est, nisi quod 0 pulmonem exulcerat.

Ubi aliquid ejusmodi sentimus, protinus abstinere à sole, à balneo, à venere debemus. Inter quæ unctione, & assueto cibo nihilominus uti licet. Ambulatione tantum non acri, sed recta utendum est, & post eam caput atque os supra quinquagies perfricandum. Raroque fit, ut si biduo, vel certe triduo nobis temperavimus, id vitium non levetur. Quo levato, si in distillatione crassa facta pituita est, vel in gravedine, nares magis pallent, balneo utendum est, multaque aqua prius calida, post egelida, fovendum os, caputque; deinde cum cibo pleniore vinum bibendum.

dum. At, si æque tenuis die quarto pituita est, vel nares æque clausæ videntur, assu-
mendum est vinum aminæum, austerum;
deinde rursus biduo aqua, post quæ ad
balneum, & ad consuetudinem reverten-
dum est.

Neque tamen ipsis diebus, quibus aliqua
omittenda sunt, expedit tamquam ægros
agere: sed cætera omnia quasi sanis facien-
da sunt, præterquam si diutius aliquem, &
vehementius ista sollicitare consuerunt.
huic enim quædam curiosior observatio
necessaria est. Igitur huic, si in nares vel
in fauces distillavit, præter ea, quæ supra
retuli, protinus primis diebus multum am-
bulandum est, perfricandæ vehementer in-
feriores partes, levior fricatio adhibenda.
thoracikerit, levior capiti, demenda assue-
to cibo pars dimidia, sumenda ova, amy-
lum, similiaque, quæ pituitam faciunt cras-
siorem, siti, quanta maxima sustineri potest,
pugnandum est. Ubi per hæc idoneus ali-
quis balneo factus, eoque usus est, adj-
ciendus est cibo pisciculus, aut caro; sic ta-
men, ne protinus justus modus cibi suma-
tur: vino meraco copiosius utendum est.

At, si in pulmonem quoque destillat,
multo magis & ambulatione & frictione
opus est, eademque adhibita ratione in
cibis. Si non satis illi proficiunt, acriori-
bus utendum est, magis somno indulgen-
dum est, abstinendumque à negotiis omni-
bus, aliquando, sed serius, balneum ten-
tandum.

In gravedine autem, primo die quiescere, neque esse, neque bibere, caput velare, fauces lana circumdare: postero die surgere, diu abstinere à potione, aut, si res coegerit, non ultra heminam aquæ assumere: tertio die panis non ita multum ex parte inferiore cum pisciculo, vel levi carne sumere, aquam bibere: si quis sibi temperare non potuerit, quo minus pleniore victu utatur, vomere: ubi in balneum ventum est, multa aqua calida caput & os fovere usque ad sudorem, tum ad vinum redire. Post quæ vix fieri potest, ut idem incommodum maneat. sed, si manserit utendum erit cibis frigidis, aridis, levibus, humore quam minimo, servatis frictionibus exercitationibusque, quæ in omni tali genere valetudinis necessariae sunt.

CAP. III.

De Cervicis morbis. ¹

A CAPITÆ transitus ad cervicem est, quæ gravibus admodum morbis obnoxia est. Neque tamen alius importunior ² acutiorque morbus est, quam is, qui quodam rigore nervorum, modo caput scapulis, modo mentum pectori adnectit, modo rectam & immobilem cervicem intendit. Primum Græci ³ ἐπιστόνον, sequentem *ἐυεστόνον*, ultimum *τέτανον* ⁴ appellant: quamvis minus subtiliter quidam indiscretis his nominibus utuntur. Ea sæpe intra quartum ⁵ diem tollunt: si hunc evaserunt, sine periculo sunt.

N

Eadem

¹ Galen. Introd. in Med. c. 13. ² Aretæus de Morb. Acut. 1, 6. ³ Cæl. Aurelian. Morb. Acut. III, 6. ⁴ Suid. in ead. voce. ⁵ Aphor. v, 6.

Eadem omnia ratione curantur; idque
 78, 34. convenit. Asclepiades utique¹ mittendum
 sanguinem credidit. Id quidam utique vi-
 tandum esse dixerunt, eo quod maxime
 tum corpus calore egeret; isque esset in
 sanguine venarum. Hoc quidem falsum est.
 neque enim natura sanguinis est, ut utique
 calet; sed ex his, quæ in homine sunt, is
 celerrime vel calefcit, vel refrigescit. Mit-
 ti vero nec ne debeat, ex his intelligi po-
 78, 79. test, quæ de sanguinis missione præcepta
 sunt. Utique autem recte datur² casto-
 reum, & cum hoc piper, vellafer. Dein-
 de opus est fomento humido & calido. Ita-
 que plerique aqua calida multa³ cervices sub-
 inde perfundunt. id in præsentia allevat; sed
 opportuniores nervos frigori reddit. quod
 utique vitandum est.

Utilius igitur est, cerato liquido pri-
 mum cervicem perungere; deinde admo-
 vere vesicas bubulas vel utriculos; oleo
 calido repletos, vel ex farina calidum ca-
 taplasma, vel piper cum ficu contusum.
 Utilissimum tamen est, humido sale⁴ fove-
 95, 16. re. quod quomodo fieri debeat, jam osten-
 di. Ubi eorum aliquid factum est, admove-
 re ad ignem, vel si æstas est, in sole ægrum opor-
 tet; maximeque oleo vetere; si id non est,
⁵ Syriaco; si ne id quidem est, adipe⁶ quam
 vetustissima, cervicem, & scapulas, & spinam
 perfricare.

Fricatio cum omnibus vertebrais homi-
 num utilis sit, tum iis præcipue, quæ in
 col-

¹ Cæl. Aurelian. Acut. Morb. III, 8. ² Marcell. de
 Medic. c. XVIII. p. 320. ³ Cæl. Aurel. Acut. Morb.
 III, 8. ⁴ Marcell. de Med. c. XVIII. p. 320. ⁵ Plin.
 N. H. XV, 7. ⁶ Marcell. de Med. c. XVIII. p. 320.

collo sunt. Ergo die nocteque, interpositis tamen quibusdam temporibus, hoc remedio utendum est: dum intermittitur, imponendum: malagma aliquod ex calefacientibus. Cavendum vero & præcipue frigus. ideoque in eo conclavi, quo curatur æger, ignis continuus esse debet, maximeque tempore antelucano, quo præcipue frigus intenditur. Neque inutile erit, caput attonsum habere, idque irino vel cyprino calido madefacere, & superimposito pileo velare: nonnunquam etiam in calidum oleum totum descendere, vel in aquam calidam, in qua fœnum græcum decoctum fit, & adjecta olei pars tertia. Alvus² quoque ducta sæpe superiores partes resolvit.

Si vero etiam vehementius dolor crevit, admovendæ cervicibus cucurbitulæ sunt, sic ut cutis incidatur. Eadem aut ferramentis aut sinapi adurenda. Ubi levatus est dolor, moverique cervix cœpit; scire licet, cedere remediis morbum. Sed diu vitandus cibus, ³ quisquis mandendus est. Sorbitionibus utendum, itemque ovis forbilibus, aut † è pullis mollibusve jus aliquod assumendum. Id si bene processerit, jamque ex toto recte se habere cervices videbuntur, incipiendum erit à pulticula, vel intrita bene madida. Celerius tamen etiam panis mandendus, quam vinum gustandum; siquidem hujus usus præcipue periculofus; ideoque in longius tempus differendus est.

N 2

CAP.

1 Marcellus de Med. c. XVIII. p. 320. 2 Aph. VII, 5. 3 Cælius Aurelian. Morb. Acut. III, 8.

CAP. IV.

¹ *De Faucium morbis: & primum de Angina.*

UThoc autem morbi genus circa totam
cervicem; sic alterum, æque pesti-
ferum acutumque, in faucibus esse
consuevit. Nostri anginam vocant: apud
Græcos nomen, prout species est. Inter-
dum enim neque rubor, neque tumor ul-
lus apparet; sed corpus aridum est, vix
spiritus trahitur, membra solvuntur. id
² συνάγχη vocant. Interdum lingua fauces-
que cum rubore intumescunt, vox nihil
significat, oculi vertuntur, facies pallet,
singultusque est. ὡς συνάγχη vocatur. Illis
communia sunt; æger non cibum devorare,
non potionem potest, spiritus ejus inter-
cluditur. Levius est, ubi ³ tumor tantum-
modo & rubor est, cætera non sequuntur.
id ὀξυσυνάγχη appellant.

Quicquid est, si vires patiuntur, ⁴ sanguis
mittendus est, etsi non abundat: secundum
79, 1, 22. est, ducere alvum. Cucurbitula quoque
recte sub mento, & circa fauces admo-
vetur; ut id, quod strangulat, evocet. Opus
est deinde fomentis humidis. nam sicca
spiritum elidunt. Ergo admoveere spon-
gias oportet: quæ melius in calidum o-
leum, quam in calidam aquam subinde di-
mittuntur. Efficacissimumque est hic quo-
95, 25. que, salem calidis cum saccellis superpone-
re. Tum commodum est, hyssopum, vel
nepetam, vel thymum, vel apsinthium, vel
etiam furfures, aut ficus aridas, cum mul-
sa

¹ Aretæus de Morb. Acut. I, 7. ² Cæl. Aurelian. Morb. Acut. III, c. 1, 2, 3, 4; Æginet. III, 27. D. Hieronym. in Job. cap. VII. ³ Aphorism. VI, 37. ⁴ Marcell. de Med. c. XV. p. 303.

sa decoquere, eaque gargarizare: post hæc palatum ungere vel felle taurino, vel eo medicamento, quod ex moris est. Polline etiam piperis recte respergitur.

5 Si per hæc parum proficitur, ultimum est, incidere satis altis plagis sub ipsis maxillis supra collum, & in palato circa uvam, vel eas venas, quæ sub ¹ lingua sunt; ut per ea vulnera morbus erumpat. Quibus si non fuerit æger adjutus, scire licet, à malo victum esse. Si vero his morbus levatus est, jamque fauces cibum & potum capiunt, facilis ad bonam valetudinem recursus est. Atque interdum natura ² quoque adjuvat, si
5 ex angustiore sede vitium transit in latiorrem. Itaque rubore & tumore in præcordiis orto, scire licet fauces liberari.

Quicquid autem eas levarit, incipiendum est ab humidis, maximeque aqua mulsa: deinde assumendi molles & non acres cibi sunt, donec fauces ad pristinum habitum revertantur. Vulgo audio ³, si quis ⁴ pullum hirundinum ederit, angina toto anno non periclitari. Servatumque eum
5 ex ⁵ sale, cum is morbus urget, comburi, carbonemque ejus contritum in aquam mulsam, quæ potui detur, infriari, & prodesse. Id cum idoneos authores ex populo habeat, neque habere quicquam periculi possit, quamvis in monumentis medicorum non legerim, tamen inferendum huic operi meo credidi.

¹ Marcell. de Med. c. XV, p. 305. ² Aph. VI. 37.
³ Plin. Histor. N. X. c. 33. ⁴ Plin. H. N. XXX, 4.
⁵ Plinius H. N. XXX, 4.

2. *De Difficultate spirandi.*

EST etiam circa fauces malum, quod apud Græcos aliud aliudque nomen habet, prout se intendit. Omne in difficultate spirandi consistit: sed hæc dum modica est, neque ex toto strangulat, ¹ δύσπνοια appellatur: cum vehementior est, ut spirare æger sine sono & anhelatione non possit, ² ἀσθμα: cum accessit id quoque, ne nisi recta cervice ³ spiritus trahatur, ὀρθόπνοια. Ex quibus id, quod primum est, potest diu aliquem trahere: duo insequentia acuta esse consuerunt. His communia sunt; † quod propter angustias, per quas spiritus evadit, ⁴ sibilum elidit; dolor in pectore præcordiisque est, interdum etiam in scapulis, isque modo decedit, modo revertitur; ad hæc tussicula accedit.

Auxilium vero est, nisi aliquid prohibet, in sanguinis detractio. Neque id 79, I. satis est, sed lac caprinum calidum jejuno dandum; & si non febrit, venter solvendus est. Liquanda alvus, interdum etiam ducenda, quibus extenuatum corpus incipit spiritum trahere commodius. Caput autem etiam in lecto sublimè habendum est: thorax fomentis, cataplasmatisque calidis, aut ficcis, aut etiam humidis adjuvandus est; & postea malagma superimponendum, vel ceratum ex cyprino, vel irino unguento. Sumenda deinde jejuno in potum mulsa, vel aqua, cum qua vel hyssopus cocta, vel

CON-

¹ Cæl. Aurelian. Tard. Passio. III, 1. Æginet. III, 29. ² Hieronym. in Job cap. IX. ³ *Sublimis spiritus* dicitur Horatio. Vide Not. Dan. Heins. ad Horat. l. 15. vs. 31. ⁴ Trallian. I, 2.

contrita capparadix fit. Deligitur etiam
 utiliter, aut nitrum, aut ¹ nasturtium, allium-
 ve frictum; deinde contritum & cum melle
 mixtum: simulque coquantur mel, galba-
 5 num, resina, terebinthina: ubi autem coie- 275,33.
 runt, ex his, quod fabæ magnitudinem ha-
 bet, quotidie sub lingua liquatur: aut sul-
 phuris ignem non experti p*. & quadrans,
 abrotani p*, in vini cyatho teruntur, idque
 10 tepesfactum sorbetur. Est etiam non vana
 opinio, vulpinum jecur ², ubi ficcum & ari-
 dum factum est, contundi oportere, polli-
 nemque ex eo potioni aspergi; vel ejusdem
 pulmonem quam recentissimum assum, sed
 15 sine ferro coctum, edendum esse. Præter hæc,
 sorbitionibus & lenibus cibis utendum est: in-
 terdum vino tenui austero: nonnunquam vo-
 mitu. Prosunt etiam, quæcumque urinam
 movent: sed nihil magis, quam ambulatio
 20 lenta pene usque ad lassitudinem; fricatio
 multa, præcipue inferiorum partium, vel
 in sole, vel ad ignem, & per seipsum, &
 per alios, usque ad sudorem.

25 3. De Faucium exulceratione.

In interiore vero faucium parte inter-
 dum exulceratio esse consuevit. In hac
 plerique extrinsecus cataplasmatibus calidis,
 fomentisque humidis utuntur. Volunt
 30 etiam vaporem calidum ore recipi. per
 quem molliores alii partes eas fieri dicunt,
 opportunioreque vitio jam hærenti. Sed, si
 bene sic vitari morbus potest, tuta illa
 præsidia: si metus ejus est, supervacua sunt.

N 4

Uti-

¹ Cæl. Aurelian. Tard. Pass. III, 1. ² Scribon.
 Larg. c. 19. Comp. 76. Plin. H. N. XXVIII, 13.

Utique autem perfricare fauces periculosum est. exulcerat enim. Neque utilia sunt, quæ urinæ movendæ sunt apta: quia possunt, dum transeunt, ibi quoque pituitam extenuare; quam supprimi melius est,

Asclepiades multarum rerum, quas ipsi quoque secuti sumus, author bonus, acetum ait quam acerrimum esse forbendum. hoc enim sine ulla noxa comprimi ulcera. Sed id supprimere sanguinem potest, ulcera ipsa sanare non potest. Melius huic rei licium est; quod idem quoque æque probat: vel porri, vel marrubii succus, vel nuces Græcæ¹ cum tragacantho contritæ & cum passo mixtæ, vel lini semen contritum & cum dulci vino mixtum. Exercitatio quoque ambulandi currendique necessaria est. Fricatio à pectore vehemens toti inferiori parti adhibenda.

Cibi vero esse debent, neque nimium acres, neque asperi; mel, lenticula, tragus, lac, ptisana, pinguis caro, præcipueque porrum, & quicquid cum hoc mixtum est. Potionis quam minimum esse convenit. Aqua dari potest, vel pura, vel in qua malum cotto-²neum, palmulæve decoctæ sunt. Gargarizationes quoque lenes: sin hæ parum proficiunt, reprimentes utiles sunt.

Hoc genus neque acutum est, & potest esse non longum: curationem tamen maturam, ne vehementer & diu lædat, desiderat.

4. De Tussi.

Tussis vero fere propter faucium exulcer-

¹ *Amygdala*. Vide Rhodii Lexicon Scribonianum. Macrobius Saturn. II, 14.

cerationem molesta est: quæ multis, modis contrahitur. Itaque, illis restitutis, ipsa finitur. Solet tamen interdum per se quoque male habere: & vix, cum vetus facta est, eliditur. ac modo arida est, modo † pituitam facit vel citat.

Oportet autem hyssopum altero quoque die bibere: spiritu retento currere, sed minime in pulvere: ac lectione uti vehementi; quæ primo impeditur à tussi, post eam vincit: tum ambulare: deinde per manus quoque exerceri, & pectus diu perfricare: Post hæc quam pinguissimæ ficus uncias tres, super prunam incoctas, esse.

Præter hæc, si humida est, prosunt fricationes validæ, cum quibusdam calefacientibus, sic, ut caput quoque simul vehementer perfricetur: item cucurbitulæ pectori admotæ, sinapi ex parte exteriori faucibus impositum, donec leviter exulceret; potio ex menta, nucibusque Græcis & amylo; primoque assumptus panis aridus, deinde aliquis cibus lenis.

At, si ficca tussis est, cum ea vehementissime urget, adjuvat vini austeri cyathus assumptus; dum ne amplius id, interposito tempore aliquo, quam ter aut quater fiat: item laseris quam optimi paululum devorare opus est; porri vel marrubii succum assumere; scillam delingere; acetum ex ea, vel certe acre sorbere, aut cum spica allii contriti duos vini cyathos.

Utilis etiam in omni tussi est peregrinatio, navigatio longa, loca maritima, nationes.

N 5

tiones. Cibus interdum mollis, ut malva, ut urtica: interdum acer, ut lac cum allio coctum. Sorbitiones, quibus laser sit adjectum, aut in quibus porrum incoctum tabuerit. Ovum quoque forbile, sulphureo adjecto; sorbeatur. In potum vero primum aqua calida, deinde invicem aliis diebus hæc, † aliis vero vinum.

5. *De Sanguinis sputo.*

Magis terreri potest aliquis, cum sanguinem expuit. sed id modo minus, modico plus periculi habet. Exit enim modo † ex gingivis, modo ex ore. & quidem ex hoc interdum etiam copiose, sed sine tussi, sine ulcere, sine gingivarum ullo vitio; ita ut nihil excreetur. Verum ut ex naribus, sic ex ore aliquando prorumpit. Atque interdum sanguis profluit, interdum simile aquæ quiddam, in qua caro recens lota est. Nonnunquam autem is à summis faucibus fertur, modo exulcerata ea parte, modo non exulcerata; sed aut ore venæ alicujus adaperto, aut tuberculis quibusdam natis, ex hisque sanguine erumpente. Quod ubi incidit, neque lædit potio aut cibus, neque quicquam, ut ex ulcere, excreatur. Aliquando vero, gutture & arteriis exulceratis, frequens tussis sanguinem quoque extundit. Interdum etiam fieri solet, ut aut ex pulmone, aut ex pectore, aut ex latere, aut jocinore feratur. Sæpe fœminæ, quibus sanguis per menstrua non respondet, hunc expuunt. Authoresque medici ferunt, vel ex ea parte aliqua sanguinem exire;

69,29.

† Aretæus de Morb. Acutis II, 2. Cæl. Aurelian. Morb. Chronic. Lib. II. c. 9.

exire, ¹ vel rupta, vel ore alicujus venæ patefacto. Primam *Ἀγέρωσι*, secundam *ῥηγμοχασμόν*, tertiam *ἀνατόμωσι* appellant. Ultima minime nocet; prima gravissime. Ac sæpe quidem evenit, uti sanguinem ² pus sequatur.

Interdum autem, qui sanguinem ipsum suppressit, satis ad valetudinem profuit. Sed si secuta ulcera sunt, si pus, si tussis est, prout sedes ipsa est, ita varia & periculosa genera morborum fiunt. Si vero sanguis tantum fluit, expeditius & remedium & finis est. Neque ignorari oportet, eis, quibus fluere, sanguis solet, aut quibus spina dolet, coxæve, aut post cursum vehementem vel ambulationem, dum febris absit, non esse inutile sanguinis mediocri profluvium: idque per urinam redditum ipsam quoque lassitudinem solvere. Ac ne in eo quidem terribile esse, qui ex superiore loco decidit: si tamen in ejus urina nihil aliud ^{79, 30,} novabit. Neque vomitum hujus afferre periculum, etiam cum repetit, si ante confirmare & implere corpus licuit: & ex toto nullum nocere, qui in corpore robusto, neque nimius est, neque tussim aut calorem movet. Hæc pertinent ad universum. nunc ad ea loca, quæ proposui, veniam.

Si ex gingivis exit, portulacam manducasse satis est. Si ex ore, continuasse eo merum vinum: si id parum proficit, acetum. Si inter hæc quoque graviter erumpit, quia consumere hominem potest, commodi-

diffi-

¹ Cæl. Aurelian. Tard. Pass. II, 9, 10. Aretæus Morb. Acutor. Curat. II, 2. Trallian. VII, 1. ² Aph. VII, 78. ³ Aph. VII, 37. ⁴ *Notabit*.

diffinuum est, impetum ejus, admota, occipitio cucurbitula, sic ut cutis quoque incidatur, avertere. Si id mulieri, cui menstrua non feruntur, evenit, eandem cucurbitulam, incisus inguinibus ejus, admove.

At, si ex faucibus interioribusve partibus processit, & metus major est, & cura
 79, 2. major adhibenda. Sanguis mittendus est:
 &, si nihilominus ex ore processit, iterum
 tertioque, & quotidie paulum aliquid: pro-
 tinus autem debet sorbere vel acetum, vel
 290, 21. etiam cum thure plantaginis aut porri suc-
 293, 21. cum, imponendaque extrinsecus supra id,
 quod dolet, lana succida ex aceto est, &
 id sponsia subinde refrigerandum. Erasistratus horum crura quoque & femora brachia-
 que pluribus locis deligabat. Id Asclepiades adeo non prodesse, ut etiam inimicum
 esset, proposuit. Sed id sæpe commode
 respondere experimenta testantur.

Neque tamen pluribus locis deligari necesse est, sed sat est infra inguina, & super talos, summosque humeros, etiam brachia. Tum, si febris urget, danda est sorbitio; 2
 & potui aqua, in qua aliquid ex his, quæ alvum adstringunt, decoctum sit. At, si abest febris, vel elota alica, vel panis ex aqua frigida, & molle quoque ovum dari potest potui, vel idem, quod supra scriptum est, 3
 vel vinum dulce, vel aqua frigida sed sic bibendum erit, ut sciamus, huic morbo sitim prodesse.

Præter hæc necessaria sunt quies, securitas,

ritas, silentium. Caput hujus quoque cubantis sublime esse debet; recteque tondetur. Facies sæpe aqua frigida fovenda est. At inimica sunt vinum, balneum, venus, 172, 2.
 5 in cibo oleum, acriora ¹ omnia, item calida fomenta, conclave calidum. & inclusum, multa vestimenta corpori injecta, etiam fricationes, nisi ubi bene sanguis conquievit. Tum vero incipiendum est à brachiis, cruribusque; à thorace abstinendum. In hoc casu perhiemem, locis maritimis; per æstatem, mediterraneis opus est.

C A P. V.

De Stomachi morbis.

5 **F**AUCIBUS subest stomachus; in quo plura ² longa vitia incidere consueverunt. Nam modo ingens calor, modo inflatio hunc, modo inflammatio, modo exulceratio afficit. Interdum pituita, interdum bilis adoritur. Frequentissimumque est ejus malum, quo resolvitur: neque ulla re magis aut afficitur, aut corpus afficit.

Ut diversa autem vitia ejus, sic etiam remedia sunt. Ubi exæstuat, aceto cum rosa extrinsecus subinde fovendus est; imponendusque pulvis cum oleo; & ea cataplasmata, quæ simul & reprimunt, & molliunt, Potui, nisi quid obstat, gelida aqua præstanda.

Si inflatio est, profunt admotæ ³ cucurbitulæ; neque incidere cutem necesse est: profunt sicca & calida fomenta, sed non vehementissima. Interponenda abstinencia est.

¹ Cæl. Aurelian. Acut. Morb. II, 24 ² Cæl. Aurelian. Tard. Pass. III, 2 Trallian. VII, 3. ³ Sub scapulis, uti duobus exemplis confirmat Aloisius Mundella Epist. 7. pag. 125. & seqq.

est. Utilis in jejuno potio est apsinthii, aut hyssopi, aut rutæ. Exercitatio primo levis, deinde major adhibenda est; maximeque, quæ superiores partes moveat. quod genus in omnibus stomachi vitiis aptissimum est. Post exercitationem opus est unctione, frictione; balneo quoque nonnunquam, sed rarius; interdum alvi ductione. Cibis deinde calidis, neque inflantibus: eodemque modo calidis potionibus, primo aquæ; post, ubi resedit inflatio, vini austeri. Illud quoque in omnibus stomachi vitiis præcipiendum est, ut, quo modo se quisque æger refecerit, eodem sanus utatur. nam redit huic imbecillitas sua, nisi iisdem defenditur bona valetudo, quibus reddita est.

At si inflammatio aliqua est, quam fere tumor & dolor sequitur, prima sunt quies, & abstinencia; lana sulphurata circumdata; in jejuno apsinthium. Si ardor stomachum urget, aceto cum rosa subinde fovendus est: deinde cibus quidem utendum est modicis; imponenda vero extrinsecus quæ simul & reprimunt & molliunt: deinde, his detractis, utendum calidis ex farina cataplasmatibus, quæ reliquias digerant: interdum alvus ducenda: adhibenda exercitatio, & cibus plenior.

At, si exulceratio stomachum infestat, eadem fere facienda sunt, quæ in faucibus exulceratis præcepta sunt. Exercitatio, 199. fricatio inferiorum partium adhibenda. Adhibendi lenes & glutinosi cibi, sed citra satietatem. Omnia acria atque acida removenda.

venda. Vino, si febris non est, dulci, aut, si id inflat, certeleni utendum: sed neque perfrigido, neque nimis calido.

Si vero pituita stomachus impletur, necessarius modo in jejuno, modo post cibum vomitus est. Utilis exercitatio, gestatio, navigatio, fricatio. Nihil edendum, bibendumque, nisi calidum; vitatis tantum his, quæ pituitam contrahere consuerunt.

Molestius est, si stomachus bile vitiosus est. Solent autem hi, qui sic tentantur, interpositis quibusdam diebus, hanc, & quidem, quod pessimum est, atram vomere. His recte alvus ducitur: potiones ex apsinthio dantur: necessaria gestatio, navigatio, &, si fieri potest, ex nausea vomitus: vitanda cruditas: sumendi cibi faciles & stomacho non alieni, vinum austerum.

Vulgatissimum vero pessimumque stomachi vitium est resolutio, id est, cum cibus non, tenax est, soletque desinere ali corpus, ac sic tabe consumi. Huic generi inutilissimum balneum est. Lectiones, exercitationesque superioris partis necessariae, item unctiones, fricationesque: hinc perfundi frigida, atque in eadem natare, canalibus ejusdem subicere etiam stomachum ipsum, & magis etiam à scapulis id quod contra stomachum est: consistere in frigidis, medicatisque fontibus, quales †² Cutiliarum † Sumbruinarumque sunt, salutare est. Cibi quoque assumendi sunt frigidi, qui potius difficulter coquuntur, quam facile vitiantur. Ergo plerique, qui nihil aliud

† Aretæus de Morb. Diuturn. II, 7. 2 Plin. II, 95. & XXXI, 2. Vitruvius VIII, 3. Cælius Aurelianus. Tard. Pass. V, 2. p. 518.

aliud concoquere possunt, bubulam co-
quunt. Ex quo colligi potest, neque
avem, neque venationem, neque piscem
dari debere, nisi generis durioris. Potum
quidem aptissimum est vinum frigidum,
vel certe bene calidum meracum, potissi-
mum ¹ Rheticum, vel Allobrogicum, aliud-
ve, quod & austerum & resina conditum
est: si id non est, quam asperrium, ma-
ximeque ² Signinum.

Si cibus non continetur, danda aqua, &
eliciendus plenior vomitus est; iterumque
dandus cibus, & tum admovendæ duobus
infra stomachum digitis cucurbitulæ, ibi-
que duabus aut tribus horis continendæ
sunt. Si simul & vomitus, & dolor est, im-
ponenda supra stomachum est lana succi-
da, vel spongia ³ ex aceto, vel cataplasma,
quod refrigeret. Perfricanda vero non diu,
sed vehementer brachia, & crura, & cale-
facienda.

Si plus doloris est, infra præcordia qua-
tuor digitis cucurbitula utendum est: pro-
tinus dandus panis ex posca frigida. Si non
continuit, post vomitum leve aliquid ex
his, quæ non aliena stomacho sint. Si ne-
id quidem tenuit, singuli cyathi vini, sin-
gulis interpositis horis, donec stomachus
consistat. Valens etiam medicamentum
est, radiculæ succus: valentius, acidi puni-
ci mali, cum pari modo succi, qui ex dul-
ci punico malo est, adjecto etiam intubi
succo, & mentæ, sed hujus minima parte;
quibus tantundem, quantum ex his omni-

buss

¹ Serv. ad Virgil. II. Georg. 96. Sueton. in August.
c. 77. Plin. XIV, 6. ² Plin. XIV, 6. ³ Trallian. VII, 7.

bus est, aquæ frigidæ quam optime miscetur. Id enim plus quam vinum ad comprimendum stomachum potest. Supprimendus autem vomitus est, qui per se venit, et si nausea est.

Sed si coacuit intus cibus, aut computruit, quorum utrumlibet ructus ostendit, ejiciendus est; protinusque, cibus assumptis iisdem, quos proxime posui, stomachus restituentus. Ubi sublatus est præsens metus, ad ea redeundum est, quæ supra præcepta sunt.

C A P. VI.

De Laterum doloribus.

STOMACHUS lateribus cingitur; atque in his quoque vehementes dolores esse consuerunt. Eorum initium vel ex frigore, vel ex ictu, vel ex nimio cursu, vel ex morbo est. Sed interdum id malum intra dolorem est: isque modo tarde, modo celeriter solvitur. interdum ad perniciem quoque procedit; oriturque acutus morbus, qui *πλευρητικός* à Græcis nominatur. Huic dolori lateris, febris² & tussis accedit: & per hanc excreatur, si tolerabilis morbus est, pituita; si gravis, sanguis. Interdum etiam sicca tussis est, quæ nihil emolitur, idque vitio primo gravius, secundo tolerabilius est.

Remedium vero est magni & recentis doloris, sanguis³ missus. At, si levior, si vetustior casus est, vel supervacuum, vel ferum id auxilium est; confugiendumque

O

ad

¹ Aret. de Morb. Acut. I, 10. Trall. VI, 1. ² Cæl. Aur. Acut. Morb. II, 13. ³ Cæl. Aurel. Acut. Morb. II, 18.

ad cucurbitulas est, antefumma cute incisa. Recte etiam sinapi ex aceto super pectus imponitur, donec ulcera pustulasque excitet; & tum medicamentum, quod humorem illuc citet. Præter hæc, circumdare

483,3. primum oportet latus hapso lanæ sulphuratae: deinde, cum paululum inflammatio se remisit, ficcis & calidis fomentis uti. Ab his transitus ad malagmata est.

350. 252. Si vetustior dolor remanet, novissime resina imposita discutitur. Utendum cibis potionibusque calidis: vitandum frigus. Inter hæc tamen non alienum est extremas partes oleo & sulphure perfricare. Si levata tussis est, leni lectione uti: jamque & acres cibos, & vinum meracius assumere. Quæ ita à medicis præcipiuntur. Attamen 324,18. sine his rusticos nostros epota ex aqua trixago satis adjuvare dicitur.

Hæc in omni lateris dolore communia sunt: plus negotii est, si acutus quoque morbus is factus est. In hoc, præter ea, quæ supra posita sunt, hæc animadvertenda sunt: ut cibis sit quam maxime tenuis & lenis, præcipueque sorbitio, eaque ex ptisanâ potissimum, aut jus in quo porrus cum pullo gallinaceo coctus sit: idque non nisi tertio die detur: si tamen pervires licebit potui vero aqua mulsa, in quo hyssopum, aut ruta decocta sit. Quæ quibus temporibus danda sint, ex ratione vel adæctæ, vel levatæ febris apparebit, sic, ut in remissione quam maxima dentur: cum eo tamen, ut sciamus, non esse ejus generis tussi arida

fau

fauces committendas. sæpe enim, ubi nihil est, quod excreetur, continuatur, & strangulat. Ob quam causam dixi etiam pejus id genus esse tussis, quod nihil, quam quod ^{209, 3.} pituitam moveret. Sed hic vinum sorbere, ut supra præcepimus, morbus ipse non patitur: in vicem ejus, cremor ptisanæ sumendus est.

Ut his autem in ipso morbi fervore sustinendus æger est, sic, ubi paulum is se remisit, alimenta pleniora, & vini quoque aliquid dari potest; dum nihil detur, quod aut refrigeret corpus, aut fauces asperet. Si in refectione vero manserit tussis, intermittere oportebit uno die; posteroque, cum cibo vini paulo plus assumere. At, invalescente quoque tussi, tum non erit alienum, ut supra quoque positum est, vini cyathos sorbere. sed in hoc genere valetudinis, dulce, vel certe lene commodius est. Si malum inveteravit, athletico victu corpus firmandum est.

CAP. VII.

De Viscerum morbis: & primo, de Pulmone.

ACOMPAGINE corporis ad viscera transeundum est; & inprimis ad pulmonem veniendum. Ex quo vehemens & acutus morbus oritur, quem *ἄσθμα* Græci vocant. Ejus hæc conditio est. Pulmo totus afficitur. hunc casum ejus subsequitur tussis, bilem vel pus trahens; præcordiorum totiusque pectoris gravitas, spiritus difficultas, magnæ febres,

O 2

con-

¹ Cælius Aurelianus. Acut. Morb. II, 26, 27. Aretæus de Morb. Diut. I, 12.

continua vigilia, cibi fastidium, tabes.
¹ Id genus morbi plus periculi quam doloris habet.

Oportet, si satis validæ vires sunt, sanguinem ² mittere: sin minores, cucurbitulas sine ferro præcordiis admove. Quod si satis valet, gestando ægrum, digerere: si parum, intra domum tantum dimovere. In potionem autem hyssopum dare, cum quo ficus arida sit incocta; aut aquam mulsam, in qua vel hyssopum vel ruta decocta sit. Fricatione uti diutissime in scapulis, proxime ab his in brachiis, & pedibus, & cruribus, leniter contra pulmonem; idque bis quotidie facere.

Quod ad cibum vero pertinet, huic nec falsis opus est, neque acribus, neque amaris, neque alvum adstringentibus, sed paulo lenioribus. Ergo primis diebus danda est forbitio ptisanæ, vel alicæ, vel oryzæ, cum qua recens adeps cocta sit. Cum hac forbibile ovum, nuclei pinei: ex melle, panis, vel elota alica ex aqua mulsa. Potui danda deinde non solum pura aqua, sed etiam mulsa egelida; aut, si æstas est, etiam frigida; nisi quid obstat. Hæc autem altero quoque die, incrementum morbo dare satis est.

Ubi incrementum constitit, quantum res patitur, ab omnibus abstinendum est, præterquam aqua egelida. Si vires desunt, adjuvandæ sunt aqua mulsa. Profuntque adversus dolores imposita calida fomenta, vel ea, quæ simul & reprimunt & emolliunt. Prodest etiam impositus super pectus sal
bene

¹ Aph. VII, 11. ² Cæl. Aurelian. Acut. Morb. II, 29.

bene contritus; cum carato mistus; quia
 leviter cutem erodit, eoque impetum ma-
 teriæ, qua pulmo vexatur, evocat. Utile
 etiam aliquod malagma est ex his, quæ ma-
 5 teriam trahunt. Neque alienum est, dum
 premit morbus, clausis fenestris ægrum
 continere: ubi paulum levatus est, ter aut
 quater die, fenestris aliquantum apertis,
 1 purum aerem recipere! Deinde in resectio-
 10 ne pluribus diebus à vino abstinere; ge-
 statione, fricatione uti; sorbitionibus, &
 prioribus cibis adjicere, ex oleribus por-
 rum; ex carne, ungulas, & summa † truncu-
 15 lorum, atque pisciculos, sic, ut diu nihil
 nisi molle & lene sumatur.

CAP. VIII.

De Hepaticis.

20 **A**LTERIUS quoque visceris morbus;
 id est jecinoris, æque modo longus,
 modo acutus esse consuevit. ἡπατιδὸν Græ-
 ci vocant. Dextra parte sub præcordiis
 vehemens dolor est: idemque ad latus dex-
 trum, & ad jugulum, 2 humerumque
 25 partis ejusdem pervenit: nonnunquam ma-
 nus quoque dextra torpet; horror validus
 est. Ubi male est, bilis evomitur: inter-
 dum singultus prope strangulat. Et hæc
 quidem acuti morbi signa sunt. Longioris
 30 vero, ubi suppuratio in jecinore est; dolor-
 que modo finitur, modo intenditur; dextra
 parte præcordia dura sunt, & tument; post
 cibum major spiritus difficultas est: accedit
 maxillarum quædam resolutio. Ubi invete-

O 3

ravit

1 Parvum vult Rhodius in Lexico Scribon. V.
 exiguum vinum. 2 Aretæus de Diuturn. Morb. I, 13,
 Cælius Aurelianus. Tard. Pass. III, 4.

ravit malum, venter & crura pedesque intumescunt; pectus atque humeri, circaque jugulum utrumque extenuatur.

In initio sanguinem mittere optimum est: tum venter solvendus est; si non potest aliter, per nigrum veratrum. Imponenda extrinsecus cataplasmata; primum quæ reprimant; deinde calida, quæ diducant; quibus recte iris vel apsinthium adjicitur: post
251,5. hæc, malagma. Dandæ vero sorbitiones sunt, omnesque cibi & calidi, & qui non multum alunt, & fere qui pulmonis quoque dolori conveniunt; præterque eos, qui urinam movent, potionesque ad id efficaces. Utilia in hoc morbo sunt thymum, fatureia, hyssopum, nepeta, amaracum, sesamum, lauri baccæ, pini flos, herba sanguinalis, mentha, ex malo cotoneo medium, columbæ jecur recens & crudum. Ex quibus quædam per se esse, quædam adjicere vel sorbitioni vel potioni licet: sic tamen, ut parce assumantur. Neque alienum est, apsinthium contritum ex melle & pipere, ejusque catapotium quotidie devorare. Abstinentum utique est ab omnibus frigidis. neque enim res ulla magis jecur lædit. Frictionibus utendum in extremis partibus. Vitandus omnis labor, omnis vehementior motus: ne spiritus quidem diutius continendus est, Ira, trepidatio, pondus, ja-ctus, cursus, in hoc inimica sunt. Perfusio corporis multa prodest ex aqua si hiems est, calida; si æstas, tepida: itemque liberalis unctio, & in balneo sudor.

Si

Si vero jecur vomica¹ laborat, eadem facienda sunt, quæ in cæteris interioribus suppurationibus. Quidam etiam ultra id scalpello² aperiunt, & ipsam vomicam ad-
5 urunt.

C A P. IX.

*De Lienosis.*³

AT lienis ubi affectus est, intumescit, simulque cum eo pars sinistra; quæ
10 & dura est, & prementi renititur; † ven-
terque intentus est: aliquis etiam cru-
ribus tumor est. Ulcera aut omnino non
fanescent, aut certe cicatricem vix reci-
piunt. In intenta ambulatione, vel cursu,
15 dolor, & quædam difficultas est.

Hoc vitium quies auget. itaque † exerci-
tatione & labore opus est: habita tamen ra-
tione, ne febrem ista, si nimium processerit,
excitent. Unciones⁴ frictionesque, &
20 sudores necessarii sunt. Dulcia omnia ini-
mica sunt: item lac & caseus. Acida au-
tem maxime conveniunt. Ergo acetum
acre per se sorbere, & magis etiam, quod
scilla conditum est, expedit. Edenda sunt
25 salsamenta, vel oleæ ex muria duræ; la-
ctucæ intinctæ in aceto; intubi⁵ quoque &
betæ ex eodem; & sinapi, armoraciæ, & pa-
stinacæ: de carnibus vero ungulæ, rostra,
aves macræ, ejusdemque generis venatio.
30 Potui vero jejuno dari debet apsinthium
aquæ incoctum: at post cibum aqua⁶ à fer-
rario fabro, in qua candens ferrum subin-
de extinctum sit. hæc enim vel præcipue

O 4 lienem

¹ Aret. de Morb. Diut. Curat. I, 13. ² Aph. VII, 45.
³ Cæl. Aurel. Tard. Pass. III, 4. Aret. de Morb. Diut.
I, 14. Marcell. de Medic. cap. XXIII, p. 345. ⁴ Nicol.
Myreps. de Ung. Sect. III, c. 64. 65. 66. 86. 87. ⁵ Nonn.
de Re Cib. I. 12. ⁶ Scribon. Larg. c. 32. c. 132.

lienem coerces. quod animadversum est in his animalibus, quæ apud hos fabros educata exiguos lienes habent. Potest etiam dari vinum tenue, austerum; omniaque in cibis & potionibus, quæ urinæ movendæ sunt: præcipueque ad id valet vel trifolii semen, vel cuminum, vel apium, vel ferpyllum, vel cytissus, vel thymum, vel hyssopum, vel satyria. hæc enim inde commodissime videntur humorem educere. Lienis quoque bubulus utiliter esui datur: præcipueque eruca & nasturtium lienem extenuant. Imponenda quoque extrinsecus sunt, quæ levant. fit ex unguentariis glandulis, quas *μυροβαλάνες* Græci vocant: fit ex lini & nasturtii semine, quo vinum & oleum adjicitur: fit ex cupressoviridi, & arida ficu: fit ex sinapi, cui sevi hircini à renibus quarta pars ponderis adjicitur, teriturque in sole, & protinus imponitur. Multisque modis huic rei capparaptum est. Nam & ipsum cum cibo assumere, & muriam ejus cum aceto forbere commodum est. Quin etiam extrinsecus radicem contritam, vel corticem ejus cum furfuribus, at ipsum cappari cum melle & contritum imponere expedit. Malagmata quoque huic rei aptantur.

C A P. X.

De Renum morbis. ²

AT renes ubi affecti sunt, diu male habent. Pejus vero est, si frequens biliosus vomitus accedit. Oportet con-

¹ Sribon. Larg. c. XXXII. c. 131. ² Aretæus de Diut. Morb. II, 3. Curat. Morb. Diut. II, 3. Cælius Aurelian. Tard. Pass. V, 3.

conquiescere: cubare molliter: solvere al-
vum; si aliter non respondet. etiam duce-
re: sæpe desidere in aqua calida: neque ci-
bum, neque¹ potionem frigidam assumere:
5 abstinere ab omnibus falsis, acribus, acidis,
pomis: bibere liberaliter: adjicere modo ci-
bo, modo potioni piper, porrum, ferulam,
album papaver. quæ maxime inde urinam
movere consuerunt.

10 Auxilio quoque his exulceratis sunt, si
adhuc ulcera purganda sunt, cucumeris se-
mina detractis corticibus sexaginta, nuclei
ex pinu silvestri quindecim, anisi quod tri-
bus digitis sumi possit; croci paulum, con-
5 trita & in duas mulsi potiones divisa.

Si vero dolor tantum levandus est, ejus-
dem cucumeris semina triginta, iidem nu-
clei viginti, nuces Græcæ quinque, croci
paululum, contrita & cum lacte potui data.

10 Ac insuper quoque recte quædam malagma-
ta injiciuntur; maximeque ea, quæ humo- 250
ri extrahendo sunt.

C A P. XI.

*De Intestinorum morbis: & primo
de Cholera.*

30 **A** VISCERIBUS ad intestina veniendum
est, quæ sunt & acutis & longis mor-
bis obnoxia. Primoque facienda men-
tio est cholæræ; quia commune id sto-
machi atque intestinorum vitium videri
potest. Nam simul & dejectio² & vomitus
est: præterque hæc inflatio est, intestina
torquentur, bilis supra infraque erumpit,

O 5 pri-

¹ Plin. de R. M. L.V.C. 32. ² Aretæus de Morb.
Acut. II, 5. Cælius Aurelianus. Acut. Morb. III, 19.

primum aquæ similis, deinde ut in ea recens caro lota esse videatur, interdum alba, nonnunquam nigra, vel varia. Ergo eo nomine morbum hunc *χολέραν* Græci nominarunt. Præter ea vero, quæ supra comprehensa sunt, sæpe etiam crura manusque contrahuntur; urget sitis, anima deficit. quibus concurrentibus, non mirum est, si subito quis moritur. Neque tamen ulli morbo minori momento succurritur.

Protinus ergo, ubi ista cœperunt, aquæ tepidæ, quam plurimum bibere oportet, & vomere. Vix unquam ea sine vomitu sumitur: sed etiam si non incidit, tamen corruptæ miscuisse novam materiam prodest; parsque sanitatis est, vomitum esse suppressum. Si id incidit, protinus ab omni potione abstinendum est. Si vero tormina sunt, oportet frigidis & humidis fomentis stomachum fovere: vel, si venter dolet, iisdem egelidis, sic ut venter ipse mediocriter calentibus juvetur. Quod si vehementer & vomitus, & dejectio, & sitis vexant, & adhuc subcruda sunt, quæ vomuntur, nondum vino maturum tempus est: aqua, neque ea ipsa frigida, sed potius egelida danda est. Admovendumque naribus est pulegium ex aceto, vel polenta vino aspersa, vel mentha, vel quod secundum naturam est.

At cum discussa cruditas est, tum magis verendum est, ne anima deficiat. Ergo tum confugiendum est ad² vinum. Id esse oportet tenue, odoratum, & cum aqua frigida mixtum, vel polenta adjecta, vel infracto pane;

¹ Trallian. VII, 14. ² Aretæus Acutor. Morb. Curat. II, 4.

pane ; quem ipsum quoque assumere expedit : quotiesque aliquid aut stomachus , aut venter effudit , toties per hæc vires restituere. Erasistratus primo tribus vini guttis , aut quinis aspergendam potionem esse dixit ; deinde paulatim merum adjiciendum. Is , si ab initio vinum dedit , & metus cruditatis secutus est , non sine causa fecit : si vehementem infirmitatem adjuvari posse tribus guttis putavit , erravit.

At si inanis est homo , & crura ejus contrahuntur , interponenda potio apsinthii est. Si extremæ partes corporis frigent , ungendæ sunt calido oleo , cui ceræ paulum sit adjectum ; calidisque fomentis nutriendæ. Si ne sub his quidem quies facta est , extrinsecus contra ventriculum ipsum cucurbitula admovenda est , aut sinapi superimponendum. Ubi is constitit , dormire oportet : postero die utique à potione abstinere : die tertio in balneum ire : paulatim se cibo reficere ; somnoque , quisquis facile adquiescit , vitetque lassitudinem , & frigora. Si post suppressam choleram febricula manet , alvum duci necessarium est : tum cibis vinoque utendum est. Sed hic quidem morbus & acutus est , & inter intestina stomachumque versatur sic , ut , cujus potissimum partis sit , non facile dici possit.

C A P.

i Hippocrat. VII, Epidem. XL, 20. Trallian. VII. 14.

CAP. XII.

De Cæliaco ventriculi morbo.

IN ipsius vero ventriculi porta consistit is, qui & longus esse consuevit & κοιλιακος à Græcis nominatur. Sub hoc ventee indurefcit, dolorque ejus est: alvus nihl reddit, ac ne spiritum quidem transmittit: extremæ partes frigescunt: difficulter spiritus redditur.

Commodissimum est inter initia calidæ cataplasmata toti ventri imponere, ut dolorem leniant. Post cibum vomere, atque ita ventrem exinanire. Proximis deinde diebus cucurbitulas sine ferro ventri & coxis admove. Ventrem ipsum liquare dato lacte, & vino falso, frigido. Si tempus anni patitur, etiam viridibus ficis; sic tamen, ne quis aut cibis, aut humor universus detur, sed paulatim. Ergo per intervalla temporis ut est cyathos binos ternosve affumere, & cibum proportionem hujus commodeque facit cyathos lactis cyathos aquæ mistus, & sic datus. Cibique calentes & acres utiliores sunt; adeo ut lacti quoque recte contritum allium adjiciatur.

Procedente vero tempore, opus est gestari; maximeque navigare; perfricari ter aut quater die sic, ut nitrum oleo adjiciatur; perfundi aqua calida post cibum; deinde sinapi imponere per omnia membra, excepto capite, donec arrodantur & rubeant; maximeque si corpus durum & virile est. paulatim deinde faciendus est transitus ad ea,

† Plane contrarium dicit Marcellus cap. XXVII.
p. 363.

ca, quæ ventrem comprimunt. Assa caro danda. valens, & quæ non facile corrumpatur: in potum vero pluviatilis aqua decocta; sed quæ per binos ternosve cyathos bibatur.

Si vetus vitium est, oportet laser quam optimum ad piperis magnitudinem devorare: altero quoque die vinum vel aquam bibere, interdum interposito cibo, singulos vini cyathos sorbere: ex inferiori parte infundere aquam pluviatilem egelidam; maximeque, si dolor in imis partibus remanet.

C A P. XIII.

De Tenuioris intestini morbo.

INTRA ipsa vero intestina consistunt duo morbi; quorum unus in tenuiore, alter in pleniore est. Prior acutus est: infrequens esse longus potest. Diocles Carystius tenuioris intestini morbum ¹ χόρδαψον, plenioris ² εἰλεόν nominavit. A plerisque video nunc illum priorem ³ εἰλεόν, hunc κολικόν nominari. Sed prior modo supra umbilicum, modo sub umbilico dolorem movet. Fit in alterutro loco inflammatio: nec alvus, nec spiritus ² infra transmittitur. Si superior pars affecta est, cibus: si inferior, stercus per os redditur: si utralibet, metus est. Adjicitur periculo, si vomitus ³ biliosus, mali odoris, 74, 20. aut varius, aut niger est.

Remedium est, sanguinem mittere; vel cucurbitulas pluribus locis admoveere, non ubique cute incisa: id enim duabus aut tribus locis satis est: ex cæteris spiritum evoca-

¹ Cœl. Aurelian. Acutor. Morb. III, 17. ² Arcæus de Morb. Acut. II, 6. ³ Aph. VII, 10.

evocare abunde est. Tum animadvertere oportet, quo loco malum sit. solet enim contra id timere. Et si supra umbilicum est, alvi ductio utilis non est. Si infra est alvum ducere interdum, ut Erasistrato placuit, optimum est, & sæpe id auxilii in huiusmodi partibus magnum remedium est. Ducitur autem percolato ptisanæ cremore, cum oleo & melle sic, ut præterea nihil adjiciatur. Si nihil tumet, duas manus imponere oportet supra summum ventrem, paulatimque deducere. inveniatur enim mollis locus; qui necesse est renitatur: & ex eodem demum deliberari poterit, ducenda, necne alvus sit.

Illa communia sunt: calida cataplasmata admove, eaque imponere à mamillis usque ad inguina, & spinam; ac sæpe mutare: brachia, cruraque perfricare: demittere totum hominem in calidum oleum. Si dolor non quiescit, etiam in alvum ex parte inferiore tres aut quatuor cyathos calidi olei dare. Ubi per hæc consecuti sumus, ut ex inferiore parte spiritus transmittatur, offerre potui mulsum tepidum non multum. (nam ante magna cura vitandum est, ne quid bibat.) si id commode cessit, adjicere sorbitionem.

Ubi dolor & febricula quierunt, tum demum uti cibo pleniore; sed neque inflante, neque valido, ne intestina adhuc imbecilla lædantur. potui vero nihil præterquam puram aquam. Nam sive quid vinolentum sive acidum est, id huic morbo alienum est.

Ac

Ac postea quoque vitare oportet balneum, ambulationem, gestationem, cæterosque corporis motus. Nam facile id malum redire consuevit; & cum frigus subit, siue aliqua jactatio, nisi bene jam confirmatis intestinis, revertitur.

C A P. XIV.

*De Morbo intestini plenioris.*¹

IS autem morbus, qui in intestino pleniore est, in ea maxime parte est, quæ cæcum esse proposui. Vehemens fit inflatio, vehementes dolores, dextra magis parte: intestinum verti videtur; quod prope spiritum elidit. In plerisque post frigora cruditatesque oritur, deinde quiescit; & per ætatem sæpe repetens sic cruciat, ut vitæ spatio nihil demat.

Ubi is dolor cepit, admoveere sicca & calida fomenta oportet; sed primo lenia, deinde validiora; simulque fricatione ad extremas partes, id est, crura brachiaque materiam evocare. Si discussus non est, quæ dolet, cucurbitulas sine ferro defigere. Est etiam medicamentum ejus rei causa comparatum, quod *καλινόν* nominatur. Id se repperisse Cassius gloriabatur. magis prodest potui datum. sed impositum quoque extrinsecus, digerendo spiritum, dolorem levat.

Nisi finito vero tormento, recte neque cibis neque potio assumitur. Quo victu sit utendum iis, qui hoc genere tentantur, jam mihi dictum est. Confectio medicamenti, quod

¹ Trallian. X, 1. Aretæus de Morb. Diuturn. II, 3.
Gal. Aurelian. Tard. Pass. IV. 7.

281, 7. quod καλικόν nominatur, ex his ¹ constat Costi, anisi, castorei, singulorum p. * i i i petroselini p. * iv. piperis longi, & rotundi singulorum p. * v. papaveris lacrymæ, junce rotundi, myrrhæ, nardi, singulorum p. * vii quæ melle excipiuntur. Id autem & devorari potest, & ex aqua calida sumi.

C A P. XV.

De Torminibus.

59, 3. **P**RŌXIMA his inter intestinorum malis tormina esse consueverunt. δυσεντερίαν Græce vocatur. Intus intestina ² exulcerantur: ex his cruor manat; isque modo cum stercore aliquo semper liquido, modo cum quibusdam quasi mucosis excernitur; interdum simul quædam ³ carnosæ descendunt. † Frequens dejiciendi cupiditas, dolorque in ano est. Cum eodem dolore exiguum aliquid emittitur: atque eo quoque tormentum intenditur; idque post tempus aliquod levatur, exiguaque requiescit, somnus interpellatur, febricula oritur, longoque tempore id malum, cum inveteraverit, aut tollit hominem, aut, etiam si finitur, excruciat.

Oportet imprimis conquiescere; siquidem omnis agitatio exulcerat: deinde jejunum sorbere vini cyathum, cui contrita radix quinquefolii sit adjecta: imponere cataplasmata super ventrem, quæ reprimunt; quod in superioribus ventris morbis non expedit: quotiesque desedit, subluere aqua calida, in qua decoctæ verbenæ sint;

¹ Scrib. Larg. cap. XXIX. Com. 120. Nicol. Myreps. fest. xxxi. de Catapl. c. 5. ² Trallian. VIII, 9. Aretæus de Morb. Diuturn. II, 9. Hippocr. de Affection. XXIV. ³ Aphor. IV, 26.

sint: portulacam vel coctam, vel ex duramuria edisse; cibos potionesque eas, quæ adstringunt alvum.

Si vetustior morbus est, ex inferioribus partibus tepidum infundere vel ptisanæ cremorem, vel lac, vel adipem liquatam, vel medullam cervinam; vel oleum; vel cum rosa butyrum, vel cum eadem album crudum ex ovis, vel aquam, in qua lini semen decoctum sit; vel, si somnus non accedit, vitellos cum aqua, in qua rosæ floris folia cocta sint. Levant enim dolorem hæc, & mitiora ulcera efficiunt; maximeque utilia sunt, si cibi quoque secutum fastidium est.

Themison muria dura quam asperrima sic utendum memoriæ prodidit.

Cibi vero esse debent, qui leniter ventrem adstringant. At ea, quæ urinam moveant, si id consecuta sunt, in aliam partem humorem avertendo profunt: si non sunt consecuta, noxam augent. itaque nisi in quibus prompte id facere consuerunt, non sunt adhibenda. Potui, si febricula est, aqua pura calida, vel ea, quæ ipsa quoque adstringat, dari debet: si non est, vinum leve, austerum. Si pluribus diebus nihil remedia illa juverunt, vetusque jam vitium est, aquæ bene frigida potio assumpta ulcera adstringit, & initium secundæ valetudinis facit. Sed ubi venter suppressus est, protinus ad calidam potionem revertendum est.

Solet autem interdum etiam putris sanies, pessimique odoris descendere: solet &

P

inter-

Cal. Aurelian. Tard. Pass. IV, 6. Galen. Meth. Med. XII. c. 1. Joan. Baptist. Sylvar. Med. Histor. 62.

interdum purus sanguis profluere. Si superius vitium est, alvus aqua mulsa delui debet; tum deinde etiam infundi, quæ supra comprehensa sunt. Valensque est etiam adversus cancerem intestinorum, minii gleba cum salis hemina contrita: sin minus, mista his aqua in alvum datur. At, si sanguis profluit, cibi potionesque esse debent, quæ adstringant.

C A P. XVI.

De Levitate intestinorum.¹

^{64,10.} **E**X torminibus ² interdum intestinorum lævitas oritur; qua continere nihil possunt, & quicquid assumptum est, † inconfectum protinus reddunt. Id interdum ægros trahit, interdum præcipitat.

In hoc utique adhibere oportet compri-
mentia; quo facilius tenendi aliquid inte-
stinis vis sit. Ergo & super pectus ponatur
finapi; exulcerataque cute, malagma,³ quod
humorem evocet: & ex verbenis decoctum
in aqua desideat; & cibos potionesque assu-
mat, quæ alvum adstringunt; & frigidis uta-
tur perfusionibus.

Oportet tamen prospicere, ne, simul his
omnibus admotis, vitium contrarium per
immodicas inflationes oriatur. Paulatim
ergo firmari intestina debebunt, aliquibus
quotidie adjectis. Et cum in omni fluore
ventris, tum in hoc præcipue necessarium
est, non quoties libet desiderare, sed quoties
necesse est, ut hæc ipsa mora in consuetu-
dinem ferendi oneris intestina deducat.

Alte-

¹ Hippocr. de Affection. T. XXV. Aretæus de
Morb. Diutur. II, 10. ² Aphor. VII, 76. ³ Nicol.
Myreps. Sect. XXXIV, c. 9.

Alterum quoque, quod æque ad omnes similes affectus pertinet, in hoc maxime servandum est; ut, cum pleraque utilia infuavia sint, qualis est plantago, & rubi, & quicquid malicorio mixtum est, ea potissimum ex his dentur, quæ maxime æger volet. Deinde, si omnia ista fastidiet, ad excitandam cibi cupiditatem, interponatur aliquid minus utile, sed magis gratum. Exercitationes & fricationes huic quoque morbo necessariae sunt: & cum his sol, ignis, balneum, vomitus¹, ut Hippocrati visum est; etiam albo veratro,² si cætera parum proficient, evocatus.

CAP. XVII.

De Lumbricis alvum occupantibus.

NONNUNQUAM autem lumbrici quoque occupant alvum, hique modo ex inferioribus partibus; modo, quod foedius, ore³ redduntur. Atque interdum latos eos, qui peiores sunt; interdum teretes videmus.

Si lati sunt, aqua potui dari debet, in qua lupinum, aut cortex mori decoctus sit; aut cui adjectum sit contritum vel hyssopum, vel piperis acetabulum, scamnoneæ paulum. Vel etiam pridie, cum multum alium ederit, vomat. Posteroque die malipunci tenues radículas colligat, quantum manu comprehendet; easque contusas in aquæ tribus sextariis decoquat, donec tertia pars supersit; huic adjiciat nitri paulum, & jejunos bibat. Interpositis deinde tribus

P 2

horis,

¹ Aph. IV, 12. ² De Viâtu Acutor. LVI, 6. Quatenus sc. fluxio ex capite, de Affection. xxv, 6. ³ Sereu. Sam. xxx, 5. Cælius Aurel. Tard. Pass. IV, 8.

horis, duas potionesumat talis aquæ, vel
 103,31. muriæ duræ huic adjectæ; tum desideat, sub-
 jecta calida aqua in pelve.

Si vero teretes sunt, qui pueros maxime
 exercent, & eadem dari possunt, & quæ-
 dam leviora; ut contritum semen urticæ,
 aut brassicæ, aut cumini cum aqua, vel men-
 tha¹ cum eadem, vel apsinthium decoctum,
 vel hyssopum ex aqua mulsæ, vel nasturtii
 semen cum aceto contritum. Edisse etiam
 & lupinum, & allium prodest; vel in alvum
 oleum subter dedisse.

C A P. XVIII.

De Tenesmo.

EST autem aliud levius omnibus proxi-
 mis, de quibus supra dictum est, quod
 τενισμὸν Græci vocant. Id neque acu-
 tis neque longis morbis annumerari debet,
 cum facile² tollatur, neque unquam per
 se jugulet. In hoc æque atque in tormi-
 nibus frequens desidendi³ cupiditas est; æ-
 que dolor, ubi aliquid exernitur. De-
 scendunt autem pituitæ⁴ mucisque similia;
 interdum etiam leviter subcruenta; sed his
 interponuntur nonnunquam ex cibo quo-
 que recte cocta.

Desidere oportet in aqua calida; sæpius-
 que ipsum anum nutrire. cui rei plura me-
 dicamenta idonea sunt: butyrum⁵ cum ro-
 sa; acacia ex aceto liquata; emplastrum id,
 262,11. quod τετραφάρμακον Græci vocant, rosæ li-
 quatum; alumen lanæ circumdatum, & ita
 appositum. eademque ex inferiore parte
 in-

1 Seren. Sammon, XXX, 11. 2 Plin. H. N. XXVIII.
 14. 3 Marcell. de Med. c. XXVIII. p. 372. 4 Hip-
 pocrat. de Affection. T. XXVII. 5 Hippocrat. de
 Fistul. 6 Al. Trallian, VIII, 6.

indita, quæ torminum auxilia sunt, eadem verbenæ decoctæ, ut inferiores partes foveantur. Alternis vero diebus aqua, alternis leve & austerum, vinum bibendum est. 5 Potio esse debet egelida & frigida propior: ratio victus talis, qualem ad tormina supra præcepimus.

CAP. XIX.

De Ventris fluxu.

10 **L**EVIOR etiam, dum recens, dejectio, ubi & liquida alvus, & sæpius quam ex consuetudine fertur. In qua interdum tolerabilis dolor est, interdum gravissimus; idque pejus est. Sed uno die fluere alvum sæpe pro valetudine est: atque etiam pluribus, dum febris absit, & intra septimum diem id conquiescat. Purgatur enim corpus, &, quod intus læsurum erat, 20 utiliter effunditur. Verum spatium periculosum est. interdum enim tormina ac febri- culas excitat, viresque consumit.

Primo die quiescere satis est; neque impetum ventris prohibere. Si per se desit, 25 balneo uti, paulum cibi capere: si mansit, abstinere non solum à cibo, sed etiam à potione. Postero die, si nihilominus liquida alvus est, æque conquiescere; paululum adstringentis cibi sumere. Tertio die in bal- 30 neum ire; vehementer omnia præter ventrem perfricare; ad ignem lumbos, scapulasque admoveere; cibis uti, sed ventrem contrahentibus; vino non multo, meraco. Si postero quoque die fluet, plus edisse, sed

P 3

vome-

vomere etiam. Ex toto, donec conquiescat, contra siti, fame, vomitu niti, Vix enim fieri potest, ut, post hanc animadversionem, alvus non contrahatur.

Alia via est, ubi velis suppressere, cæna- 5
re, deinde vomere: postero die lecto conquiescere, vesperi ungi, sed leviter: dein-
232,5. de panis circa selibram ex vino¹ aminæo
mero sumere: tum assum aliquid, maxime-
que avem; & postea vinum idem bibere II
aqua pluviali mixtum, idque usque quin-
tum diem facere, iterumque vomere. Fri-
gidam autem assidue potionem esse debere,
contra priores authores Asclepiades affir-
mavit, & quidem quam frigidissimam. Ego II
experimentis quemque in se credere debe-
re existimo, calida potius, an frigida uta-
tur.

Interdum autem evenit, ut id malum, pluribus diebus neglectum, curari diffici- 12
lius possit. A vomitu oportet incipere: deinde postero die vesperi tepido loco ungi; cibum modicum assumere, vinum meracum quam asperrimum; impositam super ventrem habere cum cerato rutam. In hoc autem affectu corporis neque ambulatione, neque fricatione opus est: vehiculo sedisse, vel magis etiam equo, prodest. neque enim ulla res magis intestina confir-
mat.

Si vero etiam medicamentis utendum est; aptissimum est, quod ex pomis fit. Vin-
demixæ tempore in grande vas conjicienda
sunt pira atque mala silvestria. si ea non
sunt,

¹ Virg. Georg. II, 97. Auson. Epist. V. vs. 12.

sunt, pira ¹ Tarentina viridia, vel Signina, mala ² Scandiana vel ³ Amerina, ⁴ myrrhapiæ: hisque adjicienda sunt cotonea, & cum ipsis corticibus suis punica, sorba, &, quibus magis utimur, etiam torminalia, sic ut hæc tertiam ollæ partem teneant: tum deinde ea musto implenda est; coquendumque id, donec omnia, quæ indita sunt, liquata, in unitatem quandam coeant. Id gustui non insuave est: &, quodocunque opus est, assumptum leniter, sine ulla stomachi noxa, ventrem tenet. duo aut tria cochlearia uno die sumpsisse, fatis est. Alterum valentius genus: myrti baccas legere, ex his vinum exprimere, id decoquere, ut decima pars remaneat, ejusque cyathum forbere. Tertium, quod quodocunque fieri potest, malum punicum excavare, exemptisque omnibus seminibus, membranas, quæ inter ea fuerunt, iterum conjicere: tum infundere cruda ova, rudiculaque miscere: deinde malum ipsum super prunam imponere; quod, dum humor intus est, non aduritur: ubi siccum esse coepit, remove oportet, extractumque cochleari, quod intus est, edisse. Hoc, aliquibus adjectis, majus momentum habet. Itaque etiam in piperatum conjicitur, misceturque cum sale & pipere, esturque ex his. Edenda est pulicula etiam, cum qua paulum ex favo vetere coctum sit. Et lenticula cum malicorio cocta, rubique cacumina in aqua decocta, & ex oleo atque aceto assumpta, efficacia sunt: ut & ea aqua, in

P 4

qua

¹ Plin. H. N. XV, 15. ² Scribon. Larg. Comp. 104. Plin. H. N. XV. 15. ³ Gataker. Adversar. Miscell. cap. 5. pag. 35. I. Rhodius ad Scribon. Larg. comp. 64. ⁴ Myrrapia Plin. H. N. XV. 15.

qua vel palmulæ, vel malum cotoneum, vel arida forba, vel rubi decocti sunt, potata. quod genus significo, quoties potionem dandam esse dico, quæ adstringat. Tr^{230,8}. tici quoque hemina in vino aminæo austero decoquitur; idque triticum jejuno ac sitienti datur; superque id vinum id sorbetur. quod jure valentissimis medicamentis annumerari potest. Atque etiam potui datur vinum Signinum, vel resinatum austerum, vel quodlibet austerum. Contunditurque cum corticibus, seminibusque suis punicum malum, vinoque tali miscetur: idque vel merum sorbet aliquis, vel bibit mixtum. Sed medicamentis uti, ^{84,9}. nisi in vehementibus malis, supervacuum est.

C A P. XX.

De Vulvæ morbo.

EX vulva quoque fœminis vehemens malum nascitur: proximeque ab stomacho, vel afficitur hæc, vel corpus afficit. Interdum etiam sic exanimat, ut tanquam comitali morbo prosterнат. ² Distat tamen hic casus, eo quod neque oculi vertuntur, nec spumæ profluunt, nec nervi distenduntur: sopor tantum est. Id vitium quibusdam fœminis crebro revertens perpetuum evadit.

Ubi incidit, si fatis virium est, ³ sanguis missus adjuvat: si parum est, cucurbitulæ tamen defigendæ sunt in inguinibus. Si diutius aut jacet aut alioqui jacere consuevit;

¹ Aretæus de Morb. Acut. II, 11. ² Idem de Curat. Acut. II, 10.

suevit; admove-re oportet naribus extin-
ctum ex lucerna linamentum, vel aliud ex
his, quæ sœdioris esse odoris retuli, quod
mulierem excitet. Idemque aquæ frigidæ
5 perfusio efficit. Adjuvatque ruta contrita
cum melle, vel ex cyprino ceratum, vel
quodlibet calidum & humidum catapla-
sma, naturalibus pube tenus inpositum. In-
ter hæc etiam perfricare coxas, & poplites
10 oportet.

Deinde, ubi ad se rediit, circumciden-
dum vinum est in totum annum 2, etiam si
casus idem non revertitur. Fricatione quo-
tidie utendum totius quidem corporis,
15 præcipue vero ventris, & poplitem. Cibus
ex media materia dandus. Sinapi super
imū ventrem tertio quoque aut quarto
die imponendum, donec corpus rubeat.

Si durities manet, mollire commode
20 videtur solanum in lac demissum, deinde
contritum, & cera alba atque medulla cer-
vina cum irino; aut sebum taurinum vel
caprinum cum rosa mistum. Dandum po-
tui etiam vel castoreum est, vel git, vel
25 anethum. Si parum pura est, purgetur
junco quadrato. Si vero vulva exulcerata
est, ceratum ex rosa fiat: etiam recens suil-
la adeps, & ex ovis album misceatur, idque
apponatur; vel album ex ovo cum rosa
30 mistum, adjecto, quo facilius consistat,
contritæ rosæ pulvere. Dolens vero vulva
sulphure suffumigari debet.

At, si purgatio nimia mulieri nocet, reme-
dio sunt cucurbitulæ, cute incisa, inguini-

P 5

bus

1 Hippocr II. de Morb. Mulier. LX. 10 11. Are-
tæus de Curat. Acut. II. 10. 2 delet Rittershusius ad
Phædrum L. IV. fab. 20.

§3,23. bus¹ vel etiam sub mammis admotæ. Si maligna purgatio est, subjicienda sunt * coercentia. † Id faciunt etiam albæ² violæ, nigrum papaver cum melle assumptum, & gummi cum trito semine apii liquatum, & cum cyatho passî datum.

Præter hæc, in omnibus vulvæ doloribus idoneæ potiones sunt, quæ ex odoribus fiunt, id est spica nardi, croco, cinnamomo, casia, similibusque. Idemque etiam decocta lentiscus præstat. Si tamen intolerabilis dolor est, & sanguis profluit, etiam sanguinis detractio apta est; aut certe coxis admotæ cucurbitulæ cute incisa.

2. *De Urina nimia profusione.*³

† At cum urina super potionum modum mingitur, & jam sine dolore profluens maciem & periculum facit, si tenuis est, opus est exercitatione & fricatione, maximeque in sole, vel ad ignem. Balneum rarum esse debet, neque longa in eo mora: cibus comprimens: vinum⁴ austerum meracum; per æstatem, frigidum; per hiemem, egelidum; sed tantum, quantum minimum sit. Infima alvus quoque vel ducenda vel lacte purganda est. Si crassa urina est, vehementior esse debet & exercitatio, & frictio: longior in balneo mora: cibus opus est teneris: vinum idem. In utroque morbo vitanda omnia sunt, quæ urinam movere consueverunt.

C A P.

¹ Aphor. V, 50. ² Mercurialis Variar. Lect. L.I. c. 3. videtur *olivæ* legisse, quo loco multa de olivis albis. ³ Aretæus de Morb. Diuturn. II, 2. Æginet. II, 14. & III. 45. Trall. IX, 8. ⁴ Aretæus de Curat. Diut. II, 2.

CAP. XXI.

De Seminis nimia ex naturalibus profusione. ¹

EST etiam circa naturalia vitium, nimia profusio feminis. quod sine venere, sine nocturnis ² imaginibus sic fertur, ut, interposito spatio, tabe hominem consumat.

OIn hoc affectu salutare sunt vehementes fricationes, perfusiones, natationesque quam frigidissimæ: neque cibi, nec potio, nisi frigida assumpta. Oportet autem vitare cruditates, & omnia infantia: nihilque ex his assumere, quæ contrahere semen videntur; qualia sunt, filigo, simila, ova, alica, amyllum, omnis caro glutinosa, piper, eruca, bulbi, † nuclei pinei. † Neque alienum est, fovere inferiores partes aqua, decocta ex verbenis comprimimentibus, ex iisdem aliqua cataplasmata imo ventri inguinibusque circumdare; præcipueque ex aceto. † Vitare autem oportet rutam, & ne supinus dormiat.

CAP. XXII.

De Coxarum morbis ³

SUPEREST, ut ad extremas partes corporis veniam, quæ articulis inter se conferuntur. Initium à coxis faciam. Harum ingens dolor esse consuevit: isque hominem sæpe debilitat, & quosdam non dimittit. Eoque id genus difficillime curatur, quod fere post longos ⁴ morbos vi pestifera

¹ Aret. de Morb. Diut. II, 5. & de Cur. Diut. II, 5. Tral. XI, 9. ² Cæl. Aurel. Tard. pass. V, 5. ³ Equitatio. Plin. XXVIII. cap. 4. in fine. II. Præd. XLV. Aret. de Diut. II, 12. ⁴ Aret. de Curat. Diut. II, 12.

fera huc se inclinat: quod ut alias partes liberat, sic hanc ipsam quoque affectamprehendit.

Fovendum primum aqua calida est: deinde utendum calidis cataplasmatibus. Maxime prodesse videtur, aut cum hordeacea farina, aut cum ficu ex aqua decocta mixtura capparum cortex concisus; vel lolii farina ex vino diluto cocta, & mista cum arida feces, quæ quia refrigerant, imponere nocturnum malagmata commodius est. Inulæ quoque radix contusa, & postea ex vino austero cocta, & late super coxam imposita, inter valentissima auxilia est. Si ista non solverunt, sale calido & humido utendum est.

Si ne sic quidem finitus dolor est, aut tumor ei accedit, incisa cute admovendæ sunt cucurbitulæ: movenda urina: alvus; si compressa est, ducenda. Ultimum est, & in uteri quoque morbis efficacissimum, tribus aut quatuor locis super coxam, ² cutem candentibus ferramentis exulcerare. Fricatione quoque utendum est, maxime in sole, & eodem die sæpius: quo facilius ea, quæ coeundo nocuerunt, digerantur. Eaque, si nulla exulceratio est, etiam ipsis coxis: si est, cæteris partibus adhibenda est. Cum vero sæpe aliquid exulcerandum candenti ferramento sit, uti materia inutilis evoceatur, illud perpetuum est, non, ut primum fieri potest, huius generis ulcera sanare: sed ea trahere, donec id vitium, cui per hæc opitulamur, conquiescat.

CAP.

1 N. Myreps. Sect. XXXIV, c. 12. 2 Aphor. VI, 60.

CAP. XXIII.

De Genuum dolore. 1

COxis proxima genua sunt. in quibus
 5 ipsis nonnunquam dolor esse consuevit. In iisdem autem cataplasmatibus cucurbitulisque præsidium est: sicut etiam, cum in humeris, aliisque commissuris dolor aliquis exortus est. Equitare ei, cui ^{240,7.}
 10 genua dolent, inimicissimum omnium est. Omnes autem ejusmodi dolores, ubi inveteraverunt, vix citra unctionem finiuntur.

CAP. XXIV.

De Manuum & pedum articulorumque vitiis. 2

IN manibus pedibusque articulorum vitia frequentiora longioraque sunt. Quæ in podagricis chiragricisque esse consueverunt, ea raro vel ³ castratos, vel ⁴ pueros ante fœminæ coitum, vel ⁵ mulieres, nisi
 20 quibus menstrua suppressa sunt, tentant.

Ubi sentire cœperunt, ⁶ sanguis mittendus est. id enim inter initia statim factum, sæpe annuam, nonnunquam perpetuam valetudinem bonam præstat. Quidam etiam,
 25 cum asinino lacte poto ex toto se eluissent, in perpetuum hoc malum evaserunt. † Quidam, cum toto anno à vino, mulso, venere sibi temperassent, securitatem totius vitæ consecuti sunt. idque utique
 30 post primum dolorem servandum est, etiamsi quievit. Quod si jam consuetudo ejus facta est, potest quidem aliquis esse securior

1 Marcell. de Med. c. XXXIV. 2 Cæl. Aurelian. Tard. Pass. V, 2. Trall. XI, 1. Arët. de Morb. Diut. II, 12. 3 Aph. VI, 28. 4 Aph. VI, 30. 5 Aph. VI, 29. 6 Chesneau IV, 1. de Arthrit. p. 419, 420. Willis cap. 14. de Arthrit.

curior his temporibus, quibus dolor se remissit: majorem vero curam adhibere debemus. ^{43,28.} hi, quibus id revertitur. quod fere ¹ verum autumnove fieri solet.

Cum vero dolor non urget, mane gestare debet; deinde ferri, aut inambulatione leni se dimovere, & si podagra est, interpositis temporibus exiguis, invicem modo federe, modo ingredi; tum, antequam cibum capiat, sine balneo, loco calido leniter perfricari; sudare, perfundi aqua egelida; deinde cibum sumere ex media materia, ² interpositis rebus urinam moventibus, quod tiesque plenior est, evomere.

Ubi dolor vehemens urget, interest, si ne tumore is sit, an tumor cum calore, an tumor jam etiam obcaluerit. Nam, si tumor nullus est, calidis fomentis opus est. Aquam marinam, vel muriam duram fervescere oportet, deinde in pelvem conjicere, &, cum jam homo pati potest, pedes demittere superque pallam dare, & vestimento tegere, paulatim deinde juxta labrum ipsum ex eadem aqua leniter infundere, ne calor intus destituat; ac deinde nocte cataplasmata ³ calefacientia imponere, maximeque hibisci ⁴ radicem ex vino coctam. Si vero tumor calorque est, utilioraque sunt refrigerantia, recteque in aqua quam ⁵ frigidissima articuli continentur; sed neque quotidie, neque diu fiat, ne nervi indurescant. Imponendum vero est cataplasma, quod refrigeret: neque tamen in hoc ipso diu permanendum; sed ad ea trans-

eun-

¹ Aphor. VI, 55. ² Optime, quia materia serosa est. ³ Aretæus de Curat. Diut. II, 12. ⁴ Plin. H. N. L. XX, c. 4. ⁵ Aph. V, 25.

eundum, quæ sic reprimunt, ut emolliant.

Si major est dolor, papaveris cortices in vino coquendi, miscendique cum cerato sunt, quod ex rosa factum sit: vel ceræ & adipis suillæ tantundem una liquandum, deinde his vinum miscendum, atque ubi, quod ex eo impositum est, incaluit, detrahendum, & subinde aliud imponendum est.

Si vero tumores etiam obcaluerunt, & dolent, levat spongia imposita, quæ subinde ex oleo, vel aceto, vel aqua frigida exprimitur; aut pari portione inter se mista, pix, cera, alumen. Sunt etiam plura idonea manibus pedibusque malagmata. Quod si nihil superimponi dolor patitur, id, quod sine tumore est, fovere oportet spongia, quæ in aquam calidam demittatur, in qua vel papaveris cortex, vel cucumeris silvestris radix decocta sit; tum inducere articulis crocum cum succo papaveris & ovillo lacte.

At si tumor est, foveri quidem debet aqua egelida, in qua lentiscus, aliave ex reprimentibus verbena decocta sit: induci vero medicamentum ex nucibus amaris cum aceto tritis; aut ex cerussa, cui contritæ herbæ muralis succus sit adjectus. Lapis etiam, qui carnem edit, quem *σαρκοφάγος* Græci vocant, excisus sic, ut pedes capiat, demissos eos, cum dolent, retentosque ibi levare consuevit. Ex quo in Assio sepulchra faciunt. Et lapidi Assio gratia est ad juvandum.

Ubi

1 Nicol. Myreps. Sect. XXXIV. c. X, XI. Scrib. Larg. c. XLI. Comp. 158, 159. 2 Plin. H N. XXXVI. 17. 3 Plin. loco cit. Oribas. Synops. II, 56.

Ubi dolor & inflammatio se remiserunt ,
 (quod intra dies ¹ triginta fit , nisi vitium ho-
 minis accessit) modicis exercitationibus , ab-
 stinentia , unctionibus lenibus utendum effi-
 fic , ut etiam cum acopo , vel liquido ceratco
 cyprino articuli perfricentur. Equitare po-
 237,9. dagricis quoque alienum est.

Quibus vero articulorum dolor certis
 temporibus revertitur , hos ante & curiosos
 victu cavere oportet , ne inutilis mate-
 ria corpori supersit : & crebriore vomitu ,
 & , si quis ex corpore metus est , vel , alvi
 ductione uti , vel lacte purgari. Quod Era-
 sistratus in podagricis ² expulit : ne in infe-
 riores partes factus curtus pedes repletet :
 cum evidens sit omni purgatione non su-
 periora tantummodo , sed etiam inferiora
 exinaniri.

C A P. XXV.

De Refectione convalescentium à morbo.

EX quocunque autem morbo quis con-
 valescit , si tarde confirmatur , vigila-
 re prima luce debet ; nihilominus in
 lecto conquiescere : circa tertiam horam le-
 niter unctis manibus corpus permulcere.
 Deinde delectationis causa , quantum juvat ,
 ambulare , circumcisa omni negotiosa actio-
 ne. Tum gestari diu : multa fricatione uti :
 loca , coelum , cibos sæpe mutare. Ubi triduo
 quatrduove vinum bibit , uno aut etiam
 altero die interponere aquam. Per hæc
 enim fiet , ne in vitia tabem inferentia inci-
 dat , & ut mature vires suas recipiat. Cum
 vero

¹ Alii *quadraginta* , Aph. VI, 49. ² *Libro quo de Podagra scripsit*, Cælius Aurelianus. Tard. Pall. II, 2. in fine.

vero ex toto convaluerit, periculose vitæ genus subito mutabit, & inordinate aget. Paulatim ergo debebit, omiſſis his legibus, eo tranſire, ut arbitrio ſuo vivat. †

LIBER QUINTUS.

PRÆFATIO.

10 **D**IXI de his malis corporis, qui-
bus victus ratio maxime sub- 3, 29.
venit. nunc tranſeundum eſt ad
eam medicinæ partem, quæ
magis medicamentiſ pugnât.
15 His multum antiqui authores tribuerunt, &
Eraſiſtratus, & hi qui ſc *εὐταλεια* nomina-
verunt; præcipue tamen † Aerophilus, dedu-
ctique ab illo viri; adeo ut nullum morbi ge-
nus ſine his curarent. Multaque etiam de
20 facultaribus medicamentorum memoriæ
prodiderunt, qualia ſunt vel Zenonis, vel
Andreæ, vel Apollonii, qui Muſ cognomi-
natus eſt. Horum autem uſum ex magna
parte Aſclepiades non ſine cauſa ſuſtulit; & 29, 7.
25 cum omnia fere medicamenta ſtomachum 85, 7.
lædant, malique ſucci ſint, ad ipſius victus 84, 25.
rationem potius omnem curam ſuam tran-
ſtulit. Verum, ut illud in plerique mor-
bis utiliſ eſt, ſic multa admodum corpori-
bus noſtris incidere conſuerunt, quæ ſine
medicamentiſ ad ſanitatē pervenire non
poſſunt. Id ante omnia ſcire convenit,
quod omnes medicinæ partes ita connexæ
ſunt, ut ex toto ſeparari non poſſint: ſed ab
Q eo

eo nomen trahant, à quo plurimum petunt.
Ergo ut illa, quæ victu curat, aliquando
medicamentum adhibet; sic illa, quæ præ-
cipue medicamentis pugnat, adhibere etiam
rationem victus debet; quæ multum admo-
dum in omnibus malis corporis proficit. Sed
cum omnia medicamenta proprias facultates
habeant, ac sæpe simplicia opitulentur
sæpe mista; non alienum videtur, ante pro-
ponere & nomina, & vires, & misturas eo-
rum: quo minor ipsam curationem exse-
quentibus mora fit.

C A P. I.

*De simplicibus facultatibus quarumcunque
rerum, ex quibus medicamenta sunt:*

*Et primo de his, quæ Sanguinem
supprimunt.*

SANGUINEM supprimunt, atramentum
sutorium, quod Græci χάλκανθον ap-
pellant, chalcitis, acacia, & ex aqua ly-
cium, thus, aloe, gummi, plumbum com-
bustum, porrum, herba sanguinalis, creta
293, 21. vel cimolia vel figularis, misy, frigida aqua
vinum, acetum, alumen, melinum, squa-
ma & ferri & æris; atque hujus quoque
duæ species sunt, alia tantum æris, alia ru-
bri æris.

C A P. II.

Quæ vulnus glutinent.

GLUTINANT vulnus, myrrha, thus,
gummi, præcipueque acanthinum,
psyllium, tragacantha, cardamomum
bul

1 Et utriusque ferri legendum dicit Rubens. p. 19.

bulbi, lini semen, nasturtium, ovi album, gluten, ichthyocolla, vitis alba, contusæ cum testis suis cochleæ, mel coctum, spongia vel ex aqua frigida, vel ex 293,20.
5 vino, vel ex aceto expressa: ex iisdem lana succida, si levis plaga est; etiam aranea.

Reprimunt, alumen & scissile, quod *χρυσόν* vocatur, & liquidum, melinum, auripigmentum, ærugo, chalcitis, atramentum
10 futorium.

C A P. III.

Quæ concoquant, & moveant pus.

15 **C**ONCOQUUNT & movent pus, nardum, myrrha, costus, balsamum, galbanum, propolis, styrax, thuris & fuligo & cortex, bitumen, pix, sulphur, resina, sebum, adeps, oleum.

C A P. IV.

Quæ aperiant vulnera. 2

0 **V**ULNERA aperiunt tanquam ora in corporibus, quod *ἀνὰ σπέρμην* Græce dicitur, cinnamomum, balsamum, panaces, juncus quadratus, pulegium, flos
5 albæ violæ, bdellium, galbanum, resina terebinthina & pinea, propolis, oleum vetus, piper, pyrethrum, chamæpitys, uva taminia, sulphur, alumen, rutæ semen,

C A P. V.

Quæ purgent.

PURGANT, ærugo, auripigmentum, quod *ἀπτενικόν* à Græcis nominatur (huic au-
Q 2 tem

1 Petron. Sat. c. 58.

2 Oribas. Synops. II, 42, 47.

tem & sandarachæ in omnia eadem vis ; sed validius est) squama æris , pumex, iris, balsamum, styrax, thus, thuris cortex, resina, & pinea, & terebinthina liquida, cenanthe, lacerti sterus, sanguis columbæ, & palumbi, & hirundinis, ammoniacum, bdellium (quod in omnia idem, quod ammoniacum, potest; sed hoc valentius est) abrotonum, ficus arida, coccum Gnidium, scobis eboris, omphacium, radícula, coagululum, sed maxime leporinum (cui eadem quæ cæteris coagulis, facultas, sed utique validior est) fel taurinum, vitellus crudus, cornu cervinum, gluten, mel crudum, misy chalcitis, crocum, uva taminia, spuma argenti, galla, squama æris, lapis hæmatites, minium, costum, sulphur, pix crudæ sebum, adeps, oleum, ruta, porrum, lentiscula, ervum.

C A P. VI.

Quæ rodant.

RODUNT, alumen liquidum, sed magis rotundum, ærugo, chalcitis, misy squama æris, sed magis rubri, æs combustum, sandaracha, minium sinopileum, casia, balsamum, myrrha, thuris cortex, galbanum, resina terebinthina liquida, piper utrumque, sed rotundum magis, cardamomum, auripigmentum, calx, nitrum & spuma ejus, apii semen, narcissi radix, omphacium, alcyonium, oleum ex amaribus nucibus, allium, mel crudum, vinum, lentiscus, squama ferri, fel taurinum, scamonea

monea, uva taminia, cinnamomum, styrax, ruthæ semen, resina, narcissi semen, sal, nudes amaræ, ut oleum earum, atramentum futorium, chrysocolla, concharum cinis;

5 C A P. VII.

Quæ exedant corpus.

EXEDUNT corpus, acaciæ succus, hebenus, ærugo, squama æris, chrysocolla, 10 cinis Cyprius, nitrum, cadmia, spuma argenti, hypocistis, diphryges, sal, auripigmentum, sulphur, eruca, sandaracha, salamandra, alcyonium, æris flos, chalcitis, atramentum futorium, ochra, calx, acetum, 15 galla, alumen, lac caprifici, vel lactucæ marinæ, quæ *τιθύμακ* à Græcis nominatur, fel, thuris fuligo, spodium, lenticula, mel, oleæ folia, marrubium, lapis hæmatites, & Phrygius, & Asius, & scissilis, 20 misy, vinum, acetum.

C A P. VIII.

Quæ adurant. ²

ADURUNT, auripigmentum, atramentum futorium, chalcitis, misy, ærugo, 5 calx, charta combusta, sal, squama æris, fex combusta, myrrha, stercus & lacerti, & columbæ, & palumbi, & hirundinis, piper, coccum gnidium, allium, diphryges, lac utrumque (quod proximo capite supra comprehensum est) veratrum & album & nigrum, catharides, corallium, pyrethrum, thus, salamandra, eruca, sandaracha, uva taminia, chrysocolla, ochra,

Q 3

alu-

¹ Plin. H. N. XXXVI, 19.

² Oribaf. Synops. II, 48.

alumen scissile, ovillum stercus, œnanthe.

C A P. IX.

Quæ crustas ulceribus inducant.

EADEM fere crustas ulceribus tanquam igne adustis inducunt, sed præcipue chalcitis, utique si cocta est, flos æris, ærugo, auripigmentum, misy, & id quodque magis coctum.

C A P. X.

Quæ crustas ulceribus resolvant.

CRUSTAS vero has resolvit, farina triticea cum ruta, vel porro, aut lenticula, cui mellis aliquid adjectum est.

C A P. XI.

Quæ discutiant ea, quæ in aliqua parte corporis coierunt.

AD discutienda vero ea, quæ in corporis parte aliqua coierunt, maxime possunt, abrotonum, helenium, amaracus, alba viola, mel, lilium, sanfucus, cyperus, lac, fertula campana, serpyllum, cupressus, cedrus, iris, viola purpurea, narcissus, rosa, crocum, prasium, juncus quadratus, nardum, cinnamomum, casia, ammoniacum, cera, resina, uva taminia, spuma argenti, styrax, ficus arida, tragoriganus, lini & narcissi semen, bitumen, † sordes ex gymnasio, pyrites lapis, aut molaris, crudus vitellus, amaræ nuces, sulphur.

C A P.

C A P. XII.

Quæ evocent, & educant.

5 **E**VOCAT & educit, ladanum, alumen
 erotundum, hebenus, lini semen, om-
 phacium, fel, chalcitis, bdellium, re-
 fina terebinthina & pinea, propolis, ficus
 arida decocta, stercus columbæ, pumex,
 10 farina lolii, grossi in aqua cocti, elaterium,
 lauri baccæ, nitrum, sal.

C A P. XIII.

Quæ exasperata levent.

15 **L**ÆVANT id, quod exasperatum est, spo-
 dium, hebenus, gummi, ovi album,
 lac, tragacanthum.

C A P. XIV.

Quæ carnem nutriant, & ulcus impleant.

20 **C**ARNEM alunt, & ulcus implent, refina 255, 27.
 pinea, ochra ¹ Attice, mel, asteriace,
 cera, butyrum.

C A P. XV.

Quæ molliant.

25 **M**OLLIUNT, æs combustum, terra
 Eretria, nitrum, papaveris lachry-
 ma, ammoniacum, bdellium, cera,
 sebum, adeps, oleum, ficus arida, sesamum,
 30 fertula Campana, narcissi & radix & semen,
 rosæ folia, coagulum, vitellus crudus,
 amaræ nuces, medulla omnis, stimmi, pix,
 cochlea cocta, cicutæ semen, plumbi re-
 trimentum, σκαρίαν μολύβδῳ Græci vo- 267, 17.
 Q 4 cant,

cant, panaces, cardamomum, galbanum, refinā, uva taminia, styrax, iris, balsamum, fordes ex gymnasio, sulphur, butyrum, ruta.

CAP. XVI.

Quæ cutem purgent.

CUTEM purgat mel, sed magis, si est cum galla, vel eruo, vel lenticula, vel marrubio, vel iride, vel ruta, vel nitro, vel æruginē.

CAP. XVII.

De misturis simplicium rerum; & de ratione ponderum.

EXPOSITIS simplicibus facultatibus, dicendum est, quemadmodum misceantur, quæque ex his fiant. Miscentur autem varie, neque hujus ullus modus est, cum ex similibus alia demantur, alia adjiciantur; iisdemque servatis, ponderum ratio mutetur. Itaque, cum facultatum materia non ita multiplex sit, innumerabilia misturarum genera sunt; quæ comprehendere si possent, tamen esset supervacuum. Nam & iidem effectus intra paucas compositiones sunt, & mutare eas cuilibet, cognitis facultatibus, facile est. Itaque contentus his ero, quas accepi velut nobilissimas. In hoc autem volumine eas explicabo, quæ vel desiderari in prioribus potuerunt; vel ad eas curationes pertinent, quas protinus hic comprehendam si, ut tamen, quæ magis communia sunt, simul jungam. Si qua singulis, vel etiam paucis com-

mo-

modata sunt, in ipsorum locum differam.

Sed & ante sciri volo, † in uncia pondus denariorum septem esse. Unius deinde denarii pondus dividi à me in sex partes, id est sextantes, ¹ ut idem in sextante denarii habeam, quod Græci habent in eo, quem ὀβολόν ² appellant. Is ad nostra pondera ³ relatus paulo plus dimidio scrupulo facit.

2. Quid ⁴ Malagma, & Emplastrum, & Pastillus inter se differant.

Malagmata vero, atque emplastra, pastillique, quos ρεοχίσματα Græci vocant, cum plurima eadem habeant; differunt eo, quod malagmata maxime ex floribus eorumque etiam surculis, emplastra pastillique magis ex quibusdam metallicis fiunt. Deinde malagmata contusa abunde mollescunt: nam super integram cutem injiciuntur: laboriose vero conteruntur ea, ex quibus emplastra pastillique fiunt; ne lædant vulnera, cum imposita sunt. Inter emplastrum autem & pastillum hoc interest, quod emplastrum utique liquati aliquid accipit: in pastillo tantum arida medicamenta aliquo humore junguntur. Tum emplastrum hoc modo fit. Arida medicamenta per se teruntur: deinde mistis his instillatur aut acetum, aut si quis alius non pinguis humor accessurus est; & ea rursus ex eo teruntur. Ea vero, quæ liquari possunt, ad ignem simul liquantur; & si quid olei misceri debet, tum infunditur. Interdum etiam aridum aliquod ex oleo prius coquitur. Ubi facta sunt, quæ separatim fieri debuerunt,

Q 5

in

¹ Rhod. de Ponderib. p. 24. ² Rhod. de Ponderib. p. 27. ³ Rhod. de Ponder. p. 24. ⁴ Reinés. Variar. Lect. II. 8. 189.

in unum omnia miscentur. At passilli hæc ratio est. Arida medicamenta contrita humore non pingui, ut vino vel aceto, coguntur, & rursus coacta, inarescunt: atque, ubi utendum est, ejusdem generis humore diluuntur. Tum emplastrum imponitur, passillus illinitur, aut alicui molliori, † aut cerato miscetur.

C A P. XVIII.

De Malagmatis. ¹

1. Malagma adversus calidas podagras.

HIS cognitis, primum malagmata subjiciam; quæ fere non sunt refrigerandi; sed calefaciendi causa reperta. Est tamen, quod refrigerare potest; ad calidas podagras aptum. Habet gallæ & immaturæ & alterius, coriandri seminis, cicutæ, lachrymæ aridæ, gummi, singulorum plenum acetabulum, cerati eloti, quod πεπλυμένον Græci vocant, selibram. Reliqua fere calefaciunt. Sed quædam digerunt materiam, quædam extrahunt, quæ ἐπισπαστικὰ vocantur: pleraque certis partibus membrorum accommodata sunt.

2. Malagma ad materiam extrahendam.

SI materia extrahenda est, ut in hydro-pico, in lateris dolore, in incipiente abscessu, in suppuratione quoque mediocri, aptum est id, quod habet resinæ aridæ, nitri, ammoniaci, galbani, singulorum p. *. ceræ p. *. Aut in quo hæc sunt: æruginis rasæ, thuris, singulorum p. ii. *. ammoniaci

† Ægineta VII, 18. Oribas. Synops. III.

moniaci salis p. vi. * squamæ æris, ceræ, singulorum p. viii. * resinæ aridæ. p. xii. *. aceti cyathus. Idem præstat cumini farina cum struthio, & melle p. ii. *.

3. *Malagma ad jecur dolens.*

Si jecur dolet, id in quo est balsami lachrymæ p. xii. *. costi, cinnamomi, cassiæ, corticis, myrrhæ, croci, junci rotundi. balsami feminis, iridis illyricæ, cardamomi, amomi, nardi, singulorum. p. xvi. *. Quibus adjicitur nardinum unguentum, donec cerati crassitudo sit. Et hujus quidem recentis usus est: si vero servandum est, resinæ terebinthinæ p. xvi. *. ceræ p. x. *. ex vino leni contunduntur, & cum eo miscentur.

4. *Malagma ad lienem.*

At, si lienis torquet, glandis, quam *μυρο- 216, 15.*
Εάλανον Græci vocant, cortex & nitrum paribus portionibus contunduntur, respergunturque aceto quam acerrimo: ubi cerati crassitudinem habet, linteo, ante in aqua frigida madefacto, inlinitur, & sic imponitur, supraque farina ordeacea injicitur: sed manere ibi non amplius sex horis debet, ne lienem consumat: fatiusque est id bis, aut ter fieri.

5. *Malagma commune pluribus.*

Commune autem & jecinori, & lieni, & abscessibus, & strumæ, parotidibus, articulis, calcibus quoque suppurantibus, aut aliter dolentibus, etiam concoctioni ventris, Lyfias composuit ex his: opopanacis, galbani, resinæ, singulorum p. ii. *. ammonia-

moniaci, bdellii, ceræ, sevi taurini, iridis aridæ p. iiii. *. cachryos acetabulo, piperis granis ¹ quadraginta. quæ contrita irino unguento temperantur.

6. *Malagma ad laterum dolorem.*

Ad laterum autem dolores compositio est ² Apollophanis: in qua sunt resinæ terebinthinæ, thuris fuliginis, singulorum p. iv. *. bdellii, ammoniaci, iridis: sevi aut vitulini, aut caprini à renibus, visci, singulorum p. iv. *. Hæc autem omnem dolorem levat, dura emollit, mediocriter calefacit.

7. *Ad idem Andrea.*

Ad idem valet Andreae quoque malagma, quod etiam resolvit, humorem educit, pus maturat, ubi id maturum est, cutem rumpit, & ad cicatricem perducit. Prodest impositum minutis majoribusque abscessibus: item articulis, & coxis, & pedibus ²² dolentibus: item, si quid in corpore collisum est, reficit: præcordia quoque dura & inflata emollit: ossa extrahit: ad omnia denique valet, quæ adjuvare calor potest. Id habet ceræ p. xi. *. visci, fycamini, quam ²³ alias fycomorum vocant, lachrymæ, singulorum p. i. *. piperis & rotundi, & longi, ammoniaci thymiamatis, bdellii, iridis Illyricæ, cardamomi, xylobalsami, thuris masculi, myrrhæ, resinæ aridæ, singulorum p. x. *. pyrethri, cocci Gnidii, spumæ nitri, salis ammoniaci, radicis aristolochiæ Creticæ, cucumeris agrestis radicis, resinæ terebinthinæ liquidæ, singulorum

¹ Rhodius de Ponderib. p. 26. ² Oribas. Synops. III. Cæl. Aurelian. Acut. M. II. 24. dicitur *Polyarchion* Marcell. de Medic. c. xx. Æginet. VII, 18.

lorum p. xx. *. quibus adjicitur unguenti
irini, quantum satis est ad ea mollienda,
atque cogenda.

8. *Malagmata ad resolvenda, quæ adstricta
sunt; & mollienda, quæ dura sunt;
& digerenda, quæ coeunt.*

Præcipuum vero est ad resolvenda, quæ
adstricta sunt, mollienda, quæ dura sunt,
digerenda, quæ coeunt, id, quod ad Poly-
10 archum authorem refertur. Habet junci
quadrati, cardamomi, thuris fuliginis,
amomi, ceræ, resinæ liquidæ, pares portio-
nes.

9. *Aliud malagma ad eadem.*

15 Aliud ad eadem Nilei: crocomagmatis,
quod quasi recrementum ejus est, p. iv. *.
ammoniacy thymiamatis, ceræ, singulo-
rum p. xxx. *. ex quibus duo priora ex ace-
to teruntur, cera cum rosa liquatur, & tum
20 omnia junguntur.

10. *Malagma Moschi ad molliendum.*

Proprie etiam dura mollit id, quod Mo-
schi esse dicitur. Habet galbani unciam,
thuris fuliginis p. iiii. *. ceræ, ammoniaci
25 thymiamatis trientes ¹, picis aridæ p. ii. *.
aceti heminas tres,

11. *Malagma Medi ad digerenda, quæ coeunt.*

Fertur etiam ad digerenda, quæ coeunt,
† sub authore Medo: quod habet ceræ p. iiii.
30 *. panacis p. *. semis, squamæ æris, alumi-
nis rotundi, item scissilis, singulorum p. i. *.
plumbi combusti p. i. *. & semis.

12. *Malagma Panthemi ad eadem.*

Ad eadem Panthemus utebatur, calcis.
p. *.

p. *.semis, finapis contriti, item foeni græci, aluminis, singulorum p. i. *.sevi bibuli p. ii. *. & semis.

13. *Malagma ad strumas.*

Ad strumam multa malagmata invenio. Credo autem, quo pejus id malum est, minusque facile discutitur, eo plura essentata; quæ in personis varie respondent. Andreas author est, ut hæc misceantur: urticæ feminis p. i. *. piperis rotundi, bdellii, galbani, ammoniaci thymiamatis, resinæ aridæ, singulorum p. iv. *. resinæ liquidæ, ceræ, pyrethri, piperis longi: lactucæ marinæ feminis, sulphuris ignem non experti, quod ἀπυρον vocatur, pares portiones.

14. *Aliud Miconis ad idem.*

Hoc autem Miconis est: fecis aridæ, acetii, spumæ nitri, falis ammoniaci, finapis, cardamomi, radicis cucumeris silvestris, resinæ, singulorum p. iv. *. Quæ ex leni vino contunduntur.

15. *Aliud Malagma ad idem valens.*

Expeditiùs ad idem fit, quod habet visci, felini stercoreis, resinæ, sulphuris ignem non experti pares portiones. Et in quo est sulphuris p. i. *. lapidis, quem pyriten vocant, p. iv. *. cumini² acetabulum. Item in quo est lapidis ejusdem pars una, sulphuris duæ partes, resinæ terebinthinæ partes tres. 3

16. *Malagma ad strumam, & phymata.*

Arabis autem cujusdam est ad strumam, & orientia tubercula, quæ Φύματα vocantur, quod hæc digerit. Habet myrrhæ, falis ammonia-

¹ Plin. H. N. XX, 23. *Missionis*, ubi alii *Mycconis*, meminit. ² I. Rhodius de Ponderib. p. 34.

moniaci, thuris, resinæ & liquidæ & aridæ,
crocomagmatis, ceræ, singulorum p. i. *.
lapidis ejus, quem *πυρίτην* vocant, p. iv. *.
quibus quidam adjiciunt sulphuris p. ii. *.

5 17. *Malagma ad strumam, & tubera, &*
καρκινώδη.

Est etiam proficiens in struma; & in his
tuberibus, quæ difficulter concoquuntur;
& in his, quæ *καρκινώδη* vocantur, quod ex
10 his constat: sulphuris p. ii. *. nitri p. iv.
*. myrrhæ p. vi. *. fuliginis thuris p. *. se-
mis, salis ammoniaci p. iii. *. ceræ p. i. *.

18. *Malagma Protarchi ad parotidas,*
& favum, & mala ulcera.

15 Protarchus autem ad *παρωτίδας* atque tu-
bercula, quæ *μελικηρίδες*, id est favi, vel
φύματα nominantur, item mala ulcera, pu-
micis, resinæ pineæ liquidæ, thuris fuligi-
nis, spumæ nitri, iridis, singulorum p.
20 viii. *. cum ceræ p. ix. *. miscebat, hisque
olei cyathum & dimidium adjiciebat.

16. *Malagma adversus panum, &*
phymata.

At adversus panum, tum primum orien-
25 tem quod *φύγιθλον* Græci vocant, & omne
tuberculum, quod *φύμα* nominatur, mis-
cetur ochra, quæ Attice nominatur, cum 247. 21.
duabus partibus similæ, hisque, dum con-
funduntur, subinde mel instillatur, donec
30 malagmatis crassitudo sit.

20. *Malagma adversus phymata.*

Discutit etiam omne tuberculum, quod
φύμα vocatur, id, quod habet calcis, spu-
mæ nitri, piperis rotundi, singulorum p.
1. *.

1.*. galbani p. 11.*. salis p. 1v.*. quæ excipiuntur cerato ex rosa facto

21. *Malagma ad suppressendum omne, quod abscedit.*

Suppressit quoque omne, quod abscedit, id, in quo est galbani, fabæ fressæ, singulorum p. 1.*. myrrhæ, thuris, corticis ex radice capparis, singulorum p. 1v.*. Satisque omnia abscedentia digerit murex combustus, & bene contritus, aceto subinde adjecto.

22. *Malagma ad sanguinem suppressendum.*

At, si plus satis sanguis subit, recte imponitur, quod adversus phymata quoque potest. Constat ex his: bdellii, styracis, ammoniaci, galbani, resinæ & aridæ & liquida pineæ; item ex lentisci, thuris, iridis, singulorum p. 11.*.

23. *Malagma ad carcinomata & phymata lenienda.*

Carcinomata vero & phymata commode his leniuntur: galbani, visci, ammoniaci, resinæ terebinthinæ singulorum p. 1.*. fevi taurini p.*. semis, fecis combustæ: quam maxima portione, dum id siccius non faciat, quam esse malagma oportet.

24. *Malagma ad faciem contusam ejusque livorem.*

Quod si facie contusa livor subcruentus est, hæc compositio nocte & die imposita tollit. Aristolochiæ, thapsiæ, singulorum p. 11.*. bdellii, styracis, ammoniaci thymiamatis, galbani. resinæ aridæ, & ex lentisco liquidæ, thuris masculi, iridis Illyricæ, ceræ, singulorum p. 1v.*. Eidem faba quoque imposita proficit.

25 *Malagmata ἀνασσωμωλικά ad aperiendum.*

Sunt etiam quædam malagmata, quæ ἀνασσωμωλικά Græci vocant, quoniam aperiendi vim habent. Quale est, quod ex his constat: piperis longi, spumæ nitri, singulorum p. i. *. erysimi p. iv. *. quæ cum melle miscentur. Idoneaque etiam strumæ aperiendæ sunt. Ejus generis, vehementiusque ex his est, quod habet calcis p. iv. *.
 10 piperis grana sex, nitri, ceræ, singulorum 282
 p. x. *. mellis p. i. i. *. olei heminam.

26. *Miconis Malagma, ad resolvendum aperiendumque ac purgandum.*

Miconis quoque est, quod resolvit, aperit, purgat. Habet alcyonium, sulphur, nitrum, pumicem, pari pondere; quibus tantum picis, & ceræ adjicitur, ut fiat cerati crassitudo,

27. *Malagma ad ossa & nervos.*

Ad ossa autem Aristogenis, fit ex his: sulphuris p. i. *. resinæ terebinthinæ, nitri spumæ, & ex scilla partis interioris, plumbi eloti, singulorum p. i. i. *. thuris fuliginis p. viii. *. ficus aridæ quam pinguissimæ, 25
 25 fevi taurini, singulorum p. viii. *. ceræ p. xii. *. iridis Macedonicæ p. vi. *. sesami fricti acetabulum. maximeque nervis & articulis malagma hoc convenit.

28. *Malagma Euthylei ad articulos, & ad omnem dolorem.*

Euthylei quod est, & ad articulos, & ad omnem dolorem, & ad vesicæ, & ad recenti cicatrice contractos articulos, quas ἀγκύλας Græci nominant, conveniens, habet fu-
 R ligi-

ligninis thuris acetabulum , resinæ tantumdem , galbani sine turculis fescunciam , ammoniaci, bdelli, singulorum p. *. ceræ p. *. semis. Aliud item fit , quod habet iridis, ammoniaci , galbani , nitri , singulorum p. xiv. *. resinæ liquidæ p. vi. *. ceræ p. xvi. *.

29. *Malagma Sofagoræ ad dolores articulorum.*

Ad dolores articulorum Sofagoræ: plumbi combusti, papaveris lachrymæ, corticis hyoscyami, styracis, peucedani, sevi, resinæ, ceræ par pondus.

30. *Chrysippi Malagma , ad idem valens.*

Est & Chrysippi: resinæ liquidæ, sandarachæ, piperis, singulorum p. xii. *. quibus ceræ paululum adjicitur.

31. *Ctesiphontis Malagma ad idem valens , & ad parotidas , & phymata , & strumam.*

Ctesiphontis: ceræ Creticæ, resinæ terebinthinæ, nitri quam ruberrimi, singulorum p. *. semis, olei cyathi tres. Sed id nitrum ante pertriduum, instillata aqua, teritur, & cum sextario ejus incoquitur, donec omnis humor consumatur. Prodest vero ea compositio etiam ad parotidas, phymata, strumam, omnemque coitum humoris emolliendum.

32. *Malagma ad articulos.*

Ad articulos, fici quoque aridæ partem nepetæ mistam; vel uvam taminiam sine seminibus cum pulegio recte aliquis imponit.

33. *Malagma Aristonis , adversus podagras & recentia phymata , & omnes dolores*

Eadem podagræ præsidio sunt. Sed ad
eam

eam fit Aristonis quoque, quod habet
nardi, cinnamomi, cassiæ, chamæleontis,
junci rotundi, singulorum p. viii. *. sevi
caprini ex irino liquati p. xx. *. iridis p. i.
3 *. quæ in aceto quam acerrimo jacere per
xx. dies debet. Idem autem etiam recen-
tia phymata doloresque omnes discutit.

34. *Theoxeni Malagma ad pedum dolores.*

At Theoxenus ad pedum dolores, sevi
10 à renibus partem tertiam, salis partes duas
miscbat, hisque membranulam illitam
imponebat; tum superinjiciebat ammoniacum
thymiana in aceto liquatum.

35. *Numenii Malagma ad podagram, cæte-
rosque articulos induratos.*

At Numenius podagram, cæterosque
articulos induratos hoc mollebat: abroto-
ni, rosæ aridæ, papaveris lachrymæ, sin-
gulorum p. iiii. *. resinæ terebinthinæ
20 p. iv. *. thuris, spumæ nitri, singulorum
p. viii. *. iridis, aristolochiæ, singulorum
p. xii. *. ceræ p. iiii. *. quibus adjicitur
cedriæ cyathus unus, olei laurini cyathi
tres, olei acerbi sextarius.

36. *Dexii Malagma, si quando callus in
articulis increvit.*

Si quando autem in articulis callus in-
crevit, Dexius docuit imponere, calcis p. iv.
*. cerussæ p. viii. resinæ pineæ p. xx. *.
30 piperis grana xxx. ceræ p. ii. *. Quibus,
dum contunduntur, hemina vini lenis in-
stillatur.

EX emplastris autem nulla maiorem usum præstant, quam quæ cruentis protinus vulneribus injiciuntur. *ἔναιμα* Græci vocant. Hæc enim reprimunt inflammationem, nisi magna vis eam cogit; atque tum illius quoque impetum minuunt, & glutinant vulnera, quæ id non patiuntur, & cicatricem iisdem inducunt. Constant autem ex medicamentis non pinguibus, ideoque *ἀλίπαντα* à Græcis nominantur.

1. *Barbarum Emplastrum nigrum, quod cruentis protinus vulneribus injicitur.*

Optimum ex his est, quod Barbarum ² nominatur. Habet enim æruginis rasæ p. xii.

*. spumæ argenti p. xx. *. aluminis, picis aridæ, resinæ pineæ aridæ, singulorum p. i.

*. quibus adjiciuntur olei & aceti singulæ ²² heminæ.

2. *†Choacon Emplastrum nigrum, ad idem valens.*

Alterum ad idem, quod Choacon vocant, habet spumæ argenti p. x. *. resinæ aridæ tantundem. sed spuma prius ex tribus olei ²² heminis coquitur. His duobus emplastris color niger est. qui fere talis fit, ex pice atque resina: ut ex bitumine nigerrimus; ex æruginis, aut æris squama, viridis; ex minio ruber; ex cerussa, albus.

3. *Basilicon Emplastrum nigrum ad idem.* ³

Paucæ admodum compositiones sunt, in quibus aliquid misturæ varietas novat. Ergo id quoque nigrum est, quod *βασιλικόν*

1 P. Ægineta VII, 17. 2 Scribon. Larg. c. LXXVII. c. 207. 3 Oribas. Synopsis. III.

κὸν nominatur. Habet opopanax p. 1. *. galbani p. 11. *. picis, & resinæ singulorum p. x. olei dimidium cyathum.

4. *Smaragdinum Emplastrum ad idem.*

5 At, quod perviride est, Smaragdinum appellatur. in quo sunt resinæ pineæ p. 111. *. ceræ p. 1. *. æruginis, p. *. semis, thuris pollinis p. 11. *. olei tantundem, & aceti, quo pollen & ærugo in unum cogantur.

10 5. *Emplastrum rufum ad idem.*

Est etiam coloris fere ruffi, quod celeriter ad cicatricem vulnera perducere videtur. Habet thuris p. 1. *. resinæ p. 11. *. squamæ æris p. 111. *. spumæ argenti p. xx.

15 *. ceræ p. c. *. olei heminam.

6. *Παρακολλητικὸν Emplastrum ad idem.*

Præterea est, quod παρακολλητικὸν à glutinando vocant. Constat ex his: bituminis, aluminis scissilis p. 1v. *. spumæ argenti p. 1v. *. & olei veteris hemina.

7. *Cephalicum Emplastrum Philotæ, capiti conveniens.*

Præterea sunt quædam generis ejusdem, quæ, quia capitibus fractis maxime con-

25 veniunt, κεφαλικά à Græcis nominantur. Philotæ compositio habet terræ Eretriæ, chalcitidis, singulorum p. 1v. *. myrrhæ, æris combusti, singulorum p. x. *. ichthyocollæ p. vi. *. æruginis rasæ, aluminis rotundi, misyos crudi, aristolochiæ, singulorum p. viii. *. squamæ æris p. xx. thuris masculi p. 11. *. ceræ p. 1. rosæ, & olei acerbi, ternos cyathos, aceti quantum satis est, dum arida ex eo conteruntur.

R 3

8. *Em-*

8. *Emplastrum viride ad idem valens.*

Aliud ad idem viride. Habet æris combusti, squamæ æris, myrrhæ, ichthyocol-læ, singulorum p. vi. *. misyos crudi, æru-ginis rasæ, aristolochiæ, aluminis rotundi, singulorum p. viii. *. ceræ p. vi. olei hemi-nam, aceti quod satis sit.

9. *Tetrapharmacum Emplastrum, ad pus movendum.*

Puri autem movendo non aliud melius, quam quod expeditissimum est, & ² τετρα-
φαρμακον à Græcis nominatur. Habet pares portiones ceræ, picis, resinæ, sevi taurini; si id non est, vitulini.

10. *Enneapharmacum Emplastrum ad pus mo-
vendum, & ad purgandum valens.*

Alterum ad idem, ³ εννεαφαρμακον nomi-natur; quod magis purgat. Constat ex no-
vem rebus, cera, melle, sevo, resina, myrrha,
rosa, medulla vel cervina vel vitulina vel
bubula, œsypo, butyro. Quorum quoque
pondera paria miscentur.

11. *Emplastra, quibus utriusque rei facultas est.*

Sunt autem quædam emplastra quibus
utriusque rei facultas est. quæ, nisi singula
habenda sit, meliora sunt; alias deteriora,
nec, nisi cum utraque opus est, aut in sin-
gulis singulorum inopia, utenda veniunt:
sed in copia rejicienda sunt; his potius ad-
hibitis, quæ id proprie, quod eo tempore
opus est, consequuntur. Exempli causa duo
proponam.

Attalum Emplastrum ad vulnera.

Est igitur ad vulnera Attalum: quod ha-
bet

1 Scribon. Larg. cap. LXXXI. c. 211. 2 Casaub.
ad Spartiani Adrianum, c. 21. pag. 192. 3 Casaub.
ad Spartian. Adrian. c. 21. pag. 192, 232.

bet squamæ æris p. vi. *. thuris fuliginis p. xv. *. ammoniaci tantumdum, resinæ terebinthinæ liquidæ p. xxv. * sevi taurini tantundem, aceti heminas tres, olei sextarium.

5 *Judei Emplastrum, fracto capiti accommodatum.*

At inter ea, quæ fracto capiti accom-

10 modantur, habent quidam id, quod ad auctorem Judæum¹ refertur. Constat ex his: salis p. iv. *. squamæ æris rubri, æris combusti, singulorum p. xii * ammoniaci thymiamatis, thuris fuliginis, resinæ aridæ, singulorum p. vi. * resinæ Colophonix, ceræ, sevi vitulini curati, singulorum p. xx.

15 *. additur aceti sesquicyathus, olei minus 271, 8. cyatho². Quæ *τετρεγγονόμην* Græci appellant nos curata vocamus; cum ex sevo putata omnes membranulæ diligenter exemptæ sunt, aut ex alio medicamento.

20 12. *Emplastra ἐπιπαρασινὰ³*

Sunt etiam quædam emplastra nobilia ad extrahendum. quæ ipsa quoque ἐπιπαρασινὰ nominantur. Quale est, quod, quia lauri baccas habet, *Ἀλγυαφικόν* appellatur. In eo 25 est, resinæ terebinthinæ p. x. *. nitri, ceræ, picis aridæ, baccarum lauri, singulorum p. xx. *. olei paululum. Quoties autem baccam, aut nucem, aut simile aliquid posuero, scire oportebit, antequam expendatur, ei summam pelliculam esse demendam.

30 13. *Aliud Ἀλγυαφικόν, ad extrahendum, & pus movendum.*

Aliud eodem nomine, quod puri quoque movendo est. Sevi vitulini, ammo-

R 4

niaci

¹ Aëtius Tetrab. IV. Serm. III, 14. ² Rhodius de Ponderib. & Mensur. p. 35. ³ Scribon. Larg. c. LXXXVI.

niacithymiamatis, picis, ceræ, nitri, bac-
carum lauri, resinæ aridæ, aristolochiæ,
pyrethri, pares portiones.

14. *Philocratis Emplastrum, ad extrahendum,
& pus movendum.*

Præter hæc, est Philocratis: quod habet:
salis ammoniaci p. vii. *. aristolochiæ p.
viii. *. ceræ, resinæ terebinthinæ, fuli-
ginis thuris, singulorum p. xv. *. spumæ
à genti p. xxxii. *. Quibus, ut pus quoque
moveant, iridis p. iii. *. galbani p. vi. *.
adjiciuntur.

15. *ῤυπῶδες Emplastrum, ad extrahendum.*

Optimum tamen ad extrahendum est
id quod à similitudine sordium ῤυπῶδες
Græci appellant. Habet myrrhæ, croci,
iridis, propolis, bdellii, capitulorum pu-
nici mali, aluminis scissilis & rotundi, mi-
syos, chalcitidis, atramenti futorii cocti,
opopanacis, salis ammoniaci, visci, singu-
lorum p. iv. *. aristolochiæ p. viii. *. squa-
mæ æris p. xvi. *. resinæ terebinthinæ p.
lxxv. *. ceræ, & sevi vel taurini vel hirci-
ni singulorum p. c. *.

16. *Emplastrum Hecatei, ad extrahendum.*

Hecatæo quoque authore emplastrum
generis ejusdem fit ex his: galbani p. ii. *.
fuliginis thuris p. iv. *. picis p. v. *. ceræ,
& resinæ terebinthinæ, singulorum p.
viii. *. quibus paulum irini unguenti
miscetur.

17. *Alexandrinum Emplastrum viride, ad
extrahendum.*

Valensque ad idem emplastrum viride
Ale-

Alexandrinum est. Habet aluminis scissilis p. viii. *. salis ammoniaci, p. vii. *. squamæ æris p. xvi. *. myrrhæ, thuris, singulorum p. xviii. *. ceræ p. cl. *. resinæ
5 Colophonæ aut pineæ p. cxc. *. olei heminam, aceti sextarium.

18. *De Emplastris exedentibus.*

Quædam autem sunt emplastra exedentia, quæ *σντηνὰ* Græci vocant, quale est id,
10 quod habet resinæ terebinthinæ, fuliginis thuris, singulorum p. ii. *. squamæ æris p. i. *. ladani p. ii. *. aluminis tantundem, spumæ argenti p. iv. *.

19. *Emplastrum, quod exest corpus, ossa resolvit,*
15 *& supercrescentem carnem coercet.*

Exest etiam vehementer corpus, atque ossa quoque resolvit, & supercrescentem carnem coercet, id, quod habet spumæ argenti, squamæ æris, uncias singulas; nitri
20 ignem non experti, lapidis Asii, aristolochiæ p. sextantes ¹, ceræ, resinæ terebinthinæ, thuris, olei veteris, atramenti futorii, salis ammoniaci p. semis, æruginis rasæ p.
² bessem, aceti scillitici heminam, vini ami-
25 næi tantundem.

20. *Emplastra adversus morsus, & alia recentiora vulnera.*

Emplastrum Diogenis nigrum.

Sunt etiam adversus morsus quædam accommodata; quale est Diogenis nigrum: quod habet bituminis, ceræ, resinæ pineæ aridæ, singulorum p. xx. *. spumæ argenti p. c. *. olei § sextarium Aut in quo sunt squamæ æris p. iv. *. cerussæ, & æruginis rasæ

R 5 fin-

1 I. Rhodius de Ponderib. p. 13. 2 I. Rhodius de Ponderib. p. 11, 12. §. I. Rhodius de Ponderib. p. 27.

singulorum p. viii. *. ammoniaci p. xii. *. ceræ, resinæ pineæ, singulorum p. xxv. *. spumæ argenti p. c. *. olei sextarium. Aut in quo sunt squamæ æris p. xiv. *. galbani p. vi. *. cerussæ, & æruginis rasæ, singulorum p. viii. *. ammoniaci p. xii. ceræ, resinæ pineæ, singulorum p. lv. *. ex quibus spuma argenti concoquitur.

21. *Ephesium Emplastrum rubrum, ad idem valens.*

Rubrum quoque emplastrum, quod Ephesium vocatur, huc aptum est. Habet resinæ terebinthinæ p. ii. *. galbani p. iv. *. minii sinopici p. vi. *. thuris fuliginis p. vi. *. ceræ p. viii. *. spumæ argenti p. lvi. *. olei veteris hæminam.

22. *Aliud Emplastrum, ad idem valens.*

Item id, quod ex his constat; squamæ æris, thuris fuliginis, singulorum p. iv. *. galbani p. vi. *. salis ammoniaci p. xii. z. *. ceræ p. xxv. *. olei tribus heminis. Hæc autem aliis quoque recentioribus vulneribus recte imponuntur.

23. *Λόυχα Emplastra non gravibus vulneribus accommodata, & maxime senilibus.*

Sunt etiam alba lenia, λούχα Græci vocant, fere non gravibus vulneribus accommodata, præcipueque senilibus. Quale est quod habet cerussæ p. lvi. *. sevi vitulini curati, & ceræ, singulorum p. lviii. *. olei heminas tres, ex quibus ea cerussa coquitur.

24. *Elephantinum Emplastrum.*

Aliud, quod habet cerussæ p. xx. *. ceræ p. lv. *.

p. LV. *. olei heminam , aquæ sextarium.
Quæ quoties adjiciuntur cerussæ vel spumæ
argenti , scire licet , illa ex his coquenda
esse. Est autem ea percandida compositio,
quæ supra posita est , ideoque elephantina
nominatur.

25. *Lenia Emplastra.*

Lenia quoque quædam emplastra sunt ,
quæ 'λιπαρὸν' fere Græci nominant ; ut id
quod habet minii p. IV. *. spumæ argenti
p. XXV. *. ceræ , & adipis suillæ singulorum
p. XXXV. *. vitellos ovorum quatuor.

26. *Emplastrum lene.*

Alia compositio generis ejusdem : ceræ ,
resinæ terebinthinæ , singulorum p. V. *. ce-
russæ p. VIII. *. spumæ argenti , plumbi re-
trimenti , (σκαρίαν μολύβδε Græci vocant) 247, 34
singulorum p. X. *. cicini olei , & myrtei ,
singulorum heminæ tertia.

27. *Archagathi Emplastrum lene.*

Alia , quæ ad authorem Archagathum
refertur : misyos cocti , æris combusti , sin-
gulorum p. IV. *. cerussæ coctæ p. VIII. *.
resinæ terebinthinæ p. X. *. spumæ argenti
p. VI. *.

21. *Emplastra ejusdem generis, ad leniendum apta.*

Etiamnum generis ejusdem : spumæ ar-
genti , ceræ , adipis suillæ , singulorum p.
XXVII. *. vitelli cocti , rosæ hemina. Aut
compositio hæc : cerati ex oleo myrteo facti
partes tres , adipis suillæ pars quarta , pau-
lulum ex plumbi retrimento. Aut hæc com-
positio ; spumæ argenti 2 selibra : ex olei
hemina , & aquæ marinæ altera , cocta do-
nec

1 Plin. XXIII, 9. & XXXIII. 6. 2 Rhodius
de Ponderib. p. 12.

nec bullire defierit, cui paulum ceræ sit ad-
jectum. Aut hæc: pares portiones ceræ, se-
vi, stibii, spumæ argenti, cerussæ.

C A P. X X.

De Pastillis.

*Et primo de his, qui ad recentia vulnera
glutinanda, sanandaque apti sunt.*

PAstilli quoque facultates diversas
habent. Sunt enim ad recentia vulnera
glutinanda sanandaque apti. Qualis est,
qui habet chalcitidis, misyos, spumæ
nitri, floris æris, gallæ, aluminis scissiliss
modice cocti, singulorum p. i. *. æris com-
busti, capitulorum mali punici, singulorum
p. iii. *. Hunc oportet diluere aceto, ac-
fic, ubi vulnus glutinandum est, illinere.
At, si nervosus aut musculosus is locus est,
commodius est cerato miscere, sic ut illius
octo partes, nona hujus sit.

1. *Alius Pastillus ad glutinanda vulnera.*

Alius ad idem. Constat ex his: bitumi-
nis, aluminis scissilis, singulorum, p. i. *.
æris combusti p. iv. *. spumæ argenti p. xi.
*. olei sextario.

2. *De Sphragide Pastillo, quem Polyidas
confecit ad glutinandum vulnus.*

Sed longe Polyidæ celeberrimus est:
πολυιδης autem nominatur. Qui habet alu-
minis scissilis p. iv. *. atramenti sutorii p.
ii. *. myrrhæ p. v. *. aloes tantundem, ca-
pitulorum punici mali, fellis taurini, sin-
gulorum p. vi. *. quæ contrita vino austero
excipiuntur.

3. *Pastil-*

1 Calius Aurelian. de Acut. Morb. III, 3.

3. *Pastillus ad ulcera sordida, & nigritiem in auribus, naribus, & in obscœnis partibus, inflammationesque eorum.*

Ad ulcera sordida, & nigritiem in auribus, naribus, obscœnis partibus, inflammationesque eorum: chrysocollæ p. i. *. atramenti sutorii, aluminis scissilis, singulorum p. ii. *. halicacabi corticis p. iv. *. minii p. vi. *. spumæ argenti p. xii. *. cerussæ p. xvi. *. quæ ex aceto coguntur, &, ubi utendum est, diluuntur.

4. *Pastillus Andronis ad uvam inflamatam, ad naturalia sordida, etiam cancro laborantia.*

Andronis: vero est ad uvam inflamatam, ad naturalia sordida, etiam cancro laborantia: gallæ, atramenti sutorii, myrrhæ, singulorum p. i. *. aristolochiæ, aluminis scissilis, singulorum p. ii. *. capitulorum punici mali p. xxv. *. ex passo coactorum & cum usus exigit, aceto vel vino dilutorum, prout valentius aut levius vitium est, cui medendum est.

5. *Pastillus ad fissa ani, vel ora venarum fundentia sanguinem, vel cancerum.*

Proprie autem ad ani fissa, vel ora venarum fundentia sanguinem, vel cancerum valet: æruginis p. ii. *. myrrhæ p. iv. *. gummi p. viii. *. thuris p. xii. *. stibii, lacrymæ papaveris, acaciæ, singulorum p. xvi. quæ ex vino & teruntur, & in ipso usu deliquantur.

6. *Pastillus ad expellendum calculum ex vesica.*

Expellere autem ex vesica cum urina calculum videtur hæc compositio: cassiæ, croci,

croci, myrrhæ, costi, nardi, cinnamomi
dulcis radicis, balsami, hyperici pares por-
tiones conteruntur; deinde vinum lene in-
stillatur, & pastilli fiunt, qui singuli habeant
p. i. *. hique singuli quotidie mane jejuno
dantur.

C A P. XXI.

De Pessis.

HÆc tria compositionum genera, id
est, quæ in malagmatis, emplastris
pastillisque sunt, maximum præcipue-
que varium usum præstant. Sed alia
quoque utilia sunt: ut ea quæ fœminis
subjiciunt. *πισσῆς* Græci vocant. † Eorum
hæc proprietas est: medicamenta compo-
sita molli lana excipiuntur, eaque lana na-
turalibus conditur.

1. *Ad sanguinem evocandum.*

Ad sanguinem autem evocandum, cau-
neis duabus adjicitur nitri p. i. *. aut allii
femen conteritur, adjicitur myrrhæ pau-
lulum, & unguento fusino miscetur. Aut
cucumeris sylvestris pars interior ex lacte
muliebri diluitur.

2. *Ad vulvam molliendam.*

Ad vulvam molliendam, ovi vitellus,
& fœnum Græcum, & rosa, & crocum
temperantur. Aut elaterii p. iiii. *. salis
tantundem, uvæ taminia p. vi. *. melle ex-
cipiuntur.

3. *Alia Pessi compositio, ad idem valens.*

Aliud Boetho † authore: quod habet croci,
resinæ terebinthinæ, singulorum p. iv. *.
myrr-

myrrhæ p. iiii. *. rosæ p. i. *. sevi vitulini p. iiii. ceræ p. ii. * miscentur.

4. *Ad inflammationes vulvæ Numenii Pessus.*

Optima autem adversus inflammationes vulvæ Numenii compositio est, quæ habet croci p. iiii. * ceræ p. i. *. butyri p. viiii. *. adipi anserinæ p. xii. * vitellos coctos duos, rosæ minus cyatho.

263, 15*

5. *Ad ejiciendum è vulva infantem mortuum.*

Si vero infans intus decessit, quo facilius ejiciatur, malicorium ex aqua terendum, eoque utendum est.

6. *Si mulier vitio locorum concidit, qua curatione utendum sit*

† Si concidere vitio locorum mulier solet, cochleæ cum testis suis comburendæ, contendæque, deinde his mel adjiciendum.

7. *Si mulier non comprehendit.*

Si non comprehendit, adeps leonina ex rosa mollienda est.

C A P. XXII.

De Medicamentis, quibus aridis utimur.

1. *Ad carnem supercrescentem exedendam.*

Q UÆDAM misturæ medicamentorum sunt, quibus aridis neque coactis utimur sic, ut inspergamus; aut cum aliquo liquido mixta illinamus: quale est, ad carnem supercrescentem exedendam, quod habet squamæ æris, fuliginis thuris, singulorum p. i. *, æruginis p. ii. *. Hæc autem eadem cum melle purgant ulcera; & cum cera, implent. Misy quoque & galla, si paribus portionibus misceantur, corpus consumunt: eaque vel arida insper-

spargere licet, vel excepta cadmia illinire.

2. *Ad putrem carnem continendam, ne ultra
serpat, eamque leniter exedendam,
plures compositiones.*

Putrem vero carnem continet, neque
ultra serpere patitur, & leniter exest, mee
vel cum lenticula, vel cum marrubio, vel
cum oleæ foliis, ante ex vino decoctiss
Item fertula campana in mulso cocta, de
inde contrita. Aut calx cum cerato. Aut
amaræ nuces cum allio, sic ut hujus pars
tertia sit, paululumque his croci adjiciatur
Aut quod habet spumæ argentip vi. * cora
nu bubuli combusti p. xii. *. olei myrtei, &
vini cyathos ternos. Aut quod ex his con
stat: floris punici mali, atramenti sutorii,
aloes, singulorum p. ii. * aluminis sciifilis,
thuris, singulorum p. iv. *. gallæ p. viii. *.
aristolochiæ p. x. *. Vehementius idem fa
cit, etiam adurendo, auripigmentum cum
chalcitide, & aut nitro, aut calce, aut charta
combusta. Item sal cum aceto. Vel ea com
positio, quæ habet chalcitidis, capitulorum
mali punici, aloes, singulorum p. ii. *. alu
minis sciifilis, thuris, singulorum p. iv. *.
gallæ p. viii. *. aristolochiæ. p. x. *. mellis
quantum satis sit ad ea cogenda. Vel can
tharidum, sulphuris, singulorum p. i. *.
lolii p. iii. *. quibus adjicitur picis liquidæ
quantum satis est ad jungendum. Vel chal
citis quoque cum resina & ruta mixta: aut
cum eadem resina diphryges: aut uva ta
minia cum pice liquida. Idem vero possunt
& feces vini combustæ, & calcis & nitri
paress

pares portiones. Vel aluminis scissilis p. i. thuris, sandarachæ, nitri, singulorum p. i. *. gallæ p. viii. *. aristolochiæ p. x. *. mellis quantum satis est.

5 3. *Hera compositio.* ¹

Est etiam Heræ compositio, quæ habet myrrhæ, chalcitidis, singulorum, p. ii. *. aloes, thuris, aluminis scissilis, singulorum p. iv. *. aristolochiæ, gallæ immaturæ, singulorum p. viii. *. malicorii contriti p. xx. *.

4. *Judæi compositio.*

Est & Judæi: in qua sunt calcis partes duæ, nitri quam ruberrimi pars tertia: 15 quæ urina impuberis pueri coguntur, donec strigmenti crassitudo sit. Sed subinde is locus, cui id illinitur, madefaciendus est.

5. *Jolla compositio.*

At Jollas, chartæ combustæ, sandarachæ, singulorum p. i. *. calcis p. ii. p. auripigmenti tantumdem miscebat.

6. *Ad sanguinis profluvia vel ex membrana cerebri, vel aliis locis; & ad cancrum, & ad inducendam cicatricem, & ad coercendam*
carnem increfcentem.

5 Si vero ex membrana, quæ super cerebrum est, profluit sanguis, vitellus combustus & contritus inspergi debet. Si ex alio loco sanguinis profluvium est, auripigmenti, squamæ æris, singulorum p. i. *. sandarachæ p. ii. *. marmoris cocti p. iv. *. inspergi debent. Eadem cancro quoque ob- 10 sistunt. Ad inducendam cicatricem, squamæ æris, thuris fuliginis, singulorum

S

p. ii. *

1 Oribas. Synopf. L. III. de *Pastillis*.

p. II. *. calcis p. IV. p. Eadem incrementem quoque carnem coërcent.

7. *Timæi compositio ad ignem sacrum vel cancrum.*

Timæus autem ad ignem sacrum, & ad cancrum his utebatur: myrrhæ p. II. *. thuris, atramenti futorii, singulorum p. III. *. fandarachæ, auripigmenti, squamæ æris, singulorum p. IV. *. gallæ p. VI. *. cerussæ combustæ p. VII. *. Eadem vel arida inspersa, vel melle excepta idem præstant.

8. *Ad sternutamenta excitanda.*

Sternutamenta vero & albo veratro, vel struthio coniecto in nares excitantur. vel his mistis: piperis, veratri albi, singulorum p. *. III. castorei p. I. *. spumæ nitri p. II. *. struthii p. III. *.

9. *Gargarizationes quibus fieri debeant.*

Gargarizationes autem aut lævandi causa fiunt, aut reprimendi, aut evocandi. Lævant, lac, cremor vel ptisanæ, vel furfurum. Reprimit autem aqua, in qua vel lenticula, vel rosa, vel rubus, vel cotoneum malum, vel palmulæ decoctæ sunt. Evocant, sinapi, piper.

C A P. XXIII.

*De Antidotis,
& quibus malis opitulentur.*

ANTIDOTA raro, sed præcipue interdum necessaria sunt, quia gravissimis casibus opitulantur. Ea recte quidem dantur collisis corporibus vel per ictus vel ubi ex alto deciderunt, vel in viscerum late-

laterum, faucium, interiorumque partium doloribus. Maxime autem desideranda sunt adversus venena, vel per morsus, vel percibos, aut potiones nostris corporibus inserta.

I. *Compositio antidoti.*

Unum est, quod habet lacrymæ papaveris p. *. z. acori, malabathri p. v. *. iridis Illyricæ, gummi, singulorum p. ii. *. anisi p. iii. *. nardi Gallici, foliorum rosæ aridorum, cardamomi, singulorum p. iv. *. petroselini p. *. iii. z. trifolii p. v. *. cassiæ nigræ, filis bdellii, carpobalsami, seminis papaveris albi, singulorum p. *. z. styra-cis p. *. v. z. myrrhæ, opopanacis, nardi Syri, thuris masculi, hypocistidis succi, singulorum p. vi. *. castorei p. vi. *. costi, piperis albi, galbani, resinæ terebinthinæ, croci, floris junci rotundi, singulorum p. vi. *. z. dulcis radicis p. viii. *. z. quæ melle vel passo excipiuntur.

2. *Aliud antidotum, Ambrosia nominatum; quod Zopyrus Ptolemæo regi composuit.*

Alterum, quod Zopyrus regi Ptolemæo dicitur composuisse, atque Ambrosiam nominasse, ex his constat: costi, thuris masculi, singulorum p. v. *. piperis albi p. *. z. floris junci rotundi p. ii. *. cinamomi p. iii. *. cassiæ nigræ p. iv. *. croci Cilicii p. *. iv. z. myrrhæ, quam staecten nominant, p. v. *. nardi Indici p. *. v. z. quæ singula contrita melle cocto excipiuntur: deinde, ubi utendum est, id, quod Ægyptiæ fabæ magnitudinem impleat, in potione vini diluitur.

S 2

3. *An-*

1 Ambrosiæ Junii Crispi meminit Marcellus de Medic. cap. XXIII. p. 345. 2 Rhodius de Ponderib. p. 25.

3. *Antidotum Mithridatis.*¹

Nobilissimum autem est Mithridatis. quod quotidie fumendo rex ille dicitur adversus venenorum pericula tutum corpus suum reddidisse. In quo hæc sunt: costi p. *. z. acori p. v. *. hyperici, cumini, sagapeni, acaciæ succi, iridis Illyricæ, cardamomi, singulorum p. ii. *. anisi p. iii. *. nardi Gallici, gentianæ radicis, aridorum rosæ foliorum, singulorum p. iv. *. papaveris lachrymæ, petroselini, singulorum p. *. iv. z. cassiæ, fileris, lolii, piperis longi singulorum p. vi. *. styracis p. *. v. z. castorei, thuris, hypocistidis succi, myrrhæ, opopanax, singulorum p. vi. *. malabathri folii p. vi. *. floris junci rotundi, resinæ terbinthinæ, galbani, dauci Cretici seminis, singulorum p. *. v. z. nardi, opobalsami, singulorum p. *. vi. z. thlaspis p. *. vi. radicis Ponticæ p. vii. *. croci, zinziberis, cinnamomi, singulorum p. *. viii. Hæc contrita melle excipiuntur, & adversus venenum, quod magnitudinem nucis Græcæ impleat, ex vino datur. In cæteris autem affectibus corporis pro modo eorum vel quod² Ægyptiæ fabæ vel ervi magnitudinem impleat, satis est.

CAP. XXIV.

*De Acopis.*³1. *Acopum nervis utilis.*

ACOPIA quoque utilia nervis sunt. Quale est, quod habet floris junci rotundi p. *. ii. zz. costi, junci quadrati,

¹ Plin. H. N. XXIII, 18. ² Jo. Rhodius de Ponderib. p. 26. ³ Scribon. Larg. cap. CLIV. c. 26.

drati, lauri baccarum, ammoniaci, cardamomi, singulorum p. *. iv. z. myrrhæ, æris combusti, singulorum p. vii. *. iridis Illyricæ, ceræ, singulorum p. iv. *. Alexandrini calami, junci rotundi, aspalathi, xylobalsami, singulorum p. xvi. *. sevi p. i. *. unguenti irini cyathum.

2. *Acopum Elodes nervis utile.*

Alterum, quod ἐλαϊώδες vocant, hoc modo fit: ceræ p. *. z. olei tantundum, resinæ terebinthinæ ad nucis juglandis magnitudinem; simul incoquuntur: deinde infusa in mortario teruntur, instillaturque subinde quam optimi mellis acetabulum, tum irini unguenti, & rosæ terni cyathi.

3. *Ευχρίσα ad ulcera purganda & implenda.*

Ευχρίσα autem Græci vocant liquida, quæ illinuntur. Quale est, quod fit ad ulcera purganda & implenda, maxime inter nervos, paribus portionibus inter se mixtis, butyri, medullæ vitulinæ, sevi vitulini, adipis anserinæ, ceræ, mellis, resinæ terebinthinæ, rosæ, olei cicini. Quæ separatim omnia liquantur, deinde liquida miscentur, & tum simul teruntur. Et hoc quidem magis purgat: magis vero emollit, si pro rosa cyprus infunditur.

4. *Ad sacrum ignem.*

Ad sacrum ignem: spumæ argenti p. vi. *. cornu bubuli combusti p. ii. *. conteruntur, adjiciturque invicem vinum, & id, quod specialiter sic vocatur, & myrteum, donec utriusque terni cyathi conficiantur.

S 3

CAP.

1 Omnes edit. *Sil.* cujus meminit Plin. H. N. XXXIII, 13. Plura loca congeffit Rhodius ad Scribon. Larg. cap. XXX. c. 126. & in Lexico.

C A P. XXV.

De Catapotiiis.

1. *Catapotium ad somnum accersendum, & levationem dolorii, & simul ad coquendum.*

CATAPOTIA quoque multa sunt, variisque de causis fiunt. *Ἀνώδυνα* vocant, quæ somno dolorem levant. Quibus uti, nisi nimia necessitas urget, alienum est. Sunt enim ex vehementibus medicamentis, & stomacho alienis. Prodest tam enim etiam ad concoquendum, quod habet pappaveris lachrymæ, galbani, singulorum p. i. *. myrrhæ, castorei, piperis, singulorum p. ii. Ex quibus, quod ervi magnitudinem habet, fatis est devorasse.

1. *Catapotium valentius ad somnum.*

Alterum, stomacho pejus, ad somnum valentius, ex his fit: mandagoræ p. *. zapii seminis, item hyoscyami seminis, singulorum p. iv. *. quæ ex vino teruntur. Unum autem ejusdem magnitudinis, quæ supra posita est, abunde est sumpsisse.

3. *Catapotium ad plurimos dolores per somnum leniendos.*

Sive autem capitis dolores, sive ulcera, sive lippitudo, vel dentes, sive spiritus difficultas, sive intestinorum tormenta, sive inflammatio vulvæ, sive coxæ est, sive jejuri, aut lienis, aut latus torquet, sive vitio locorum aliqua prolabitur & obmutescit, occurrit dolori per quietem ejusmodi catapotium. Silis, acori, rutæ silvestris seminis, singulorum p. i. *. castorei, cinamom

fin

singulorum p. ii. *. papaveris lachrymæ, panacis radicis, mandragoræ malorum aridorum, junci rotundi floris, singulorum p. ii. *. piperis grana lvi. Hæc per se contrita, rursus instillato subinde passo, simul omnia teruntur. donec crassitudo sordium fiat. Ex eo paulum aut devoratur, aut aqua diluitur, & potui datur.

4. *Catapotium aliud ad multa valens.*

† Quinetiam silvestris papaveris, cum jam ad excipiendam lachrymam maturum est, manipulus, qui manu comprehendi potest, in vas demittitur, & super infunditur aqua, quæ id contegat, atque ita coquitur. Ubi jam bene manipulus is coctus est, ibidem expressus projiciatur; & cum eo humore passum pari mensura misceatur, inferveatque, donec crassitudinem sordium habeat. Cum infrixit, catapotia ex eo fiunt, ad nostræ fabæ magnitudinem, habentque usum multiplicem. Nam & somnum faciunt, vel per se assumpta, vel aqua data & aurium dolores levant, adjectis exiguo modo rutæ succo, ac passo: & tormina supprimunt ex vino liquata: & inflammationem vulvæ coercent, mista cerato ex rosa facto, cum paululum his croci quoque accessit: & ex aqua fronti inducta, pituitam in oculos decurrentem tenent.

5. *Catapotium ad inducendum somnum, quem vulva dolens prohibuit.*

Item, si vulva dolens somnum prohibet, croci p. ii. *. anisi, myrrhæ, singulorum p. i. *. papaveris lacrymæ p. iv. *. cicutæ

S 4

femi-

feminis p. viii. *. miscentur, excipiunturque vino veteri & quod lupini magnitudinem habet, in tribus cyathis aquæ diluitur. Id tamen in febre periculose datur.

6. *Ad jecur sanandum.*

Ad sanandum jecur, nitri p. *. z. croci, myrrhæ, nardi Gallici, singulorum p. i. *. melle excipiuntur, daturque, quod Ægyptiæ fabæ magnitudinem habeat.

7. *Ad finiendos dolores lateris.*

Ad lateris dolores finiendos piperes, aristolochiæ, nardi. myrrhæ pares portiones.

8. *Ad thoracis dolores finiendos.*

Ad thoracis, nardi p. i. *. thuris, cassiæ, singulorum p. iii. *. myrrhæ, cinnamomi, singulorum p. vi. *. croci. p. viii. resinæ terebinthinæ quadrans, mellis heminæ tres.

9. *Catapotium Athenionis ad tussim.*

Ad tussim, † Athenionis: myrrhæ, piperis, singulorum p. i. *. castorei, papaveris lacrymæ, singulorum p. i. *. Quæ separatim contusa postea junguntur, & ad magnitudinem fabæ nostræ, bina catapotia mane, bina noctu dormituro dantur.

10. *Catapotium Heraclidis Tarentini ad tussim & somnum.*

At, si tussis somnum prohibet, ad utrumque Heraclidis Tarentini: croci p. i. *. cinnamomi, castorei, papaveris lacrymæ, singulorum p. i. *. myrrhæ, piperis longi, costii, galbani, singulorum p. *. z.

11. *Catapotium ad purganda ulcera in faucibus tussientibus.*

Quod si purganda sunt ulcera in faucibus

bus tuffientibus, panacis, myrrhæ, refinæ terebinthinæ, fingulorum p. v. *. galbani p. *. z hyffopi p. *. z. conterenda funt, hisque hemina mellis adjicienda, & quod digito excipi potest, devorandum est.

12. *Colice Caffii medici.*

Colice vero Caffii ex his conftat: 1 croci, 224. I. anifi, caftorei, fingulorum p. i i i. *. petrofelini p. i v. *. piperis & longi, & rotundi, fingulorum p. v. *. papaveris lacrymæ, junci rotundi, myrrhæ, nardi, fingulorum p. vi. *. quæ melle excipiuntur. Id autem & devorari potest, & ex aqua calida iumi.

13. *Ad infantem mortuum aut fecundas expellendas.*

Infantem vero mortuum, aut fecundas expellit aquæ potio, cui falis ammoniaci p. i. *. aut cui dictami Cretici p. i. *. adjectum est.

14. *Laborantibus ex partu quid dari debeat.*

Ex partu laborantibus, eryfinum ex vino tepido jejunis dari debet.

15. *Ad adjuvandum vocem.*

Vocem adjuvat, thuris p. i. *. in duobus cyathis vini datum.

16. *Adversus difficultatem urinæ.*

Adversus urinæ difficultatem: piperis longi, caftorei, myrrhæ, galbani, papaveris lacrymæ, croci, costi, uncia singulæ, styracis, refinæ terebinthinæ pondo sextantes, mellis apfinthii cyathus. Ex quibus ad magnitudinem fabæ Ægyptiæ mane & cœnato dari debet.

17. *Arteriaces compositio quomodo fiat.*

Arteriace vero hoc modo fit: cassiæ, iris,

S 5

dis,

1 Forte *costi* uti libro IV. c. 14. sed malim ibi legere *croci*, ita Scribon. Larg. cap. XXIX. cujus descriptio in aliis variat.

dis, cinnamomi, nardi, myrrhæ, thuris, singulorum p. i. *. croci p. i. *. piperis ¹ grana xxx. ex passi tribus sextariis decoquuntur, donec mellis crassitudo his fiat. Aut croci, myrrhæ, thuris singulorum p. i. *. conjicitur in passi eundem modum, eodemque modo decoquuntur. Aut ejusdem passi heminæ tres usque eo coquuntur, donec extracta inde gutta indurescat; & adjicitur tritæ cassiæ p. i. *.

CAP. XXVI.

De quinque generibus noxarum corporis.

CUM facultates medicamentorum proposuerim; genera, in quibus noxa corpori est, proponam. Ea quinque sunt. Cum quid extrinsecus læsit, ut in vulneribus. Cum quid intra seipsum corruptum est, ut in cancro. Cum quid innatum est, ut in vesica calculus. Cum quid increvit, ut vena, quæ intumescens in varicem convertitur. Cum quid deest, aut cum curta pars aliqua est. Ex his alia sunt, in quibus medicamenta, alia in quibus plus manus proficit. Ego, dilatis his, quæ præcipue scalpellum ² in manum postulant, nunc de his dicam, quæ maxime medicamentis egent. Dividam autem hanc quoque curandi partem, sicut priorem; & ante dicam de his, quæ in quamlibet partem corporis incidunt; tum de his, quæ certas partes infestant. Incipiam à vulneribus.

1. *De vulneribus, quæ per tela inferuntur.*

In his autem ante omnia scire medicus debet,

1 p. 252, 257. 2 aut vel ac.

debet, quæ insanabilia sint, & quæ difficilem curationem habeant, quæ promptiorem. Est enim prudentis hominis, primum eum, qui servari non potest, non attingere, nec subire speciem ejus, ut occisi, quem fors ipsius interemit. Deinde, ubi gravis metus sine certa tamen desperatione est, indicare necessariis periclitantis, in difficili rem esse: ne, si victa ars malo fuerit, vel ignorasse, vel fecisse videatur. Sed ut hæc prudenti viro conveniunt: sic rursus histrionis est, parvam rem attollere, quo plus præstitisse videatur. Obligari æquum est confessione promptæ rei, quo curiosius etiam circumspectat, ne, quod per se exiguum est, majus curantis negligentia fiat.

2. *Quæ vulnera insanabilia sint.*

3 Servari non potest, cui basis cerebri, cui cor, cui stomachus, cui jecinoris portæ, cui in spina 4 medulla percussa est; cuique aut pulmo medius, aut jejunum, aut 5 tenuius intestinum, aut ventriculus, aut renes vulnerati sunt; cuive circa fauces grandes venæ, vel arteriæ præcisæ sunt.

25 3. *Quæ vulnera difficilem curationem habeant.*

Vix autem ad sanitatem perveniunt, quibus ulla parte aut pulmo, aut jecinoris crassum, aut membrana, quæ continet cerebrum, aut lienis, aut vulva, aut vesica, aut ullum intestinum, aut septum transversum vulneratum est. Hi quoque in præcipiti sunt, in quibus usque ad grandes intusque con-

1 Hipp. de Arte T. IV, 6. XXIII, 5, 6 Apuleius de Doctr. Platon. L. II. Cicero ad Artic. L. XVI. Ep. 15. Rittershusius ad Isidor. Pelusiot L. II. Epist. 16. 2 Æginet. VI, 88. 3 Aph. VI, 18. Coac. Not. III, 387. II. Prædict. XIX, XLII. 4 Exemplum vide apud Tulpium Obs. L. III. c. 27. 5 Aph. VI. 24. Coac. Not. III, 379, 389.

conditas venas in alis vel poplitibus mucro
desedit. Periculosa etiam vulnera sunt, ubi-
cunque venæ majores sunt, quoniam exhau-
rire hominem profusione sanguinis possunt.
Idque evenit non in alis tantum, atque po-
plitibus; sed etiam in his venis, quæ ad
anum testiculosque perveniunt. Præter hæc
malum vulnus est, quodcunque in alis vel
feminibus, vel inanibus locis, vel inter digi-
tos est. Item quodcunque muscolum, aut
81,23. nervum, aut arteriam, aut membranam,
aut os, aut cartilaginem læsit.

4. *Quæ vulnera tutiorem curationem habeant.*

Tutissimum omnium, quod in ¹ carne est.
Et hæc quidem loco vel pejora, vel meliora ¹⁵⁵
sunt. Modo vero periculum facit, quod-
cunque magnum est.

5. *Observationes in vulneris genere & figura.*

Aliquid etiam in vulneris genere figuraque
est. Nam pejus est, quod etiam collisum, quam ²⁰
quod tantum discissum est, adeo ut acuto quo-
que, quam retuso telo, vulnerari commodius
sit. Pejus etiam vulnus est, ex quo aliquid ex-
cisum est; ex quo ve caro alia parte abscissa,
alia dependens. Pessima quæque plaga ²⁵ curva
est: tutissima, quæ lineæ modo recta est.
Quo deinde propius huic illive figuræ vulnus
est, eo vel deterius vel tolerabilius est.

18,33.

119,31.

6. *Ætatis observatio, & corporis, &
vitæ, & temporis.*

Quin etiam confert aliquid & ætas, &
corpus, & vitæ propositum, & anni tem-
pus quia facilius sanescit puer vel adole-
scens, quam senior: valens, quam infirmus:
neque

30

¹ Hippoc. Coac. Not. III, 390. & I. de Morb.
III, 5. ² II. Præd. xxiv, 2. Coac. Præn. III, 389.
³ II. Prædict. xix. 7.

neque nimis tenuis, neque nimis plenus,
 quam si alterum ex his est: integri habitus,
 quam corrupti: exercitatus, quam iners:
 sobrius & temperans, quam vino veneri-
 5 que deditus. Opportunissimumque curatio-
 ni tempus, venum est; aut certe neque fer- 42,17.
 vens, neque frigidum. siquidem vulnera &
 nimius calor & nimium frigus infestant;
 maxime tamen horum varietas: ideoque
 10 perniciosissimus autumnus est.

33,33.

7. *Signa eorum, quæ intus læsa sunt.*

Sed pleraque ex vulneribus oculis sub-
 jecta sunt: quorumdam ipsæ sedes indices
 sunt, quas alio loco demonstravimus, cum
 15 positus interiorum partium ostendimus.
 Verumtamen, quia quædam vicina sunt,
 interestque, vulnus in summa parte sit, an
 penitus penetraverit, necessarium est notas
 subjicere, per quas quid intus ictum sit, sci-
 20 re possimus; & ex quibus velspes, vel de-
 speratio oriatur.

8. *Signa percussi cordis.*²

Igitur, corde percusso, sanguis multus
 fertur, venæ languescunt, color pallidissi-
 25 mus, sudores frigidi, malique odoris, tan-
 quam in ægroto corpore oriuntur: extre-
 misque partibus frigidis³ matura mors se-
 quitur.

9. *Signa pulmonis icti.*⁴

30 Pulmone icto, spirandi difficultas est: san-
 guis ex ore spumans, ex plaga rubens, si-
 mulque etiam spiritus cum sono fertur: in
 vulnus inclinari juvat: quidam sine ratio-
 ne consurgunt. Multi si in ipsum vulnus
 incli-

1 Aph. VI, 47. 2 Æginet. VI, 88. 3 Aph. VII, 12.

4 Æginet. VI, 88.

inclinati sunt, loquuntur: si in aliam partem, obmutescunt.

10. *Signa jecinoris vulnerati.*

Jecinoris autem vulnerati notæ sunt: multus sub dextra parte præcordiorum profusus sanguis: ad spinam reducta præcordia; in ventrem cubandi dulcedo; punctiones, doloresque usque ad jugulum, junctumque ei latum scapularum os, intenti. quibus nonnunquam etiam biliosus vomitus accedit.

11. *Signa percussorum renum.*

Renibus vero percussis, dolor ad inguina testiculosque descendit: difficulter urina redditur; eaque aut est cruenta, aut cruor fertur.

12. *Signa vulnerati lienis.*

At, liene icto, sanguis niger à sinistra parte prorumpit: præcordia cum ventriculo ab eadem parte indurescunt: sitis ingens oritur: dolor ad jugulum, sicut jecinore vulnerato, venit.

13. *Signa percussæ vulvæ.*

At, cum vulva percussa est, dolor in inguinibus, & coxis, & feminibus est: sanguinis pars per vulnus, † pars per naturam descendit: vomitus bilis insequitur. Quædam obmutescunt: quædam mente labuntur; quædam, sui compotes, nervorum oculorumque dolore urgeri se confitentur; morientesque eadem, quæ corde vulnerato, patiuntur.

14. *Signa percussi cerebri, vel membranae ejus.*

Si cerebrum membranave ejus vulnus accepit,

accepit, sanguis per nares, quibusdam etiam per aures exit; fereque bilis¹ vomitus insequitur: quorumdam sensus obtunduntur, appellatique ignorant: quorumdam
 5 trux vultus est: quorumdam oculi, quasi resoluti, huc illucque moventur: fereque tertio, vel quinto die delirium accedit. Multorum etiam nervi² distenduntur. Ante mortem autem plerique fascias, quibus
 10 caput deligatum est, lacerant, ac nudum vulnus frigori objiciunt.

15. *Signa stomachi percussi.*

Ubi stomachus autem percussus est, singultus, & bilis vomitus insequitur: si quid
 15 cibi vel potionis assumptum est, id redditur cito: venarum motus elanguescent: sudores tenues oriuntur; per quos extremæ partes frigescunt.

20 16. *Signa jejuni intestini, & ventriculi vulnerati, & aliorum intestinorum.*³

Communes vero jejuni intestini & ventriculi vulnerati notæ sunt. Nam cibus & potio per vulnus exeunt: præcordia indurascunt: nonnunquam bilis per os redditur.
 25 Intestino tantum sedes inferior est. Cætera intestina icta vel stercus⁴, vel odorem ejus exhibent.

17. *Signa percussæ medullæ, quæ in spina est.*

30 Medulla vero, quæ in spina est, discissa, nervi resolvuntur, aut distenduntur: sensus intercidit: interposito tempore aliquo sine voluntate inferiores partes vel semen, vel urinam, vel etiam stercus excernunt.

18. *Si-*

¹ Aph. VI, 50. Æginet. VI, 88. Hippoc. Coac. Not. III, 383. 384. ² Ægin. VI, 90. ³ Æginet. VI, 88. ⁴ Valleriola Obs. L. II Obs. 9.

18. *Signa septi transversi percussi.*

At, si septum transversum percussum est, præcordia fursum contrahuntur, spina dolet, spiritus rarus est, ianguis spumans fertur.

19. *Signa vesica vulnerate.*

Vesica vero vulnerata, dolent inguina: quod super pubem est, intenditur: pro urina, sanguis; at ex ipso vulnere urina descendit: stomachus afficitur. itaque aut bilem vomunt, aut singultiunt: frigus, & ex eo mors sequitur.

20. *De sanguine, & sanie, & pure, & eorum speciebus: quandoque meliora, deteriorave fiant.*

His cognitis, etiamnum quædam alia noscenda sunt, ad omnia vulnera ulceraque, de quibus dicturi sumus, pertinentia. Ex his autem exit sanguis, sanies, pus. Sanguis omnibus notus est. Sanies est tenuior hoc, varie crassa, & glutinosa, & colorata. Pus crassissimum albidissimumque, glutinosius & sanguine & sanie. Exit autem sanguis ex vulnere recenti, aut jam sanescente. Sanies est inter utrumque tempus. Pus ex ulcere jam ad sanitatem spectante. Rursus & sanies & pus quasdam species Græcis nominibus distinctas habent. Est enim quædam sanies, quæ vel ἰχώρ, vel μελίχηρα nominatur. Est pus, quod ελαιώδες appellatur. Ἰχώρ tenuis, subalbidus, ex malo ulcere exit, maximeque ubi, nervo læso, inflammatio secuta est. Μελίχηρα, crassior est, glutinosior, & subalbida, mellique albo febsimilis. Fertur hæc quoque ex malis ulce-

ulceribus, ubi nervi circa articulos læsi sunt; & inter hæc loca, maxime ex genibus. *Ελασώδες*, tenue, subalbidum, quasi unguinosum colore, atque pinguitudine oleo albo non dissimile adparet in magnis ulceribus sanescentibus. Malus est autem sanguis, nimium aut tenuis, aut crassus; 82, 1. colore vel lividus, vel niger; aut pituita mistus, aut varius. Optimus calidus, rubens, modice crassus, non glutinosus. Itaque protinus ejus vulneris expedita magis curatio est, ex quo sanguis bonus fluxit. Itemque postea spes in his major est, ex quibus melioris generis quæque proveniunt.

15 Sanies igitur mala est, multa, nimis tenuis, livida, aut pallida, aut nigra, aut glutinosa, aut mali odoris, aut quæ ipsum ulcus, & junctam ei cutem erodit. Melior est non multa, modice crassa, subrubicunda, aut subalbida. *Ιώε* autem pejor est multus, crassus, sublividus aut subpallidus, glutinosus, ater, calidus, mali odoris. Tolerabilior est subalbidus, quique cætera omnia contraria prioribus habet. Melicera

25 autem mala est, multa, & percrassa: melior, quæ & tenuior, & minus copiosa est. Pus inter hæc optimum est. Sed id quoque pejus est, multum, tenue, dilutum; magisque, si ab initio tale est; itemque, si colore

30 fero simile, si pallidum, si lividum, si fœculentum. Præter hæc, si male olet; nisi tamen locus hunc odorem excitat. Melius est, quo minus est, quo crassius, quo albi-

321, 20.

T

æqua-

æquale est. Modo tamen, convenire & magnitudini vulneris, & tempori debet. Nam plus ex majore, plus nondum solutis inflammationibus naturaliter fertur. Ἐλασσὸν δὲς quoque pejus est multum, & parum 5 pingue: quo minus autem, quoque id ipsum pinguius, eo melius est.

21. *Curatio adversus profusionem sanguinis in vulneribus.*¹

Quibus exploratis, ubi aliquis ictus est, qui servari potest, protinus prospicienda duo sunt: ne sanguinis profusio, neve inflammatio interimat. Si profusionem timeamus (quod ex sede vulneris, & ex magnitudine ejus, & ex impetu ruentis sanguinis intelligi potest) siccis linamentis vulnus implendum est, supraque imponenda spongia ex aqua² frigida expressa, ac manu super comprimenda. Si parum sic sanguis conquiescit, sæpius linamenta mutantur 204, 15. da sunt. Et, si sicca parum valent, aceto 293, 18. madefacienda sunt. Id vehemens ad sanguinem supprimendum est: ideoque quidam id vulneri infundunt. Sed aliis rursus metus subest; ne, nimis valenter ibi re- 204, 15. tenta materia, magnam inflammationem postea moveat. Quæ res efficit, ut neque rodentibus medicamentis, neque adurentibus, & ob id ipsum inducentibus crustam, (quamvis pleraque ex his sanguinem sup- 30 primunt) sit utendum: sed, si semel ad ea decurritur, his potius, quæ mitius idem efficiunt. Quod si illa quoque profluvio vincuntur, venæ, quæ sanguinem fundunt, appre-

¹ Æginet. IV, 53. Aetius Tetrab. IV. Serm. II, 51.

² Frigidam potui exhibet Aetius Tetr. I. Serm. III. c. 145. Cels. p. 204, 31.

apprehendendæ, circaque id, quod ictum est, duobus locis deligendæ intercidendæque sunt, ut & in se ipsæ coeant, & nihilominus ora præclusa habeant. Ubi ne id quidem
 5 res patitur, possunt ferro candenti aduri. Sic etiam satis multo sanguine effuso ex eo loco, quo neque nervus, neque musculus est, utputa in fronte, vel superiore capitis parte, commodissimum est, cucurbitulam
 10 admoveere adversa parte, ut illuc sanguinis cursus revocetur.

22. *Curaciones adversus vulnorum inflammationem.*

Et adversus profusionem quidem in his
 15 auxilium est: adversus inflammationem autem, in ipso sanguinis cursu. Ea timeri potest, ubi læsum est vel os, vel nervus, vel cartilago, vel musculus, aut ubi parum sanguinis pro modo vulneris fluxit. Ergo
 20 quoties quid tale erit, sanguinem mature suppressere non oportebit; sed pati fluere, dum tutum erit, adeo ut, si parum fluxisse videbitur, mitti quoque ex brachio debeat; utique, si corpus juvenile, & robustum, &
 25 exercitatum est: multoque magis, si id vulnus ebrietas præcessit. Quod si musculus læsus videbitur, præcidendus erit. nam percussus, mortiferus est: præcisus, sanitatem recipit.

23. *De glutinatione vulnorum.*

Sanguine autem vel suppresso, si nimius erumpit; vel exhausto, si per se parum fluxit; longe optimum est, vulnus glutinari. Potest autem id, quod vel in cute,
 T 2 vel

vel etiam in carne est; si nihil ei præterea mali accedit. Potest caro, alia parte dependens, alia inhærens; si tamen etiamnum integra est, & conjunctione corporis fovetur.

In his vero, quæ glutinantur, duplex curatio est. Nam si plaga in molli parte est, sui debet: maximeque, si discissa auris ima est, vel imus nasus, vel frons, vel bucca, vel palpebra, vel labrum, vel circa guttur cutis, vel venter. Si vero in carne vulnus est, hiatque, neque in unum oræ facile attrahuntur, futura quidem aliena est: imponendæ vero fibulæ sunt (*ἀγκυρῆς* Græci nominarunt) quæ oras, paulatim tamen, contrahant; quo minus lata postea cicatrix fit.

Ex his autem colligi potest, utrum id quoque, quod alia parte dependens, alia inhærebit, si alienatum adhuc non est, futuram, an fibulam postulet. Ex quibus neutra ante debet imponi, quam intus vulnus purgatum est: ne quid ibi concreti sanguinis relinquatur. Id enim & in pus vertitur, & inflammationem movet, & glutinari vulnus prohibet. Ne linamentum quidem, quod suppressendi sanguinis causa inditum est, inibi relinquendum est. nam id quoque inflammat.

Comprehendi vero futura, vel fibula, non cutem tantum, sed etiam aliquid ex carne, ubi suberit hæc, oportebit; quo valentius hæreat, neque cutem abrumpat. Utraque optima est ex: * acia molli, non nimis torta, quo mitius corpori infideat.

Utra-

x De ea librum scripsit Joan. Rhodius. Turneb. Advers. XVII, 21. * H. F. ab Aquapendente, Oper. Chirurg. P. I. c. 17. pag. 70. Salmasius Epist. 45. & 49.

Utraque neque nimis rara, neque nimis crebra injicienda est. Si nimis rara est, non continet; si nimis crebra est, vehementer afficit; quia, quo sæpius acus corpus transivit, quoque plura loca injectum vinculum mordet, eo majores inflammationes oriuntur; magisque æstare. Neutra etiam vim ullam desiderat: sed ea hætenus utilis est, qua cutis ducentem quasi sua sponte subsequitur. Fere etiam fibulæ latius vulnus esse patiuntur: futura oras jungit, quæ ne ipsæ quidem inter se contingere ex toto debent; ut si quod intus humoris concreverit, sit qua emanet. Si quod vulnus neutrum horum recipit, id tamen purgari debet.

Deinde omni vulneri primo imponenda est spongia ex aceto expressa. Si sustinere aliquis aceti vim non potest, vino utendum est. Levis plaga juvatur etiam, si ex aqua frigida expressa spongia imponitur. Sed ea, quocunque modo imposita est, dum madet, prodest: itaque, ut inarescat, non est committendum. Licetque sine peregrinis, & conquisitis, & compositis medicamentis vulnus curare. Sed si quis huic parum confidit, imponere medicamentum debet, quod sine sevo compositum sit ex his, quæ cruentis vulneribus apta esse proposui: maximeque si caro est, Barbarum: si nervi, vel cartilago, vel aliquid ex eminentibus, quales aures, vel labra sunt, Polybi sphragidem. Alexandrinum quoque viride nervis idoneum est: eminentibusque parti-

T 3

bus

r Maledictam methodum dicit Ettmuller in Comment. ad Schrod. & Morell. pag. 408.

bus ea , quam Græci *ῥύπτειαν* vocant.

Solet etiam, colliso corpore, exigua parte findi cutis. Quod ubi incidit, non alienum est, scalpello latius aperire ; nisi musculi, nervique juxta sunt, quos incidi non expedit. ubi satis diductum est, medicamentum imponendum est. At, si id, quod collisum est, quamvis parum diductum est, latius tamen aperiri propter nervos aut musculos non licet ; adhibenda sunt ea, quæ humorem leniter extrahant ; præcipueque
 297,15. ex his, id, quod *ῥυπῶδες* vocari proposui. Non alienum est etiam, ubicunque vulnus est grave, impositum, quo id juvetur, insuper circumdare lanam succidam ex aceto & oleo : vel cataplasma, si mollis locus est, quod leniter reprimat ; si nervosus, aut musculosus, quod emolliat.

24. *Quomodo vulnus ligari conveniat.*

Fascia vero ad vulnus deligandum lineae aptissima est: eaque lata esse debet, ut semel injecta non vulnus tantum, sed paululum utrinque oras ejus comprehendat. Si ab altera parte caro magis recessit, ab ea melius attrahitur: si æque ab utraque, transverse comprehendere oras debet: aut si id vulneris ratio non patitur, media primum injicienda est, ut tum in utramque partem ducatur. Sic autem deliganda est, ut & contineat, nec adstringat. quod non continetur ; elabatur : quod nimis adstrictum est, cancro periclitatur. Hieme sæpius fascia circuire debet: æstate, quoties necesse est. Tum extrema pars ejus inferioribus acu assuen-

affluenda est. nam nodus vulnus lædit. nisi tamen longe est.

Porro neminem decipi decet, ut propriam viscera curationem requirant, de quibus supra posui. Nam plaga ipsa curanda extrinsecus, vel futura, vel alio medicinæ genere est. In visceribus nihil movendum est; nisi, si quid aut ex jecinore, aut liene, aut pulmone duntaxat extremo dependeat, id præcidatur. Alioquin vulnus interiorius ea victus ratio eaque medicamenta sanabunt, quæ cuique visceri convenire superiore libro proposui.

25. *Quomodo vulnerato agendum sit.*

His ita primo die ordinatis, homo in lecto collocandus est: isque si grave vulnus est, abstinere, quantum vires patiuntur, ante inflammationem, cibo debet: bibere, donec sitim finiat, aquam calidam, vel, si æstas est, ac neque febris, neque dolor est, etiam frigidam. Adeo tamen nihil perpetuum est, sed semper pro vi corporis æstimationum, ut imbecillitas etiam cibum protinus facere necessarium possit; tenuem scilicet, & exiguum, qui tantum sustineat. Multique etiam ex profluvio sanguinis intermorientes ante ullam curationem vino reficiendi sunt; quod alioqui inimicissimum vulneri est.

30 26. *De notis vulnerum.*

Nimis vero² intumescere vulnus, periculosum: nihil³ intumescere, periculosissimum est. illud indicium magnæ inflammationis: hoc, emortui corporis est. Pro-

T 4

tinus-

¹ Athen. Deipnos. L. I. C. 8. p. 10.

² Aph. V, 66.

³ II. Epidem. III, 128,

tinusque, si mens homini consistit, si nulla febris accessit, scire licet, mature vulnus sanum fore. At ne febris quidem terrere debet, si in magno vulnere, dum inflammatio est, permanet. Illa perniciofa est, quæ vel levi vulnere supervenit, vel ultra tempus inflammationis durat, vel delirium movet: vel si nervorum rigorem aut distentionem, quæ ex vulnere orta est, ea §2,18. non finit. Vomitus quoque biliosus non 287,2. voluntarius, vel protinus, ut percussus est aliquis, vel dum inflammatio manet, malum signum est in his duntaxat, quorum vel nervi, vel etiam nervosi loci vulnerati sunt. Sponte tamen vomere, non alienum est; præcipue his, quibus in consuetudine fuit: sed neque protinus post cibum, neque jam inflammatione orta, neque cum in superioribus partibus plaga est.

27. *De curationibus vulnerum.*

² Biduo sic vulnere habito, tertio die id aperiendum, detergendaque sanies † ex aqua frigida est, eademque rursus injicienda sunt. Quinto jam die, quanta inflammatio futura est, se ostendit. Quo die rursus de- 22. lecto vulnere, considerandus color est. Quod si lividus, aut pallidus, aut varius, aut niger est; scire licet, malum vulnus esse. idque, quandocumque animadversum est, terrere nos potest. Album, aut rubicundum esse vulnus, commodissimum est. 30. Item cutis dura, crassa, dolens, periculum ostendit. Bona signa sunt, ubi hæc sine dolore, tenuis, & mollis est. Sed si glutinatur vul-

† Aph. IV, 57, II, 26.

2 De Fractur. XXXIII, 5.

vulnus, aut leviter intumuit, eadem sunt imponenda, quæ primo fuerunt,

Si gravis inflammatio est, neque glutinandi spes est, neque movetur, aquæ quodque¹ calidæ necessarius usus est, ut materiam digerat; & duritiam emolliat, & pus citet. Ea sic temperanda est, ut manu contingenti jocunda sit; & usque eo adhibenda, donec aliquid minuisse ex tumore calore²que ulceri magis naturalem reddidisse videatur. Post id fomentum, si late plaga non patet, imponi protinus emplastrum debet, maximeque, si grande vulnus est, tetrapharmacum: si in articulis, digitis, locis cartilaginosis, *ῥυπῶδες*. At si latius^{294.12.} hiat, idem illud emplastrum liquari ex irino unguento oportet, eoque inlita linamenta disponi per plagam: deinde emplastrum supra dari, & super id lanam succidam; minusque etiam, quam primo, fasciæ adstringendæ sunt.

28. *Curationes propriae articulorum.*

Sed propria quædam in articulis visenda sunt. In quibus si præcisi nervi sunt, qui continebant, debilitas² ejus partis sequitur. Si id dubium est, & ex acuto telo plaga est, & ea transversa, commodior est: & si ex retuso & gravi est, nullum in figura discrimen est: at videndum est, pus supra articulum, an infra nascatur. Si sub eo nascitur, albumque & crassum diu fertur, nervum præcisum esse credibile est: magisque, quo majores dolores inflammationesque, & quo maturius excitatæ sunt. Quamvis autem

T 5 non

¹ Aph. V. 22. ² Coac. Præn. III, 385. I. de Morb. III, 2.

non abscissus nervus est; tamen, si circa durus tumor diu permanet, necesse est, & diuturnum ulcus esse, & sanato quoque eo, tumorem permanere: futurumque est, ut tarde membrum id vel extendatur, vel contrahatur. Major tamen in extendendo 257,33. mora est, ubi recurvato articulo curatio adhibita est; quam in recurvando eo, quod rectum continuerimus. Collocari quoque membrum, quod ictum est, ratione certa debet. Si glutinandum est, ut superius sit: si in inflammatione est, ut in neutram partem inclinatum sit: si jam pus profluit, ut devexum sit.

348,21. Optimum etiam medicamentum, quies est. Moveri, & ambulare, nisi fanis, alienum est. Minus tamen periculosum his est, qui in capite vel brachiis, quam qui in inferioribus partibus vulnerati sunt. Minimeque ambulatio convenit, femine, aut crure, aut pede laborante. Locus, in quo cubat, tepidus esse debet. Balneum quoque, dum parum vulnus purum est, inter res infestissimas est. Nam id & tumidum & sordidum reddit. Ex quibus ad cancrum 262. transitus esse consuevit. Lenis fricatio recte adhibetur; sed his partibus, quæ longe ab sunt à vulnere.

29. *Vulnus quomodo purgandum est.*

Inflammatione finita, vulnus purgandum est. Id optime faciunt tincta in melle linamenta: supraque id emplastrum vel 262. τετραφάρμακον vel ἐννεαφάρμακον dandum est. Tum demum vero purum ulcus est, cum

cum rubet, ac nimium neque ficcum, neque humidum est. At, quodcumque sensu caret, quod non naturaliter sentit; quod nimium aut aridum aut humidum est; 5 quod aut albidum, aut lividum, aut nigrum est; id purum non est.

30. *Quomodo vulnus implendum est.*

Purgato vulnere, sequitur ut impleatur; jamque calida aqua eatenus necessaria est, ut sanies removeatur. Lanæ succidæ supervacuus usus est: lota melius circumdatur. Adimplendum autem vulnus proficiunt quidem etiam medicamenta aliqua: itaque ea adhiberi non alienum est; ut butyrum cum rosa, & exigua mellis parte; aut cum eadem parte mellis aut cum eadem rosa, *τετραφάρμακον*; aut ex rosa linamenta. Plus tamen proficit balneum rarum. Cibi boni succi; vitatis omnibus acribus. 20 Sed jam plenioribus, avis, & venatio, & suilla elixa dari potest. Vinum omnibus, 295, 28, dum febris, dum inflammatio est, alienum est: itemque usque ad cicatricem, si nervi, musculive vulnerati sunt; etiam, si alte caro. 25 At, si plaga in summa cute generis tutioris est, potest non pervetus, modice tamen datum, ad implendum quoque proficere. Si quid molliendum est, quod in nervosis locis, musculosisque necessarium est, cerato 30 quoque super vulnus utendum est. At, si caro supercrevit, modice reprimit ficcum linamentum; vehementius, squama æris. Si plus est, quod tolli opus est, adhibenda sunt etiamnum vehementiora, quæ corpus exedant.

exedant. Cicatricem, post omnia hæc, com-
mode inducit lycium ex passio aut lacte
dilutum ; vel etiam per se impositum fice-
cum linamentum vehementius.

31. *De ulceribus, quæ extrinsecus per vulnera
incidunt, curationibusque eorum.*

Hic ordo felicitis curationis est. Sed quæ-
dam tamen periculosa incidere consue-
runt. Interdum enim vetustas ulcus occu-
pat, induciturque ei callus, & circum oræ
crassæ livent. Post quæ, quicquid medi-
camentorum ingeritur, parum proficit ;
quod fere negligenter curato ulceri super-
venit.

Interdum vel ex nimia inflammatione,
vel ob æstus immodicos, vel ob nimia fri-
gora, vel quia nimis vulnus adstrictum est,
vel quia corpus senile, aut mali habitus
est, cancer occupat. Id genus à Græcis
diductum in species est, nostris vocabulis
non est. Omnis autem cancer non solum id
corrumpit, quod occupavit ; sed etiam ser-
pit : deinde aliis aliisque signis discernitur.
Nam modo super inflammationem rubor
ulcus ambit, isque cum dolore procedit :
ἔρυσίπελος Græci nominant : modo ulcus
nigrum est, quia caro ejus corrupta est, id-
que vehementius ; etiam in putrescendo in-
tenditur, ubi vulnus humidum est, & ex
nigro ulcere humor pallidus fertur, mali-
que odoris est, & caro intus corrupta : in-
terdum etiam nervi ac membranæ resol-
vuntur, specillumque demissum descen-
dit aut in latus, aut deorsum, eoque vitio
non-

† In principio difficillimè cognoscitur teste Ga-
leno M. M. XIV. Vide Hildan. Observ. Chirurg.
Cent. 1. Obs. 1.

nonnunquam os afficitur: modo oritur ea, quam Græci γάγγραινα appellant.

302.

Priora in qualibet parte corporis fiunt: hæc in prominentibus membris, id est inter ungues, & alas, vel inguina; fereque in senibus, vel in his, quorum corpus mali habitus est. Caro illi ulceri vel nigra, vel livida est; sed sicca & arida, proximaque cutis, plerumque subnigris pustulis impletur; deinde ei proxima, vel pallida, vel livida fereque æruginosa & sine sensu est. Deterior in inflammatione est, omniaque ea simul serpunt: ulcus, in locum pustulosum: Pustulæ, in eum, qui pallet aut livet: pallor aut livor, in id quod inflammatum est: inflammatio, in id quod integrum est, transit. Inter hæc deinde febris acuta oritur, ingensque sitis: quibusdam etiam delirium accedit: alii, quamvis mentis suæ compotes sunt, balbutiendo vix sensus suos explicant, incipit affici stomachus: fit foedi spiritus ipse odor. Atque initium ejus quidem mali recipit curationem: ubi vero penitus insedit, insanabile est. plurimique sub frigido sudore moriuntur.

51, 30.

32. *Curatio veteris ulceris.*

Ac pericula quidem vulnerum hæc sunt. Vetus autem ulcus scalpello circumcidendum est, excidendæque ejus oræ, &, quicquid super eas livet, æque incidendum. Si varicula intus est, quæ id sanari prohibet, ea quoque excidenda. Deinde, ubi sanguis emissus, novatumque vulnus est, eadem curatio adhibenda, quæ in recentibus vulneri-

neribus exposita est. Si scalpello aliquis uti non vult, potest sanare id emplastrum, quod ex ladano fit: & cum ulcus sub eo exesum est, id, quo cicatrix inducitur.

33. *Curatio Erysipelarum.*

Id autem, quod *ἐρύσιπελος* vocari dixi, non solum vulnere supervenire, sed sine hoc quoque oriri consuevit: atque interdum periculum magnum adfert; utique, si circa cervicem aut caput constitit.

Oportet, si vires patiuntur, sanguinem mittere: deinde imponere simul reprimentia & refrigerantia; maximeque cerussam solani succo, aut cimoliam cretam aqua pluviali exceptam; aut ex eadem aqua subactam farinam cupressi adjecta, aut, si tenerius corpus est, lenticula. Quicquid impositum est, betæ folio contegendum est, & super linteolum frigida aqua madens imponendum. Si per se refrigerantia parum proderunt, miscenda erunt hoc modo: sulphuris p. i. *. cerussæ, croci, singulorum p. x. *. eaque cum vino contegenda sunt, & id his illinendum: aut, si durior locus est, solani folia contrita suillæ adipi miscenda sunt, & illinita linteolo superinjicienda.

At, si nigrities est, quæ nequedum serpit, imponenda sunt, quæ carnem putrem lenius exedunt; repurgatumque ulcus sic, ut cætera, nutriendum est. Si magis putre est, jamque procedit ac serpit, opus est vehementius erodentibus. Si ne hæc quidem evincunt, aduri locus debet, donec nul-

1 Aërius Tetr. IV. Serm. II. c. 59. Æginet. IV. 21.
2 Oribas. de Morb. Curat. III. 47. 3 Aph. VII. 20.

nullus ex eo humor feratur. nam quod sanum est, ficcum est, cum adurit. Post unctionem putris ulceris, superponenda sunt, quæ crustas à vivo resolvant: ἀπὸ γὰρ 5 γὰρ Græci nominant. Ubi exciderunt, purgandum ulcus, maxime melle & resina est. Sed iis quoque purgari potest, quibus purulenta curantur, eodemque modo ad sanitatem perducendum est.

10 34. *Curatio Gangræne.* 1

Gangrænam vero, si nondum plane tenet, sed adhuc incipit, curare non difficilissimum est; utique in corpore juvenili: & magis etiam, si muscoli integri sunt; si nervi vel læsi non sunt, vel leviter affecti sunt; neque ullus magnus articulus nudatus est; aut carnis in eo loco paululum est, ideoque non multum quod putresceret, fuit; consistitque uno loco vitium; quod maxime 20 fieri in digito potest. In ejusmodi casu primum est, si vires patiuntur, sanguinem mittere. Deinde, quicquid aridum est, & intentione quadam proximum quoque locum male habet, usque ad sanum corpus 25 concidere.

Medicamenta vero, dum malum serpit, adhibenda nulla sunt, quæ pus movere consuerunt; ideoque ne aqua quidem calida. Gravia quoque, quamvis reprimantia, 30 aliena sunt; sed his quam levissimis opus est. superque ea, quæ inflammata sunt, utendum est refrigerantibus. Si nihilo magis malum constitit, uri id, quod est inter integrum ac vitiatum locum, debet. Præ-

Præcipueque in hoc casu pretendum, non à medicamentis solum, sed etiam à vitæ ratione præsidium est. Neque enim id malum, nisi corrupti vitiosique corporis est. Ergo primo, nisi imbecillitas prohibet, abstinentia urendum. Deinde danda, quæ per cibum potionemque alvum, ideoque etiam corpus adstringant; sed ea levia. Postea, si vitium constitit, imponi super vulnus eadem debent, quæ in putri ulcere præscripta sunt. Ac tum quoque plenioribus cibus uti licebit ex media materia; sed tamen non nisi alvum, corpusque ficcantibus: aqua vero pluviali frigida. Balneum, nisi jam certa fiducia redditæ sanitatis est, alienum est; siquidem emollitum in eo ulcus cito rursus eodem malo afficitur. Solent vero nonnunquam nihil omnia auxilia proficere, ac nihilominus serpere sub his cancer. Inter quæ miserum, sed unicum, auxilium est, ut cætera pars corporis tuta sit, membrum, quod paulatim emoritur, abscindere.

35. *Curatio vulnorum, ubi quid collisum est, aut detritum; aut infixum.*

Hæ gravissimorum vulnorum curationes sunt. Sed ne illa quidem negligenda, ubi interior pars collisa; aut ubi derafum, detritumve aliquid est; aut ubi furculus corpori infixus est; aut ubi tenue, sed altum vulnus infedit.

In primo casu commodissimum est mallicorium ex vino coquere, interioremque ejus partem continere, & cerato miscere

ex rosa factò, idque superponere: deinde, ubi cutis ipsa exasperata est, inducere lenè medicamentum, qualis λιαδὴ est.

267,9.

Derafo vero, detritoque, imponendum est emplastrum τετραφάρμακον, minuendusque cibus & vinum subtrahendum. Neque id, quia non habebit altiores ictus, contemnendum erit: siquidem ex ejusmodi casibus sæpe cancri fiunt. Quod si levius id erit, & in parte exigua, contenti esse poterimus eodem leni medicamento.

Surculum vero, si fieri potest, oportet vel manu, vel etiam ferramento educere. Si vel præfractus est, vel altius descendit, quam ut ita fieri possit, medicamento evocandus est. Optime autem educit superimposita arundinis radix; si tenera est, protinus contrita; si jam durior, ante in mulso decocta. cui semper mel adjiciendum est aut aristolochia cum eodem melle. Pessima ex furculis, arundo est; quia aspera est. Eademque offensa etiam † in filice est. Sed usu cognitum est, utramque adversus alteram medicamentum esse, si contrita ac superimposita est. Facit autem idem in omnibus furculis, quodcunque medicamentum extrahendi vim habet. Idem altis tenuibusque vulneribus aptissimum est. Priori rei Philocratis; huic Hecatæi emplastrum maxime convenit.

264.

36. *Quomodo cicatrix vulnere inducenda, purgandaque sit.*

Ubi vero in quolibet vulnere ventum ad inducendum cicatricem est (quod per-

V

pur-

purgatis jam, repletisque ulceribus necessarium est) primum ex aqua frigida linamentum, dum caro alitur: deinde cum jam continenda est, ficcum imponendum est, donec cicatrix inducatur: tum deligari super album plumbum oportet, quo & reprimitur cicatrix, & colorem maxime sano corpori similem accipit. Idem radix filvestris cucumeris præstat. Idem compositio, quæ habet elaterii p. i. *. spumæ argenti p. ii. *. glandis unguentariæ pondo iv. *. quæ excipiuntur resina terebinthina, donec emplastri crassitudo ex omnibus fiat. At nigras quoque cicatrices leniter purgant, paribus portionibus mixta, ærugo & plumbum elotum, eademque resina cocta; sive eo ungitur cicatrix, quod in facie fieri potest; sive id ut emplastrum imponitur, quod in aliis partibus commodius est.

At, si velexcrevit cicatrix, vel concava est, stultum est, decoris causa, rursus & dolorem & medicinam sustinere: alioquin res utrique succurri patitur. Siquidem utraque cicatrix exulcerari scalpello potest. Si medicamentum aliquis mavult, idem efficiunt compositiones hæ, quæ corpus exedunt. Cute exulcerata, super eminentem carnem exedentia medicamenta conjicienda sunt: super concavam, implentia; donec utrumque ulcus sanæ cuti æquetur, & tum cicatrix inducatur.

C A P. XXVII.

*De vulneribus, quæ per morsus inferuntur
eorumque curationibus.*

5 **D**IXI de his vulneribus, quæ maxime,
per tela inferuntur. † Sequitur, ut
de his dicam, quæ morfu fiunt, interdum
1 hominis 2 interdum simiæ, sæpe canis,
nonnumquam ferarum, aut aliorum ani-
malium, aut serpentium. Omnis autem
10 † feræ morsus habent quoddam virus.

Itaque, si vehemens vulnus est, 3 cucur-
bitula admovenda est: si levius, protinus
emplastrum injiciendum, præcipueque
Diogenis. si id non est, quodlibet ex his, 265.
15 quæ adversus morsus proposui. si ea non
sunt, viride Alexandrinum; si ne id qui- 264.
dem est, quodlibet non pingue ex his, quæ
recentibus vulneribus accommodantur.
Sal quoque his præcipueque ei, quod ca-
20 nis fecit, medicamentum est, si aridus vul-
neri imponitur, superque id duobus digi-
tis verberatur. exsaniat enim. Ac balsamen-
tum quoque recte super id vulnus deliga-
tur.

25 2. *Curratio adversus rabiosi canis morsum.* 4
Utique autem, si rabiosus canis fuit,
cucurbitula virus ejus extrahendum est.
Deinde, si locus neque nervosus, neque
musculosus est, vulnus id adurendum est.
30 Si uri non potest, sanguinem homini mit-
ti non alienum est. Tum usto quidem vul-
neri superimponenda, quæ cæteris uclis
sunt. Ei vero, quod expertum ignem non
est,

V 2

1 Dom. Panarolus Pentec. 11. Obs. 32. 2 Seren.
Sanm. XLV. 3 Æginet. V, 2. 4 Æginet. V, 3
Actuar. M. M. VI, 11.

est, ea medicamenta, que vehementer exedunt. Post quæ nullo novo magisterio, sed jam supraposito vulnus erit implendum, & ad sanitatem perducendum. Quidam post rabiosi canis morsum protinus in balneum mittunt; eumque ibi patiuntur desudare, dum vires corporis sinunt, vulnere aperto; quo magis ex eo quoque virus distillet: deinde multo meraccoque vino excipiunt. quod omnibus venenis contrarium est. Idque cum ita per triduum factum est, tutus esse homo à periculo putatur.

Solet autem ex eo vulnere, ubi parum occursum est, aquæ timor nasci. *ὕδρφοβίαν* Græci adpellant. Miserrimum genus morbi: in quo simul æger & fiti & aquæ metu cruciatur. quo oppressis in angusto spes est. Sed unicum tamen remedium est, nec opinantem in piscinam non ante ei provisam projicere, &, si natandi scientiam non habet, modo mersum bibere pati, modo attollere; si habet, interdum deprimere, ut invitus quoque aqua satietur. sic enim simul & fitis, & aquæ metus tollitur. Sed aliud periculum excipit, ne infirmum corpus in aqua frigida vexatum, nervorum distentio absumat. Id ne incidat, à piscina protinus in oleum calidum demittendus est. Antidotum² autem (præcipue id, quod primo loco posui; ubi id non est, aliud) si nondum æger aquam horret, potui ex aqua dandum est: &, si amaritudine offenditur, mel adjiciendum est: at, si jam is morbus occupavit, per catapotia sumi potest.

3. Cu-

¹ Cassii Problem. 73. ² Scribon. Larg. c. XLIII. c. 171.

3. *Curationes communes adversus omnes
morsus serpentium.*

Serpentium quoque morsus non nimium distantem curationem desiderant: 5 quamvis in ea multum antiqui variarunt; adeo ut in singula anguium genera singula medendi præciperent; aliique alia. sed in omnibus eadem maxime proficiunt. Igitur in primis supra vulnus id membrum 10 deligandum est: non tamen nimium vehementer, ne torpeat. Dein venenum extrahendum est. Id cucurbitula optime facit. Neque alienum est, ante scalpello circa vulnus incidere, quo plus vitii jam sanguinis extrahatur. Si cucurbitula non est, 15 (quod tamen vix incidere potest) tum quodlibet simile vas, quod idem possit. Si ne id quidem est, homo ² adhibendus est, qui vulnus exsugat.

20 Neque hercule scientiam præcipuam habent hi, qui ³ † Pfylli nominantur; sed audaciam usu ipso confirmatam. Nam venenum serpentis, ut quædam etiam venatoria venena, quibus Galli præcipue utuntur, 25 non gustu, sed in vulnere nocent. Ideoque colubra ipsa tuto estur: ictus ejus occidit, & si stupente ea (quod per quædam medicamenta circulatores faciunt) in os digitum quis indidit, neque percussus est, nulla in 30 ejus saliva noxa est. Ergo quisquis, exemplum Pfylli secutus, id vulnus exsuxerit, & ipse tutus erit, & tutum hominem præstabit. Illud interea ante debet attendere, ne quod in gingivis, palatove, aliave par-

V 3

te

1 Aëtii Tetrab. IV. Serm. I. c. 1. 2. & seqq. 2 Aeginet. V. 2. Actuar. M. M. VI, 11. 3 Vocantur alio nomine *Marfi*. Vide Reines. Variar. Lect. I. c. 8. p. 26.

te oris ulcus habeat. Post hæc is homo loco calido collocandus est, sic, ut id, quod percussum erit, in inferiorem partem inclinetur.

Si neque qui exsugat, neque cucurbitula est, sorbere oportet jus anserinum, vel vitulinum, & vomere. Vivum autem galinaceum pullum per medium dividere, & protinus calidum super vulnus imponere sic, ut pars interior corpori jungatur. Facit id etiam hœdus agnusve discissus, & calida ejus caro statim super vulnus imposita. 265. Emplastra quoque, quæ supra comprehensa sunt. Aptissimumque est, vel 266. Ephesium, vel id quod ei subjectum est. Præsensque in aliquo antidoto præsidium est. Sin id non est, necessarium est exsorbere portionem meri vini cum pipere, vel quidlibet aliud, quod calori movendo est, nec humorem intus coire patitur, nam maxima pars venenorum frigore interimit. 270. Omnia etiam urinam moventia, quia materiam extenuant, utilia sunt.

4. *Speciales curationes adversus ictus serpentium:*
 & primò adversus ictum Aspidis. 1

Hæc adversus omnes ictus utilia sunt, communiaque: usus tamen ipse docuit, eum, quem 2 Aspis percussit, acetum potius bibere debere. Quod demonstrasse dicitur casus cujusdam pueri, qui cum ab hac ictus esset, & partim ob ipsum vulnus, partim ob 3 immodicos æstus siti premeretur, ac locis ficcis alium humorem non reperiret, acetum, quod forte secum habebat, ebibit, & libera-

1 Aeginet. V. 18. Aërius Tetrab. IV. Serm. I. 20.

2 De Aspide videatur Ammian. Marcellin. L. XXII. Cap. 15. pag. 338. Ejus morsum sanari posse negat Aelian. de Animal. I. Cap. 54.

liberatus est. Credo quoniam id, quamvis refrigerandi vim habet, habet tamen & dissipandi. Quo fit, ut terra respersa eo spumet. Eadem ergo vi verisimile est spissescere centem quoque intus humorem hominis ab eo discuti, & sic dari sanitatem.

5. *Adversus ictum Scorpionis.* ^{1.}

In quibusdam etiam aliis serpentibus certa quædam auxilia satis nota sunt. Nam scorpio ipse sibi pulcherrimum medicamentum est. Quidam contritum cum vino bibunt. Quidam eodem modo contritum super vulnus imponunt. Quidam super prunas eo imposito, vulnus suffumigant, undique veste circumdata, ne is fumus dilabatur; tum carbonem ejus super vulnus deligant. Bibere autem oportet herbæ foliaris (quam ἑλισσέρπιον Græci vocant) semen, vel certe folia ex vino. Super vulnus vero etiam furfures ex aceto, vel ruta silvatica recte imponitur, vel cum melle sat tostus. Cognovi tamen medicos, qui ab scorpione ictis nihil aliud, quam ex brachio sanguinem miserunt.

25 6. *Adversus Aranei & Scorpionis ictum.*

Ad scorpionis etiam, & ad ² aranei ictum, allium cum ruta recte miscetur, ex oleoque contritum superimponitur.

30 7. *Adversus ³ Ceraſtis, & Dipsadis, & Hamorrhoidis ictum.* ⁴

At, si ceraſtes, aut dipsas, aut hæmorrhoids percussit, asphodeli, quod Ægyptiæ fabæ magnitudinem æquet, arefactum, in

V 4

duas

¹ Aëtius Tetrab. IV. Serm. I, 19. ² Aëtius Tetrab. IV. Serm. I, 16. Ex eo mors. Dom. Panarolus Pentec. 1. Obs. 45. ³ Describitur ab Ælian. de Animal. 1. c. 57. Aëtius ⁴ Tetrab. IV. Serm. I, 22. 23.

duas potiones dividendum est sic, ut ei rutæ paululum adjiciatur. Trifolium quoque & mentastrum, & cum aceto panaces æque proficiunt. Costumque, & cassia, & cinnamomum recte per potionem assumuntur.

8. *Adversus Cherfydri ictum, & Ceraſtis.*

Adversus Cherfydri vero ictum, panaces, aut laser, quod sit scrupulorum p. 11. *. vel porri succus cum hemina vini sumendus est, & edenda multa satureia. Imponendum autem super vulnus stercus caprinum ex aceto coctum; aut ex eodem hordeacea farina; aut ruta, vel nepeta, cum sale contrita, melle adjecto. Quod in eo quoque vulnere, quod ceraſtes fecit, æque valet.

9. *Adversus Phalangii ictum.* ²

Ubi vero phalangium ³ nocuit, præter eam curationem, quæ manu editur, sæpe homo demittendus in solium est, dandusque ei myrrhæ & uvæ taminix par modus ex passi hemina; vel radiculae semen, aut lolii radix ex vino; & super vulnus furfures ex aceto cocti, imperandumque, ut is conquiescat.

30. *Adversus ictus Italorum anguium, qui minus terribiles peregrinis sunt.*

Verum hæc genera serpentium & peregrina, & aliquanto magis pestifera sunt; maxime, quæ æstuosis gignuntur locis. Italia frigidioresque regiones hac quoque parte salubritatem habent, quod minus terribiles angues edunt. Adversus quos satis proficit herba betonica, vel cantabrica, vel centaurion, vel agrimonia, vel trixago, vel

¹ Aëtius Tetrab. IV. Serm. I. 35. ² Aëtius Tetrab. IV. Serm. I. 18. ³ Salmasius in Notis ad Spartiani Hadrian. C. 20. pag. 190. Ed. Hackian.

vel personata, vel marinæ pastinacæ; si vel singulæ binæve tritæ, & sic potui datæ sunt cum vino, & super vulnus impositæ. Illud ignorare non oportet, omnis serpen-
 5 tis ictum & jejuni & jejuno magis nocere. ideoque perniciosissimi sunt, † cum incubant: utilissimumque est, ubi ex anguibus metus est, non ante progredi, quam quis aliquid assumpsit.

10 11. *Remedium generale adversus omnia venena, vel in cibo, vel in potione assumpta.*

Non tam facile his opitulari est, qui venenum, vel in cibo, vel in potione sumpserunt. Primum, quia non protinus sentiunt, ut ab angue icti: ideo ne succurrere
 15 quidem statim sibi possunt. Deinde quia noxa non à cute, sed ab interioribus partibus incipit. Commodissimum est tamen, ubi primum sensit aliquis, protinus oleo
 20 multo epoto vomere. Deinde, ubi præcordia exhaustit, bibere antidotum: si id non est, vel merum vinum.

12. *Specialia remedia adversus quædam venena: & primo adversus Cantharidas.* ¹

25 Sunt tamen quædam remedia propria adversus quædam venena, maximeque leviora. Nam si cantharidas aliquis ebibit, panaces cum lacte contusa, vel galbanum vino adjecto dari, vel lac per se debet.

30 13. *Adversus Cicutam.* ²

Si cicutam, vinum merum calidum cum ruta quamplurimum ingerendum est; deinde is vomere cogendus: posteaque laser ex vino dandum. Isque, si febre vacat, in

V 5 cali-

1 Æginet V, 30. Scribon. Larg. LVII. Actuar. M. M. V, 12. 2 Æginet. V, 41. Scribon. Larg. XLVII. Actuar. M, M. V, 12.

calidum balneum mittendus: si non vacat, unguendus ex calefacientibus est. Post quæ quies ei necessaria est.

14. *Adversus Hyoscyamum.* ¹

Si hyoscyamum, fervens mulsum bibendum est, aut quodlibet lac, maxime tamen asininum.

15. *Adversus Cerussam.* ²

Si cerussam, jus malvæ, vel juglandis ex vino contritæ, maxime profunt.

16. *Adversus Sanguisugam, si epota est, & lac, quod intus coit.* ³

Si sanguisuga epota est, acetum cum sale bibendum est. Si lac intus coit, aut passum, aut cum aceto laser.

17. *Adversus Fungos inutiles.* ⁴

Si fungos inutiles quis assumpsit, radícula aut è posca, aut cum sale & aceto edenda est. Ipsi vero hi & specie quidem discerni possunt ab utilibus, & cocturæ genere idonei fieri. Nam sive ex oleo inferbuerunt, sive piri furculus cum his inferbuit, omni noxa vacant.

18. *De adustis corporis locis, & quomodo curare debeant.* ⁵

Adustis quoque locis extrinsecus vis infertur; itaque sequi videtur, ut de his dicam. Hæc autem optime curantur foliis aut lili, aut linguæ caninæ, aut betæ in vino oleoque decoctis. Quorum quodlibet protinus impositum ad sanitatem perducit.

Sed dividi quoque curatio potest in ea, quæ mediocriter exedentia reprimentiaque,

¹ Æginet. V, 38. ² Scribon. Larg. XLVII. ³ Æginet. V, 36. Plin. H. N. XXII, 23. ⁴ Æginet. V, 54. Scribon. Larg. LXVI. ⁵ Alii sunt. ⁶ Ægin. IV, 11. Seren. Samm. LX. Aëtius Tetrab. IV. Serm. II, 64.

que, primo & pustulas prohibeant, & summam pelliculam exasperent: deinde ea, quæ lenia ad sanitatem perducant. Ex prioribus est lenticulæ cum melle farina: vel myrrha cum vino; vel creta cimolia cum thuris cortice contrita, & aqua coacta, atque, ubi usus necessitas incidit; aceto diluta. Ex insequentibus, quælibet *λιπαρά*. 267¹
Sed idonea maxima est, quæ vel plumbi retribimentum, vel vitellos habet.

Est etiam illa adustorum curatio, dum inflammatio est, impositam habere cum melle lenticulam: ubi ea declinavit, farinam cum ruta, vel porro, vel marrubio, donec crustæ cadant, tum ervum cum melle, aut irim, aut resinam terebinthinam, donec ulcus purum sit: novissime siccum linamentum.

C A P. XXVIII.

20 *De interioribus ulceribus, quæ, aliqua corporum parte corrupta, nascuntur.*

I. *De carbunculo.*

25 **A**B his, quæ extrinsecus incidunt, ad ea veniendum est, quæ interius, corrupta aliqua corporum parte, nascuntur. Ex quibus non aliud carbunculo pejus. Ejus hæ notæ sunt. Rubor est, superque eum non nimium pustulæ eminent, maxime nigræ, interdum sublividæ, aut pallidæ. In iis sanies esse videtur; infra collos niger est. Ipsum corpus aridum, & durius, quam naturaliter oportet. Circaque quasi crusta est; eaque inflammatione cingitur.

1 Æginet. IV, 25. Actuar. M. M. II, 12. Oribas. Synops. VII, 12.

gitur. Neque in eo loco levare cutis potest, sed inferiori carni quasi affixa est. Somnus urget. Nonnunquam horror, aut febris oritur, aut utrumque. Idque vitium subteractis quasi quibusdam radicibus serpit; interdum celerius, interdum tardius. Supra quoque, procedens in albescit; dein lividum fit; circumque exiguae pustulae oriuntur. Et si circa stomachum faucesve incidit, subito spiritum saepe elidit.

Nihil melius est, quam protinus adurere. Neque id grave est, nam non sentit; quoniam ea caro mortua est. Finisque adurendi est, dum ex omni parte sensus doloris est. Tum deinde ulcus, sicut caetera adest, curandum est. Sequitur enim sub medicamentis erodentibus crusta: quae undique à viva carne diducta, trahit secum, quicquid corruptum erat; purusque jam finis curari potest implentibus. At, si in summa cute vitium est, possunt succurrere quaedam vel exedentia tantum, vel etiam adurentia. Vis pro magnitudine adhibenda est. Quodcunque vero medicamentum impositum est, si satis proficiet, protinus à viva corruptam partem resolvit.

Certaque esse fiducia potest fere, si undique vitiosa caro excidat, qua hujuscemodi medicamen exest: si id non fit, medicamentumque malo vincitur, utique ad usum properandum est. Sed in ejusmodi casu abstinendum à cibo, à vino est. Aquam liberaliter bibere expedit. Magisque ea servanda sunt, si febricula quoque accessit.

2. *De Carcinomate.*

Non idem periculum καρκίνωμα affert, nisi imprudentia curantis agitatum est. Id vitium fit maxime in superioribus partibus, circa¹ faciem, nares, aures, labra, ² mammas fœminarum. Et ex jecore, aut splene hoc nascitur. Circa locum aliqua quasi puncta sentiuntur:isque immobilis, inæqualiter tumet: interdum etiam torpet. Circa eum inflatæ venæ quasi recurvantur: hæque pallent, aut livent: nonnunquam etiam in quibusdam delitescunt. Tactusque is locus, aliis dolorem affert, in aliis eum non habet. Et nonnunquam sine ulcere durior aut mollior est, quam esse naturaliter debet: nonnunquam iisdem omnibus ulcus accedit. Interdumque nullam habet proprietatem: interdum simile his est, quæ vocant Græci κονδυλώματα; aspredine quadam & magnitudine sua. Colorque ejus ruber est, aut lenticulæ similis. Neque tuto secatur. nam protinus aut resolutio nervorum, aut distentio insequitur. Sæpe homo ictus obmutescit, atque ejus anima deficit. Quibusdam etiam, si id ipsum pressum est, quæ circa sunt, intenduntur & intumescunt. Namque pessimum id genus est, fereque primum id fit; quod κακότηδες à Græcis nominatur. Deinde ex eo id καρκίνωμα, quod sine ulcere est. Deinde ulcus; & ex eo, thymium.

† Tolli nihil, nisi κακότηδες, potest: reliqua curationibus irritantur. Et quo major vis adhibita est, eo magis quidam usi sunt medicamentis adurentibus. Quidam ferro ad-

adufferunt : quidam scalpello exciderunt. neque ulli unquam medicina profuit : sed adusta , protinus concitata sunt , & increverunt , donec occiderent. Excisa etiam post inductam cicatricem , tamen reverterunt , 51 & causam mortis attulerunt. Cum interim plerique nullam vim adhibendo , qua tollere id malum tentent ; sed imponendo tantum lenia medicamenta , quæ quasi blandiantur , quo minus ad ultimam senectutem perveniant , non prohibeantur. Discernere autem cacoethes , quod curationem recipit , à carcinomate , quod non recipit , nemo scire potest , nisi tempore & experimento. I:5

Ergo , ubi primum id vitium notatum est , imponi debent medicamenta adurentia. Si levatur malum , minuunturque ejus indicia , procedere curatio potest & ad scalpellum , & ad unctionem. Si protinus irritatum est , scire licet , jam carcinoma esse ; removendaque sunt omnia acria , omnia vehementia. Sed , si sine ulcere is locus durus est , imponi ficum quam pinguissimam , aut 264, 14. *ρὺπῶδες* , emplastrum satis est. Si ulcus æquale est , ceratum ex rosa injiciendum est , adjiciendusque ei pulvis ex contrita testa , ex aqua , qua faber ferrarius tingere candens ferrum solitus est. Si id inimum supercrevit , tentanda squama æris est (quæ 30 lenissima ex adurentibus est) eatenus , ne quid eminere patiatur : sed ita , si nihil exacerbavit : sin minus , eodem cerato contenti esse debemus.

3. De

3. De Theriomate.

Est etiam ulcus, quod *Θνησίωμα* Græci vocant. Id & per se nascitur, & interdum ulceri ex alia causa facto supervenit. Color est vel lividus, vel niger: odor fœdus: multus, & muco similis humor. Id ipsum ulcus neque tactum, neque medicamentum sentit: prurigine tantum movetur. circa dolor est, & inflammatio. Interdum etiam febris oritur. Nonnunquam ex ulcere sanguis erumpit. Atque id quoque malum serpit. quo omnia sæpe intenduntur. Fitque ex his ulcus, quod *ἑρπὶς ἐσθία- μος* Græci vocant; quia celeriter serpendo, penetrandoque usque ad ossa, corpus vorat. Id ulcus inæquale est, † cœno simile; inestque multus humor glutinosus; odor intolerabilis; majorque, quam pro modo ulceris, inflammatio. Utrumque, sicut omnis cancer, fit maxime in senibus; vel his, quorum corpora mali habitus sunt. 167, 18.

Curatio utriusque eadem est: sed in majore malo major vis necessaria. Ac primum, à victus ratione ordinandum est: ut quiescat in lectulo: ut primis diebus à cibo abstineat: aquam quamplurimam assumat. Alvus quoque ei ducatur. Dein, post inflammationem, cibum boni succi capiat; vitatis omnibus acribus: potionis quantum volet, sic, ut interdum quidem aqua contentus sit: in cœna vero etiam vini austeri aliquid bibat. Non æque tamen fame in his, quos *ἑρπὶς* urgebit, atque in his, qui *Θνησίωμα* adhuc habebunt, utendum erit. Et

Et victus quidem talis necessarius est.

Super ulcus vero inspergenda est arida aloe contrita, &, si parum proficiet, chalcitis. At, si quis nervus, exesa carne, nudatus est, contegendus ante linteolo est, ne sub eo medicamento aduratur. Si validioribus etiam remediis opus est, ad eas compositiones veniendum est, quæ vehementius adurant. Quicquid autem inspergitur, averso specillo infundi debet. Superdanda cum melle sunt vel linamenta, vel oleæ folia ex vino decocta, vel marrubium: eaque linteolo contegenda in aqua frigida madefacto, dein bene expresso. Circaque, quæ tumor ex inflammatione est, imponenda, quæ reprimant, cataplasmata. Si sub his nihil proficitur, ferro locus aduri debet; diligenter nervis, qui apparent, ante contactis. Adustum vel medicamentis vel ferro corpus, primum purgandum, deinde implendum esse, apparere cuilibet ex prioribus potest.

4. De Sacro igne.¹

Sacer quoque ignis malis ulceribus annumerari debet. Ejus duæ species sunt. Alterum est subrubicundum, aut mistum rubore atque pallore; exasperatumque per pustulas continuas, quarum nulla altera major est, sed plurimæ perexiguæ. In his semper fere pus, & sæpe rubor cum calore est: serpitque id nonnunquam sanescente eo, quod primum vitiatum est: nonnunquam etiam exulcerato, ubi, ruptis pustulis, ulcus continuatur, humorque exit, qui esse inter

¹ Aeginet. IV. 12. Seren. Sammon. XLI. Aëtius Tetrab. IV. Serm, 59.

ter saniem & pus videri potest. Fit maxime in pectore, aut lateribus, aut eminentibus partibus, præcipueque in plantis. Alterum autem est in summæ cutis exulceratione, sed sine altitudine, latum, sublividum, inæqualiter tamen; mediumque fænescit, extremis procedentibus: ac sæpe id, quod jam sanum videbatur, iterum exulceratur. At circa, proxima cutis, quæ vitiū receptura est, tumidior & durior est, coloremque habet ex rubro subnigrum. Atque hoc quoque malo fere corpora seniores tentantur, aut quæ mali habitus sunt; sed in cruribus maxime.

15 Omnis autem facer ignis, ut minimum periculum habet ex his, quæ serpunt; sic prope difficillime tollitur. Medicamentum ejus fortissimum est, uno die febris, quæ humorem noxium absumat. Pus, quo cras-^{289,}
20 sius & albidius est, eo periculi minus est.^{33.} Prodest etiam infra ulcera locum cædi, quo plus puris exeat; & id, quo ibi corruptum corpus est, extrahatur. Sed tamen, si febricula accessit, abstinencia, lectulo, alvi ductione opus est. In omni vero sacro igni, neque lenibus & glutinosis cibis, neque salis & acribus utendum est; sed his, quæ inter utrumque sunt: qualis est panis sine fermento, piscis, hœdus, aves, exceptoque apro, omnis fere venatio. Si non est febricula, & gestatio utilis est, & ambulatio, & vinum austerum, & balneum. Atque in hoc quoque genere potio magis liberalis esse, quam cibus, debet.

X

Ipsa

Ipsa autem ulcera, si mediocriter serpunt, aqua calida: si vehementius, vino calido fovenda sunt. Deinde acu pustulæ, quæcumque sunt, aperiendæ. Tum imponenda ea, quæ putrem carnem exedant. 5 Ubi inflammatio sublata, ulcusque purgatum est, imponi lene medicamentum debet. In altero autem genere, possunt proficere mala cotonea in vino cocta, atque 273,262. contrita: potest emplastrum vel Heræ, vel 100
τετραοιδεμακον; cui quinta pars thuris adjecta sit; potest nigra hederæ ex vino austero cocta, ac si celeriter malum serpit, non aliud magis proficit. Purgato ulcere, quod in summa cute esse proposui, satis ad 155
sanitatem eadem lenia medicamenta proficiunt.

5. De Chironio ulcere. ¹

† Chironium autem ulcus appellatur, quod & magnum est, & habet ² oras duras, 20
callosas, tumentes. Exit sanies non multa, sed tenuis: odor malus. neque in ulcere, neque in ejus tumore ulla est inflammatio: dolor modicus est. Nihil serpit, ideoque nullum periculum adfert; sed non facile 25
sanescit. Interdum tenuis cicatrix inducitur, deinde iterum rumpitur, ulcusque renovatur. Fit maxime in pedibus & cruribus.

Super id imponi debet, quod & lene ali- 30
quid, & vehemens, & reprimens habeat. Quale ejus rei causa sit ex his: squamæ æris, plumbi eloti combusti, singulorum p. vi. *. cadmiæ, ceræ, singulorum p. viii.
*. rosæ

1 Ægin. IV, 46. 2 Pollux IV, c. 25.

*. rosæ quantum satis est ad ceram simul cum eis molliendam.

6. *De Ulceribus, quæ ex frigore in pedibus
& manibus oriuntur.*

5 Fiunt etiam † ex frigore hiberno † ulcera, maxime in pueris, & præcipue pedibus, digitisque eorum, nonnunquam etiam in manibus. Rubor cum inflammatione mediocri est. Interdum pustulæ oriuntur, de-
10 inde exulceratio. Dolor autem modicus: prurigo major est. Nonnunquam humor exit, sed non multus; qui referre vel pus, vel faniem videtur.

In primis multa calida aqua fovendum
15 est, in qua rapa decocta; aut si ea non sunt, aliquæ verbenæ ex reprimentibus. Si nondum adaperitum ulcus est, æs, quam maxime calidum quis pati potest, admovendum est. Si jam exulceratio est, imponi debet alu-
20 men, æqua portione cum thure contritum, tum vino adjecto; aut malicorium in aqua coctum, deinde contritum. Si summa detracta pellicula est, hic quoque melius lenia medicamenta proficiunt.

25 7. *De Struma;* 2

Struma quoque est tumor, in quo subter concreta quædam ex pure & sanguine quasi glandulæ oriuntur. Quæ vel præcipue fatigare medicos solent, quoniam & febres
30 movent, nec unquam facile maturescunt; &, si ferro, si medicamentis curantur, plerunque iterum juxta cicatrices ipsas resurgunt; multoque post medicamenta sæpius. quibus id quoque accedit, quod

X 2

longo

1 Æginet. III, 79. 2 Aëtius Tetrab. IV. Serm. III. c. 5. Aëtuar. Meth. Med. II. 12. Ægin. IV, 33. Oribas. Synopf. VII, 29.

longo spatio detinent. Nascuntur maxime in cervice; sed etiam in alis, & inguinibus, & in lateribus. In mammis quoque foeminarum se reperisse, chirurgus Meges auctor est.

5

Propter hæc & album veratrum recte datur, atque etiam sæpius, donec ea digerantur. Et medicamenta imponuntur, quæ humorem vel educant, vel dissipent; quorum supra mentio facta est. Adurentibus quoque quidam utuntur, quæ exedunt, crustaque eum locum adstringunt: tum vero ut ulcus curant. Quæcunque autem ratio curandi est, corpus, puro ulcere, exercendum atque alendum est, donec ad cicatricem perveniat. Quæ cum medici doceant, ab iis requirenda. Quorundam rusticorum experimento cognitum, quem struma male habet, eum, si anguem edit, liberari.

10

15

383,
II.

20

8. De Furunculo.

Furunculus vero, est tuberculum acutum cum inflammatione, & dolore; maximeque ubi jam in pus vergit. Qui ubi ad apertus est, & exiit pus, subter apparet pars carnis in pus versa, pars corrupta subalbida, subrubra; quem ventriculum quidam furunculi nominant. In eo nullum periculum est, etiam si nulla curatio adhibeatur: maturescit enim per se, atque erumpit. Sed dolor efficit, ut potior medicina sit, quæ maturius liberet.

25

30

Proprium ejus medicamentum galbanum est. sed alia quoque supra comprehensa sunt. Si cætera defunt, imponi debet,

pri-

r Æginet. IV, 23. Seren. Sammon. XXXVIII.
2 Edit. Aldi & alix inflatione,

primum, non pingue emplastrum, ut id reprimat: deinde, si non repressit, quodlibet puri movendo accommodatum. si ne id quidem est, vel resina, vel fermentum
 5 Expresso pure, nulla ultra curatio necessaria est.

9. *De Phymate.*

326.

20.

Phyma vero nominatur tuberculum furunculo simile, sed rotundius & planius,
 10 sæpe etiam majus. Nam furunculus ovi dimidii magnitudinem raro explet, nunquam excedit. Phyma etiam latius patere consuevit: sed inflammatio dolorque sub eo minores sunt. Ubi divulsum est, pus eodem
 15 modo apparet: ventriculus qui in furunculo, non invenitur: verum omnis corrupta caro in pus vertitur. Id autem in pueris & sæpius nascitur, & facilius tollitur: in
 20 juvenibus rarius oritur, & difficilius curatur. Ubi ætas induravit, ne nascitur quidem. Quibus vero medicamentis discuteretur, supra propositum est.

258,

10. *De Phygethlo.* 1

19.

Φύγεθλον autem est tumor, non altus, sed
 25 latus, in quo quiddam pustulæ simile est. Dolor dissentioque vehemens est, & major quam pro magnitudine tumoris: interdum etiam febricula. Idque tarde maturescit, neque magnopere in pus convertitur. Fit
 30 maxime aut in cervice, aut in alis, aut in inguinibus. Panum, ad similitudinem figuræ, nostri vocant. Atque idipsum quo medicamento tolleretur, supra demon-
 stravi. 255.

II. *De Abscessibus.* ¹

Sed cum omnes hi nihil nisi minuti abscessus sint, generale nomen trahit latius vitium, totum ad suppurationem spectans. Idque fere fit aut post febres, aut post dolores partis alicujus, maximeque eos, qui ventrem infestarunt. Sæpiusque oculis expositum est, siquidem latius aliquando intumescit ad similitudinem ejus, quod *φύμα* vocari proposui, rubetque cum calore, & paulo post etiam cum duritia, magisque nocenter adolescit, & sitim vigiliamque exprimit. Interdum tamen nihil horum in cute deprehendi potest; maximeque, ubi alius pus movetur: sed cum siti vigiliaque sentiuntur intus aliquæ punctiões. Et, quod de subito durius non est, melius est: & quod, quamvis rubet, coloris tamen in album mutati est. quæ signa jam pure oriente nascuntur: tumor enim ruborque multo ante incipiunt. 5 10 15 20

Sed, si locus nobilis est, avertendus materię aditus est per cataplasmata, quæ simul & reprimunt, & refrigerant: qualia & alias & paulo ante in erysipelate proposui. Si jam durior est, ad ea veniendum est, quæ digerant, & resolvant: qualis est ficus arida contusa: aut fex mista cum cerato, quod ex adipe suilla coactum sit; aut cucumeris silvestris radix, cui ex farina duæ partes adjectæ sint, ante ex mulso decoctæ. Licet etiam miscere æquis portionibus ammoniacum, galbanum, propolim, viscum, pondusque adjicere myrrhæ dimidio minus, 25 30

1 Aeginet. IV, 18. Aëtius Tetrab. IV, Serm. II, 32. Oribas. Synops. VII, 28.

nus, quam in prioribus singulis erit. Atque emplastra quoque & malagmata idem efficiunt, quæ supra explicui.

Quod per hæc discussum non est, necesse est, maturescat. Idque quo celerius fiat, imponenda est farina ordeacea, ex aqua cocta. cui & olerum aliquid recte miscetur. Eadem aut hæc in minoribus quoque abscessibus, quorum nomina proprietatesque supra edidi, recte fiunt. Eademque omnium curatio: tantum modo distat. Crudum est autem, in quo major quasi venarum motus est, & gravitas, & ardor, & distentio, & dolor, & rubor, & durities; & si major abscessus est, horror, atque etiam febricula permanet: penitiusque condita suppuratione pro his, quæ alioqui cutis ostendit, punctiones sunt. Ubi ista se remiserunt, jamque is locus prurit, & aut sublividus, aut subalbidus est, matura suppuratio est. Ex qua, ubi vel per se, vel per medicamenta, vel etiam ferro aperta est, pus debet emitti. Tum, si qua in alis, vel inguinibus sunt, sine linamento nutrienda sunt. In cæteris quoque partibus, si ima plaga exigua est, si mediocris suppuratio fuit, si non alte penetravit, si febris non est, si valet corpus, æque linamenta supervacua sunt. In reliquis, parce tamen, nec, nisi magna plaga est, imponi debent. Commode vero mel super linamenta, vel sine his imponitur lenticula ex melle, aut mallicorium ex vino coctum. quæ & per se & mista idonea sunt.

Si qua circa duriora sunt, ad ea mollienda, vel malva contrita, vel fœni Græci linive semen ex passo coctum superdandum est. Quicquid deinde impositum est, non adstringi, sed modice deligari debet. Illo 5
neminem decipi decet, ut in hoc genere cerato utatur. Cætera, quæ pertinent ad purgandum ulcus, ad implendum, ad cicatricem inducendam, conveniuntque vulneribus, exposita sunt. 100

12. De Fistulis. 1

412, 413. Nonnunquam autem ex ejusmodi abfcessibus, & ex aliis ulcerum generibus, fistulæ oriuntur. Id nomen est ulceri alto, angusto, calloso. Fit in omni fere parte 15
corporis: habetque quædam in singulis locis propria. Prius de communibus dicam. Genera igitur fistularum plura sunt, siquidem aliæ breves sunt, aliæ altius penetrant: aliæ rectæ intus feruntur, aliæ multo 20
toque plures transversæ: aliæ simplices sunt, aliæ duplices triplicesve; quæ ab uno ore orfæ intus tres fiunt, aut etiam in plures sinus dividuntur: aliæ rectæ, aliæ flexæ, & tortuosæ sunt: aliæ intra carnem desinunt, 25
aliæ ad ossa aut cartilaginem penetrant; aut, ubi neutrum horum subest, ad interiora perveniunt: aliæ deinde facile, aliæ cum difficultate curantur, atque etiam 30
quædam insanabiles reperiuntur.

Expedita curatio est in fistula simplici, recenti, intra 2 carnem. Adjuvatque ipsam corpus, si juvenile, si firmum est. Inimica contraria his sunt: itemque, si fistula os, vel

1 Aëtius Tetrab. IV. Serm. II. 55. 2 Hippocr. Coac. Præn. III, 394.

vel cartilaginem, vel nervum, vel musculos læsit; si articulum occupavit; si vel ad vesicam, vel ad pulmonem, vel ad vulvam, vel ad grandes venas arteriasve, vel ad
5 maxillas, guttur, stomachum, thoracem penetravit. Ad intestina quoque eam tendere, semper periculosum, sæpe pestiferum est. Quibus multum mali accedit, si corpus vel ægrum, vel senile, vel mali ha-
10 bitus est.

Ante omnia autem demitti specillum in fistulam convenit; ut, quo tendat, & quam alte perveniat, scire possimus. Simule etiam, prorsus humida, an siccior sit: quod extra-
15 cto specillo patet. Id quoque dici potest, in osse vitium sit, necne: &, si jam eo fistula penetravit, quatenus nocuerit. Nam, si molle est, quod ultimo specillo contingitur, intra carnem adhuc vitium est: si ma-
20 gis id renititur, ad os ventum est. Ibi deinde si dilabitur specillum, nondum caries est: si non dilabitur sede, qua innititur, caries quidem, verum adhuc levis est: si inæquale quoque & asperum subest, vehementius os exesum est. At cartilago ubi sub-
25 sit, ipsa sedes docet: perventumque esse ad eam, ex renisu patet.

Ex his quidem colliguntur fistularum sedes, spatia, noxæ. Simples vero hæ
30 sint, an in plures partes diducantur, cognosci potest ex modo puris. Cujus si plus fertur, quam quod simplici spacio convenit, plures sinus esse manifestum est. Cumque fere juxta sint caro, & nervus, & ali-

qua nervosa, quales fere tunicæ membræque sunt, genus quoque puris docebit, num plures sinus intus diversa corporis genera perroserint. Siquidem ex carne pus læve, album copiosius fertur: at ex nervoso loco, coloris quidem ejusdem, sed tenuius & minus: ex nervo, pingue & oleo non dissimile. Denique etiam corporis inclinatio docet, num in plures partes fistulæ penetrarint, quia sæpe, cum quis aliter decubuit, aliterque membrum collocavit, pus ferri, quod jam desierat, iterum incipit; testaturque, non solum aliud finem esse, ex quo descendat, sed etiam in aliam corporis partem eum tendere. 10 15

Si in carne & recens & simplex est; ac neque sinuosa neque cava sede; neque in articulo, sed in eo membro, quod per se immobile, non nisi cum toto corpore movetur, satis proficiet emplastrum, quod recentibus vulneribus imponitur, dum habeat vel salem vel alumen, vel squamam æris, vel æruginem, vel ex metallicis aliquid. Exque eo collyrium fieri debet altera parte tenuius, altera paulo plenius. Idque ea parte, qua tenuius est, antecedente demitti oportet in fistulam, donec purus sanguis se ostendat. quæ in omnibus fistularum collyriis perpetua sunt. Idem deinde emplastrum in linteolo superimponendum; superaque injicienda spongia est, in acetum ante demissa: solvique quinto die satis est. Genus victus adhibendum est, quo carnem ali docui. 20 25 30

At,

At, si longius à præcordiis fistula est, ex intervallo jejunum radículas esse, deinde vomere, necessarium est.

Quum vetustate callosa fit fistula (callus ^{300, 2.}
 5 autem neminem fallit, quia durus est, & aut albus, aut pallidus) tum validioribus medicamentis opus est. Quale est, quod habet papaveris lachrymæ p. i. *. gummi p. iii. *. cadmiæ p. iii. *. atramenti futorii p. viii. *. ex quibus aqua coactis collyrium fit. Aut in quo sunt gallæ p. i. *. æruginis, sandarachæ, aluminis Ægyptii singulorum p. i. *. atramenti futorii combustip. ii. *. Aut quod constat ex chalcitide, & è saxo calce; quibus adjicitur auri pigmenti dimidio minus, quàm in singulis prioribus est; eaque melle cocto excipiuntur. Expeditissimum autem est ex præcepto Megetis, æruginis rasæ p. ii. *. contere, deinde ammoniaci thymiamatis p. ii. *. aceto liquare, eoque infuso æruginem cogere. Idque ex primis medicamentis est. Sed, ut hæc maximi effectus sunt, si cui ista non adsunt, facile tamen est callum qui-
 25 buslibet adurentibus medicamentis erodere: satisque est vel papyrus intortum, vel aliquid ex penicillo in modum collyrii adstrictum eo illinere. Scilla quoque cocta & mixta cum calce, callum exest.

30 Si quando vero longior & transversa fistula est, demisso specillo, contra principium hujus incidi commodissimum est, & collyrium, 2 quod volueris demitti.

At si duplicem esse fistulam vel multipli-
 cem

1 Oribas. Synopf. VII, 30. 2 Edit. Aldi, Steph.
 utrumque, alii legunt utrimque,

cem existimamus, sictamen ut brevis, intraque carnem sit, collyrio uti non debemus; quod unam partem curet, reliquas omittat: sed eadem medicamenta arida in calamus scriptorium conjicienda sunt, isque ori fistulæ aptandus, inspirandumque, ut ea medicamenta intus compellantur, Aut eadem ex vino liquanda sunt; vel, si sordidior fistula est, ex mulso; si callosior, ex aceto; atque intus infundendum, quicquid inditum est. Superponenda sunt, quæ refrigerent & reprimant. nam fere, quæ circa fistulam sunt, habent aliquid inflammationis. Neque alienum est, ubi quis resolverit, antequam rursus alia medicamenta injiciat, per oricularium clysterem fistulam eluere; si plus puris fertur, vino; si callus durior est, aceto; si jam purgatur, mulso, vel aqua, in qua ervum coctum sit, sic ut huic quoque mellis paululum adjiciatur. 200

Fere vero fit, ut ea tunica, quæ inter foramen & integram carnem est, victa tot medicamentis exeat, infraque ulcus purum sit. Quod ubi contingit, imponenda glutinantia sunt; præcipueque spongia melle cocto illita. Neque ignoro, multis placuisse linamentum in modum collyrii compositum & tinctum melle, implendi causa demitti. sed celerius sic glutinantur, quam impletur. Neque verendum est, ne purum corpus puro corpori junctum non coeat, adjectis quoque medicamentis ad id efficacibus; cum sæpe exulceratio digitorum, nisi magna cura prospeximus, sanescendo in unum eos jungat. 300

13. De Ulceris genere, quod *κνέλον* nominatur.

Est etiam ulceris genus, quod à favi similitudine *κνέλον* ¹ Græcis nominatur. Idque duas species habet. Alterum est subalbidum, & furunculo simile; sed majus, & cum magno dolore. Quod, ubi maturefcit, habet foramina; per quæ fertur humor glutinosus, & purulentus; nec tamen ad justam maturitatem pervenit. Si divisum est, ¹⁰ multo plus intus corrupti, quam in furunculo, apparet, altiusque descendit. Raro fit nisi in capillis.

Alterum est minus, & super caput emnens, durum, latum, subviride, subpallidum, ¹⁵ magis exulceratum: siquidem ad singulorum pilorum radices foramina sunt, per quæ fertur humor glutinosus, subpallidus, crassitudinem mellis, aut visci referens, interdum olei: & si inciditur, viridis ²⁰ intra caro apparet. Dolor autem, & inflammatio ingens est, adeo ut acutam quoque febrem movere consuerint.

Super id, quod minus crebris foraminibus exasperatum est, rectè imponitur & ²⁵ ficus arida, & lini semen ² in mulso coctum, & emplastra ac malagmata materiam educentia, aut quæ proprie huc pertinentia supra posui.

Super alterum, & eadem medicamenta, ³⁰ & farina ex mulso cocta, sic ut ei dimidium resinæ terebinthinæ misceatur; & ficus in mulso decocta, cui paulum hyssopi contriti sit adjectum; & uvæ taminix pars quarta fico adjecta. Quod si parum in utrolibet genere

¹ Aëtuar. M. M. II, 12. & IV, 16. Æginet. III, 3. Trallian. I, 9. ² Al. quod in vino.

genere medicamenta proficiunt; totum ulcus usque ad sanam carnem excidi oportet. Ulcere ablato, super plagam medicamenta danda sunt; primum, quæ pus citent; deinde, quæ purgent, tum, quæ impleant.

14. *De Acrochordone, & Thymio, & Myrmeciis, & Clavo.*

Sunt vero quædam verrucis¹ similia; quorum diversa nomina, ut vitia sunt. *Ἀκροχορδῶνα* Græci vocant, ubi sub cute coit aliquid durius, & interdum paulo asperius, coloris ejusdem; infra ad cutem tenue, supra latius. Idque modicum est, quia raro fabæ magnitudinem excedit. Vix^{II} unum tantum eodem tempore nascitur; sed fere plura, maximeque pueris: eaque nonnunquam subito desinunt, nonnunquam mediocrem inflammationem excitant. sunt, quæ etiam in pus convertuntur.

*Ἀκροτύμιον*² nominatur, quod super corpus quasi verrucula eminet, ad cutem latius, supra tenue, subdurum, & in summo perasperum. Id, qua summum, colorem floris thymi repræsentat; unde ei nomen est; ²⁰ ibique facile finditur, & cruentatur; nonnunquam aliquantum sanguinis fundit: fereque circa magnitudinem fabæ Ægyptiæ est, raro majus, interdum perexiguum. Modo autem unum, modo plura nascuntur, vel in palmis, vel in inferioribus pedum³⁰ partibus: pessima tamen in obscœnis sunt; maximeque ibi sanguinem fundunt.

*Μυρμηκία*³ autem vocantur humiliora thymio

¹ Æginet. IV, 15. VI, 87. ² Aëtius Tetrab. IV. Sermon. I, 3. Oribas. Synops. VII, 39. ³ Actuarius. M. M. II, 11. Oribas. Synops. VII, 43.

thymio durioraque. quæ radices altius
† exigunt, majoremque dolorem movent, in-
fra lata, supra autem tenuia, minus sangui-
nis mittunt: magnitudine vix unquam lu-
5 pini modam excedunt. Nascuntur ea quo-
que aut in palmis aut in inferioribus par-
tibus pedum.

Clavus autem nonnunquam quidem
etiam alibi, sed in pedibus tamen maxime
10 nascitur, præcipue autem ex contuso,
quamvis interdum aliter: doloremque,
etiam si non alias, tamen ingredienti mo-
vet.

Ex his Acrochordon & acrothymium
15 sæpe etiam per se finiuntur, &, quo minora
sunt eo magis. Myrmecia & clavi sine cu-
ratione vix unquam desinunt. Acrochor-
don, si excisa est, nullam radiculam relin-
quit, ideoque ne renascitur quidem. Acro-
20 thymio clavoque excisis, subrotunda radi-
cula nascitur, quæ penitus descendit ad
carnem: eaque relicta, idem rursus exit.
Myrmecia latissimis radicibus inhærent:
ideoque ne excidi quidem sine magna exul-
25 ceratione possunt. Clavum subinde rade-
re, commodissimum est. nam sine ulla vi
sic mollescit. at, si sanguinis quoque aliquid
emissum est, sæpe emoritur. Tollitur etiam,
si quis eum circumpurgat, deinde imponit
30 resinam, cui miscuit pulveris paululum,
quem ex lapide molari contrito fecit. Cætera
vero genera medicamenti adurenda sunt.
Aliisque id, quod ex fece vini: myrmeciae
id, quod ex alumine & sandaracha fit, ap-
p-
simum

simum est. Sed ea, quæ circa sunt, foliis contegi debent, ne ipsa quoque exulcerentur: deinde postea lenticula imponi. Tolle acrothymium etiam ficus in aqua decocta.

5

15. *De Pustularum generibus.*

At pustulæ maxime vernis temporibus oriuntur. Earum plura genera sunt. Nam modo circa totum corpus partemve asperdo quædam fit, similis his pustulis, quæ ex urtica, vel ex sudore nascuntur: ² ἐξανθήματα Græci vocant. eæque modo rubent, modo colorem cutis non excedunt. Nonnunquam plures, similes varis oriuntur, nonnunquam majores. Pustulæ, lividæ, sunt, aut pallidæ, aut nigræ, aut aliter naturali colore mutato: subestque illis humor. Ubi hæ ruptæ sunt, infra quasi exulcerata caro apparet. φλύκταινα ³ ἐλκώδεις Græce nominantur. Fiunt vel ex frigore, ²⁰ vel ex igni, vel ex medicamentis.

† Φλυζάκιον autem paulo durior pustula est, subalbida, acuta. ex qua ipsa quod exprimitur, humidum est. Ex pustulis vero nonnunquam etiam ulcuscula fiunt, aut ²⁵ aridiora, aut humidiora: & modo tantum cum prurigine, modo etiam cum inflammatione ac dolore, exitque aut pus, aut sanies, aut utrumque. Maximeque id evenit in ætate puerili: raro, in medio corpore: sæpe, in eminentibus partibus. ³⁰

Pessima pustula est, quæ ⁴ ἐπινοκτὶς vocatur. Ea colore vel sublivida, vel subnigra, vel alba esse consuevit. Circa hanc autem

vehe-

1 Aphor. III, 20. 2 Aëtuar. M. M. II, 11. Trall. I, 5.
3 Aëtuar. M. M. VI, 8. 4 Aëtuar. M. M. II, 11. Oribas.
Synopsis, VII, 37. 42.

vehemens inflammatio est; &, cum aperta est, reperitur intus exulceratio mucosa, colore humori suo similis. Dolor ex ea supra magnitudinem ejus est: neque enim ea faba
 5 major est. Atque hæc quoque oritur in eminentibus partibus, & fere noctu. unde nomen quoque à Græcis ei *ἐπιπυκνίς* est impositum.

In omni vero pustularum curatione primum est, multum ambulare, atque exerce-
 10 ri: si quid ista prohibet, gestari. Secundum est, cibum minuere: abstinere ab omnibus acribus & extenuantibus. eademque nutrices facere oportet, si lactens puer ita affectus est. Præter hæc, is, qui tam robu-
 15 stus est, si pustulæ minutæ sunt, desudare in balneo debet; simulque super eas nitrum inspergere; oleoque vinum miscere, & sic ungi; tum descendere in solum. Si nihil sic proficitur, aut si majus pustularum ge-
 20 nus occupavit, imponenda lenticula est; detractaque summa pellicula, ad medicamenta lenia transeundum. *Ἐπιπυκνίς* post lenticulam, recte herba quoque sanguinali, vel viridi coriandro curatur.

25 Ulcera vero ex pustulis facta tollit spuma argenti cum semine fœni Græci mixta sic, ut his invicem rosa atque intubi succus adjiciatur, donec mellis crassitudo ei fiat. Proprie ad eas pustulas, quæ infantes
 30 male habent, lapidis, quem *πυρίλυ* Græci vocant, p. viii. *. cum quinquaginta amaris nucibus miscetur, adjiciunturque olei cyathi tres. Sed prius ungi ex cerussa pustulæ debent, & tum hoc illini.

Y

16. De

16. *De Scabie.*¹

Scabies vero est durities cutis rubicundior. ex qua pustulæ oriuntur, quædam humidiores, quædam ficciores. Exit ex quibusdam sanies; fitque ex his continuata exulceratio pruriens; serpitque in quibusdam cito. Atque in aliis quidem ex toto desinit, in aliis vero certo tempore anni revertitur. † Quo asperior est, quoque prurit magis, eo difficilius tollitur. Itaque
 340, 14. eam, quæ talis est, *ἀνελίαν* Græci appellant, id est feram.

In hac quoque victus ratio eadem, quæ supra, necessaria est. Medicamentum autem ad incipientem hanc idoneum est; quod fit ex spodii, croci, æruginis, singulorum p. i. *. piperis albi, omphacii, singulorum p. i. *. cadmiæ p. viii. *. At, ubi jam exulceratio est, id, quod fit ex sulphuris p. i. *. ceræ p. iv. *. picis liquidæ hemina, olei sextariis duobus. quæ simul usque ad crassitudinem mellis incoquantur. Est
 255, 16. etiam, quod ad Protarchum authorem refertur. Habet hoc farinæ lupinorum sextarium, nitri cyathos quatuor, picis liquidæ heminam, resinæ humidæ selibram, acetii cyathos tres. Crocum quoque, lyrium, ærugo, myrrha, cinis, æquis portionibus recte miscentur, & ex passo coquantur. Idque omnem utique scabiem sanat. Ac, si nihil aliud est, amurca ad tertiam partem decocta, vel sulphur pici liquidæ mistum, † sicut de pecoribus proposui, hominibus quoque scabie laborantibus opitulantur.

17. *De*

17. *De Impetiginis speciebus.* 1

Impetiginis vero species sunt quatuor. Minime mala est, quæ similitudine scabiem repræsentat. nam & rubet, & durior
5 est, & exulcerata, & rodit. Distat autem ab ea, quæ magis exulcerata est, & varis similes pustulas habet; videnturque esse in ea quasi bullulæ quædam, ex quibus interposito tempore quasi squamulæ solvuntur,
10 certioribusque hæc temporibus revertitur.

Alterum genus est pejus & simile papulæ fere, sed asperius rubicundiusque, figuras varias habens: squamulæ ex summa cute decidunt, rosio major est, celerius &
15 latius procedit, certioribusque etiam, quam prior, temporibus & fit, & definit. Rubra cognominatur.

Tertia etiamnum deterior est, nam & crassior est, & durior, & magis tumet; in summa cute finditur, & vehementius rodit. Ipsa quoque squamosa, sed nigra est: proceditque
20 & latet, nec tardat: minus vero errat in temporibus, quibus aut oritur, aut definit; neque ex toto tollitur. Nigræ cognomen est.

5 Quartum genus est, quod curationem omnino non recipit, distans colore. nam subalbidum est, & recenti cicatrici simile; squamulasque habet pallidas, quasdam subalidas, quasdam lenticulæ similes: quibus
0 demptis, profluit sanguis nonnunquam. Alioqui vero humor ejus albidus est, cutis dura atque fissa est, proceditque latius.

Hæc vero omnia genera maxime oriuntur in pedibus, & manibus; atque un-

Y 2

gues

gues quoque infestant. Medicamentum non aliud valentius est, quam quod ad scabiem quoque pertinere † sub authore 338, 23. Protarcho retuli. Serapion autem, nitri p. ii. * sulphuris p. iv. * excipiebat resina 51 copiosa, eoque utebatur.

18. *De papulis.*

Papularum vero duo genera sunt. Alterum est, in quo per minimas pustulas cutis exasperatur, & rubet, leviterque ro- 140 dicitur, medium habet pauxillo levius: tarde serpit. idque vitium maxime rotundum incipit, eademque ratione in orbem pro- 338. II. cedit. Alterum est, quam *ἀγρία* Græci appellant. In qua similiter quidem, sed ma- 145 gis cutis exasperatur, exulceraturque, ac vehementius & roditur, & rubet, & interdum etiam pilos remittit.

Quæ minus rotunda est, difficilius sanescit: nisi sublata est, in impetiginem verti- 200 tur. Sed levis papula etiam, si jejuna saliva quotidie defricetur, sanescit. Major, commodissime murali herba tollitur, si super eadem trita est. Ut vero ad composita me- 245 dicamenta veniamus, idem illud Protar- chi tanto valentius in his est, quanto minus in his vitii est. Alterum ad idem, Miconis; nitri rubri, thuris, singulorum p. i. * cantharidum purgatarum p. ii. * sulphuris ignem non experti tantundem, re- 300 sinæ terebinthinæ liquidæ p. xx. farinæ lolii sext. iii. git cyathi tres, picis crudæ sext. unum.

19. *De Vitiliginis speciebus, id est, de Alphi,
& Melane, & Leuce.*¹

Vitiligo quoque, quamvis per se nullum periculum adfert: tamen & fœda est, & ex
5 malo corporis habitu fit. Ejus tres species sunt. Α'λφ@ vocatur, ubi color albus est, fere subasper & non continuus, ut quædam quasi guttæ dispersæ esse videantur. Interdum etiam latius, & cum quibusdam in-
10 termissionibus serpit. Μελας colore ab hoc differt, quia niger est, & umbræ similis. cætera eadem sunt. Λευκη habet quiddam simile alphi, sed magis albida est, & altius descendit; in eaque albi pili sunt, & lanu-
15 gini similes. Omnia hæc serpunt: sed in aliis celerius, in aliis tardius. Alphos & Melas in quibusdam variis temporibus oriuntur & desinunt. Leuce, quem occupa-
vit, non facile dimittit.

20 Priora curationem non difficillimam recipiunt: ultimum vix unquam sanescit; ac, si quid ei vitio demptum est, tamen non ex toto sanus color redditur. Utrum autem aliquod horum sanabile sit, an non; expe-
25 rimento facile colligitur. Incidi enim cutis debet, aut acupungi. si sanguis exit, quod fere fit in duobus prioribus, remedio locus est: si humor albidus, sanari non potest. Itaque ab hoc quidem abstinendum est.

30 Super id vero, quod curationem recipit; imponenda lenticula mixta cum sulphure & thure, sic, ut ea contrita ex aceto sit. Aliud ad idem, quod ad Irenæum authorem refertur. Alcyonium, nitrum, cumi-
Y 3 num,

¹ Actuar. M.M. II, 11. VI, 8. Oribas. de Morb. Cur. III, 58. Aëtius Tetrab. IV. Serm. I, 132.

num, fici folia arida paribus portionibus contunduntur, adjecto aceto. His in sole vitiligo perungitur: deinde non ita multo post, ne nimis erodatur, eluitur. Proprie quidem, Micone authore, eos, quos Alphos 51 vocari dixi, hoc medicamento perungunt: sulphuris P. II. *. nitri P. IV. *. myrrhæ aridæ contritæ acetabulum miscent, deinde in balneo super vitiliginem inspergunt farinam ex faba, tum hæc inducunt. Hi 100 vero, quos Melanas vocari dixi, curantur, cum simul contrita sunt alcyonium, thus, hordeum, faba, eaque sine oleo in balneo ante sudorem insperguntur, ac tum genus id vitiliginis defricatur. 145

LIBER SEXTUS.

CAPUT I.

200

De Vitiis singularum corporis partium.

Dixi de his vitiis, quæ per totum corpus orientia, medicamentorum auxilia desiderant. nunc ad ea veniam, quæ non nisi in singulis partibus incidere 25 consueverunt, orsus à capite.

1. *De Capillis fluentibus.*¹

In hoc igitur capillis fluentibus maxime quidem sæpe radendo succurritur. Adji- cit etiam vim quandam ad continendum, 30 ladanum cum oleo² mistum. Nunc de his 334, 27. capillis loquor, qui post morbum fere fluunt. Nam, quo minus caput quibusdam ætate

¹ nu-
1. Trallian. I, 2. Aëtuar. M. M. II, 5. IV, 9. Oribas. de Loc. Affect. Cur. IV, 5. 2 Scil. myrteo. Th. Prif-
scian. I. 2.

1 nudetur, succurri nullo modo potest.

C A P. II.

De Porrigine. 2

5

PORRIGO autem est, ubi inter pilos quædam quasi squamulæ surgunt, eæque à cute resolvuntur; & interdum ma-
 10 dent, multo sæpius ficcæ sunt. Idque evenit, modo sine ulcere, modo exulcerato loco Huic quoque modo malo odore, modo nullo accedente. Fereque id in capillo fit, rarius in barba, aliquando etiam in super-
 15 cilio. Ac neque sine aliquo corporis vitio nascitur, neque ex toto inutile est. Nam bene integro capite, non exit: ubi aliquod in eo vitium est, non incommodum est, summani cutem potius subinde corrumpi,
 20 quam id, quod nocet, in aliam partem magis necessariam verti.

Commodius est ergo subinde peccando repurgare, quam id ex toto prohibere. Si tamen ea res magis offendit (quod nimium
 25 humore sequente fieri potest, magisque, si is etiam mali odoris est (caput sæpe radendum est; dein id super adjuvandum aliquibus ex leviter reprimentibus. quale est nitrum cum aceto, vel ladanum cum myr-
 30 teo & vino, vel myrobalanum cum vino. Si parum per hæc proficitur, vehementioribus uti licet; cum eo, ut sciamus, utique in recenti vitio id inutile esse.

Y 4

C A P.

1 Priscian. I. 2. 2 Æginet, III, 3. Trallian, I. 4. Oribas. de Loc. Affect. Cur. IV, 9, 10.

CAP. III.

De Sycofi. ¹

EST etiam ulcus, quod à fici similitudine ^{σύκωσις} à Græcis nominatur, quia caro 5
in eo excrescit: & id quidem generale
est. Sub eo vero duæ species sunt. Altera,
ulcus durum & rotundum est: altera, hu-
midum & inæquale. Ex duro exiguum
quiddam & glutinosum exit: ex humido 10
plus, & mali odoris. Fit utrumque in iis
partibus, quæ pilis conteguntur: sed, id
quod callosum & rotundum est, maxime
in barba; id vero, quod humidum, præci-
pue in capillo.

Super utrumque oportet imponere ela- ¹⁵
terium, aut lini semen contritum & aqua
coactum, aut ficum in aqua decoctam, aut
emplastrum tetrapharmacum ex aceto sub-
actum. Terra quoque Eretria ex aceto li- 20
quata recte illinitur.

CAP. IV.

De Areis

AREARUM quoque duo genera sunt. 25
Commune utrique est, quod, emor-
tua summa pellicula, pili primum exte-
nuantur; deinde excidunt: ac, si ictus is lo-
cus est, sanguis exit liquidus, & mali odoris:
increfcitque utrumque in aliis celeriter, in 30
aliis tarde. Pejus est, quod densam cutem,
& subpinguem, & ex toto glabram fecit. Sed
ea, quæ *ἀλωπεκία* ² nominatur, sub quali-
bet figura dilatatur. Fit & in capillo, & in
barba.

¹ Aeginet. III, 3. Aëtuar. M. M. II, 5. Oribas. de Loc.
Affect. Cur. IV, 52. Trall. I, 5. ² Trallian. I. I. Prif-
cian. L. I. c. 6.

barba. Id vero, quod à serpentis similitudine *ὀφίαισι* ¹ appellatur, incipit ab occipitio: duorum digitorum latitudinem non excedit: ad aures duobus capitibus serpit; quibusdam etiam ad frontem, donec se duo capita in priorem partem committant. Illud vitium in qualibet ætate est: hoc fere in infantibus. Illud vix unquam sine curatione: hoc per se sæpe finitur.

- 10 Quidam hæc genera arearum scalpello exasperant. quidam illinunt adurentia ex oleo; maximeque chartam combustam. quidam resinam terebinthinam cum thapsia inducunt. Sed nihil melius est, quam
15 novacula quotidie radere: quia, cum paulatim summa pellicula excisa est, adaperiuntur pilorum radiculae. Neque ante oportet desistere, quam frequentem pilum nasci apparuerit. Id autem, quod subinde raditur,
20 illini atramento sutorio fatis est.

C A P. V.

*De Varis, & Lenticulis,
& Ephelide.* ²

- 25 **P**E N E ineptiæ sunt, curare varos, & lenticulas, & ephelidas: sed eripi tamen foeminis cura cultus sui non potest. Ex iis autem, quæ supra proposui, vari lenticulaeque vulgo notæ sunt; quamvis rarior
30 ea species est, quam *πανίας* Græci vocant, cum sit ea lenticula rubicundior, & inæqualior. *Ἐφηλὶς* vero à plerisque ignoratur: quæ nihil est, nisi asperitas quædam & durities mali coloris. Cætera non nisi in facie:
Y 5

¹ Oribas. de loc. Affect. Cur. IV. 42. Actuar. M. M. v. 13. ² Æginet. III. 1.

cie: lenticulæ etiam in alia parte nonnunquam nasci solent. de qua per se scribere alio loco, visum operæ pretium non est.

Sed vari commodissime tolluntur imposita resina, cui non minusquam ipsa est, 5
aluminis scissilis, & paulum mellis adjectum est. Lenticulam tollunt galbanum & nitrum, cum pares portiones habent, contritæque ex aceto sunt, donec ad mellis crassitudinem venerint. His corpus illinendum 10
est, &, interpositis pluribus horis, mâne eluendum, oleoque leviter ungendum.

Ephelidem tollit resina. cui tertia pars salis fossilis & paulum mellis adjectum est. Ad omnia vero ista atque etiam ad colo- 15
randas cicatrices, prodest ea compositio, quæ ad Tryphonem patrem authorem refertur. In ea pares portiones sunt myrobalani, crocomagmatis, cretæ cimoliæ subceruleæ, nucum amarum, farinæ hordei 20
atque ervi, struthii albi, fertulæ campanæ feminis. quæ omnia contrita, melle quam amarissimo coguntur, illitumque à vespere usque mane eluitur.

C A P. VI.

25

*De oculorum morbis: & primo de his,
qui lenibus medicamentis
curantur. ¹*

SEd hæc quidem mediocria sunt. ² Ingen- 30
tibus vero & variis casibus oculi nostri patent. Qui cum magnam partem ad vitæ simul & usum & dulcedinem conferant, summa cura tuendi sunt.

Pro-

¹ Actuar. M. M. IV, II. VI, 5. III, 22.

² Trallian. II, I.

Protinus autem orta lippitudine, quædam notæ sunt, ex quibus, quid eventurum sit, colligere possimus. Nam, si simul & lacryma & tumor & crassa pituita cœperint; si ea pituita lacrymæ mista est; neque lacryma calida est, pituita vero alba & mollis, tumor non durus, longæ valetudinis metus non est. At si lacryma multa & calida, pituitæ paulum, tumor modicus, idque in uno oculo est; longum id sed sine periculo, futurum est. Idque lippitudinis genus minime cum dolore est; sed vix ante vigesimum diem tollitur; nonnunquam per duos menses durat, quandoque brevius finitur.

Si pituita alba & mollis esse incipit; lacrymæque miscetur, aut, si simul hæ utrumque oculum invaserunt, potest esse brevior, sed periculum ulcerum est. Pituita autem sicca & arida dolorem quidem movet, sed maturius desinit; nisi quid exulceravit.

Tumor magnus si sine dolore est, & siccus, sine ullo periculo est: si siccus quidem, sed cum dolore est, fere exulcerat; & nonnunquam ex eo casu fit, ut palpebra cum oculo glutinetur. Ejusdem exulcerationis timor in palpebris pupillisve est; ubi, super magnum dolorem, lacrymæ falsæ calidæque eunt; aut etiam, si tumore jam finito, diu lacryma cum pituita profluit.

Pejus etiamnum est, ubi pituita pallida aut livida est, lacryma calida aut multa profluit, caput calet, à temporibus ad oculos

los dolor pervenit, nocturna vigilia urget. siquidem sub his oculus plerumque rumpitur, † votumque est, ut tantum exulceretur. Intus ruptum oculum febricula juvat. Si foras jam ruptus procedit, sine auxilio est. 5 Si de nigro aliquid albidum factum est, diu manet. At, si asperum, & crassum est, etiam post curationem vestigium aliquod relinquit.

Curari vero oculos sanguinis detractio- 10 ne, medicamento, balneo, fotu, vino, vetustissimus author Hippocrates¹ memoriae prodidit. Sed eorum tempora & causas parum explicuit: in quibus Medicinæ summa est. Neque minus in² abstinencia & alvi 15 69,21. ductione sæpe auxilii est. Hos igitur interdum inflammatio occupat: ubi cum tumore in his dolor est; sequiturque pituitæ cursus, nonnunquam copiosior vel acrior, nonnunquam utraque parte moderatior. In 20 114,20. ejusmodi casu prima omnium sunt quies 298,15. & abstinencia. Ergo primo die, loco obscuro cubare debet sic, ut à sermone quoque abstineat: nullum cibum assumere; si fieri potest, ne aquam quidem; sin minus, 25 certe quam minimum ejus.

Quod si graves dolores sunt, commodius secundo die; si tamen res urget, etiam primo³ sanguis mittendus est; utique si in fronte venæ tument, si firmo corpore materia superest: Si vero minor impetus, minus acrem curationem requirit. Alvum non nisi secundo tertiove die duci oportet. At modica inflammatio neutrum ex his 30 auxi-

¹ Aphor. VI, 31. ² Marcell. de Medic. c. 2.

³ Idem ibid.

auxilium desiderat: satisque est, uti quiete & abstinencia.

Neque tamen in lippientibus longum jejunium necessarium est, ne pituita tenuior atque acrior fiat: sed secundo die dari debet id, quod levissimum videri potest ex iis, quæ pituitam faciunt crassiores; qualia sunt ova forbilia: si minor vis urget, pulticula quoque, aut panis ex lacte. Insequentibus diebus, quantum inflammationi detrahetur, tantum adjici cibus poterit; sed generis ejusdem: utique ut nihil falsum, nihil acre, nihil ex his, quæ extenuant, sumatur; nihil potui præter aquam. Et vietus quidem ratio talis maxime necessaria est.

Protinus autem primo die, ¹ croci p. i. *. & farinæ candidæ quam tenuissimæ p. ii. *. excipere oportet ovi albo, donec mellis crassitudinem habeat: idque in linteolum illinere, & fronti agglutinare, ut, compressis venis, pituitæ impetum cohibeat. Si crocum non est, thus idem facit. Linteolo an lana excipiatur, nihil interest. Superinungi vero oculi debent sic, ut croci quantum tribus digitis comprehendi potest, sumatur, myrrhæ ad fabæ, papaveris lachrymæ ad lentis magnitudinem, eaque cum passo conterantur, & specillo super oculos inducantur. Aliud ad idem: mirrhæ p. i. *. ² mandragoræ succi p. ii. *. papaveris lachrymæ p. ii. *. foliorum rosæ, cicutæ seminis, singulorum p. iii. *. acaciæ p. iv. *. gummi p. viii. *. Et hæc quidem interdiu:

¹ Marcell. de Medic. c. 8.

² Idem ibid.

diu: noctu vero, quo commodior quies veniat, non alienum est, superimponere candidi panis interiorem partem ex vino subactam. nam & pituitam reprimat, &, si quid lachrymæ processit, absorbet, & oculum glutinari non patitur.

Si grave id & durum, propter magnum oculorum dolorem, videtur, ovi & album & vitellus in vas defundendum est; adji-
ciendumque eo mulsi paulum, idque digi- 10
to permiscendum; ubi facta unitas est, de-
mitti debet † lana mollis bene carpta, quæ
id excipiat, superque oculos imponi. Ea
res & levis est, & refrigerando pituitam
coercet, & non exarescit, & glutinari ocu- 15
lum non patitur. Farina quoque hordeacea
cocta, & cum malo cotoneo cocto mixta,
commode imponitur. Neque ab ratione
abhorret, etiam penicillo potissimum uti
expresso, si levior impetus est, ex aqua; si 20
major, ex posca. Priora fascia deliganda
sunt, ne per somnum cadant: at hoc super-
imponi satis est, quia & reponi ab ipso
ægro commodè potest: & quia, cum ina-
ruit, iterum madefaciendum est. Si tantum 25
mali est, ut somnum diu prohibeat, eorum
aliquid dandum est, quæ αἰνῶδες Græci
appellant: satisque est puero, quod ervi; vi-
ro, quod fabæ magnitudinem impleat.
† In ipsum vero oculum primo die, nisi im- 30
modica inflammatio est, nihil recte conji-
citur: sæpe enim potius concitatur eo pi-
tuita, quam minuitur. At secundo die, gra-
vi quoque lippitudine per indita medica-
men-

menta recte succurrirur, ubi vel jam sanguis missus, vel alvus ducta est; aut, neutrum necessarium esse, manifestum est.

2. *De diversis oculorum collyriis.*

5 Multa autem multorumque collyria ad id apta sunt; novisque etiamnum misturis temperari possunt; cum lenia medicamenta, & modice reprimentia, facile & varie misceantur. Ego autem nobilissima ex-
10 quar.

3. *Philonis collyrium.*

Est igitur Philonis, quod habet cerus-
fæ elotæ, spodii, gummi, singulorum p.
1. *. papaveris lachrymæ combustæ p. 1.
15 *. Illud scire oportet, hæc quoque omnia
medicamenta, singula primum per se teri,
deinde mista iterum, adjecta paulatim vel
aqua, vel alio humore. Gummi cum quas-
dam alias facultates habeat, hoc maxime
20 præstat, ut, ubi collyria diu facta inarue-
runt, glutinata sint, neque frientur.

4. *Dionysii collyrium.*

Dionysii collyrium est: papaveris la-
chrymæ combustæ, donec tenerescat p. 1.
25 *. thuris combusti, gummi, singulorum p.
11. *. spodii p. 1111. *.

5. *Cleonis collyrium.* ¹

Cleonis nobile admodum: papaveris la-
chrymæ frictæ p. 1. *. croci p. 1. *. gum-
30 mi p. *. v. quibus, cum teruntur, adjicitur
rosæ succus. Aliud ejusdem valentius;
squamæ ferri, quod *σόνια* ² adpellant, p.
1. *. croci p. 11. *. spodii p. 1v. *. plumbi
& eloti, & combusti p. 1. *. gummi tan-
tun-

¹ Oribas. Synops. LIII. de Collyriis. Æginet. VII, 16.

² Vide Sarracenum in Dioscorid. L. V. c. 90.

tundem. Ejus aliud quoque ad idem est, maxime ubi multa pituita profluit: castorei p. *. i. aloes p. *. i. myrrhæ p. *. i. i. cadmiæ curatæ p. viii. *. stibii tantundem, acaciæ succi p. xii. *. quod, cum miscueris, in pixidicula servetur. Theodotus vero huic compositioni adjecit papaveris lachrymæ combustæ p. *. i. æris combustæ & eloti p. ii. *. nucleorum palmarum combustorum p. x. *. gummi p. xii. *.
 6. *Theodoti collyrium, Acharistum appellatum.* 10

At ipsius Theodoti, quod à quibusdam *ἀχάριστον* nominatur, ejusmodi est: castorei, nardi Indici, singulorum p. i. *. lycii p. *. papaveris lachrymæ tantundem; myrrhæ p. ii. *. croci, cerussæ elotæ, aloes, singulorum p. iii. *. cadmiæ botryitidis elotæ, æris combustæ, singulorum p. viii. *. gummi p. xviii. *. acaciæ succi p. xx. *. stibii tantundem; quibus aqua pluvialis adjicitur.

7. *Cythion vel Tephrrion collyrium.* 200

Præter hæc, ex frequentissimis collyriis est id, quod quidam Cythion, quidam à cinereo colore Tephrrion appellant. Habet amyli, tragacanthæ, acaciæ succi, gummi, singulorum p. i. *. papaveris lachrymæ p. ii. *. cerussæ elotæ p. iv. *. spumæ argenti elotæ p. viii. quæ æque ex aqua pluviali conteruntur.

8. *Euelpidis collyrium, Trygodes nominatum.*

Euelpides autem, qui ætate nostra maximus fuit² ocularius medicus, utebatur eo, quod ipse composuerat; & *τερυγάδες* nominabat,

¹ Aeginet. VII, 16. Paulo aliter exstat apud Marcellum de Medic. c. viii, pag. 267. Ed. Steph. Est & aliud Theodotion Dionysianum p. 274. eodem capite descriptum, nisi malis hoc referre ad mox antecedens Dionysii. Aliud exstat etiam pag. 281. ² Marcell. de Medic. c. 8. p. 267. 274.

nabat. Habet autem hoc, castorei p. ii. *.
lycii, nardi, papaveris lachrymæ, singulo-
rum p. i. *. croci, myrrhæ, aloes, singu-
lorum p. iv. *. æris combusti p. viii. *.
5 cadmiæ, & stibii, singulorum p. xii. *.
acaciæ succi p. xxvi. *. gummi tantundem.

Quo gravior vero quæque inflammatio
est, eo magis leniri medicamento debet,
adjecto vel albo ovi, vel muliebrilacte. At;
10 si neque medicus, neque medicamentum
præsto est, sæpius utrumlibet horum in
oculos penicillo ad idipsum facto infusum,
id malum lenit. Ubi vero aliquis relevatus
est, jamque cursus pituitæ constitit, reli-
15 quias fortasse leviores futuras discutunt
balneum & vinum, igitur lavari debet le-
viter, ante ex oleo perfricatus, diutiusque
in cruribus & feminibus; multaue calida
aqua fovere oculos; deinde per caput
20 prius calida, tum egelida perfundi: à bal-
neo cavere ne quo frigore afflatu ve læda-
tur: posthæc cibo paulo pleniore, quam
ex operum consuetudine, uti; vitatis ta-
men omnibus pituitam extenuantibus: vi-
25 num bibere lene, subausterum, modice
vetus; neque effuse, neque timide; ut ne-
que cruditas ex eo, & tamen somnus fiat,
lenianturque intus latentia acria. Sed, si
quis in balneo sensit majorem oculorum
30 perturbationem, quam attulerat (quod inci-
dere his solet, qui, manente adhuc pituitæ
cursu, festinarunt) quamprimum discedere
debet: nihil eo die vini assumere; cibi mi-
nus etiam, quam pridie. deinde cumpri-

Z

mum

mum satis pituita substitit, iterum ad usum balnei redire.

Solet tamen evenire nonnunquam, five tempestatum vitio, five corporis, ut pluribus diebus neque dolor, neque inflammatio, & minime pituitæ cursus finiatur. Quod ubi incidit, jamque ipsa vetustate res matura est, ab his eisdem auxilium petendum est, id est balneo ac vino. Hæc enim ut in recentibus malis aliena sunt; quia 100 concitare ea possunt, & accendere: sic in veteribus, quæ nullis aliis auxiliis cessaverunt, admodum efficacia esse consuerunt. videlicet hic quoque, ut alibi, cum secunda vana fuerint, contrariis adjuvantibus. 155 Sed ante tonderi ad cutem convenit: deinde in balneo aqua calida quamplurima caput atque oculos fovere: tum utrumque penicillo detergere, & ungere caput irino unguento: continereque in lectulo se; donec omnis calor, qui conceptus est, finiatur; desinatque sudor, qui necessario in capite collectus est. Tum ad idem cibi vinique genus veniendum est sic, uti potiones meracæ sint; obtegendumque caput, & 25 quiescendum. Sæpe enim posthæc gravis somnus, sæpe sudor, sæpe alvi dejectio pituitæ cursum finit. Si levatum est malum 348, 15. (quod aliquando serius fit) per plures dies idem fieri oportet, donec ex toto sanitas restituatur. Si diebus eisdem alvus nihil reddit, ducenda est; quo magis superiores partes leventur. 368, 28.

Nonnunquam autem ingens inflammatio

tio tanto impetu erumpit, ut oculos è sua sede propellat. *ἔκστασις* id, quoniam oculi procidunt, Græci appellant. His utique, si vires patiuntur, sanguinem mitti: si id fieri non potest, alvum duci, longioremque in mediam induci, necessarium est. Opus autem lenissimis medicamentis est. Ideoque Cleonis collyrio quidam, quod ex duobus ante positum est, utuntur. Sed optimum est Nilei: neque de ullo magis inter omnes authores convenit.

9. *Nilei collyrium, omnium optimum.*

Id habet nardi Indici, papaveris lachrymæ, singulorum p. *. gummi p. i. *. croci p. ii. *. foliorum rosæ recentium p. iv. *. quæ vel aqua pluviatili, vel vino levi subaustero coguntur. Neque alienum est, malicorium, vel fertulam campanam ex vino coquere, deinde conterere: aut myrrham nigram cum rosæ foliis miscere: aut hyoscyami folia cum ovi vitello cocta: aut farinam cum acaciæ succo, vel passo, aut mulso. Quibus si folia quoque papaveris adjiciuntur, aliquanto valentiora sunt. Horum aliquo præparato, penicillo fovere oculos oportet, ex aqua calida expresso, in qua ante vel myrti vel rosæ folia decocta sint: deinde, ex illis aliquid imponi. Præter hæc, ab occipitio incisa cute, cucurbitula adhibenda est.

Quod si per hæc restitutus oculus in sedem suam non est, eodemque modo prolapsus permanet, scire oportet, lumen esse amissum: deinde futurum, ut indurescat

is, aut in pus vertatur. Si suppuratio se ostendit, ab eo angulo, qui tempori propior est, incidi oculus debet; ut, effuso pure, inflammatio ac dolor finiatur, & intus tunicæ residant, quo minus foeda postea facies sit. Utendum deinde vel iisdem collyriis ex lacte aut ovo; vel croco, cui album ovi misceatur. At, si induruit, & sic emortuus est, ut ne in pus verteretur; quatenus foede prominebit, excidendum erit sic, ut hamo summa tunica apprehendatur, atque infra id scalpellus incidat: tum eadem medicamenta erunt injicienda, donec omnis dolor finiatur. Iisdem medicamentis in eo quoque oculo utendum est, qui primum procidit, deinde per plura loca fissus est.

10. *De Carbunculis oculorum.*¹

Solent etiam carbunculi ex inflammatione nasci, nonnunquam in ipsis oculis, nonnunquam in palpebris: & in his ipsis, modo ab interiore, modo ab exteriori parte. In hoc casu alvus ducenda est: cibus minuendus: lac potui dandum; ut acria, quæ læserunt, leniantur. Quod ad cataplasmata & medicamenta pertinet, his utendum, quæ adversus inflammationes proposita sunt. Atque hic quoque Nilei Collyrium optimum est. Si tamen carbunculus in exteriori palpebræ parte est, ad cataplasmata aptissimum est lini semen ex mulso coctum; aut, si id non est, tritici farina eodem modo cocta.

11. *De*

¹ Scribon. Larg. III. c. 25. Marcell. de Medic. C. VIII. Trallian. II. 7.

II. *De Pustulis oculorum.*

Pustulæ quoque ex inflammationibus interdum oriuntur. Quod si inter initia protinus incidit, magis etiam servanda sunt, quæ de sanguine & quiete supra proposui; sin serius, quam ut sanguis mitti possit, alvus tamen ducenda est. Si id quoque aliqua res inhibet, utique victus ratio servanda est. Medicamentis autem hic quoque lenibus opus est; quale Nilei, quale Cleonis est.

12. *Philetis collyrium, ad pustulas oculorum.*

Id quoque, quod Philetis vocatur, huic aptum est. Habet enim myrrhæ, papaveris lachrymæ, singulorum p. i. *. plumbi eloti, terræ Samiæ, quæ αἰὲς vocatur, tragacanthæ, singulorum p. iv. *. stibii cocti, amyli, singulorum p. vi. *. spodii eloti, cerussæ elotæ, singulorum p. vii. *. quæ aqua pluviali excipiuntur. Usus collyrii, vel ex ovo, vel ex lacte est.

13. *De Ulceribus oculorum, & de**αἰὲς λιβάνος collyrio.* ²

Ex pustulis ulcera interdum fiunt; eaque recentia æque lenibus medicamentis nutrienda sunt, & iisdem fere, quæ supra in pustulis proposui. Fit quoque proprie ad hæc, quod αἰὲς λιβάνος vocatur. Habet æris combusti, & eloti, papaveris lachrymæ frictæ singulorum p. i. *. spodii eloti, thuris, stibii combusti & eloti, myrrhæ, gummi, singulorum p. ii. *.

14. *De Imminutione oculorum.*

Evenit etiam, ut oculi, vel ambo, vel

Z 3

fin-

1 Scribon. Largus Comp. XXIII. Rhodius in notis pag. 63. 2 Trallian. II, 5. Longè aliter describitur à Marcello de Medic. Cap. VIII. pag. 280. Eâdem paginâ paulo inferius aliud ejusdem nominis depro-mittitur.

singuli, minores fiant, quam esse naturaliter debeant. Idque & acer pituitæ cursus in lippitudine efficit, & continuati fletus, & ictus parum bene curati. In his quoque iisdem lenibus medicamentis ex muliebri lacte utendum est: cibus vero his, qui maxime corpus alere, & implere consueverunt: vitandaque omni modo causa, quæ lachrymas excitet, & cura domesticorum. quorum etiam, si quid forte incidit, ejus ¹ notitiæ subtrahendum: atque acria quoque medicamenta, & acres cibi non alio magis nomine his nocent, quam quod lachrymas movent.

15. De Pediculis palpebrarum. ²

15

Genus quoque vitii est, qui inter pilos palpebrarum pediculi nascuntur. id *φθειρ* Græci nominant. Quod cum ex malo corporis habitu fiat, raro non ultra procedit: sed fere, tempore interposito, pituitæ cursus acerrimus sequitur; exulceratisque vehementer oculis, aciem quoque ipsam corrumpit.

His alvus ducenda est: caput ad cutem tondendum, diuque quotidie jejunis perfricandum. His, ambulationibus aliisque exercitationibus diligenter utendum: gargarizandum ex mulso, in quo nepeta & pinguis ficus decocta sit: sæpe in balneo multa calida aqua fovendum caput: vitandi acres cibi; lacte pingui vinoque utendum: bibendumque liberalius, quam edendum est. Medicamenta vero intus quidem lenia danda sunt; ne quid acrioris

pitu-

¹ Hippocr. de Dec. Orn. XI, 15. ² Aëtuar. M. M. II, 7. & IV, 11. Aëtius Tetr. II. Serm. III, 65. Oribas. de Loc. Aff. IV, 32.

pituitæ concitent: super ipsos vero pediculos alia, quæ necare eos, & prohibere, ne similes nascantur, possint. Ad id ipsum spumæ nitri p. i. *. sandarachæ p. i. *. uvæ taminæ, p. *. i. simul teruntur, adjiciturque vetus olcum pari portione, atque acetum, donec eis mellis crassitudo sit.

16. *De Oculorum gravioribus morbis, qui ex inflammationibus oriuntur, & validioribus medicamentis curantur, & de Andree collyrio, & de Ἀλκίνοιο.*

Haftenus oculorum morbi, qui lenibus medicamentis nutriuntur. Genera deinde alia sunt, quæ diversam curationem desiderant; fere ex inflammationibus nata, sed finitis quoque his manentia. atque imprimis in quibusdam perseverat tenuis pituitæ cursus. Quibus alvus ab inferiore parte evocanda est, demendumque aliquid ex cibo. Neque alienum est, illini frontem ex compositione Andree. Quæ habet gummi p. i. *. cerussæ, stibii, singulorum p. ii. *. spumæ argenti coctæ & elotæ p. iv. *. sed ea spuma ex aqua pluviali coquitur; & arida hæc medicamenta ex succo myrti conteruntur. His illita fronte, cataplasma quoque superinjiciendum ex farina, quæ frigida aqua coacta sit, cuique aut acaciæ succus, aut cupressus adjecta sit. Curcubitula quoque, inciso vertice, recte accommodatur: aut ex temporibus sanguis emititur. Inungi vero eo debet, quod habet squamæ æris, papaveris lachrymæ; singulorum p. *. cervini cornu combusti & eloti,

ti, plumbi eloti, gummi, singulorum p. iv.
 *. thuris p. xii. Hoc vero collyrium quia
 cornu habet, *ἀλὶ κέρατος* nominant. Quo-
 tiescunque non adjicio, quod genus hu-
 moris adjiciendum sit, aquam intelligi
 volo.

17. *Μευρυμύλον*, *Euelpidis collyrium.*

Ad idem *Euelpidis*, quod *μευρυμύλον*
 nominabat. in eo papaveris lachrymæ, &
 albi piperis, singulæ uncia sunt, gummi 10
 libra, æris combusti p. i. *. Inter has au-
 tem curationes, post intermissionem ali-
 quam, profunt balneum & vinum. Cum-
 que omnibus lippientibus vitandi cibi sint,
 349.7. qui extenuant; tum præcipue, quibus te- 15
 nuis humor diu fertur. Quod si jam fasti-
 dium est eorum, quæ pituitam crassio-
 rem reddunt, sicut in hoc genere materiæ ma-
 xime promptum est; confugiendum est ad
 ea, quæ, quia ventrem, corpus quoque ad- 20
 stringunt.

18. *De Oculorum ulceribus supercrescentibus,*
sordidis, cavis, veteribus.

At ulcera, si cum inflammatione finita
 non sunt, aut supercrescentia, aut sordida, 52
 aut certe vetera esse consuerunt. Ex his su-
 percrescentia collyrio, quod *μευρυμύλον* vo-
 catur, optime reprimuntur. Sordida pur-
 gantur & eodem, & eo, quod *Smilion* no-
 minatur. 30

19. *Smilion collyrium.*

Habet æruginis p. vi. *. gummi tantun-
 dem, ammoniaci, minii sinopici, singu-
 lo-

lorum p. xvi. *. quæ quidam ex aqua ; quidam , quo vehementiora sint , ex aceto terunt.

20. *Phynon collyrium Euelpidis.*

5 Id quoque Euelpidis , quod Phynona appellabat , hic utile est : croci p. i. *. papaveris lachrymæ , gummi , singulorum p. ii. *. æris combusti & eloti , myrrhæ , singulorum p. iv. piperis albi p. vi. *. Sed antelium , hoc unguendum est.

21. *Sphæron collyrium Euelpidis.*

Id quoque ejusdem , quod Sphæron nominabat , eodem valet Lapidis hæmatitis eloti p. ii. *. piperis grana sex , cadmiæ elotæ , myrrhæ , papaveris lachrymæ , singulorum p. iii. * croci p. iv. *. gummi p. viii. *. quæ cum vino aminæo continentur.

22. *Liquidum Euelpidis collyrium.*

20 Liquidum quoque medicamentum ad idem componebat. in quo erant hæc : æruginis p. *. minii combusti , atramenti futorii , cinnamomi , singulorum p. iii. *. croci , nardi , papaveris lachrymæ , singulorum p. i. *. myrrhæ p. ii. *. æris combusti p. iii. *. cineris ex odoribus p. iv. *. piperis grana xv. Hæc ex vino austero teruntur : deinde cum passi tribus heminis decoquuntur , donec corpus unum sit. Idque me-

30 dicamentum vetustate efficacius fit.

23. *De cavis oculorum ulceribus.*

Cava vero ulcera commodissime implent ex his , quæ supra posita sunt , Sphæron , & id quod Philetis vocatur. Idem

Sphæriorion vetustis ulceribus & vix ad cicatricem venientibus optime succurrit.

24. *Hermonis collyrium.*

Est etiam collyrium, quod cum ad plura valeat, plurimum tamen proficere in his 5 ulceribus videtur. Refertur ad Hermonem authorem. Habet piperis longi p. i. z. *. albi p. *. cinnamomi, costi, singulorum p. i. *. atramenti futorii, nardi, casiae, castorei, singulorum p. ii. *. gallae p. v. *. myrrhæ, croci, thuris, lycii, cerussæ, singulorum p. viii. *. papaveris lachrymæ p. xii. *. aloes, æris combusti, cadmiæ, singulorum p. xvi. *. acaciæ, stibii, gummi, singulorum p. xxv. *. 15

25. *Decicatricibus oculorum, quæ ex ulceribus factæ sunt, & de Asclepia, & Canopite, & Pyxino, collyriis.*

Factæ vero ex ulceribus cicatrices duobus vitis periclitantur; ne aut cavæ, aut 20 crassæ sint. Si cavæ sunt, potest eas implere id, quod Sphæriorion vocari dixi; vel id, quod Asclepias nominatur. Habet hoc papaveris lachrymæ p. ii. *. sagapeni, opopanax, singulorum p. iii. *. æruginis p. 25 iv. *. gummi p. viii. *. piperis p. xii. *. cadmiæ elotæ, cerussæ, singulorum p. xvi. *. At, si crassæ cicatrices sunt, extenuat vel Smilion, vel Canopite collyrium, quod habet cinnamomi, acaciæ, singulorum p. 30 i. *. cadmiæ elotæ, croci, myrrhæ, papaveris lachrymæ, gummi, singulorum p. ii. *. piperis albi, thuris, singulorum p. iii. *. æris combusti p. ix. *. cum aqua pluviali.

tili. Vel Euelpidis Pyxinum, quod ex his
constat: salis fossilis p. iv. *. ammoniaci
thymiamatis p. viii. *. papaveris lachry-
mæ p. xii. *. cerussæ p. xv. *. piperis albi,
5 croci Ccilicii, singulorum p. lii. *. gum-
mi p. xiii. *. cadmiæ elotæ p. ix. *. Ma-
xime tamen tollere cicatricem videtur id,
quod habet gummi p. iii. *. æruginis p.
i. *. crocomagmatis p. iv.

10 26. *De aliogenere Inflammationis oculorum.*

Est etiam genus inflammationis, in qua,
si cui tument ac distenduntur cum dolore
oculi, sanguinem ex fronte mitti necessa-
rium est: multaque aqua calida caput atque
15 oculos fovere: gargarizare ex lenticula, vel
ex fici cremore: inungi acribus medica-
mentis, quæ supra comprehensa sunt; ma-
ximeque eo, quod Sphæriorion nominatur,
quodque lapidem hæmatiten habet. Atque
20 alia quoque utilia sunt, quæ ad extenuan-
dam aspritudinem fiunt; de qua protinus
dicam.

361,

Hæc autem inflammationem oculorum
fere sequitur; interdum major, interdum
25 levior. Nonnunquam etiam ex aspritu-
dine lippitudo fit, atque ipsam deinde aspri-
tudinem auget, fitque ea in aliis brevis,
in aliis longa, & quæ vix unquam finia-
tur.

30 In hoc genere valetudinis quidam cras-
sas, durasque palpebras, & ficulneo folio,
& asperato specillo, & interdum scalpello
eradunt; versasque quotidie medicamen-
tis suffricant. Quæ neque nisi in magna
vetu-

vetustaque aspritudine, neque sæpe facienda sunt. Nam melius eodem ratione victus & idoneis medicamentis pervenitur. Ergo exercitationibus utemur, & balneo frequentiore; multaue oculorum palpebras aqua calida fovebimus: cibi autem sumendi sunt acres & extenuantes.

27. ¹ *Cæsarianum collyrium.*

At medicamentum id, quod Cæsarianum vocatur, habet atramenti futorii p. 10
i. *. misyos p. *. piperis albi p. v. *. papaveris lachrymæ, gummi, singulorum p. ii.
*. cadmiæ lotæ p. iii. *. stibii p. vi. *. Satisque constat, hoc collyrium adversus
omne genus oculorum valetudinis idoneum 15
esse; exceptis his, quæ lenibus nutriuntur.

28. *Hieracis collyrium.*

Id quoque, quod Hieracis nominatur, ad aspritudinem potest. Habet myrrhæ p. i.
*. ammoniaci thymiamatis p. ii. *. æruginis rasæ p. iv. *. cum aqua pluviali. Ad
idem idoneum est etiam id, quod Canopite, & id quod Smilion vocatur, & id quod
Pyxinum, & id quod Sphærimon. Si autem composita medicamenta non adsunt, 25
felle caprino, vel quam optimo melle fatis commodo aspritudo curatur.

29. *De arida lippitudine.*

Est etiam genus aridæ lippitudinis, quod *ἰνερροθαλμία* 2 Græci appellant. Sub hoc 30
neque tument, neque fluunt oculi, sed rubent tantum, & cum dolore quodam fere levi ac prurigine graves sunt, & palpebræ

citra

¹ Forte à Cæsare Augusto ita dictum, si illud inde dictum, quod refert Marcell. de Med. c. 8. p. 266.

² Actuarius. M. M. II, 7. Æginet. III. 22. Aërius Tetr. II. Serm. III, c. 75, 77.

citra duritiem ullam noctu prægravi pituita inhærescunt : quantoque minor generi huic impetus , tanto finis minus expeditior est.

- 5 In hoc vitio multum ambulare , multum exerceri , lavari sæpe , ibique defudare , multaque fricatione uti necessarium est. Cibi neque qui implent , neque nimium acres , apti sunt , sed inter hos medii. Mane , ubi
 10 concoxisse manifestum est , non est alienum ex sinapi gargarizare , tum deinde caput atque os diutius perfricare.

30. *Rhinion collyrium.*

- Collyrium vero hoc aptissimum est ,
 15 quod Rhinion vocatur. Habet myrrhæ p. i. *. papaveris lachrymæ , acaciæ succi , piperis , gummi , singulorum p. i. *. lapidis hæmatitis , lapidis Phrygii , Lycii , lapidis scissilis , singulorum p. ii. *. æris combusti p. iv. *. Ac Pyxinum quoque eidem accommodatum est.

31. *De Scabris oculis.* ¹

- Si vero scabri oculi sunt , quod maxime in angulis esse consuevit , potest prodesse
 25 Rhinion , id quod supra positum est. Potest similiter prodesse id , quod habet æruginis rasæ , piperis longi , papaveris lachrymæ , singulorum p. ii. *. piperis albi , gummi , singulorum p. iv. *. cadmiæ lotæ ,
 30 cerussæ , singulorum p. vi. *. Nullum tamen melius est , quam Euelpidis , quod βασιλικὸν nominabat. Habet papaveris lachrymæ , cerussæ , lapidis Asii , singulorum p. ii. *. gummi p. xiiii. *. piperis albi p. iv. *.
 croci

croci p. vi. *. pforici p. xiii. *. Nulla autem per se materia est, quæ Pforicum nominetur; sed chalcitidis aliquid, & cadmiæ † dimidio plus ex aceto simul conteruntur, idque in vas fictile inditum, & connectum ficulneis foliis sub terra reponitur diebus viginti, & rursus sublatum teritur, & sic appellatur pforicum. Verum de basílico quoque collyrio convenit, ad omnes affectus oculorum id esse idoneum, qui non lenibus medicamentis curantur.

At, ubi non sunt medicamenta composita, scabros angulos lævant & mel & vinum. Succurritque & his & aridæ lippitudini, si quis panem ex vino subactum super oculum imponit. Nam, cum fere sit humor aliquis, qui modo ipsum oculum, modo angulos, aut palpebras exasperat, sic&, si quid prodit humoris, extrahitur; &, si quid juxta est repellitur.

32. De Caligine oculorum.

Caligare vero oculi nonnunquam ex lippitudine, nonnunquam etiam sine hac, propter senectutem, imbecillitatemve aliam, consueverunt. Si ex reliquiis lippitudinis id vitium est, adjuvat collyrium, quod Asclepias nominatur. Adjuvat & id, quod ex crocomagmate fit.

33. Διὰ κρόκου collyrium. *

Proprie etiam ad id componitur, quod Διὰ κρόκου vocant. Habet piperis p. i. *. croci Cilicii, papaveris lachrymæ, cerussæ, singulorum p. ii. *. pforici, gummi, singulorum p. iv. *.

34. De

34. *De Caligine propter senectutem, aut aliam imbecillitatem.* ¹

At, si ex senectute aliave imbecillitate id est, recte inungi potest, & melle quam optimo, & cyprino, & oleo vetere. Commo-
 5 diffimum tamen est, balsami partem unam, & olei veteris, aut ciprini partes duas, mellis quam acerrimi partes tres miscere. Utilia quoque huic medicamenta sunt, quæ ad
 10 caliginem proxime, quæque ad extenuandas cicatrices supra comprehensa sunt.

Cuicunque vero oculi caligabunt, huic ^{362.} opus erit multa ambulatione, atque exercitatione, frequenti balneo, ubi totum quidem corpus perfricandum est, præcipue
 15 tamen caput ex irino, donec insudet; velandumque postea, nec detegendum, antequam sudor & calor domi conquierint. Tum cibus utendum acribus, & extenuantibus: interpositisque aliquibus diebus, ex
 20 sinapi gargarizandum.

35. *De Suffusione oculorum.* ²

Suffusio quoque, quam Græci *ὑπόχρυς* nominant, interdum oculi pupillæ, qua
 25 cernit, se opponit. Quod si inveteraverit, manu curandum est. Inter initia nonnunquam certis observationibus discutitur. ^{348, 29.} Sanguinem ex fronte vel naribus mittere; in temporibus venas adurere; gargarizando
 30 pituitam evocare; suffumigare; oculos acribus medicamentis inungere, expedit. Victus optimus est, qui pituitam extenuat.

36. *De resolutione oculorum.*

At ne resolutio quidem oculorum
 (quam

¹ Oribas. de Loc. Affe. IV, 16. ² Actuarius. M. M. II, 7. IV, 11. Aëtius Tetr. II, Sermon. III, 49. Agnet. II, 22.

(quam *αλυσιν* Græci nominant) alio vi-
ctus modo, vel aliis medicamentis curan-
da est. Exposuisse tantum genus vitii fa-
tis est. Igitur interdum evenit, modo in
uno oculo, modo in utroque, aut ex ictu
aliquo, aut ex morbo comitiali, aut ex di-
stentione nervorum, qua vehementer ipse
oculus convulsus est, ut is neque quoquam
intendi possit, neque omnino consistat; sed
huc illucve sine ratione moveatur, ideoque
ne conspectum quidem rerum præstet.

37. De Mydriasi oculorum. ¹

Non multum ab hoc malo distat id,
quod *μυδρίασι* Græci vocant. Pupilla dif-
funditur & dilatatur, aciesque ejus hebe-
scit, ac pene caligat. Difficillime genus id
imbecillitatis eliditur. In utraque vero, id
est paralyfi & mydriasi, pugnandum est per
366,21. eadem omnia, quæ in caligine oculorum
præcepta sunt paucis tantum mutatis: si-
quidem ad caput irino interdum acetum,
interdum nitrum adjiciendum est; oculos
vero melle inungi satis est. Quidam in po-
steriore vitio calidis aquis usi relevatique:
quidam sine ulla manifesta causa subito
obcæcati sunt. Ex quibus nonnulli, cum
69,21. aliquandiu nihil vidissent, repentina² pro-
354,27. fusione alvi, lumen receperunt. Quo mi-
nus alienum videtur, & recenti re & inter-
posito tempore, medicamentis quoque mo-
liri dejectiones, quæ omnem noxiam ma-
teriam in inferiora depellant.

38. De imbecillitate oculorum.

Præter hæc imbecillitas oculorum est,
ex

¹ Coel. Aurel. II. 1. p. 344. Actuar. M. M. II, 7. &
IV, 11. Æginet. III, 22. ² Aph. VI, 17.

ex qua quidem interdum satis, ¹ noctu nihil cernunt. quod in fœminam bene respondentibus menstruis non cadit. Sed sic laborantes inungi oportet sanguine jacinoris (maxime hircini; sin minus, caprini) ubi id assum coquitur, excepto: atque edi quoque ipsum jecur debet. Licet tamen etiam iisdem medicamentis non utiliter uti, quæ vel cicatrices, vel aspritudinem extenuant. Quidam contrito semine portulacæ mel adjiciunt eatenus, ne id ex specillo distillet, eoque inungunt. Utendum vero est exercitationibus, balneo, & tricationibus.

39. *Ad Oculos, qui extrinsecus offenduntur, & sanguine suffusi sunt.*

Et hæc quidem in ipsis corporibus oriuntur. Extrinsecus vero interdum sic ictus oculum lædit, ut sanguis in eo suffundatur. Huic nihil commodius est, quam sanguine vel columbæ, ² vel palumbæ, vel hirundinis inungere. Neque id sine causa fit; cum harum facies extrinsecus læsa, interposito tempore in antiquum statum redeat, celerrimeque hirundinis. Unde etiam locus fabulæ factus est, per parentes id herba restitui, quod per se sanescit. Eorum ergo sanguis nostros quoque oculos ab externo casu commodissime tuetur, hoc ordine, ut sit hirundinis optimus, deinde palumbæ, minimum efficax columbæ, & sibi ipsi, & nobis.

Supra percussum vero oculum, ad inflammationem leniendam, non est alienum

Aa

impo-

¹ *νυκτάλωπας* vocant Æginet. III, 27. Actuarius. M. M. II. 7. IV, 11. Trallian. II, 6. Aëtius Tetr. II. Serm. III, 46. ² Æginet. III, 22.

imponere etiam cataplasmata. Sed sal armeniacus, vel quilibet alius quam optime teri debet, sic, ut ei paulatim oleum adjiciatur, donec crassitudo strigmenti fiat. Id deinde miscendum est cum hordeacea farina, 5 quæ ex mulso decocta sit. Facile autem, recognitis omnibus, quæ medici quoque prodiderunt, apparere cuilibet potest, vix ullum ex iis, quæ supra comprehensa sunt, oculi vitium esse, quod non simplicibus 10 quoque, & promptis remediis subinde removeri possit.

C A P. VII.

De aurium morbis.

15

HA CTENUS in oculis ea reperiuntur, in quibus medicamenta plurimum possunt: ideoque ad aures transeundum est; quarum usum proximum à luminibus natura nobis dedit. Sed in his aliquan- 20 to majus periculum est. nam vitia oculorum intra ipsos nocent: aurium inflammationes doloresque, interdum etiam ad dementiam mortemque præcipitant. Quo magis inter initia protinus succurrendum 25 est, ne majori periculo locus sit.

Ergo, ubi primum dolorem aliquis sensit, abstinere & continere se debet. Postero die, si vehementius malum est, caput tondere, idque irino unguento calido per- 30 ungere, & operire. At magnus cum febre vigiliaque dolor exigit, ut sanguis quoque mittatur. Si id aliquæ causæ prohibent, alvus solvenda est. Cataplasmata quoque calida,

I Seren. Sammon. XII. Æginet. III, 23. Trallian. III, 1. Actuar. M. M. II, 6. IV, 10. Cæl. Aurelian. Tardar. Pass. L. II. c. 3.

calida, subinde mutata; proficiunt; sive
 fœni græci, sive lini, sive alia farina ex
 mulso decocta. Recte etiam subinde admo-
 ventur spongiæ, ex aqua calida expressæ.
 5 Tum, levato dolore, ceratum circumdari de-
 bet ex irino, aut cyprino factum. In quibus-
 dam tamen melius, quod ex rosa est, proficit.
 Si vehemens inflammatio somnum ex toto
 prohibet, adjici cataplasmati debent papa-
 10 veris cortices fricti atque contriti sic, ut ex
 his pars dimidia sit; eaque tum simul ex
 passo vel mulso decoquuntur. In aurem ve-
 ro infundere aliquod medicamentum opor-
 tet: quod semper ante¹ tepefieri convenit,
 15 commodissimeque per² strigilem instillatur.
 ubi auris repleta est, super lana mollis ad-
 denda est, quæ humorem intus contineat.
 Et hæc quidem communia sunt.

Medicamentum vero est & rosæ, & ra-
 20 dicum arundinum succus, & oleum, in quo
 lumbrici cocti sunt, & humor ex amaris nu-
 cibus, aut ex nucleo mali persici expressus.
 Composita vero ad inflammationem dolo-
 remque leniendum hæc fere sunt: casto-
 25 rei, papaveris lachrymæ, paræ portiones
 conteruntur, deinde adjicitur his passum.
 Vel papaveris lachrymæ, croci, myrrhæ
 par modus sic teritur, ut invicem modo
 rosa, modo passum instilletur. Vel id, quod
 30 amarum in³ Ægyptia faba est, conteritur,
 rosa adjecta. Quibus myrrhæ quoque pau-
 lulum à quibusdam miscetur, vel papaveris
 lachrymæ, aut thus cum muliebri lacte, vel
 amararum nucum cum rosa succus. Vel ca-
 A a 2 storei,

¹ Plin. de Re Med. L. 1. c. 9. ² Formam ex-
 hibet Mercurial. in Art. Gymnast. ³ Marcell. p. 284.

florei, myrrhæ, papaveris lachrymæ pares portiones cum passio. Vel croci p. i. *. myrrhæ, aluminis scissilis, singulorum p. iii. *. quibus, cum teruntur, paulatim miscentur passi cyathi tres, mellis minus 5 cyatho. Idque ex primis medicamentis est. Vel papaveris lachryma ex aceto. Licet etiam compositione uti Themisonis; quæ habet castorei, opopanax, papaveris lachrymæ ex aceto, singulorum p. ii. *. 100 spumæ nitri p. iv. *. quæ contrita passio excipiuntur, donec cerati crassitudinem habeant; atque ita reponuntur. Ubi usus requirit; rursus id medicamentum, adjecto passio, pistillo teritur. Illud perpetuum 155 est, quotiescunque crassius medicamentum est, quam ut in aurem instillari possit, adijciendum eum esse humorem, ex quo id componi debet, donec satis liquidum sit.

2. *De Pure & malo odore aurium.* *

20

Si vero pus quoque aures habent, recte lycium per se infunditur; aut irinum unguentum; aut porri succus cum melle; aut centaureæ succus cum passio; aut succus mali punici in ipsius cortice tepefactus, 25 adjecta myrrhæ exigua parte. Recte etiam miscentur myrrhæ, quam *σαντλὴ* cognominant, p. i. *. croci tantundem, nuces amaræ xxv. mellis sesquicyathus. quæ contrita, cum utendum est, in cortice mali punici tepefiant. Ea quoque medicamenta, quæ oris exulcerati causa componuntur, æque ulcera aurium sanant. Quæ si vetustiora sunt, & multa sanies fluit, ap-
ta

1 Æginet. III. 23. Oribas. de Loc. Affect. IV. 37. Aetius Tetr. II. Serm. II. c. 83. Plin. de Re Medic. L. I. c. IX.

ta compositio est, quæ ad authorem Erasistratum refertur. habet piperis, croci, singulorum, p. i. *. myrrhæ, misy cocti, singulorum p. ii. *. æris combusti p. ii. *.
5 hæc ex vino teruntur : deinde ubi inaruerunt, adjiciuntur passi heminae tres, & simul incoquantur. Cum vero utendum est, adjicitur his mel & vinum. Est etiam Ptolemæi chirurgi medicamentum, quod habet lentisci, gallæ, singulorum p. i. *. omphacii p. i. *. succum punici mali. Est & Menophili validum admodum, quod ex his constat : piperis longi p. i. *. castorei p. ii. *. myrrhæ, croci, papaveris lachrymæ,
15 nardi Syriaci, thuris, malicorii, ex Ægyptia faba partis interioris, nucum amararum, mellis quam optimi, singulorum p. iv. *. Quibus, dum conteruntur, adjicitur acetum quam acerrimum, donec crassitudo in his passi fiat. Est & Cratonis : cinnamomi, cassiæ, singulorum p. i. *. nardi, lycii myrrhæ, singulorum p. i. *. aloes p. ii. *. mellis cyathi tres, vini sextarius. Ex quibus lycium cum vino decoquitur : deinde
25 de his alia miscentur. At si multum puris, malusque odor est, æruginis rasæ, thuris, singulorum p. ii. *. mellis cyathi duo, aceti quatuor simul incoquantur. ubi utendum est, dulce vinum miscetur. Aut
30 aluminis scissilis, papaveris lachrymæ, acaciæ succi par pondus miscetur, hisque adjicitur hyoscyami succi dimidio minor, quam unius ex superioribus, portio ; eaque trita ex vino diluuntur. Per se quoque

que hyoscyami succus satis proficit.

3. *Compositiones ad omnia aurium vitia.*

Commune vero auxilium adversus omnes aurium casus, jamque usu comprobatum Asclepiades composuit. In eo sunt cin-
namomi, cassiæ, singulorum p. 1. *. floris
junci rotundi, castorei, piperis albi & lon-
gi, amomi, myrobalani, singulorum scrupuli duo, thuris masculi, nardi Syriaci, myrrhæ pinguis, croci, spumæ nitri, singulorum p. 11. *. Quæ separatim contrita, rursus mixta, ex aceto conteruntur; atque ita condita, ubi utendum est, aceto diluuntur. Eodem modo commune auxilium auribus laborantibus est Polybi sphragis ex
268,28. dulci vino liquata. Quæ compositio priori libro continetur.

Quod si & sanies profluit, & tumor est, non alienum est, mixto vino per oricula-
rium clysterem eluere; & tum infundere
vinum austerum cum rosa mixtum, cui spodii paululum sit adjectum, aut lycium cum lacte, aut herbæ sanguinalis succum cum rosa, aut mali punici succum cum exigua parte myrrhæ.

4. *De Ulcere sordido aurium.*

Si sordida quoque ulcera sunt, melius mulso eluuntur; & tum aliquod ex his, quæ supra scripta sunt, quod mel habeat, infunditur. Si magis pus profluit, & ca-
put utique tondendum, & multa calida aqua perfundendum, & gargarizandum; & usque ad lassitudinem ambulandum, & cibo modico utendum est. Si cruor quoque ex ulceribus

ceribus apparet, lycium cum lacte debet infundi; vel aqua, in qua rosa decocta sit, succo; aut herbæ sanguinalis, aut acaciæ adjecto.

- 5 Quod si super ulcera caro¹ increvit. ea-
que mali odoris, & sanguinem fundit, aqua
tepida elui debet; tum infundi id, quod
ex thure & æruginē, & aceto, & melle fit,
aut mel cum æruginē incoctum. Squama
10 quoque æris cum sandaracha contrita per
fistulam recte instillatur.

5. *De Vermibus aurium.*²

- Ubi vero vermes orti sunt, si juxta sunt,
protrahendi oriculario specillo sunt: si
15 longius, medicamentis enecandi; caven-
dumque, ne postea nascantur. Ad utrun-
que proficit album veratrum cum aceto
contritum. Elui quoque aurem oportet vi-
no, in quo marrubium decoctum sit. Sic
20 emortui vermes in primam auris partem
prolabuntur, unde facillime educi possunt.

9. *Ad Compressa aurium foramina.*

- Si foramen auris compressum est, & in-
tus crassa sanies subest, mel quam optimum
25 indendum est. Si id parum proficit, mellis
cyatho & dimidio, æruginis rasæ p. ii. *.
adjiciendum est, incoquendumque, & eo
utendum. Iris quoque cum melle ad idem
proficit. Item mellis & rosæ scrupuli duo.
30 Item galbani p. ii. *. myrrhæ cum melle,
& fellis taurini, singulorum p. ii. * vini
quantum satis est ad myrrham diluendam.

7. *Ad Gravem auditum.*³

Ubi vero gravius aliquis audire cœpit
Aa 4 (quod

1 Aëtius Tetr. II. Serm. II. c. 84. 2 Aëtius Tetr. II.
Serm. II. c. 85. de Locis Affect. IV. 40. 3 Aëtius Tetr.
II. Serm. II. c. 79. Plin. de Re Medic. L. i. c. 22.

(quod maxime post longos capitis dolores evenire consuevit) in primis † aurem ipsam considerare oportet. Apparebit enim, aut crusta, qualis super ulcera innascitur, aut sordium coitus. Si crusta est, infunden- 5 dum est aut oleum calidum, aut cum melle ærugo, vel porri succus aut cum mulso nitri paulum. Atque, ubi crusta ex auricula procidit, eluenda est aqua tepida; quo facilius ea per se diducta oriculario specillo 10 protrahat. Si sordes eæque molles sunt, eodem specillo eximendæ sunt. At, si duræ sunt, acetum & cum eo nitri paululum injiciendum est; cumque emollitæ sunt, eodem modo elui aurem, purgarique oportet. 15 Quod si capitis gravitas manet, attondendum idem; & leniter, sed diu perfri-candum est, adjecto vel irino vel laureo oleo, sic ut utrilibet paululum aceti misceatur: tum diu ambulandum, leniterque 20 post unctionem aqua calida caput fovendum: cibisque utendum ex imbecillissima & media materia; magisque assumendæ dilutæ potiones: nonnunquam gargari-zandum est¹. Infundendum autem in au- 25 rem castoreum cum aceto & laureo oleo & succo radiculæ corticis: aut cucumeris agrestis succus, adjectis rosæ foliis contritis. Immaturæ quoque uvæ succus cum rosa instillatus, adversus surditatem satis 30 proficit.

8. *De Sonitu aurium.*²

Aliud vitii genus est, ubi aures intra se ipsæ sonant. Atque hoc quoque fit, ne ex-
ter-

¹ Aceto scil. Marcellus de Medic. p. 287. ² Actuar. M. M. II, 6. IV. 10. Aëtius Tetr. II. Sermon. II. c. 77. Trall. III, 3.

- ternum sonum accipiant. Levissimum est, ubi id ex gravedine est: pejus, ubi ex morbo, capitivè longis doloribus incidit: pessimum, ubi, magnis morbis venientibus, 5 maximeque comitali, provenit. Si ex gravedine est, † purgare aurem oportet, & spiritum continere, donèc, inde humoraliquis exspumet. Si ex morbo vel capitis dolore, quod ad exercitationem, fricationem, 10 perfusionem, gargarizationemque pertinet, eadem facienda sunt: cibus non utendum nisi extenuantibus: in aurem dandus radiculae succus cum rosa, vel cum succo radicis ex cucumere agresti, vel castoreum 15 ex aceto, & laureo oleo. Veratrum quoque cum aceto conteritur, deinde melle cocto excipitur, & deinde collyrium factum in aurem demittitur. Si sine his cœpit, ideoque novo metu terret, in aurem 20 dari debet castoreum cum aceto, vel irino, vel laureo oleo; aut huic mistum castoreum cum succo nucum amararum; aut myrrha & nitrum cum rosa & aceto. Plus tamen in hoc quoque proficit victus ratio: 25 eademque facienda sunt, quæ supra comprehendì, cum majore quoque diligentia: & præterea, donec is sonus finiatur, à vino abstinendum.

- Quod si simul & sonus est, & inflammatio, 30 laureum oleum conjecisse abunde est aut id, quod ex amaris nucibus exprimitur; quibus quidam vel castoreum, vel myrrham miscent.

9. *Ad ea, quæ in aurem inciderunt, extrahenda.*¹

Solet etiam interdum in aurem aliquid incidere, ut calculus, aliquodve animal. Si pulex intus est, compellendum eo lanæ paululum est; quo ipse si subit, & simul ex-⁵trahitur. Si non est secutus, aliudve animal est, specillum lana involutum in resinam quam glutinosissimam, maximeque terebinthinam demittendum, idque in aurem injiciendum, ibique vertendum est.¹⁰ utique enim comprehendet & eximet. Sin aliquid exanime est, specillo oriculario protrahendum est, aut hamulo retuso paululum recurvato. Si ista nihil proficiunt, potest eodem modo resina protrahi. Sternu-¹⁵tamenta quoque admota id commode elidunt, aut oriculario clystere aqua vehementer intus compulsa. Tabula quoque collocatur media, inhærens capitibus utrinque pendentibus, superque eam homo de-²⁰ligatur, in id latus versus, cujus auris eo modo laborat, sic ut extra tabulam non emineat: tum malleo caput tabulæ, quod à pedibus est, feritur; atque ita concussa aure, id quod inest, excidit.²⁵

C A P. VIII.

*De Narium morbis.*²

NARES vero exulceratas fovere oportet vapore aquæ calidæ. Id & ³⁰
³ spongia expressa atque admota fit, & subiecto vase oris angustî, calida aqua repleto. Post id fomentum, illinenda ulcera sunt, aut plumbi recremento, aut cer-
russa,

¹ Aëtius Tetr. II, Serm. II, c. 87. ² Trallian. III, 2. Actu. M. M. VI, 12. Aëtius Tetr. II, Serm. II, c. 90.
³ Marcell. de Medic. C. x. pag. 288.

ruffa, aut argenti spuma. cum quodlibet ho-
 rum aliquis conterit, ei, dum teritur invi-
 cem vinum & oleum myrteum adjiciat do-
 nec mellis crassitudinem fecerit. Sin autem ea
 5 ulcera circa os sunt, pluresque crustas & odo-
 rem foedum habent, quod genus Græci ὀ-
 ζαννον appellant; sciri quidem debet, vix ei 442, 16,
 malo posse succurri. Nihilominus tamen hæc
 tentari possunt; ut caput ad cutem tondea-
 10 tur, assidueque vehementer perfricetur, mul-
 taque calida aqua perfundatur: multa eidem
 ambulatio sit; cibus modicus, neque acer,
 neque valentissimus. Tum in narem ipsam,
 mel cum exiguo modo resinæ terebinthinæ
 15 conjiciatur (quod specillo quoque involuto
 lana fit) attrahaturque spiritu is succus, do-
 nec in ore gustus ejus sentiatur. Sub his
 enim crustæ resolvuntur, quæ tum per
 sternutamenta elidi debent. Paris ulceri-
 20 bus vapor aquæ calidæ subjiciendus est: de-
 inde adhibendum aut lycium ex vino di-
 lutum, aut amurca, aut omphacium, aut
 menthæ, aut marrubii succus; aut atra-
 mentum futorium, quod candefactum,
 25 deinde contritum sit; aut interior scillæ
 pars contrita; sic ut horum cuilibet mel ad-
 jiciatur. Cujus in cæteris admodum exi-
 gua pars esse debet; in atramento futorio
 tanta, ut ea mistura liquida sit; cum scilla
 30 utique pars major; involvendumque lana
 specillum est, & in eo medicamentum
 tingendum, eoque ulcera implenda sunt.
 Rursusque linamentum involutum & ob-
 lon-

1 Oribas. de Loc. affect. IV, 45. Aëtius Tetrab. II.
 Serap. II, 91. Marcellus de Medic. Cap. x. Odorem gra-
 vem vertit. Vide H. F. ab Aquapendente Oper. Chir.
 P. I, c. 26.

longum eodem medicamento illinendum, demittendumque in narem, & ab inferiore parte leniter deligandum. Idque per hiemem & ver bis die; per æstatem & autumnum, ter fieri debet.

5

2. *De Carnosis carunculis narium.*

Interdum vero in naribus carunculæ quædam similes muliebribus mammis nascuntur, hæque imis partibus, quæ cartilaginossæ sunt, inhærent. Has curare oportet medicamentis adurentibus; sub quibus ex toto consumuntur. Πολύπρις¹ vero est caruncula, modo alba, modo subrubra, quæ narium ossibus inhæret; & modo ad labra tendens narem implet, modo retro per id foramen, quo spiritus à naribus ad fauces descendit, adeo increscit, ut post uvam conspici possit; strangulatque hominem, maxime austro aut euro flante; fereque mollis est, raro dura; eaque magis spiritum impedit, & nares dilitat; fereque καρκινώδης est, itaque attingi non debet. Illud aliud genus fere quidem ferro curatur; interdum tamen inarescit, si addita in narem per linamentum aut penicillum ea compositio est, quæ habet minii sinopici, chalcitidis, calcis, sandarachæ, singulorum p. i. *. atramenti sutorii p. ii. *.

C A P. IX.

2 *De Dentium dolore.*

30

IN dentium autem dolore, qui ipse quoque maximis tormentis annumerari potest, vinum ex toto circumcidendum est:

1 Æginet. III, 24. VI, 25. Aëtuar. M.M. II, 8. Aërius Tetrab. II. Serm. II. c. 92. 2 Trallian. III, 10. Cœl. Aurelian. Morb. Chron. II, 4.

est: cibo quoque primo abstinendum, deinde eo modico mollique utendum, ne mandentis dentes irritet; tum extrinsecus admovendus perspongiam vapor aquæ calidæ; imponendumque ceratum ex cyprino aut irino factum, lanaque id comprehendendum, caputque velandum est. Quod si gravior dolor est, utiliter & alvus ducitur, & calida cataplasmata super maxillam
10 injiciuntur, & ore humor calidus cum medicamentis aliquibus continetur, sæpiusque mutatur. Cujus rei causa & ¹ quinquefolii radix in vino mixto coquitur; & hyocyami radix vel in posca, vel in vino mixto coquitur sic, ut paululum his salis ad-
15 ciatur; & papaveris non nimium aridi cortices, & mandragoræ radix, eodem modo. Sed in his tribus utique vitandum est, ne, quod haustum erit, devoretur. Ex po-
20 pulo quoque alba cortex radicis in hunc usum in vino mixto recte coquitur, aut in aceto cornu cervini ramentum & nepeta cum teda ac ficu pingui: item ficus pinguis vel in mulso, vel in aceto & melle, ex qui-
25 bus cum ficus discocta est, is humor percolatur. ² Specillum quoque lana involutum in calidum oleum demittitur, eoque ipse dens foveatur. Quinetiam quædam quasi cataplasmata in dentem ipsum induntur.
30 in quem usum ex malo punico acido atque arido malicorii pars interior cum pari portione & gallæ & pinei cortices conteritur, misceturque his minium; eaque contrita aqua pluviatili coguntur: aut panacis, pa-
paveris

¹ Marcell de Medic. C. XII. p. 293, 297. ² Auriscalpium dicit Marcell. de Medic. Cap. XII. p. 293.

paveris lachrymæ, peucedani, uvæ taminæ
 sine feminibus pares portiones conterun-
 tur: aut galbani partes tres, papaveris la-
 chrymæ pars quarta. Quicquid dentibus
 admotum est, nihilo minus supra maxil- 5
 lam ceratum (quale supra posui) esse debet
 lana obtectum. Quidam etiam myrrhæ,
 cardamomi, singulorum p. i. *. croci, pyre-
 thri, ficorum, piperis, singulorum p. iv. *.
 sinapis p. viii. *. contrita linteolo illinunt, 10
 imponuntque in humero partis ejus, qua
 dens dolet; si is superior est, à scapulis; si
 inferior, à pectore: idque dolorem levat;
 &, cum levavit, protinus submovendum
 est. 15

Si vero exesus¹ est dens, festinare ad exi-
 mendum eum, nisi res coëgit,² non est ne-
 cesse: sed tum omnibus fomentis, quæ su-
 pra posita sunt, adjiciendæ quædam valen-
 tiores compositiones sunt, quæ dolorem 20
 levant. quales hæ sunt, quæ habent papa-
 veris lachrymæ p. i. *. piperis p. ii. *. fo-
 reosp. x. *. quæ contrita galbano excipiun-
 tur, idque circumdatur: aut Menemachi,
 maxime ad maxillares dentes, in qua sunt, 25
 croci p. i. *. cardamomi, thuris fuliginis, fi-
 corum, piperis, pyrethri, singulorum p. iv. *.
 sinapis p. viii. *. Quidam autem miscent py-
 rethri, piperis, elaterii, singulorum p. i. *. alu-
 minis scissilis, papaveris lachrymæ, uvæ ta- 30
 minæ, sulphuris ignem non experti, bi-
 tuminis, lauri baccarum, sinapis, singulo-
 rum p. ii. *. Quod si dolor eximi eum co-
 git, piperis semen cortice liberatum, & eo-
 dem

¹ Oribas. de Loc. Affect. IV, 58. Aëtius Tetrab. II.
 Serm. IV. c. 33, 34. ² Ita sentit Marcellus de Medic.
 Cap. XII, p. 293.

dem modo bacca hederæ coniecta in ejus
foramen, dentem findit, ilque per testas ex-
cidet. Plani quoque piscis (quem nos pa-
stinacam, Græci *ρευρόα* vocant) aculeus tor-
5 retur, deinde conteritur, resinaque exci-
pitur, quæ denti circumdata hunc solvit.
Alumen quoque scissile in foramen conje-
ctum dentem citat. Sed id tamen involu-
tum in lanula demitti commodius est; quia
10 sic & dentem servat, & dolorem levat.
Hæc à Medicis accepta sunt: sed agrestium 324, 18.
experimento cognitum est, cum dens do-
luerit, herbam² mentastrum cum suis radi-
cibus evelli debere, & in pelvem mitti, su-
15 praque aquam infundi, collocarique juxta
sedentem hominem undique veste conte-
ctum; tum in pelvem candentes filices de-
mitti, sic, ut aqua tegantur, hominemque
cum hiante ore vaporem excipere, ut su-
20 pra dictum est, undique inclusum. Nam &
sudor plurimus sequitur, & per os continens
pituita defluit, idque longiorem, sæpe an-
nuam valetudinem bonam præstat.

25

C A P. X.

*De Tonsillis.*³

445.

SI vero tonsillæ sine exulceratione per
inflammationem intumescunt, caput
quoque velandum est, & extrinsecus
30 is locus vapore calido fovendus; multa am-
bulatione utendum; caput in lecto subli-
me habendum; gargarizandumque reprimen-
tibus medicamentis. Radix quoque ea,
quam dulcem appellant, contusa & in passo mul-

1 Marcell. de Medic. Cap. XII. p. 296. 2 Idem eod-
dem cap. p. 293. 3 Oribas. de Loc. Affect. IV, 70.

mulsove decocta, idem præstat. Leniterque quibusdam medicamentis eas illini non alienum est; quæ hoc modo fiunt. Ex malo¹ punico dulci succus exprimitur, & ejus sextarius ad lenem ignem decoquitur, 5 donec ei mellis crassitudo sit; tum croci, myrrhæ, aluminis scissilis, singulorum p. 11. *. per se conteruntur, paulatimque his adjiciuntur vini lenis cyathi duo, mellis unus; deinde priori succo ista miscentur, 10 & rursus leniter incoquuntur; aut ejusdem succi sextarius eodem modo coquitur, atque eadem ratione trita hæc adjiciuntur; nardi p. *. omphacii p. 1. *. cinnamomi, myrrhæ, casia, singulorum p. 1. *. Ea- 15 dem autem hæc & auribus & naribus purulentis accommodata sunt. Cibus in hac quoque valetudine lenis esse debet, ne exasperet.

Quod si tanta inflammatio est, ut spiri- 20 tum impediat, in lecto conquiescendum; cibo abstinendum, neque assumendum quicquam præter aquam calidam est: alvus quoque ducenda est: gargarizandumque ex fico & mulso: illinendumque mel cum 25 omphacio. extrinsecus admovendus, sed aliquanto diutius, vapor calidus, donec ea suppurent, & per se aperiantur. Si pure substante non rumpuntur hi tumores, incidendi sunt. deinde mulso calido gargarizan- 30 dum.

At, si modicus quidem tumor, sed exulceratio est, furfurum cremori ad gargarizandum paulum mellis adjiciendum est, illi-

¹ Oribas. de Loc. Affect. IV, 73. Æginet. III, 26.

illinendaque ulcera hoc medicamento: passi-
 si quam dulcissimi tres heminæ ad unam
 coquuntur; tum adjicitur thuris p. i. *.
 croci, myrrhæ, singulorum, p. *. iterum-
 5 que omnia fervescent. Ubi pura ulcera
 sunt, eodem furfurum cremore, vel lacte
 gargarizandum est. Atque hic quoque cibis
 lenibus opus est; quibus adjici dulce vinum
 potest.

10

CAP. XI.

*De Oris Ulceribus.*¹

ULCEA autem oris, si cum inflamma-
 tione sunt, & parum pura ac rubi-
 cunda sunt, optime his medicamen-
 15 tis curantur, quæ supraposita ex malis pu-
 nicis fiunt. Continendusque sæpe ore re-
 primens cremor est, cui paulum mellis sit
 adjectum: utendumque ambulationibus,
 20 & non acri cibo. Cum vero pura ulcera
 esse cœperunt, lenis humor, interdum
 etiam quam optima aqua ore continenda
 est. Prodestque assumptum purum vinum,
 pleniorque cibus, dum acribus vacet: in-
 25 spargique ulcera debent alumine scissili, cui
 dimidio plus gallæ immaturæ sit adjectum.
 Si jam crustas habent, quales in adustis
 esse consuerunt, adhibendæ sunt composi-
 tiones, quas Græci *ἀνθραξ* nominant.² Ha-
 30 bent hæ junci quadrati, myrrhæ, sandara-
 chæ, aluminis, pares portiones: aut croci,
 myrrhæ singulorum p. i i. *. iridis, alu-
 minis scissilis, sandarachæ, singulorum p.
 xv. *. junci quadrati p. viii. *. aut gallæ,
 B b myr-

¹ Aëtius Tetrab. II. Serm. IV. c. 22. ² Simile me-
 dicamentum vide apud Marcell. Cap. XI. p. 292. Plin.
 de Re Med. L. I. c. 31.

myrrhæ, singulorum p. 11. *. aluminis scissilis p. 11. *. rosæ foliorum p. 1v. *. Quidam autem croci p. *. aluminis scissilis, myrrhæ, singulorum p. 1. * sandarachæ p. 11. *. junci quadrati p. 1v. *. miscent. Priora arida in- 5
 sparguntur: hoc cum melle illinitur; neque ulceribus tantum, sed etiam tonsillis.

Verum ea longe periculosissima sunt ul-
 46,17. cera, quas ἀφθῶν¹ Græci appellant; sed in
² pueris, hos enim sæpe consumunt. in vi- 10
 ris & mulieribus idem periculum non est. Hæc ulcera à gingivis incipiunt; deinde palatum, totumque os occupant; tum ad uvam faucesque descendunt quibus obses-
 sis, non facile fit, ut puer convalescat. ac 15
 28,23. miserius etiam est, si lactens adhuc infans est; quo minus imperari remedium aliquod potest. Sed imprimis nutrix cogenda est exerceri ambulationibus, & his operibus, quæ superiores partes movent: mittenda 20
 in balneum, jubendaque ibi calida aqua mammas perfundere: tum alenda cibis lenibus, & his qui non facile corrumpuntur: potione, si febricitat puer, aquæ: si sine febre est, vini diluti. ac, si alvus nu- 25
 trici subsistit, ducenda est. Si pituita in ore ejus coit, vomere debet. Tum ipsa ulcera perungenda sunt melle, cui³ ῥῆς quem Syriacum vocant, aut amaræ nuces adjectæ sunt: vel mistis inter se rosæ foliis aridis, nu- 30
 cleis pini, mentha, collectis cum melle: vel eo medicamento, quod ex moris fit: quorum succus eodem modo, quo punici mali, ad mellis

¹ Æginet. I, 10. Aretæus Morb. Acut. I, 9. Oribat. de Loc. Affect. Cur. IV. c. 68. Actuarius. M. M. II, 10. IV, 14. Aët. Tetr. II, Sermon. I, 39. ² Aph. III, 24. ³ Salmasius de Homonym. Hyles Jatric. Cap. 58.

mellis crassitudinem coquitur, eademque ratione ei crocum, myrrha, alumen, vinum, & mel miscetur. Neque quicquam dandum, à quo humor evocari possit. Si
 5 vero jam firmior puer est; gargarizare debet his fere, quæ supra comprehensa sunt. Ac, si leniora medicamenta in eo parum proficiunt, adhibenda sunt ea, quæ adu-
 10 rando crustas ulceribus inducant. Valens quoque est scissile alumen, vel chalcitis, vel atramentum sutorium. Prodest etiam fames & abstinencia, quanta maxima imperari potest. Cibus debet esse lenis. Ad
 15 purganda tamen ulcera, interdum caseus ex melle recte datur.

CAP. XII.

*De Linguae ulceribus.*¹

20 **L**INGUAE quoque ulcera non aliis medicamentis egent, quam quæ prima parte superioris capitis exposita sunt. Sed quæ in latere ejus nascuntur, diutissime durant. Videndumque est, num contra dens aliquis acutior sit, qui sanescere
 25 sæpe ulcus eo loco non finit, ideoque limandus est.

CAP. XIII.

*De Parulidibus & ulceribus gingivarum.*²

30 **S**OLENT etiam interdum juxta dentes in gingivis tubercula quædam oriri dolentia; *παρυλιδας* Græci appellant. Hæc initio leniter sale contrito perfricare oportet; aut inter se mixtis sale fossili com-

Bb 2 busto,

¹ Actuar. M. M. II, 10. ² Oribas. de Loc. Affect. IV, 66. Actuar. M. M. II, 10. IV, 14. Aëtius Tert. II. Serp. IV, 24. Æginet. VI. 27.

buſto , cupreſſo , nepeta ; deinde eluere
os cremore lenticulæ , & inter hæc hiare ,
donec pituitæ ſatis profluat. In majore
vero inflammatione iſdem medicamentis
utendum eſt , quæ ad ulcera oris ſuprapo- 5
ſita ſunt : & mollis linamenti paululum in-
volvendum aliqua compoſitione ex his , quas
ανδριος vocari dixi ; demittendumque id
inter dentem & gingivam. Quod ſi durior
erit , & id prohibebit , extrinſecus admo- 10
vendus erit ſpongiæ vapor calidus , impo-
nendumque ceratum. Si ſuppuratio ſe oſten-
det , diutius eo vapore utendum erit : erit &
continendum ore calidum muſum , in quo
ſicus decocta ſit. Idemque ſubcrudum in- 15
cidendum , ne , ſi ibi diutius pus perman-
ſerit , os lædat. Quod ſi major iſ tumor eſt ,
commodius totus exciditur , ſic ut ex utra-
que parte dens liberetur. Pure exemto ,
ſi levis plaga eſt , ſatis eſt ore calidam aquam 20
continere , & extrinſecus fovere eodem va-
pore : ſi major eſt , lenticulæ cremore uti ,
iſdemque medicamentis , quibus cætera ul-
cera oris curantur.

Alia quoque ulcera in gingivis plerum- 25
que oriuntur , quibus eadem , quæ in re-
liquo ore , ſuccurrunt. Maxime tamen man-
dere liguſtrum oportet , ſuccumque eum
ore continere. Fit etiam interdum , ut ex
gingivæ ulcere , ſive *παρελὶς* fuit , ſive 30
non fuit , diutius pus feratur , dente aut
corrupto , aut fracto , vel aliter vitiato of-
ſe : maximeque id per fiſtulam evenire
conſuevit. Quod ubi incidit , locus aperi-
endus ,

dus, dens eximendus; testa ossis, si qua de-
 cessit, recipienda est; si quid vitiosi est, ra-
 dendum. Post quæ, quid fieri debeat, su-
 pra in aliorum ulcerum curatione compre-
 5 hensum est. Si vero à dentibus gingivæ re-
 cedunt, eadem antheræ succurrunt. Uti- 385.
 le est etiam pira aut mala non permatura
 mandere, & ore eum humorem continere.
 Idemque præstare non acre acetum in ore
 10 retentum potest.

CAP. XIV.

De Uvæ morbo. ¹

15 **U**VÆ vehemens inflammatio terrere
 quoque debet. Itaque in hac abstinencia
 necessaria est, & sanguis recte mit-
 titur; &, si id aliqua res prohibet, alvus u-
 tiliter ducitur: caputque super hæc velan-
 dum, & sublimius habendum est: tum a-
 20 qua ² gargarizandum, in qua simul rubus &
 lenticula decocta sit. Illinenda autem ipsa u-
 va vel omphacio, vel galla ³, vel alumine scis-
 fili, sic ut cuilibet eorum mel adjiciatur. Est
 etiam medicamentum huic aptum, quod An-
 25 dronium ⁴ appellatur. constat ex his; alumine
 scissili, squama æris rubri, atramento futo-
 rio, galla, myrrha, misy. quæ per se con-
 trita, mixtaque rursus paulatim adjecto vino
 austero, teruntur, donec his mellis crassitudo
 30 sit. † Chelidoniæ quoque succo per cochlear
 illita uva maxime prodest. Ubi horum aliquo
 illita uva est, fere multa pituita decurrit: cum-
 que ea quievit, ex vino calido gargarizandum.

Bb 3

Quod

¹ Oribas. de Loc. Affect. Cur. IV, 73. ² Marcell.
 de Med. Cap. XIV. pag. 299. ³ Scribon. Larg. C. XVII.
 c. 71. ⁴ Scribon. Larg. C. XIII. 63. Longe aliter existat
 apud Marcell. de Medic. Cap. XI. pag. 292.

Quod si minor in ea inflammatio, laser terere, eique adjicere frigidam aquam satis est, eamque aquam cochleari exceptam ipsi uvæ subjicere. Ac mediocriter eam tummentem aqua quoque frigida, eodem modo subiecta, reprimat. Ex eadem autem aqua gargarizandum quoque est, vel cum lasere, vel sine eo. At curationis uvæ productæ per manum, ratio subiecta est.

CAP. XV.

10

De Cancro oris.

SI quando autem ulcera oris cancer invasit, primo considerandum est, num malus corporis habitus sit, eique occurrendum: deinde ipsa ulcera curanda. Quod si in summa parte id vitium est, satis proficit anthera, humido ulceri arida inspersa: ficciori, cum exigua parte mellis illita. Si paulo altius, chartæ combustæ partes duæ, auripigmenti pars una. Si penitus malum descendit, chartæ combustæ partes tres, auripigmenti pars quarta aut pares portiones salis fricti, & iridis frictæ: aut etiam pares portiones chalcitidis, calcis, auripigmenti. Necessarium autem est linamentum in rosa tingere, & super adurentia medicamenta imponere; ne vicinum & sanum locum lædant. Quidam etiam in acris aceti heminam frictum salem congiunt, donec tabescere desinat; deinde id acetum coquunt, donec exsiccetur; eumque salem contritum inspergunt. Quoties autem medicamentum injicitur, & ante & post

post os diluendum est vel cremore lenticulæ, vel aqua, in qua aut ervum, aut oleæ, aut verbenæ decoctæ sint, sic, ut cui libet eorum paululum mellis misceatur. A-
 5 cetum quoque ex scilla retentum ore, satis adversus hæc ulcera proficit : & ex aceto cocto salî, sicut supra demonstratum est, rursus mistum acetum sed & diu continere utrumlibet, & id bis aut ter die facere,
 10 prout vehemens malum est, necessarium est. Quod si puer est, cui id incidit, specillum lana involutum in medicamentum demittendum est, & super ulcus tenendum; ne per imprudentiam adurentia devoret.
 15 At, si dolor in gingivis est, moventurque aliqui dentes, refigi eos oportet. nam curationem vehementer impediunt. Si nihil medicamenta proficient, ulcera erunt adurenda. Quod tamen in labris ideo non est
 20 necessarium, quoniam excidere commodius est. Et id quidem, æque adustum, atque excisum, sine ea curatione, quæ corpori manu adhibetur, impleri non potest. Gingivarum vero ossa, quæ habetia sunt,
 25 in perpetuum ustione nudantur. neque enim postea caro increscit. Imponenda tamen adustis lenticula est, donec sanitatem, qualis esse potest, recipiant.

CAP. XVI.

*De Parotidibus.*²

30 **H**ÆC in capite fere medicamentis egent. Sub ipsis vero auribus oriri *παρωτίδες* solent; modo in secunda
 Bb 4 vale-

1 Marcell. de Medic. Cap. XI. pag. 292. 2 Orisbas, de Loc. Affect. Cur, c. 44. Trallian. III, 7.

valetudine, ibi inflammatione orta; modo post longas febres, illuc impetu morbi converso. Id abscessus genus est. Itaque nullam novam curationem desiderat: animadversionem tantummodo hanc habet necessariam, s ut, si sine morbo id intumuit, primum reprimentibus experimentum fiat: si ex adversa valetudine, illud inimicum est, maturarique & quam primum aperiri commodius est.

16

C A P. XVII.

*De Umbilico prominente.*¹

AD umbilicos vero prominentes, ne manu ferroque utendum sit, ante tentandum est, ut abstineant. alvus his ducetur: imponatur super umbilicum id, quod ex his constat; cicutæ & fuliginis, singulorum p. i. *. cerussæ elotæ p. iv. *. plumbi eloti p. viii. *. ovis duobus; quibus etiam solani succus adjicitur. Hoc diutius impositum esse oportet; & interim conquiescere hominem; cibo modico uti, sic ut vitentur omnia infantia.

25

C A P. XVIII.

De Obscænarum partium vitiis.

PROXIMA sunt ea, quæ ad partes obscænas pertinent. quarum apud Græcos vocabula & tolerabilius se habent, & accepta jam usu sunt; cum in omni fere medicorum volumine atque sermone jactentur: apud nos foediora verba, ne consuetudine quidem aliqua verecundius loquen-

¹ Æginet. VI, 51 Aëtius Tetr. I. Serm. IV, c. 26. & Tetr. IV. Serm. IV, 111, Oribas. de Loc. Affect. IV, c. 117,

quentium ¹ commendata sunt: ut difficilis hæc explanatio sit, simul & pudorem, & artis præcepta servantibus. Neque tamen ea res à scribendo deterrire me debuit. Primum, ut omnia, quæ salutaria accepi, comprehendere: dein, quia in vulgus eorum curatio etiam præcipue cognoscenda est, quæ invitissimus quisque alteri ostendit.

2. *De Colis morbis.*

- 10 Igitur si ex inflammatione ² coles intumuit, reduci que summa cutis, aut rursus induci non potest, multa calida aqua fovendus locus est. Ubi vero glans contacta est, oriculario quoque clystere inter 472, 224
- 15 eam cutemque aqua calida inferenda est. si mollita sic & extenuata cutis reducenti paruit, expeditior reliqua curatio est: si tumor vicit, imponenda est vel lenticula vel marrubium, vel oleæ folia ex vino co-
- 20 cta, sic ut cuilibet eorum, dum teritur, mellis paululum adjiciatur: sursumque coles ad ventrem deligandus est: quod in omni curatione ejus necessarium est: isque homo continere se, & abstinere à cibo de-
- 25 bet, & potione aquæ tantum à siti vindicari. Postero die rursus adhibendum iisdem rationibus aquæ fomentum est, & tum vi quoque experiundum, an cutis sequatur: Eaque, si non parebit, leviter summa scal-
- 30 pello concidenda erit. nam, cum sanies profluxerit, extenuabitur is locus, & facilius cutis ducetur.

Sive autem hoc modo victa erit, sive nunquam repugnaverit; ulcera vel in cutis

Bb 5

ulte-

ulteriore parte, vel in glande, ultrave eam
in cole reperientur: quæ necesse est, aut
pura siccaque sint, aut humida & purulen-
ta. Si sicca sunt, primum aqua calida fo-
venda sunt: deinde imponendum licium 5
ex vino est, aut amurca cocta cum eodem,
aut cum rosa butyrum. Si tenuis iis hu-
mor inest, vino eluenda sunt; tum butyro
rosæ & mellis paululum, & resinæ terebin-
thinæ pars quarta adjicienda est, eoque 10
utendum. At, si pus ex iis profluit, ante
omnia elui mulso calido debent: tum im-
poni piperis p. i. *. myrrhæ p. ii. *. croci,
misyos cocti, singulorum p. ii. *. quæ ex
vino austero coquantur, donec mellis cras- 15
situdinem habeant. Eadem autem compo-
sitio tonsillis, uvæ madenti, oris narium-
que ulceribus accommodata est. Aliud ad
idem, piperis p. i. *. myrrhæ p. i. *. croci
p. ii. *. misyos p. i. *. æris combusti p. ii. *. 20
quæ primum ex vino austero conteruntur;
deinde, ubi inaruerunt, iterum teruntur ex
passi tribus cyathis, & incoquantur, donec
visci crassitudinem habeant. Ærugo quo-
que cum cocto melle, & ea, quæ ad oris ul- 25
cera supra comprehensa sunt, curant. At
Erasistrati compositio, aut Cratonis, recte
super purulenta naturalia imponitur. Folia
quoque oleæ ex novem cyathis coquan-
tur; his adjicitur aluminis scissilis p. iv. *. 30
lycii p. viii. *. mellis sesquicyathus: ac,
si plus puris est, id medicamentum ex mel-
le: si minus, ex vino diluitur. Illud perpe-
tuum est; post curationem, dum inflam-
matio

matio manet, quale suprapositum est, cataplasma super dare, & quotidie ulcera eadem ratione curare. Quod si pus & multum, & cum malo odore cœpit profluere, 5 elui cremore lenticulæ debet, sic, ut ei mellis paululum adjiciatur: aut oleæ aut lentisfolia; vel marrubium decoquendum est, eoque humore eodem modo cum melle utendum: imponendaque eadem; aut 10 etiam omphacium cum melle; aut id, quod ex æruginè & melle ad aures fit; aut compositio Andronis; aut anthera, sic, ut ei paululum mellis adjiciatur. Quidam ulcera omnia, de quibus adhuc dictum est, 15 lycio ex vino curant.

Si vero ulcus latius atque altius serpit, eodem modo elui debet: imponi vero, aut ærugo, aut omphacium cum melle; aut Andronis compositio; aut marrubii, myrrhæ, croci, 20 aluminis scissilis cocti, rosæ foliorum aridorum, gallæ, singulorum p. i. *. minii sinopici p. ii. *. quæ per se singula primum teruntur; deinde juncta iterum, melle adjecto, donec liquidi cerati crassitudinem 25 habeant; tum in æneo vase leniter coquuntur, ne superfluant; cum jam guttæ indurescunt, vas ab igne removetur: idque medicamentum tum prout opus est, aut ex melle aut ex vino liquatur. Idem autem per 30 se etiam ad fistulas utile est.

Solet etiam interdum ad nervos ¹ ulcus descendere; profluitque multa pituita, fæcies tenuis malique odoris, non coacta, at aquæ similis, in qua caro recens lota est: dolo-

doloresque is locus, & punctiones habet. Id genus quamvis inter purulenta est, tamen lenibus medicamentis curandum est; quale est emplastrum *τετραφάρμακον* ex rosa liquatum, sic, ut thuris quoque paululum ei 5
misceatur: aut id, quod ex butyro, rosa, resina, melle fit; supra vero à me positum est. Præcipueque id ulcus multa calida aqua fovendum est, velandumque, neque frigori committendum. 10

Interdum autem per ipsa ulcera coles sub cute exesus est sic, ut glans excidat. Sub quo casu cutis ipsa circumcidenda est. Perpetuumque est, quoties glans, aut ex cole aliquid, vel excidit, vel abscinditur, illam 15
esse servandam, ne confidat, ulcerique agglutinetur, ac neque reduci possit postea, & fortasse fistulam quoque urinæ intercludat.

Tubercula etiam, quæ *φύματα* Græci 20
vocant, circa glandem oriuntur; quæ vel medicamentis, vel ferro aduruntur; & cum crustæ exciderunt, squama æris inspergitur, ne quid ibi rursus increascit.

3. *De Cancro, qui in Cole nascitur.* 25

Hæc citra cancerum sunt; qui cum in reliquis partibus, tum in his quoque vel præcipue ulcera infestat. Incipit à nigritie. quæ si cutem occupavit, protinus specillum subjiendum, eaque incidenda est; 30
deinde oræ vulsellaprehendendæ, tum, quicquid corruptum est, excidendum, sic, ut ex integro quoque paulum dematur, idque adurendum. Quoties quid ustum est, id

id quoque sequitur, ut imponenda lenticula sit: deinde, ubi crustæ exciderunt, ulcera sicut alia curentur.

At, si cancer ipsum colem occupavit, in-
5 spargenda aliqua sunt ex adurentibus, maximeque id, quod ex calce, chalcitide, auripigmento componitur. Si medicamenta vincuntur, hic quoque scalpello, quicquid corruptum est, sic, ut aliquid secum integri trahat, præcidi debet. Illud quoque
10 æque perpetuum est; exciso cancro, vulnus esse adurendum. Sed si ex medicamentis, si ex ferro crustæ occalluerint, magnum periculum est, ne his decidentibus,
15 ex cole profusio sanguinis insequatur. Ergo longa quiete & immobili pene corpore opus est, donec ex ipso crustæ maturæ leniter resolvantur. At si vel volens aliquis, vel imprudens, dum ingreditur immature,
20 crustas diduxit, & fluit sanguis, frigida 293, 20. aqua adhibenda est. Si hæc parum valet, decurrendum est ad medicamenta, quæ sanguinem supprimunt. Si ne hæc quidem succurrunt, aduri diligenter & timide debet: neque ullo postea motu dandus eidem
25 periculo locus est.

4. *De Phagedæna in Cole nascente.*

Nonnunquam etiam id genus ibi canceri, quod *φαιγέδαινα* à Græcis nominatur, oriri
30 solet. In quo minime differendum, sed protinus iisdem medicamentis occurrendum est; &, si parum valent, ferro adurendum. Quædam etiam nigrities est, quæ non sentitur, sed serpit, ac, si sustinuiamus, usque
ad

ad vesicam tendit : neque succurri postea potest. Sed, si in summa glande circa fistulam urinæ est, prius in eam tenue specillum demittendum est, ne claudatur; deinde id ferro adurendum : si vero alte penetravit, quicquid occupatum est, præcidendum est. Cætera eadem, quæ in aliis cancris facienda sunt.

5. *De Carbunculo, qui in Cole nascitur.*

Occallescit etiam in cole interdum aliquid; idque omni pene sensu caret. quod ipsum quoque excidi debet. Carbunculus autem ibi natus, ut primum apparet, oriculario clystere eluendus est : deinde ipse quoque medicamentis¹ urendus, maximeque chalcitide cum melle, aut ærugine cum cocto melle, aut ovillo stercore fricto & contrito cum eodem melle. Ubi is excidit, liquidis medicamentis utendum est, quæ ad oras ulceris componuntur.

6. *De Testiculorum morbis.*

In testiculis vero, si qua inflammatio² fine ictu orta est, sanguis ex talo mittendus est : à cibo abstinendum : imponendum, quod est ex fabæ farina ex mulso cocta, & cum cumino contrito ex melle coacta; aut contritum cuminum cum cerato ex rosa facto; aut lini semen frictum, contritum, & in mulso coctum; aut tritici farina ex mulso cocta cum cupresso; aut lili radix contrita. At, si iidem induruerunt, imponi debet lini vel fœni Græci semen ex mulso coctum; aut ex cyprino ceratum; aut similia ex vino contrita, cui paululum croci sit adjectum.

1 Aëtius Tetrab. IV. Serm. II, 18. 2 Æginet. III. 54. Aëtius Tetr. IV, Serm. II, c. 21.

adjectum. Si vetustior jam durities est, maxime proficit cucumeris agrestis radix ex mulso cocta, deinde contrita.

Si ex ictu tument, sanguinem mitti necessarium est, magisque, si etiam livent. Imponendum vero utrumlibet ex his, quæ cum cumino componuntur, supraque posita sunt; aut ea compositio, quæ habet natri cocti p. i. *. resinæ pineæ, cumini, singulorum p. ii. *. uvæ taminæ sine seminibus p. iv. * mellis quantum satis sit ad ea cogenda. Quod si ex ictu testiculus aliquidem desit, fere quoque pus increfcit; neque aliter succurri potest, quam si, inciso scroto, & pus emissum, & ipse testiculus excisus est.

7. De Ani Morbis.

De Rhagadibus.

Anus quoque multa tædii que plena mala recipit, nec à se multum abhorrentes curationes habet. Ac primum in eo sæpe, & quidem pluribus locis, cutis scinditur, ^{πα- 493, 15} γα- 212 Græci vocant. Id si recens est, quiescere homo debet, & in aqua calida desidere. Columbina quoque ova coquenda sunt, &, ubi induruerunt, purganda: deinde alterum jacere in aqua bene calida debet, altero calido foveri locus, sic, ut invicem utroque aliquandiu utatur. Tum tetrapharmacum, aut rhyodes rosa diluendum est; aut œsypum recens miscendum cum cerato liquido ex rosa facto; aut eidem cerato liquido plumbum elotum adjiciendum; aut resinæ terebinthinæ myrrha; aut

aut spumæ argenti vetus oleum; & quolibet ex his id perungendum. Si, quicquid læsum est, extra est, neque intus reconditum, eodem medicamento tinctum linamentum superdandum est, & quicquid ante adhibuimus, cerato contegendum. In hoc autem casu, neque acribus cibis utendum, neque asperis, nec alvum comprimentibus: ne aridum quidem quicquam satis utile est, nisi admodum paulum. Li- 10
quida, lenia, pingua, glutinosa, meliora sunt. Vino leni uti nihil prohibet.

8. *De Condylomate.*¹

494.5. Condyloma autem est tuberculum, quod ex quadam inflammatione nasci solet. 15
Id ubi ortum est, quod ad quietem, cibos, potionesque pertinet, eadem servari debent, quæ proxime scripta sunt. Iisdem etiam ovis recte tuberculum id fovetur. sed desidere ante homo in aqua debet, in 20
qua verbenæ decoctæ sunt ex reprimentibus: tum recte imponitur lenticula cum exigua mellis parte, fertula campana ex vino cocta, & rubi folia contrita cum cerato ex rosa facto; & cum eodem cerato con- 25
tritum vel cotoneum malum, vel malicorii ex vino cocti pars interior: & chalcitis cocta atque contrita, deinde cæsypo ac rosa excepta; & ex ea compositione, quæ habet thuris p. i *. aluminis scissilis p. i *. 30
cerussæ p. iiii *. spumæ argenti p. v. *. quibus, dum teruntur, invicem rosa & vinum instillatur. Vinculum autem ei loco linteolum aut panniculus quadratus est, qui

¹ Aëtius Tetr. IV, Serm. II, c. 3. Scriben. Larg. C. XC. Æginet. VI, 80.

qui ad duo capita duas ansas, ab altera vero parte totidem fascias habet: cumque subjectus est, ansis ad ventrem datis, à posteriore parte in eas adductæ fasciæ conjiciuntur, atque, ubi artatæ sunt, dexterior sinistra, sinisterior dextra procedit, circumdatæque circa alvum inter se novissime nodo deligantur. Sed, si vetus condyloma jam induruit, neque sub his curationibus desit, aduri medicamento potest, quod ex his constat; æruginis p. II. * myrrhæ p. IV. * gummi p. VIII. * thuris p. XII. * stibii, papaveris lachrymæ, acaciæ, singulorum p. XVI. *. Quo medicamento quidam etiam ulcera, de quibus proxime dixi, renovant. Si id nondum in condylomate proficit, adhiberi possunt etiam vehementius adurentia. Ubi consumptus est tumor, ad medicamenta lenia transeundum est.

9. De Hemorrhoidibus.¹

Tertium autem ani vitium est, ora venarum tanquam capitulis quibusdam turgentia, quæ sæpe sanguinem fundunt; αιμορροΐδας Græci vocant. Idque etiam in ore vulvæ fœminarum incidere consuevit. Atque in quibusdam parum tuto supprimitur; qui sanguinis profluvio imbecilliores non fiunt. habent enim purgationem hanc, non morbum. Ideoque curati quidam, cum sanguis exitum non haberet, inclinata in præcordia ac viscera materia, subitis & gravissimis morbis correpti sunt. Si cui vero id nocet, is desiderare in aqua ex

Cc

ver-

¹ Aeginet. III, 59. VI, 79. Aëtius Tetr. IV. Serm. II. c. 5.

verbenis debet : imponere maxime malicorium cum aridis rosæ foliis contritum ; aut ex his aliqua , quæ sanguinem supprimunt. Solet autem oriri inflammatio , maxime ubi dura alvuseum locum læsit. Tum 5 in aqua dulci desidendum est , & id foven- dum ovis , imponendi vitelli cum rosæ foliis ex passo ¹ subactis : idque , si intus est , digito illinendum ; si extra , superillitum panniculo imponendum est. Ea quoque 10 medicamenta , quæ recentibus scissuris posita sunt , hic idonea sunt. Cibis vero in hoc casu iisdem , quibus in prioribus , utendum est. Si ista parum juvant , solent imposita medicamenta adurentia ea capitula 15 absumere. At , si jam vetustiora sunt , sub authore Dionysio inspergenda sandaracha est : deinde imponendum , quod ex his constat ; squamæ æris , auripigmenti , singulorum p. v. *. saxi calcis p. viii. *. po- 20 stero die acu compungendum. Adustis capitulis fit cicatrix , quæ sanguinem fundi prohibet. Sed , quoties is suppressus est , ne quid periculi afferat , multa exercitatione digerenda materia est : prætereaque & vi- 25 ris , & fœminis , quibus menstrua non proveniunt , interdum ex brachio sanguis mittendus est.

10. Si Anus , vel Os vulvæ procidit , qua
² curatione utendum sit.

30

At , si anus ipse , vel os vulvæ procidit (nam id quoque interdum fit) considerari debet , purum ne id sit , quod provolutum est , an humore mucoso circumdatum. Si purum

¹ Alii subacto. ² Æginet. III, 89, Aëtius Tetrab. IV. Serm. II. c. 7.

purum est, in aqua desidere homo debet, aut falsa, aut cum verbenis vel malicorio incocta. Si autem humidum, vino austero sublavandum est, illinendumque fece vini
 5 combusta. Ubi utrolibet modo curatum est, intus reponendum est; imponendaque plantago contrita, vel folia sâlicis in aceto cocta; tum linteolum & lana, eaque super deliganda sunt, cruribus inter se devinctis.

10 II. *De Fungo ani aut vulvæ.*

Fungo quoque simile ulcus in eadem sede nasci solet. Id, si hiems est, egelida; si aliud tempus, frigida aqua fovendum est; dein squama æris inspergenda, supraque
 15 ceratum ex myrteo factum, cui paululum squamæ, fuliginis, calcis sit adjectum. Si hac ratione non tollitur, vel aliis medicamentis similibus, vel vehementioribus, ferro adurendum est.

20 C A P. XIX.

De Digitorum ulceribus.

DIGITORUM autem vetera ulcera commodissime curantur, aut lycio,
 25 aut amurca cocta; cum utrilibet vinum adjectum est. In iisdem recedere caruncula ab unguibus cum magno dolore consuevit; † πτερύγιον † Græci appellant. Oportet alumen Melium rotundum in
 30 aqua liquare, donec mellis crassitudinem habeat: tum, quantum ejus aridi fuit, tantundem mellis infundere, & rudicula miscere, donec similis croco color fiat, eoque illinere. Quidam ad eundem usum deco-
 C c 2 quere

† Æginet. IV, 81. VI, 85. Aëtius Tetrab. IV. Serm. II, c. 74.

quere simul malunt, cum paria pondera
 aluminis aridi & mellis miscuerunt Si
 hac ratione ea non exciderunt, excidenda
 sunt: deinde digiti fovendi aqua ex ver-
 benis, imponendumque super medicamen- 5
 tum ita factum: chalcitis, malicorium,
 squama æris excipiuntur fico pingui levi-
 ter cocta & melle; aut chartæ combustæ,
 auripigmenti, sulphuris ignem non exper-
 ti par modus cerato miscetur ex myrteo 10
 facto; aut æruginis rasæ p. i. *. squamæ
 æris p. ii. *. mellis cyatho coguntur; aut
 pares portiones miscentur, saxi calcis,
 chalcitidis, auripigmenti. Quicquid ho-
 rum impositum est, tegendum linteolo a- 15
 qua madefacto est. Tertio die digitus re-
 solvendus, &, si quid aridi est, iterum ex-
 cidendum, similisque adhibenda curatio
 est. Si non vincitur, purgandum est scal-
 pello, tenuibusque ferramentis adurendum, 20
 &, sicut reliqua usta, curandum.

At, ubi scabri ungues sunt, circum ape-
 riri debent, qua corpus contingunt: tum
 super eos ex hac compositione aliquid im-
 poni; sandarachæ, sulphuris, singulorum 25
 p. ii. * nitri, auripigmenti, singulorum
 p. iv. *. resinæ liquidæ p. viii. *. tertio-
 que id die resolvendum est. Sub quo me-
 dicamento vitiosi ungues cadunt, & in eo-
 rum locum meliores renascuntur. 30

1 Aëtius Tetrab. IV. Serm. II. c. 79.





